




1594





~~ZD3~~

ZG 4

12

J. v. Schlosser, Kunstliteratur.  
p. 383, 384

The famous book on  
"orthodox" imagery.

20 f. 1599

*Desmanot*





DE HISTORIA  
SS. IMAGINVM  
ET PICTVRARVM PRO  
VERO EARVM VSV CON-  
TRA ABVSVS.

LIBRI IV.

AVCTORE

IOANNE MOLANO *Regio Theologo*  
& *Cine Louanienfi.*



LOVANII,

*Apud Ioannem Bogardum, Typographum*  
*juratum, Anno clc. la. xciii.*

22 MAGNI 147

© 1974 BY THE UNIVERSITY OF CHICAGO

47 Y 2 Y 2 A 4 4 5

1841

380537

ОБЩЕСТВО СЪЗДАТЕЛЕЙ  
ОБЩЕСТВЕННЫХЪ

JIM AYOI

*[Faint handwritten notes at the bottom of the page]*

REVERENDO  
IN CHRISTO PATRI AC  
DOMINO, DN. IACOBO DE  
MARQVAIS, D. MARTINI TOR-  
naci religiosissimo dignissi-  
moq; Abbati.



*Acrarum imaginum verum  
& legitimum vsum, Reue-  
rende Domine, quem hoc  
opusculo quod proferimus,  
eximius nostræ huius olim  
Academiæ Theologus, Dn.*

*Iohannes Molanus eleganter copioseque com-  
probavit; & quo nihil prius, nihil habet anti-  
quius Catholica Christi Ecclesia; Græci primum  
Imperatores, tertius & quartus Leones, &  
quintus Constantinus in controuersiam vocaue-  
runt: quando apud Ephesum coacta synodo,  
Præsides Photio hæretico, nefarios aduersus ve-  
nerandas imagines ab Episcopis illius temporis  
edi canones iusserunt. Quam illorum execran-  
dam impietatem D. Iohannes Damascenus, in  
secundo aduersus Iconomastigas libro insecta-  
tus est, in hæc verba scribens: In dogmatibus  
& dispositionibus ecclesiasticis, non est Impe-  
ratorum*

ratorum ut leges ponāt, sed accipiant. Pastori-  
 bus verò & Doctōribus mandatum est, ut  
 ecclesiasticæ rei ordinem non ad Imperatorum  
 arbitrium, sed ad rectæ fidei normam præscri-  
 bant. Idcirco Imperatores illi, qui pastorem  
 atque adeo apostolicam functionem inuaserāt,  
 ecclesiæ catholicæ iudicio tamquā prædones &  
 latrones condemnati fuerunt. Et Leo quidem à  
 tertio Gregorio Pontifice, imperio & commu-  
 nione fidelium priuatus est: Constātinus autem,  
 diuino iudicio, fædo elephātiæ correptus morbo,  
 periit. Illis è medio sublati, cū Iconomachicum  
 illud bellum paulisper deferbuiſſet, Episcopi ple-  
 rique pœnitentes, qui nefando concilio interfue-  
 rant; errorem illum suum in posterioris Nicenæ  
 synodi actione prima abiurasse describuntur.  
 Sed hos cineres dudum sepulti erroris, nostræ  
 ætatis Sectarij denuò excitauerūt; qui in Gallias  
 primum; tum in hoc nostrum infelix & attri-  
 tum Belgium Iconomachiam nuper inuexerūt,  
 innumera alia damna ac veluti lernam quan-  
 dam malorum secum trahentem: quia nihil  
 scelestius, nihil à diuinarum scripturarum au-  
 thoritate, nihil ab omni vetustate, nihil à sana  
 rectæque rationis iudicio magis alienum potuit  
 pro-



proferri. Quidni enim illorum habeamus imagines quorum nobis est & esse semper debet suavis & periucunda memoria? Tiberium Cæsarem scribit in Apologetico Tertullianus in Larario suo Christum habuisse in tabula ad vinum expressum: quæ illum effigies mirificè semper afficiebat. Habuit & Abagarus Edessæ Rex, ab ipso Christo cum eipstola sibi transmissam imaginem: qua accepta (sicut Volaterranus refert) corporis atque animi incolumitatē mox recuperavit. Et Mulieris illius hæmorrhoißæ à Christo in Cæsarea Philippi curatæ, quis non probet illam pietatem, qua ob receptam diuinitus sanitatem, ex ære fusam Christi statuam pro foribus suis figurauit, habitu viri, stola comitè circumdanti & porrigentis dexteram Mulieri veluti genibus prouolutæ, ac palmas suppliciter tendenti? Nam Christus ipse statuam hanc illustri miraculo ita celebrè reddidit; ut sub eius basi succrescentem herbam, mox ubi fimbriam ærei illius indumenti attigisset, ad morborum omnium curationem reddiderit efficacem. Quid referam de Virginis Deiparæ à D. Luca depictis & hætenus religiosè asservatis imaginibus? Quid, de diuorum Petri & Pauli picturis, quas commemorant

Euseb. lib.  
7. histor.  
cap. 14.

Euseb. lib.  
4 histor. c.  
14. Aug. de  
consensu  
euang. lib.  
1. cap 10.  
Æneas  
Silvius in  
histor.  
Bohemorū.

Eusebius & Augustinus? Ipsi heretici qui bellū  
statuis mutis & imaginibus indixerūt, Luthē-  
ri sui, VViclefi, Caluini, & Gusca Bohemorum  
Ducis, qui vt nomē sibi compararet, ē corio suo  
tympanū fieri præcepit, effigies in pretio habent,  
& cū summa veneratione asseruant. Eas igitur  
imagines quæ Christi beneficia exprimunt, quæ  
honestam amoris erga Diuorū memorias habēt  
testificationem, & quorum aspectu atq; vsu ad  
illorum prouocamur imitationem, quos veluti  
heroēs & principes viros suspicimus, quidni li-  
brorum loco habeant & retineant Christiani? ē  
quibus cuiusmodi à nobis vitam exigat Deus,  
quos mores, quā ardentē zelum, quā veracem  
& viuam fidē, multo efficacius multoq; expe-  
ditius docetur, quā editis ac scriptis libris. Testē  
profero Nyssenum Gregorium virū clarissimū;  
qui in oratione pathetica de pictura quæ Isaac  
immolationem exprimebat, ita scripsit: Vidi sæ-  
pius inscriptionis imaginem, & sine lacrymis  
trāsire non potui; cū tā efficaciter rem gestam  
ob oculos poneret. Hic igitur verus imaginum  
apud Catholicos est vsus; & huc pertinuit Mo-  
lani nostri indefessus labor; quem in cōscribēdis  
primū, ac non multo ante mortem suam in re-  
cognoſcen-

# DEDICATORIA.

cognoscendis quatuor hisce de picturis & imaginibus libellis manu propria scribendo exantlanit; ut de vnaquaque pictura quid velit, quid denotet, quem usum habeat, disertè exponat. Hos ego à priori editione usque adeo discrepantes, ut penitus alijs ac multo locupletiores ab ijs qui olim editi sunt, videri debeant, iam tandem prælo subijci curavi. Quos etiam T<sup>e</sup> R<sup>dæ</sup> P. inscribere mihi visum fuit; non tantum ut necessitudinis illius quæ à paucis retro annis tecum mihi intercessit, hoc veluti symbolum depromam; sed ut Molanum quem coluisti viuentem, in hoc posthumo foetu suo agnoscas; & tuæ præterea eruditionis atque autoritatis patrocinio tuearis. Quod superest, R. P. T<sup>am</sup> opto in Christo bene semper valere. Louanio Idibus Martijs. Anno 1594.

R<sup>dæ</sup> P. T. studiosiss.

Henricus Cuyckius.

# S V M M A R I V M   L I - B R O R V M.

**L** I B E R primus est oratio contra iconomachos, dicta Louanij in Scholis Artium, Anno 1568.

Liber II. est instructio quædam Catholicorum de vitandis abusibus, vbi significationes etiam obscuriores explicantur.

Libro III. idem particulatim agitur, discurrendo per XII. anni menses, & natales Sanctorum.

Libro IV. quædam notantur circa festa mobilia, & communia Sanctorum.

## I N D E X   C A P I T V M

### L I B R I   P R I M I.

- P** Ræfatio. Cap. 1.  
 Quàm in Oriente apertam originẽ habuerit, quemq;  
 progressum, sacrarum imaginũ deuastatio. cap. 2.  
 Quà diligentia à Romanæ Ecclesiæ Pontificibus icono-  
 machia sit refutata, ac tandem in Oriente extincta.  
cap. 3.  
 Quàm multos habuerit Romana & Catholica Ecclesia  
 filios, qui zelum suum pro Catholico dogmate poste-  
 ritati plurimum commendauerunt. cap. 4.  
 Quàm multa sint quæ nos in sacrarum imaginum legiti-  
 mo vsu, hætenus ab Ecclesia Catholica vsurpato, me-  
 ritò contineant. cap. 5.

### *Capita Libri II.*

- P** Ræfatio. cap. 1.  
 Quod in libris prohibetur, prohibendum etiam esse  
 in picturis, quæ sunt idiotarum libri. cap. 2.  
 Defenduntur & explicantur imagines sacrosanctæ Tri-  
 nitatis. cap. 3.  
 Reijciuntur quædam imagines superbenedictæ Trinita-  
 tis. cap. 4.  
Picturæ

- Picturæ quas nobis veneranda antiquitas commendat  
omni honore sunt suscipiendæ. cap. 5.
- Recensentur exempla vetustatis de imaginibus Christi.  
cap. 6.
- Exempla imaginum S. Crucis. cap. 7.
- Exempla antiquitatis imaginum Spiritus sancti. cap. 8.
- Imagines Deiparæ Virginis Mariæ. cap. 9.
- Imagines angelorum ex vetustate observatæ. cap. 10.
- Veteres picturæ Ioannis Baptistæ. cap. 11.
- Antiquæ picturæ Patriarcharum & Prophetarum. cap. 12.
- Exempla antiquitatis de imaginibus Apostolorum. cap. 13.
- Martyrum vetustæ aliquot imagines cōmendantur. cap. 14.
- De Confessorum picturis. cap. 15.
- De artificiosissima pictura Euphemie. cap. 16.
- Inter antiquas picturas eas potissimum observandas esse,  
quæ nos ad peccatorum detestationem ipso visu mo-  
uent. cap. 17.
- Eas imagines amplectendas esse quæ solidæ innituntur  
historiæ. cap. 18.
- Non est reprehendendum si quid convenienter in pictura  
exprimatur, quod in historica narratione deest. cap. 19.
- Sicut in parabolis, sic neque in picturis omnium quæren-  
dam esse significationem. cap. 20.
- In imaginibus, tametsi sint idiotarum libri, multa tamen  
metaphoricè & allegoricè rectè pingi. cap. 21.
- Dæmonum metaphorica pictura explicatur. cap. 22.
- Non esse statuendas imagines quæ periculosi erroris oc-  
casionem rudibus præbent. cap. 23.
- In corrigendis imaginum abusibus nihil priuata auctori-  
tate attentandum, sed zelus discretionis condiendus  
est. cap. 24.
- Nullam periculosi erroris imaginem haberi in Ecclesia.  
cap. 25.
- De imagine duodecim signorum quæ ante ephemerides  
ponitur. cap. 26.
- Puerperium B. Virginis decumbentis & agrotantis, non  
esse



- esse pingendum. cap. 27.  
 Circa imagines quę errorem continent non periculosum,  
 quid tolerandum cauendumque sit. cap. 28.  
 In picturis corrigendas aliquando esse non picturas ipsas,  
 sed earum significationes. cap. 29.  
 Multa in picturis & imaginibus esse toleranda, quę pro-  
 babilia sunt apud doctos quosdam aut vulgum. cap. 30.  
 De eodem argumento agitur capitibus 31. 32.  
 Superstitionem omnem tollendam esse in imaginum sa-  
 crarum circumgestatione. cap. 33.  
 Imaginum in supplicationibus circumgestatio à supersti-  
 tione contra hæreticos defenditur. cap. 34.  
 De superstitionibus cauendis vltius differitur. cap. 35.  
 Citra superstitionem vnā Sancti imaginem præ alia  
 eiusdem celebriorem esse, neque audiendos hic esse hæ-  
 reticos. cap. 36.  
 Lasciuia omnē vitandā esse in sacris imaginibus. cap. 37.  
 Prophana non esse sacris imaginibus admiscenda, nec in  
 templis, nec in monasterijs. cap. 38.  
 Sanctorum imaginibus non profanè & ethnicè, sed reli-  
 giosè altaria exornari. cap. 39.  
 Imagines Sanctorum rectè auro & argento tegi, & co-  
 ronis vel pretiosis vestibus exornari. cap. 40.  
 Quædam per se vilia, fides efficit pretiosa: inter quæ est  
 luminarium vsus. cap. 41.  
 In picturis cauendum esse quidquid ad libidinem pro-  
 uocat. cap. 42.  
 Imagines à nimia vetustate, situ ac sordibus conseruan-  
 das esse. cap. 43.  
 In imaginibus collocandis habendam esse rationem loci.  
 cap. 44.  
 De sacris imaginibus in vijs publicis, nauibus, libris &  
 poculis. cap. 45.  
 Non anxie laborandum esse quo ordine sanctorum ima-  
 gines collocentur, & quod Paulus rectè ponatur a  
 dextris D. Petri. cap. 46.  
 Nouitas

- Nouitas omnis diligenter est in picturis examinanda, antequam approbetur. cap. 47.
- Quàm latè se extendat sacrarum imaginum appellatio. cap. 48.
- Habendam esse rationem eorum quæ ad sacras imagines reducuntur. cap. 49.
- Donaria & imagines brachiorum, pedum, & similium, in memoriam reſtitutæ sanitatis, rectè & peruetusto more in Ecclesijs suspendi. cap. 50.
- De statua vxoris Loth, obsidione Ierusalem ab Ezechiele depicta, & peccati imagine quam Zacharias vidit. cap. 51.
- Multitudinem sacrarum imaginum non esse referendam inter abusum. cap. 52.
- Nomina vtiliter adscribi in Sanctorum imaginibus minus notis. cap. 53.
- Refutantur quædam ab Erasmo Rotterodamo scripta de sacris imaginibus. cap. 54.
- Contra eundem. cap. 55.
- Veteres Christum, Deiparam, ac alios sanctos depinxisse in ea effigie quam viuentes habuerunt. cap. 56.
- Quod ethnica picturæ non debeant Christianis placere. cap. 57.
- Hæreticorum effigies non esse conseruandas. cap. 58.
- De falsorum Deorum & Philosophorum picturis qui scripserint. cap. 59.
- Imagines ethicas quas Pagani habuerunt, vtiliter à nobis conseruari. cap. 60.
- Ecclesiam non conuertisse schemata virtutum in fictitios sanctos. cap. 61.
- De ijs qui parentum & maiorum, vel suarum etiam imagines exprimi cupiunt. cap. 62.
- De inscriptione nummorum. cap. 63.
- De statu principum, potissimum Constantini Magni. cap. 64.
- De clementia piorum Imperatorum in eos qui statuas eorum

eorum euerterunt, aut læserunt.	cap. 65.
Pictura coronationis Lotharij 3. malè intellecta.	cap. 66.
Romæ rariores esse sanctorum statuas, quæ apud Belgas sunt celebriores, quodque hæc diuersitas non sit reprehendenda.	cap. 67.
Quod sacræ statuæ nec sculptilia appellandæ sint, nec simulacra.	cap. 68.
Qui de arte pictoria scripserint.	cap. 69.
Contra blasphemias hæreticorum picturas.	cap. 70.
Admonitio ad pictores de non pingendo diebus sacris.	cap. 71.

*Libri III. Capita.**Mense Ianuario.*

<b>N</b> Omen Iesu rectè pingi in radijs solaribus.	cap. 1.
Pictura S. Genouesæ.	cap. 2.
De picturis triū magorum in Epiphania Domini.	cap. 3.
De buxea veste Paulli primi eremitæ.	cap. 4.
De picturis D. Anthonij.	cap. 5.
De pictura Fabiani, Sebastiani & Agnetis.	cap. 6.

*Mense Febuario.*

De imagine Ignatij.	cap. 7.
---------------------	---------

*Mense Martio.*

De pictura Thomæ Aquinatis.	cap. 8.
Explicatio picturarum Gregorij Pontificis.	cap. 9.
Patritius cur pingatur serpentes conculcans.	cap. 10.
Gertrudis quare cum muribus pingatur.	cap. 11.
De picturis Ioseph.	cap. 12.
Obseruatio circa historiam annunciationis Dominicæ.	cap. 13.

*Mense Aprili.*

De armatura equestri B. Georgij.	cap. 14.
Marcus cur cum leone pingatur.	cap. 15.

*Maior Mense.*

Iacobum non esse pingendum facie Christo simillimum.	cap. 16.
De forma crucis Dominicæ.	cap. 17.

Bernar-



# I N D E X.

Bernardinus cur in manu gestet Solem cum nomine Iesu.  
cap. 18.

Vrbanus Pont. quare cum vite pingatur. cap. 19.

## Mense Iunio.

Ioannis baptistæ picturæ cum exuijs & agno. cap. 20.

Picturæ quædam principum Apostolorum Petri & Paulli.  
cap. 21.

Annotatio in crucifixionem Petri principis Apostolorum.  
cap. 22.

Annotatio ad Decollationem Paulli Doctoris Gentium.  
cap. 23.

Paullus quibus de caussis à dextris Petri sæpe pingatur.  
cap. 24.

## Mense Iulio.

Mariam Magdalenam absque vestium pompa pingendam.  
cap. 25.

De pictura Iacobi Zebedæi. cap. 26.

Christophori pictura multipliciter discutitur. cap. 27.

De familia S. Annæ depicta. cap. 28.

Martha cur cum aspergillo ponatur. cap. 29.

## Mense Augusto.

Laurentij imago quàm conuenienter nummis imprimitur.  
cap. 30.

Pictura Claræ cum S. Eucharistia. cap. 31.

Assumptio B. Mariæ vt pingatur. cap. 32.

Cur Maria cum serpente sub pedibus pingatur. cap. 33.

De pictura S. Helenæ. cap. 34.

De imaginibus S. Barptolomæi. cap. 35.

De picturis S. Augustini. cap. 36.

## In Septembri.

Pictura B. A Egidij examinatur. cap. 37.

Imagines D. Hadriani. cap. 38.

Imagines S. Michaëlis archangeli. cap. 39.

De pictura angelorum; & cur statuarum eorum altaribus apponantur. cap. 40.

De eadem. cap. 41.

De pictu-

De picturis B. Hieronymi.	cap. 42.
Mense Octobri.	
De stigmatibus B. Francisci.	cap. 43.
Cur Dionysius Areop. caput manu gestet.	cap. 44.
De pictura Quinctini & V Volsangi.	cap. 45.
In Nouembri.	
De numero coronatorum martyrum.	cap. 46.
Pictura B. Martini vestem suam scindentis.	cap. 47.
Pictura Helizabeth cum tribus coronis.	cap. 48.
In præsentationis B. Mariæ picturam.	cap. 49.
De B. Catharinæ imagine.	cap. 50.
De cruce S. Andreae.	cap. 51.
Mense Decembri.	
De malleo S. Eligij & calice S. Barbaræ.	cap. 52.
De picturis S. Nicolai.	cap. 53.
Cur Ambrosius cum flagello pingatur.	cap. 54.
De pictura Conceptionis B. Mariæ.	cap. 55.
De situ S. Thomæ inter Apostolos.	cap. 56.
In picturam Natiuitatis Christi.	cap. 57.
De picturis Ioannis Euangelistæ.	cap. 58.
De pictura Sabini Episcopi Spoletini.	cap. 59.

*Libri I V. Capita.*

<b>D</b> E vultu Christi.	cap. 1.
De vultu Christi sancto qui Romæ asseruatur.	cap. 2.
Annotatio ad historiam Christi in horto existentis.	cap. 3.
In picturam crucifixionis Christi.	cap. 4.
De forma crucis Christi.	cap. 5.
De numero clauorum.	cap. 6.
De corona Christi in cruce pendentis.	cap. 7.
De lapsu B. Virginis sub cruce.	cap. 8.
Latronem bonum à dextris Christi ponendum.	cap. 9.
De clauis latronum.	cap. 10.
Cur nonnulli pingant sub cruce Adæ caluariam.	cap. 11.
In Christum de cruce depositum obseruationes, vbi de errore Ferentinatum.	cap. 12.

Annotatio in picturas resurrectionis Christi.	cap. 13.
De pictura adscensionis Christi.	cap. 14.
Annotatio in Pentecostes seu Spiritus sancti festum.	cap. 15.
De pictura sacrosanctæ Trinitatis.	cap. 16.
In festum corporis Christi picturarum observatio.	cap. 17.
De ludis qui speciem quamdam imaginum habent.	cap. 18.
Annotatio in picturas fugæ Christi in Aegyptum.	cap. 19.
In nuptijs Canæ, nec Ioannem pingendum sponsum, nec Magdalenam sponsam.	cap. 20.
De diabolo Christum tentante.	cap. 21.
De imagine mysteriorum Passionis Domini.	cap. 22.
In historiam Lazari & diuitis epulonis depictam, ob- servatio.	cap. 23.
De picturâ extremi iudicii.	cap. 24.
In picturam Mosi & decalogi.	cap. 25.
De communi Sanctorum pictura.	cap. 26.
De communi Apostolorum pictura.	cap. 27.
Iacobum fratrem Domini non esse pingendum extra nu- merum duodecim.	cap. 28.
De communi Episcoporum pictura.	cap. 29.
De communi Doctorum & Confessorum.	cap. 30.
De corona Virginum.	cap. 31.
Conclusio operis.	cap. 32.

SACRA

# SACRARVM IMAGINVM VTILITATES.

- |  |   |   |          |
|--|---|---|----------|
| Vtilis est sa-<br>crarum ima-<br>ginum vsus. | { | 1. Doctrina   | } causa. |
|  |   | 2. Memoria  |          |
|  |   | 3. Confessionis fidei causa.                            |          |
|  |   | 4. Quia signa sunt charitatis erga Christum.            |          |
|  |   | 5. Imitationis  | } causa. |
|  |   | 6. Inuocationis   |          |
|  |   | 7. Honoris Dei  |          |
|  |   | 8. Ob haereses ipso facto reprimendas.                  |          |
|  |   | 9. Ob fidelium dum in templis sunt exercita-<br>tionem. |          |
|  |   | 10. Ob futurae vitae representationem.                  |          |

Has decem vtilitates explicat Dn. Sanderus libro 1. de honoraria imaginum adoratione, Cap. 8.

*Epiphanius in Actis secundae Synodi Nicenae.*

Non solum Passiones Martyrum nos instituunt, sed & contextus, & scriptum de illorum Passionibus: **P I C T V-  
R A Q V A** idem indicans. Simili modo & annua illorum memoria.

**E**Ximij & clarissimi viri Dn. & M. N.  
Iohannis Molani de picturis & imaginibus opusculum praeo dignum censeo.

Henricus Cuyckius Pon-  
tificius & Regius li-  
brorum Censor.

DE HI-

DE  
HISTORIA  
SS. IMAGINVM ET  
PICTVRARVM

LIBER PRIMVS,

*Qui est*

*Oratio contra Iconomachos, habita in Scholis  
Artium Louanij, Anno 1568.*

PRAEFATIO. CAPVT I.



Vod olim, vt Irenæus refert, <sup>Apud Euseb. lib. 5. cap. 19.</sup> dicere solet S. Martyr Polycarpus: Deus bone, in quæ me tempora reseruasti! id, Auditores humanissimi, pariterq; doctissimi, multò iustiùs nos ad nostra tempora referamus. Nunc enim multorum charitas refrigescit, bonorum morum corruptela viget, & indies magis magisque vires accipit, fidèi integritas perfidia profanatur: imò contra omnia pœnè religionis & fidèi nostræ mysteria, quantumcunque manifesta, à disiectis etiam inter sese sectarijs bellum indicitur. Atqui nōne prædicta Martyris verba iustissimè à nobis repeterentur, etiam si



vel sola nos contristaret rabida nostræ ætatis iconomachorum barbaries? Neque enim audimus tantum, quid in adiacentibus regnis, populosissimisque ditionibus egerint: sed eorundem furibundam rabiem, nos etiam Belgæ, sub Catholico potentissimoq; Principe, in patrijs locis ferre coacti sumus, & intueri, non in sacras tantum picturas, venerandasq; imagines; sed in Dei quoque altaria & monasteria; in Sanctorum reliquias & pignora, atque in augustissimum & tremendum nostræ religionis Sacramentum.

Quod autem attinet ad questionem præsentem, vtrum sacrarum imaginum vsus legitimus sit retinendus, multa in eius decisionem adferenda forent, si pro amplitudine sua absolueda esset. Complectitur enim duas partes: quarum neutra, si quæ dicenda forent adferrentur, vnius orationis spatio absolueretur. Vna est, contra iconomachorum perfidiam, De legitimo sacrarum imaginum vsu retinendo. Altera verò, est contra Catholicorum quorundam imperitiam aut negligentiam, De vitædo abusu, siue illegitimo vsu, earundem. Vtriusque enim curam diligentem haberi voluit sacrosancta Synodus Tridentina. Vnde cùm præmisisset decreta de imaginum debita veneratione contra earum oppugnatores, subiecit: In has sanctas & salutes obseruationes, si qui abusus irrepsierint, eos prorsus aboleri sancta Syno-

Synodus vehementer cupit, ita vt nullæ falsi dogmatis imagines, & rudibus periculosi erroris occasionem præbentes, statuuntur.

Cùm itaque contra iconoclastas sacrarum imaginum vsum multi doctissimi viri absolutissimis suis lucubrationibus defenderint: de abusibus verò, nullius, quod sciam, exstet aue liber, aut iustus tractatus, maluissem pro posterioris partis dilucidatione, tractare, An imagines quæ suis prototypis non respondent, tollendæ sint, aut mutandæ? Sed quia libentius, & fortassis vtilius, ea audiuntur, quæ præsentì temporì magis sunt accommodata, putavi me omnium vestrum expectationi non facturum satis, si contra præsentium temporum iconomachiam, nihil in medium adferrem. Cùm igitur vtriusque partis tractationem vna Oratio non admittat, nos posteriorem seponentes, vt temporì seruiamus, de priori quædam, concisè tamen & succinctè, dicturi sumus. Et primùm quidem, Quàm in Oriente apertam habuerit originem, quemq; progressum, sacrarum imaginum deuastatio, quam Græco, sed vsitato vocabulo iconomachiam dicimus. Deinde, Qua diligentia à Romana Ecclesia eadem sit refutata, ac tandem in Oriente exstincta. Tertiò verò ac postremò, ex ijs quæ dicta aut indicata erunt, colligam, Quàm multa sint, quæ nos in sacrarum imaginum vsu legitimo, hætenus ab Ecclesia Catholica vsurpato, continere debeant.

*Quàm in Oriente apertam originem habuerit,  
quemque progressum, sacrarum ima-  
ginum deuastatio.*

## CAPVT II.

**I**Conomachia originem suam habet ab amplissimo & florentissimo Orientis imperio. Id enim, cum ad supremum dignitatis fastigium deuenisset, non diu permansit in eo quem habebat fulgore, sed sensim inclinatum est diuturna illa ambitione, qua se contra Romanam Ecclesiam, aliarum omnium matrem, erexit. Voluit enim patriarcham suum Constantino-  
polis (que tunc noua quoque Roma dicebatur) vniuersalis patriarchæ titulo insigniri: voluit nouæ Romæ Patriarcham eiusdem omnino potestatis esse cum veteris Romæ Pontifice maximo. Quam ob rem cum moneretur, & doceretur à Leone ter sancto, Gregorio Magno, alijsque plurimis clarissimis vrbis Romæ Pontificibus, nec manifestissimæ veritati cæcum suum superbumque iudicium, atque typhum submitteret, ex pertinacissimæ ambitionis malo natus est error Monothelitarum: quem sexta Synodus œcumenica refutauit. Atq; ex hisce initijs mox prodijt iconoclastarum furor in sacras imagines. Qui non solum fidem imperij, sed (quod filii huius sæculi maius iudicant) ipsum quoque tam vastum imperium, ambitione incli-



ne inclinatum & fractum, non modò perdidit, non modò exstinxit, sed etiam ex Christi regno quondam Christianissimo, regnum fecit Antichristi, regnū Saracenorū & Turcarum, qui in feritate sua aduersus Christi nomē confidunt, & pro capite habent capitalem & iuratum omnium nostrū hostem. Quomodo autem Iconomachia Orientem inuaserit, breuiter dicamus. Scribit in Chronicis Sigebertus, Philippicum, anno 712. iugulasse Iustinianum Imperatorem, & imperium ipsius occupasse. Occupato autem imperio, cū Monothelita esset, noluit sextam Synodum recipere: sed, vt habet Paulus Diaconus, ad Constantinū Papam prauī dogmatis litteras direxit. Hac quoque occasione picturam sanctarum sex Synodorum vniuersalium, quæ in Vrbe regia habebatur, iussit deleri, & Sanctorum statuas & imagines ex omnibus templis eradi. Cyrum catholicum patriarcham ex vrbe eiecit, surrogatque ei Ioannem, Monothelitam & iconomachum. Videtis vt error errorem trahat. Philippicum, cū biennio imperium gessisset, Anastasius, fautor catholicæ fidei & sancti sexti Concilij prædicator, regno expulit, oculisque priuauit. Hic verò, cū primo imperij sui euoluto anno, classē in Alexandriam contra Saracenos dirigeret, medio itinere ab exercitu deponitur, & ab eodem Theodosius in imperio coactus successor confirmatur. Mox

verò vt regnum accepit, picturam sex Synodorum à Philippico deiectam, pristinum in locū erexit. Refert ista Paulus V Varnefridus diaconus Aquileiēsis (quem Caroli Magni ætate floruisse notum est) libro sexto, de gestis Langobardorum Cap. 10. 11. & 12. & Beda Angli-  
saxo, libro de temporibus. At non diu durauit restituta religio. Octauo enim post mense Imperiū cogitur abdicare: & Leo tertius, qui patriā habuit Isauriā, dignitatē imperij, ait Zonaras, præter dignitatem consequitur. Cū Deo enim pugnat, & contra venerandas imagines insanit. Terribili rugitu venerandas imagines inuadit, grauissimamque persecutionem excitat, multos detestandę suę voluntati aduersos punit, & martyres facit.

Cap. 14.

Paulus quoque Diaconus lib. 6. historiæ Langobardicæ dicit, Leonem omnes Constanti-  
nopolitani habitantes compulisse, vt imagines Saluatoris nostri, sanctæ Genitricis & omnium Sanctorum, vbicunque haberentur, deponerent, easque in medio vrbs incendio concremandas adferrent. Et quia plerique tale scelus fieri præpediebant, aliquot ex eis capite truncatos, alios alia parte corporis multatos esse. Nec minora de eius sauitie scribit Ioānes Hierosolymitanus patriarcha, in vita Ioannis Damasceni: Vir ille, inquit, vt sic dicā, manu fines orbis complectens, aduersus imagines & orthodoxæ Ecclesiæ multitudinem leonem agebat

Tom. 2.  
Aloysij.

bat rapientem & rugientem. Et imagines quidem furibundus exurebat; ipsarum verò cultores, partim rapiens & perdens, tyrannicæ impietatis dentibus miserabiliter dilacerabat, verè tam animo, quàm corpore leo; partim in diuersa suo rugitu fugabat. Atque adeo saueiebat, vt fideiur plerique in subterraneis speluncis sese occulerent: nonnulli etiam metu exterriti vsque in extremos orbis terminos procurrebant. Addamus his testimonium Nicephori, qui ante annos 700 sub Carolo Magno, fuit catholicus regie vrbs patriarcha. Is enim in Annalibus Constantinopolitanis, siue rerum Romanarum lib. 21. paucis quidem verbis, sed quorum quodque suum pòdus habet, eandem persecutionem catholicorum exprimit. Adeo, inquit, vt multi eorum pro veritate punirentur, membrorum detrùcationibus, & flagris, & exsilijs, & rerum iacturis; maximeque illi qui nobilitate ac verbo clari esse videbàtur: ita vt etiam eruditionum scholas, & piam eruditionem, à sanctæ memoriæ Constantino magno huc vsque seruata, exstingueret,

*Adiungitur Eutropio.*

Nec reticendum est id quod inter alia scribit Iuo Carnotensis Episcopus. Per illud, ait, tempus, Lipsanus Thracensium Prætor, sicubi in tota subdita sibi prouincia aliquid sanctarum comperit reliquiarum, igni combussit. Venundedit etiam omnes sanctos libros, & omnia sacra vasa, & eorum pretia Imperatori trāsmissit.

Multos denique monachorum interfecit, & quorundam orthodoxorum oculos eruit, & quorundam barbas oleo & cera perungens, ad ostentationem succendit, quosdam autem exilio relegauit. Quod cum Imperator didicisset, scripsit ei: Inueni te virum secundum cor meum. Hæc apud Thomam VValdensẽ refert Iuo Carnotensis, in Chronicorum libro; qui, quod sciam, nondum excusatus est, quamuis à Centurionibus Magdeburgensibus frequenter citetur. Aduertitis ex allatis testimonijs, Christiani Auditores, quorum patrum iconoclastæ nostri mensuras adimpleant, & magis quoque adimplerent, nisi catholicorum ad Dominum gemitus eos impediret.

Ab isto Leone, filius Constantinus Copronymus, quia paternæ impietatis æmulus erat, imperij collega assumitur: & cum patre imperat annis viginti & vno: post patrem verò, annis 35. Horum errori Germanus patriarcha non consentiens, à propria sede depulsus est: & in eius locum Anastasius Iconomachus intrusus. Qui totidem annis sedit patriarcha, quot Leo Imperator: hoc est, annis 24. Propter peccata enim populi, (diu) regnare facit Dominus hypocritas super terram. Quis verò sub huiusmodi capitibus fuerit plebis status, facile colligitur ex eo quod Sapiens ait, Secundum iudicem populi, sic & ministri eius. Et qualis Rector ciuitatis, tales & inhabitantes in ea.

Rex

In doctrinali sacramentalium.  
tit. 19. c.  
150.

Iob. 34.

Eccles. 10.

**Rex insipiens perdet populum suum.**

Moriēte Leone, Romanum imperium vnā cum paterna impietate ignominiosus eius filius Constantinus suscepit. qui Copronymus dictus est, quia cū in sacrosancta aqua mergeretur, excreuit. Hic patris improbitatem lōgo interuallo superare studuit. Delectatus est enim magicis maleficijs, & luxurijs, cruentisque sacrificijs, & dæmonum inuocationibus, similibusque sceleribus. Nec imagines tantū igni tradidit, sed Sanctorum quoque reliquias; & Sancti titulum, neque Deiparæ, neque vlli eorum qui Deo placuere, tribui iussit: sed dici voluit, Apostolus Petrus, Martyr Theodorus, & sic in ceteris. Anno 13. imperij sui, cōtra sanctas ac venerabiles imagines Concilium iniquū congregauit, multis episcopis sibi suffragatibus conuocatis, & per eos quicquid libuit decreuit, nemine vel ex veteri Roma, vel ex alijs patriarchis, aut ex catholicis sedibus præsente. Eumque concursum profanorum hominum, Synodum œcumenicam appellare non dubitauit. Sustulit multa orthodoxorum milia, præsertim monachorum, quorum mansiones partim incendit, partim destruxit, partim profanauit. Sed & Diuis Martyribus, alijsque Deo gratis, insultare non destitit, quos nihil posse assererat, eorumque intercessionem fidei præsidium appellabat. Narrationis huius authores sunt, Ioannes Zonaras tom. 3.



& Nicephorus patriarcha, Rerum Romanarum lib. 22.

Post Constātinum imperio potitus est filius eius Leo quartus, eodem impietatis morbo laborans, quo pater, & auus. Qui, teste Zonara, cum procures quosdam aulicos diuinas imagines adorantes deprehendisset, eos crudelissimè excruciatos, ignominiosoque spectaculo per forū circumductos, cum prius pilis nudasset, in prætorium inclusit: vbi eorum quidam animas suas in manu Domini deposuerūt. Huius quoque horrendum sacrilegium apud historicos celebre est, Byzantijs enim è Sophiæ templo abstulit gemmis onustam coronam à Mauritio principe olim Deo dicatam: cauillo vsus, Christum cuius templum illud esset, pauperiem non gemmas probasse.

Si cuiquam ista de hæcenus nominatis iconomachis non sufficiāt, audiat quid de eisdem habeat Synodi Nicenæ secundæ Actio sexta. Continuum crudelitatem & ipsi principes, duces, & falsi episcopi, exercuerunt. Sed quam lingua calamitatem istam poterit exprimere? Nam quot terrores, persecutiones per omnes ciuitates, custodiæ, monachorum flagellationes, carceres, multis his annis exstiterē? Taceo pēdicas, catenis ligatos pedes, sacrorum vasorum ablationem, librorum exustionē, sanctorū templorum profanationes, sanctorum monasteriorum in mundana hospitia & habitacula transla-

trāslationes, quòd scilicet in ijs pietatis & religionis studiosi viri habitaret. Post raptum substantiæ & bonorum, transmigrations in barbaras nationes, existimantiū se posse Apostolicè, meliorem vitam inter gentes, quàm apud suos, ducere. Et, quod omnium gravissimum est, in hunc vsque diem prophanatio ista ministeriorum apud quosdam aduc manet. Et pro sacris hymnis & voce lætitiæ, in tabernaculis iustorum cantica meretricia, & Satanicæ melodix audiuntur: & pro geniculationibus salutationes theatrales celebrantur. His adijce, pericula, turbationes, vexationes, verbera, pœnas, oculorum extritiones, narium amputationes, linguarum abscissiones, inhonestas fugas, & exsilia piorum, qui per omnem terram dispersi sunt: sanctarum facierum adustiones, barbæ vellicationes adustionesque, Virginum, postquam Christo dedicatæ fuerant, impias & violentas nuptias; & quod vehementissimum est malorum, cædes. Hi sunt fructus horum hominum, qui contra veritatem insurgunt. Hactenus Synodus.

Leone quarto post quadriennium moriente, catholici nonnihil respirarunt sub vidua eius Irene, muliere pientissima: & filio eius Constantino. Quorum imperij anno nono, Niceæ celebrata est Septima Synodus. Post hos, id quod de imperio in Oriente reliquum fuit, ex ordine rexerunt paucis orthodoxis inter-

interuenientibus, Nicephorus, Stauratius, Leo quintus, Michaël Balbus, & Theophilus, omnes iconomachi, portenta potius quàm principes.

*Qua diligentia à Romana Ecclesiæ Pontificibus iconomachia sit refutata, ac tandem in Oriente extincta.*

## CAPVT III.

Lib. 6.

Hist. Lang.

cap. 11.

**S**Ed nunc ex Oriente in Occidentem redeūtes, paululum intueamur, quomodo contra istorum barbariem, Romanæ Ecclesiæ firma & solida petra fratres suos confirmauerit. Philippico primo iconomacho imperante, Romanæ Ecclesiæ præfuit Constantinus, qui pro imaginibus primam celebrauit synodum Romanam. Litteras enim, Diacono teste, falsi dogmatis à Philippico directas, Apostolicæ sedis iudicio respuit. Picturam quoque sex synodorum, quam Philippicus iusserat deleri, ipse Romæ in porticu Sancti Petri iussit fieri. Veruit postremò Romano populo assentiente, hæretici Imperatoris nomen in publicis Missæ mysterijs recitari, & in publica moneta excudi, effigiemque eius de more in ecclesiam introduci. Constantino Pontifici successerunt Gregorius secundus iunior & Gregorius tertius. Qui non minora pro sacris imaginibus ausi sunt. Hac enim de causa, vt Hadrianus

In 7. syn.

act. 2.

Papa



Papa Constantino Augusto scribit, vterque Gregorius Romani Pontifices per ea tempora sanctissimi, in magnam tribulationem cōiecti sunt. Sæpius etiam, addit, proauum vestræ serenitatis (Leonem videlicet) admonuerunt, ne fineret venerandas imagines de statu suo deiici. Verùm illius salutiferę preces ne quidquam fuxæ sunt, animumque illius haud quidquam commouerunt. Idem quoque Hadrianus, in scripto de imaginibus, dicit Dñ. Gregorium secundum, in Concilio 79. episcoporum præsedisse, ante Confessionem B. Petri, & in eorū Concilio multorum sanctorum Patrum testimonijs allatis, sancitum esse, venerandas & adorandas esse sacras imagines. Anastasius verò Bibliothecarius scribit in Pontificali, Gregorium hunc, cū Leo profanas suas iussiones in Italiam dirigeret, scripsisse vbique Christianis, vt exortam impietatem & hæresim cauerent. Præterea, vt Nicephorus testatur, scripsit ad Leonem dogmatica epistola, non oportere Imperatorem de fide verbum facere; & nouitate violare antiqua dogmata Ecclesiæ Catholicæ, quæ à sanctis patribus sunt tradita. Addit deinde, sanctissimum hunc & Apostolicum virum, verbo & actu coruscum, remouisse Romanam & Italiam ab obedientia Leonis & imperij sub ipso constituti. Nec tamen facilis fuit Pontifex ad istam exemptionem. Refert enim Zonaras, Gregorium, antequā Imperatorem cum

*Reuocet  
Rom. lib.  
21.*

cum sequeacibus synodico anathemate obstringeret; & vectigalia, quæ ad id usque tempus imperio pendebantur, inhiberet; prius sæpe dedisse operâ, vt Leonem per litteras ab odio Dei reuocaret, atque ad cultum sacrarum imaginum reduceret. Sed id, ait Zonaras, planè erat athiopem lauare. De Gregorio tertio, quo fidei ardore permotus synodico Constituto decreuit, & Leoni ac Constantino Augustis sæpius comminatoria scripta miserit pro erigendis imaginibus, habet in Pontificali Anastasius Bibliothecarius. Breuitatis causa nihil addo de icto per eum cum Francis fœdere. Successores habuit vterque Gregorius, Zachariâ, Stephanum, Paulum, & alterum Stephanum: qui, vt proximus eorum successor Hadrianus Constantino scribit, auum patremque serenitatis ipsius pro restitutione sanctarum imaginum sæpe interpellarunt, & vt in scripto de imaginibus asserit, pro sacrarum imaginum erectione in spiritu sancto feruentes, rectæ fidei zelum habuerunt. Porrò Stephanus postremus cum episcopis partium Franciæ & Italiæ, venerabile Cōcilium prædecessoris, sanctorum patrum testimonijs adhærendo, confirmauit.

Post hos Hadrianus primus, qui in tempora noui Constantini & nouæ Helenæ incidit, scripsit binas litteras pro sanctis imaginibus, vnas Augustis, alteras Patriarchæ Tharasio. Ad quarum lectionem à septima tota Synodo accla-

acclamatum est . Vniuersa sancta Synodus sic credit & sic docet . Sanctissimi Papæ veteris Romæ litteras sequimur, recipimus, approbamus . Eiusdem autoritate apud Nyceam Bithyniæ urbem, celebrata est secunda Nicena Synodus, quæ fuit anno 789. septima œcumenica, in qua catholicum dogma roboratum est multis patrum testimonijs, & omnium quæ obijciebantur dissolutione, atque saluberrima plenarij Concilij autoritate . Concilij ipsius definitio & conclusio est in septima Actione, Fatemur vnanimiter nos ecclesiasticas traditiones, siue scripto, siue consuetudine valentes & decretas retinere velle: quarum de numero est imaginũ effiguratio . Et inferius, Regia via incedêtes, & sanctorum ac diuinorum patrum doctrinæ insistentes, & catholicæ Ecclesiæ in qua Spiritus sanctus inhabitat traditionem obseruantes definimus, omni diligetia & cura venerandas & sanctas imagines in tēplis sanctis Dei collocandas, habēdasque &c. Huic fidei cōfessionī subscripserunt vicarij Romani Pontificis, & Episcopi 350. qui ex Græcia, Orientisquē tractu congregari aderant . Post subsignationem autem sancta Synodus inter reliqua exclamauit, Omnes sic credimus, omnes idem sapuimus, omnes approbantes subscripsimus, Hæc est fides Apostolorum, hæc est fides patrum, hæc est fides orthodoxorũ, hæc fides orbē terrarum confirmauit . Qui venerandas imagi-

nes idôla appellant, anáthema. Qui dicunt quod  
 imagines Christiani vt Deos adorent, anáthe-  
 ma. Rugienti conciliabulo contra venerandas  
 imagines, anáthema. Si quis has non salutaue-  
 rit in nomine Domini & Sâctorum eius, aná-  
 thema. Si quis traditiones Ecclesie, siue scripto,  
 siue consuetudine valentes, non curauerit, aná-  
 thema. Eiusmodi anathemata in iconomachos  
 habet quoque finis quintæ Actionis: quibus  
 ibidem subiungitur, Exstirpatores nuperæ opi-  
 nionis Domine conserua. Piam illis vitam Do-  
 mine tribue. Idem Hadrianus cùm hanc Nice-  
 nam synodum obscuri quidam homines ca-  
 lumnijs potius, quàm veris obiectionibus  
 oppugnarêt, ijs ad singula respondendo librum  
 conscripsit, cui titulus est, Scriptum de imagi-  
 nibus ad Carolum Magnum. Qui ab Iuone  
 Carnotensi episcopo frequētissimè citatur par-  
 te quarta decreti, & anno superiori typis ex-  
 cusus est Conciliorum tomo 3. Vnum porrò ex  
 scripti huius antepenultimo folio reticendum  
 non est. Interrogant illi, Vbi in sex synodali-  
 bus Concilijs iubeamur imagines facere, vel  
 factas adorare? Respōdet Hadrianus, Illi nobis  
 dicere debebant, in quali de ipsis sex synoda-  
 libus Concilijs reprehensæ sint sacræ imagines.  
 Enimverò, in primo sancto Concilio sapius  
 ostensum est, quia sanctus Syluester Papa, &  
 Constantinus Christianissimus Imperator ve-  
 nerati sunt sacras imagines, & palam coram  
 omni-

sp. 83.  
 6. 127-  
 l. 141. &  
 9.

omnibuseas ostenderunt. Et à tunc vsque hactenus sanctorum Pontificum, Syluestri, Marci & Iulij, miræ magnitudinis sanctæ Ecclesiæ apud nos sunt depictæ, tam in musiuo, quàm in cæteris historijs, cum sacris imaginibus. Refert deinde, quas Ecclesias quibus picturis ornauerint, Damasus, Celestinus, Leo & Vigilius, quorum auctoritate cõfirmata sunt generalia Cõcilia, 2. 3. 4. & 5. Addit deinde ex sexto Concilio testimonium pro imaginibus. Anno hoc sanctissimi Pontificis claro testimonio docemur, non tantùm septimæ œcumenicæ synodo, sed & omnibuseam antecedentibus, placuisse Catholicũ de sacris imaginibus dogma?

Hoc Pontifice moriente, sedem eius excepit Leo tertius, qui vt Dñ. Onuphrius, piæ memoriæ, in chronico Ecclesiastico annotauit, anno 800. cùm Imperij Romani maiestas, Barbaris sibi omnia vendicantibus, obsolesceret, nec in fœmina Eirene, Constantinopoli rerum potiente, quamuis altæ indolis, multum præsidij inesse videretur, Carolum Francorum & Langobardorum regē, ob egregia in Christianum nomen & Romanam sedem merita, Romanorum Imperatorē primus appellauit, in unctumque Augustum consecrauit. Subsecutaque mox fuit S. P. Q. R. acclamatio, Carolo Magno Imperatori Cæsari Augusto, pijsimo & pacifico, à Deo creato, vita & victoria.

Post tot autem tantorum pontificum labo-

B

res, qui



res, qui eos secuti sunt, non putauerunt à se  
 prædecessorum diligentia nihil addendum ef-  
 se : sed ipsi quoque pro sacris imaginibus stre-  
 nuè decertarunt. Nam, vt intermedios omittā,  
 Nicolaus primus, qui nono loco Leoni suc-  
 cessit, hanc ob rem laudatur à Leone nono, in  
 epistola aduersus præsumptiones Michaëlis.  
 Iconomachis, ait, quamuis restiterit Romano-  
 rum authoritas, præ cunctis tamen sanctissimi  
 Papæ Nicolai vbiuis laudanda libertas ; qui  
 per legatos suos tam pro sacris imaginibus,  
 quàm pro depositione beati antistitis Ignatii,  
 & substitutione Photij neophyti, ecclesiam  
 hagiæ Sophiæ clausit, donec sedis Aposto-  
 licæ acquiescerent decretis. Nicolao in ca-  
 thedra Romana successit Hadrianus secun-  
 dus, qui in octaua generali synodo pro sacris  
 imaginibus Canones emisit, tertium & septi-  
 mum. Porro tantum in hac synodo pro sa-  
 cris imaginibus laboratum est, vt ab eius tem-  
 pore nullus ex Constantinopolitanis princi-  
 pibus imagines oppugnasse tradatur. Exstant  
 verò Photij, Pselli, Metaphrasta, Zonaræ, Bal-  
 samonis, Euthymij, Niceti, Pachymeri, Nice-  
 phori, aliorumque Græcorum scripta: è quibus  
 quid illi, quidque reliqui Græci, à temporibus  
 octauæ synodi de imaginibus senserint, facile  
 æstimabitur. His adde quòd in Florentina syn-  
 odo, Græcis ipsis consentientibus, iterum  
 approbata & confirmata sit septima synodus.

Porro

cap. 22.

sess. 5.

Porro ad prædicta hæc œcumenica Concilia respexerunt Tridentini patres, dum decretum suum de imaginibus, Conciliorum, præsertim verò secundæ Nicenæ synodi decretis, contra imaginum oppugnatores, sanctum esse asserunt. Et hæc hæctenus, quæ potuimus breuitate perstrinximus de Romanis Pontificibus, & Concilijs per eosdem conuocatis.

*Quam multos habuerit Romana & catholica Ecclesia filios, qui zelum suum pro catholico dogmate posteritati plurimum commendauerunt.*

## CAPVT IIII.

**H**Abuit verò eadem Romana & catholica Ecclesia multos filios, qui zelum suum pro catholico dogmate plurimum posteritati commendauerunt. Inter quos fuit Ioannes Manzur Damascenus: qui tempore Leonis tertij contra eum, & alios, qui in Græcia sanctas imagines traducebant & criminabantur, tres scripsit libros in Arabia habitans, inter Saracenos & Barbaros homines. Quos Godfridus Tilmannus anno 55. in Latinam transtulit linguam. Propter hos autem libros in pseudosynodo contra eum clamatum fuit; Mázuri ignominioso & Saracenico, anáthema,

Iconolatræ & falsigrapho Manzuri, anáthema, Doctóri impietatis & peruerso interpreti diuinæ scripturæ Manzuri, anáthema. Addit verò Ioannes patriarcha Hierosolymitanus, in Damasceni vita, Leonem Isaurium Imperatorem, quia ægrè ferebat impietate suam traduci per scripta Ioannis, inuēta epistola quam Ioannes manu sua scripserat, quæsiuisse notarios, qui scripturæ characterem tam verbis quàm sententijs imitarētur, ac effinxisse litteras quasi à Ioāne missas de Damasco sibi per eum prodenda, easque ad Saracenorum principem cui Damascus suberat, transmisisse. Receptis litteris, iratus barbarus rex, nec vllam ferens Damasceni responsionem, dexteram manum ei abscindi iubet. Itaque absecatur dextera quæ inter orthodoxos scriptiōe sua tantas virtutes est operata, & pro atramēto, cui prius intingebatur scribēdo libros de adorādis imaginibus, nunc proprio sanguine tingitur. Hęc verò eadē manus postea diuinitus ei est restituta, maximo Saracenorum stupore, cū ante imaginem genitricis Dei è profundo pectore oraret, & inter reliqua diceret, Domina & sanctissima mater, amputata est dextera mea ob sanctas & diuinas imagines. Zelū quoque suū pro imaginibus declarauit Italus populus. Omnis, inquit Diaconus, Rauennensis exercitus & Venetiarum, Leonis iussis vno animo resistere, & nisi eos Pontifex prohibuisset, Imperatorem super se consti-



cōstituere aggressi fuissent. Nūquam, ait Anastasius, se pontificis neci cōdescendere dicebāt, sed quòd pro eius defensione viriliter decertarent. Et paulò post; Cognita ergo Imperatoris nequitia, omnis Italia consilium iniit vt sibi eligerent Imperatorem & ducerent Constantinopolim, sed compescuit tale cōsilium Pontifex, sperans conuersionem principis.

De Gallorum pietate pro sacris imaginibus, videre licet VValafridum Strabonem de rebus ecclesiasticis ca.8. Longū verò esset si prædictis adderem eos, qui sub tot iconomachis, tyrānis potius quàm principibus, fortissimi Martyres exstiterunt, aut multa perpetiundo clarissimi Cōfessores. Quorum si quis celebriores ex vetustis scriptoribus simul collectos videre velit, legat quintū Dn. Alani Copi dialogum, cap.25. Nos eis Hildebertum Gádauensem abbatē apponimus, patrium nostrum martyré. Is enim, vt in Commentarijs rerum Fládræ scribit Iacobus Maierus Baliolanus, Gandauiciuili motu excitato propter sanctorum imagines, quas nonnulli seu idololatriæ instrumenta execrabantur, interfectus est, quia contra fautores Cæsaris, decretis pontificum de habendis statuis adhæsit. Eamque obrem inter beatos martyres relatus esse dicitur. Commendatur autem Hildeberti martyrium, quòd inciderit in annum 752. quo nondum sacræ imagines œcumenica synodo confirmatæ erant.

*Quàm multa sint, quæ nos in sacrarũ imaginum legitimo vsu, hætenus ab Ecclesia catholica vsurpato, meritò contineant.*

## CAPVT V.

**S**Ed nunc tempus vrget, vt ad tertiam siue prostremam orationis nostræ partem trans-euntes, summatim ex ijs quæ hætenus dicta sunt indicemus, quàm multa nos in sacrarum imaginum legitimo vsu, hætenus ab Ecclesia catholica vsurpato, continere debeant.

Primùm quidem quòd earum impugnatores fuerint, seclusa etiam hæresi, corruptissimæ vitæ homines, & humani generis pestes, vt mirum sit tam deformatæ vitæ homines agnosci potuisse religionis Christianæ reformatores. Istud autem à posterioribus scriptoribus ex antiquitatis monumentis non abs re diligenter est annotatum, quod dum Saluator docet nos, attendendum esse à falsis prophetis, subiicit; *Matth. 7* fructibus eorum cognoscetis eos. Hanc sanè rationem attendit quoque septima synodus. Nam & sexta Actiōe valde horrenda Iconoclastis attribuuntur, nempe, monachorum flagellationes, sacrorum vasorum ablatio, librorum exustio, sanctorum templorum prophatio, Monasteriorum in mundana hospitia translationes, raptus substantiæ & bonorum, pro sacris hymnis cantica meretricia, pro geni-  
culatio-

culationibus saltationes theatrales . His addit oculorum extritiones , narium amputationes, linguarum abscissiones, exilia piorum, facierum & barbæ adustiones, virginum Christo dedicatarum violentas nuptias, & similia. Quibus recēitis meritò pro epiphonemate subiicitur: Hi sunt fructus horum hominum, qui contra veritatem insurgunt.

Secundò. Omnes principes qui vel clàm vel palam sacras imagines afflixerunt diram horrendamque mortem oppetierunt, ac diuina ultione correpti sunt. Quod certum signum fuit iconomachiam Deo displicere. Nō enim irascitur Deus, nisi in eos qui ipsius Maiestatem offendunt. Quali autem ultione Dominus vindicauerit iconomachiam in Iuliano apostata, in Philippico, Leone, Cōstantino, altero Leone, & omnibus penè alijs principibus qui iconoclastis fauerunt, longum foret recensere. Qui volet hac de re consular 20. cap. libri de Imaginum vſu, quem superiori anno emisit Fredericus Scinckius Vltraiectensis ecclesiæ Archiepiscopus. Et si cui ea non sufficiant, addat quæ in eandem rem habet septima Synodus Actionibus 4. & 5. His addo multò vetustius exemplum regis Nabuchodonozor. Cyrilus enim Hierosolymitanus episcopus in secūda catechesi, inter præcipua peccata ob quæ Nabuchodonozor regno eiectus est, & septem annis instar bouis in desertis herbas vorauit,

B 4                    enume-

Fol. 137.  
III. tom.  
3. Concil.

enumerat, quod Cherubim rapuerit, non inquit intellectilia illa & cœlestia, verùm ea quæ in templo erant collocata, obumbrantia propitiatorium, è quorum medio Deus loquebatur.

*Fol. 127.* Quæ verba cùm è Cyrillo legeretur in 7. Synodo, Patriarcha dixit, Animaduertamus quomodo accusetur Nabuchodonozor, quòd Cherubim subuerterit, quantumque obeam rem increpatus sit & passus fuerit. Sancta verò synodus respondit, Magnū sanè casum & condemnationem. Quod si qui aut illo sæculo aut nostro, irati Dei vindicta non percellantur, non ob hoc sibi blandiantur: ad eos enim pertinet quod Hieronymus Castrutio scripsit: Magna ira est, quando peccantibus non irascitur Deus. Item & illud Domini apud Ezechielem, cap. 16. Requiescet indignatio mea in te, & auferetur zelus meus à te, & quiescam nec irascar amplius, eò quòd non fueris recordata dierum adolescentiæ tuæ, & peccasti in omnibus his.

*Lib. 1.  
epist. 38.*

Tertiò, pro sacris imaginibus sunt apertissima sacra scripturæ testimonia, de Cherubim propitiatorium obumbrantibus. Exod. 25. Num. 7. Ezech. 41. & ad Hebr. 9. Quæ loca lecta sunt in Actione quarta septimæ synodi. Vnde Hadrianus pontifex in litteris ab eadē synodo approbatis; Quemadmodū ait, sacra Scriptura imagines in memoriam venerationis habet, sic & nos eas habeamus, seruantes perpetuò

fidei

fidei nostræ puritatem . Et infra, Ad errantium castigationem adiiciendum est , non frustra Moyfi famulo suo, quemadmodū in libro Numerorum legitur, propter pestem in populum grassantem Dominum præcepisse: Fac serpentem & pone illum in signum, & qui tactus fuerit, illumque inspexerit, viuet . O insaniam infrementium aduersus cultum sacrum Christianorum! Si Israëliticum populum per inspectionem ænei serpentis à sua peste credimus seruatum; Christi Dei & Seruatoris nostri, omniumque sanctorum figuras contemplantes & venerantes, dubitamus nos seruari? Salomon etiam in eo templo, quod Domino ædificauit, 3. Reg. 6. Cherubim in gloriam Dei fecit, & diuersis coloribus illud adornauit.

Quartò, multum nos etiam in sacrarū imaginum vsu confirmat traditio Ecclesiastica, & Apostolica . Neque enim nos recedimus ab ea sententia Apostoli, Fratres stete, & tenete traditiones quas didicistis, siue per sermonem, siue per epistolam nostram . 2. Thess. 2. Neque ab eo quod in eundem locū dixit Ioannes Chrysostomus, Traditio est, nihil quæras amplius . Esse verò traditionem, & Ecclesiæ, & Apostolorum, & omnium Doctorum & Sactorum, non solum in suis anathematismis conclusit Nicenum Concilium, sed idem quoque clarissimè probauit & confirmauit per multas prolixissimas Actiones. E quibus nonnulla hic essent referenda, quæ-



da, quædam etiam eis addenda, nisi temporis ratio aliud postularet.

Quintò. Pro imaginibus non parum faciunt Romanorum pontificum decreta. Nos enim, qui cathedræ Petri cōmunionē sociamur, prærogatiuam eius agnoscimus, quòd fides eius non possit sentire defectum. Vnde nec miramur Oecumenica concilia huius sedis decreta religiosissimè suscipere, & venerari.

Quid sextò de Cōcilijs addam? Omnibus catholicis certissimum est plenarij Concilij sententiam, totius Ecclesiæ consensionem esse, imo ipsius Spiritus sancti ipsissimam esse sententiam. Atqui non vnus tantum Niceni œcumenici Concilij saluberrima authoritate sacrum de imaginibus dogma roboratum est; sed idem quoque ab alijs generalibus synodis est confirmatum. Cùm tamen vnus Niceni Concilij authoritas nobis abundè sufficere deberet. Religiosissima est enim Valentiniani, & Martiniani Augustorum sententia; Verè impius est atque sacrilegus, qui post tot sacerdotum sententiam, opinioni suæ tractandum aliquid relinquit. Extremè quippe demètiq̃ est, in medio & perspicuo die commentitium lumen inquirere. Nā iniuriā facit iudicio religiosissimæ Synodi, si quis semel iudicata ac rectè disposita reuoluere, & publicè disputare contendat.

Septimò. Apostolicam de imaginibus traditionem cōfirmant etiam Martyria & Confessiones



fiones innumerabilium Sanctorum: quorum permultos ob solam imaginum defensionem constat Martyrij & Confessionis coronas fortiter suscepisse: omnes verò id de sacris imaginibus tenuisse, quod vbiq̃ue, quod semper, quod nō tantum ab omnibus catholicis, sed & ab hæreticis, integris 700. annis ante iconomachorum tempora creditum est. Quare, quod olim Vincentius Lirinensis 7. capite libelli sui tractauit, id ex eo repetimus, Tot videlicet Confessorum & Martyrum fidem nos denegare non posse, quorum victorias prædicamus, & à quibus non partis, sed vniuersitatis, suscepta est defensio. Quomodo, inquit Ambrosius, fidem eorum possumus denegare, quorum victorias prædicamus? Quæ Ambrosiana sententia, quia valde acriter pungit omnes fidei nostræ aduersarios, contra eosdem adfertur à Vincentio Lirinensis presbytero, & ab Hadriano vrbis Romæ Pontifice.

*Lib. 3. ad  
Gratianum  
cap. 7.*

Octauò. Accedat tandem dictis miraculorum fulgor, quorum pauca tantum in Nicena synodo recensentur. Omnia enim, quæ vel ad solam Crucem, aut ad B. Virginis imagines contigerunt, integris voluminibus comprehendere non possent. Sicut igitur Christus Iudæis dixit, Si mihi nō vultis credere, operibus credite; *Ioan. 10.* sic nos iconomachis dicimus, Si nobis non vultis credere, qui sacras imagines honorandas defendimus, miraculis credite quæ circa eas diuini-

*Marc.* 16. diuinitus exhibentur, Signa enim eos qui crediderint sequuntur, Hoc est, Verorum miraculorum multitudo & fulgor erit in cōgregatione & ecclesia eorum qui crediderint. Apud eos verò qui non credunt, paucitas est, & non fulgor in exhibēdis miraculis, non veris, sed mendacibus. Inter quæ bestia regnante maximum erit, quòd faciet ignem descendere in terram.

*Apocal.* 13. Multa igitur esse aduertitis Auditores humanissimi, quæ nos in catholico dogmate & ecclesiæ gremio iūstissimè contineant. Imò puto me prima orationis parte tam clarè iconomachorum hæresim aperuisse, vt in eam meritò competat quod dici solet, Hæresim aperuisse, est eam refutasse.

Nunc reliquum foret prædictis addere, in quo consistat sacrarum imaginum legitimus vsus. Respondendum quoque esset eorum obiectionibus, quibus Catholicos veriùs fatigāt, quàm oppugnant. Sed quia elapsum tempus orationis finem postulat, hæc ex aliorum doctissimis operibus petātur: nos ijs inhærendo, quæ à Catholica Ecclesia didicimus, expectemus cum Tobia eam vitam, quam daturus est Deus his qui nunquam fidem suam mutant.

Quam nobis omnibus concedat, qui est in sæcula benedictus.

A M E N.

DE SA-

# DE SACRARVM IMAGINVM HISTORIA.

LIBER SECVNDVS.

PRAEFATIO.

CAPVT I.



E sacris imaginibus atque picturis duo potissimum tractanda esse, primo libro præfati sumus. Earum enim legitimus vsus contra iconomachorum, siue iconoclastarum perfidiam, de-

fendendus est & retinendus. Earundem quoque vsus illegitimus, siue abusus, contra Catholicorum quorundam negligentiam, vel ignorantiam, corrigendus est & vitandus. Vtriusque enim curam diligentem haberi voluit sacrosancta Synodus Tridentina. Quare cum contra iconoclastas sacrarum imaginum vsum quem primo libro attingi, multi doctissimi viri \* absolutissimis suis lucubrationibus defenderint, de abusibus verò nullius, quod sciam, exister aut liber, aut iustus tractatus, priore parte breuiter vnico libro explicata, conabor, assistente infirmitati meae diuinæ gratiæ adiutorio, pro posterioris dilucidatione duos deinceps libellos con-

*sest. 25.*

\* *Nicolaus  
Saderus, &  
Alanus Co-  
pus, Angl  
Louanij:  
& alij ali-  
bi.*

los conscribere. Quæcūque verò dicturus sum, lubens subijcio iudicio ac correctioni Episcoporum, ac omnium quorum est errantes in viâ veritatis reducere. In primis verò cēsuræ & iudicio S. Sedis Apostolicę. Iudicium mihi nō ar-rogo: quòd iuxta Cōcilij Tridētini vigesimam quintā sessionē, ab Episcopis, ac potissimū a sanctissimo Romano Pōtifice, requirendū esse agnosco. Sed quid mihi videatur, deliberando dicā, & scribā. Neque cupio deliberationē meā maioris fieri, quā sint ipsa argumēta quæ adfero aut quę adferri possent; breuitatis autem causa omīssa sunt. Spero tamē me nihil dicturū, quòd nō doctorum & magnorū virorum suffragio, & calculo, sit approbandum. Si qui autem diffusius aut etiam aliter eadē ista tractare velint, non eis resisto. Imò meliora, quātumuis diuersa vel aduersa, adferētibus, maximas agam gratias. Non sum enim cōtradictionis impatiens, nec in me agnosco Comicum illud, Veritas odiū parit: Neque postremò alios errare volo, vt error meus lateat. Spiritum tamen lenitatis & charitatis tam in meis quàm in aliorum contradictionibus, plurimū opto. Quare, sicut in omnibus scriptis meis, sic & in hoc libro, non solum pium Lēctorem, sed etiam liberum correctorem desidero. Veruntamen sicut lēctorem meum nolo mihi esse deditum, ita correctorē nolo sibi. Nolo meas litteras ex eius opinione vel contentione, sed ex diuina

lectio-

Terent. in  
Andr. de  
quo Au-  
gust. epist.  
19.

Aug. 3. de  
Trin. cap.  
1. tom. 3.

lectione, vel inconcussa ratione, corrigi. Si quid in eis veri comprehenderit, existendo non est meum: at intelligendo & amando, eius fit & meum. Si quid autem falsi conuincerit, errando fuerit meum: sed iam cauendo, nec eius fit nec meum.

*Idem 1.  
de Trin.  
cap. 3.*

Qui verò hæc legens dicit, Intelligo quidem quid dictum sit, sed non verè dictum est; asserat si placet sententiam suam, & redarguat meā si potest. Quòd si cum charitate & veritate fecerit, mihi etiam, si in hac vita maneo, cognoscendum facere curauerit, vberimum fructum huius laboris mei cepero. Quòd si mihi non potuerit, quibus id potuerit me volente ac libente præstiterit: ego tamen meditationes meas, ne obliuione fugiant, stylo alligo; sperans de misericordia Dei, quod in omnibus veris, quæ certa mihi sunt, perseuerantem me faciet. Si quid autem aliter sapio, id quoque mihi ipse reuelabit, siue per occultas inspirationes atque admonitiones, siue per manifesta eloquia sua, siue per fraternas sermocinationes. Vtinam autem de omnibus nobis dici possit, quòd Hieronymus Augustino scripsit, Te quoque ipsum orare non dubito, vt inter nos contendentes veritas vincat, non enim tuam quæris gloriam, sed Christi. Cumque tu viceris, & ego vincam, si meum errorem intellexero: & è contrario me vincente, tu superas.

*Philip. 3.*

*Epist. II.  
tomo 2.  
August.*

*Quod*



*Quod in libris prohibetur, prohibendum  
etiam esse in picturis, quæ sunt  
idiotarum libri.*

## CAPUT II.

**I**N has sanctas igitur & salutes obseruationes si qui abusus irreperierint, eos prorsus aboleri sancta Synodus vehementer cupit: ita ut nullæ falsi dogmatis imagines & rudibus periculosi erroris occasionem præbentes, statuatur. Non est autem mirandum quòd sanctum Concilium dicat se vehementer cupere abusus istos imaginum prorsus aboleri, præsertim si attendimus, quanta diligentia mater nostra Ecclesia omnes malos libros è filiorum suorum manibus eripere conetur. Quid enim differunt picturæ à scripturis? Quid est aliud pictura quàm picta scriptura? quàm picta historia? Vnde etiã Græcè ζωγραφία, hoc est, viua scriptura, vocatur, sicut annotat Beda in libro de templo Salomonis.

Picturæ dicuntur laicorum & idiotarum libri: quòd doctis sunt libri, hoc legere non valentibus sunt picturæ. Quod legentibus scriptura, hoc idiotis præstat pictura cernentibus, quia in ipsa etiam ignorantes vident, quod sequi debeant, in ipsa legunt qui litteras nesciunt. Quod igitur in libris prohibetur in picturis quoque est prohibendum: cùm ea quæ pinguntur,

*Tridentina  
sess. 25. in  
initio.*

*Caput 19.  
tomo 8.*

*Gregorius  
Lib. 9. cap.  
9. regelli.*



tur, ſæpe non minus etiam doctos afficiant,  
quàm ea quę leguntur. Neque ad ſacras imagi-  
nes extendendum eſt quod gentilis Poëta dixit:

— *Pictoribus, atque Poëtis,*

*Horat.*

*init. art.*

*Quidlibet audendi ſemper fuit æqua poteſtas.*

*poët.*

Imo, ne in prophanis quidem picturis quidli-  
bet audendum eſt à pictoribus. Quis enim neſ-  
ciat obſcœnas imagines iure naturæ perinde  
prohibitæ eſſe atque libros ſiue hæreticos ſiue  
obſcœnos? Quare eiufcemodî imagines &  
ſculpturæ venum propoſitæ, rectiſſimè per ſæ-  
cularem magiſtratû omnes auferuntur & abo-  
lentur, dignę quę cum libris obſcœnis pereant:  
de quibus Patres à Synodo Tridentina depu-  
tatî dixerunt, Libri qui res laſciuas, ſeu obſcœ-  
nas ex profeſſo tractant, narrant, aut docent  
(cùm non ſolùm fidei, ſed & morû, qui huius-  
modi librorum lectione facilè corrumpi ſolêt,  
ratio habenda ſit) omnino prohibentur; &  
qui eos habuerint, ſeuerè ab Episcopis punian-  
tur. Hoc præterea adiſcio, non mihi videri ni-  
mium fore diſciplinæ eccleſiaſtica rigorem, ſi  
etiam effigies hæreſiarcharum, vt, Lutheri, Me-  
lanchthonis ac ſimilium, haberi prohibeantur.  
Sic enim proximè accederetur ad id, quod  
deputatio Tridentinæ Synodi habet, Hæreſiar-  
charum libri, tam eorum qui poſt annum Do-  
mini M.D.XV. hæreſes inuenerunt, vel ſuscita-  
runt, quàm qui hæreticorum capita aut duces

*Regula 7.*

*Regula 2.*

C

sunt vel

sunt vel fuerunt, cuiuscunque nominis, tituli aut argumenti existant, omnino prohibentur. Et ad id quod Dominus mandauerat in veteri

Deut. 7.

Testamēto, Sculptilia eorum igne combures: non cōcupisces argentum & aurum de quibus facta sunt, neque assumes ex eis tibi quidquā, ne offendas: propterea quia abominatio est Domini Dei tui. Nec inferes quippiam ex idolo in domum tuam, ne fias anáthema sicut & illud est. Quasi spurcitiam detestaberis, & velut inquinamentum ac sordes, abominationi habebis, quia anathema est.

*Defenduntur & explicantur imagines  
sacrofanctæ ac superbenedictæ  
Trinitatis.*

## CAPVT III.

**P**Riusquam verò de Sanctorum sanctis imaginibus dicere aggrediar, ad honorem sacrosanctæ Trinitatis, quod de eius imaginibus dicendum est, absoluam: sequens hac in re magistram ducem, Synodum videlicet Tridentinam, quæ sic habet, Quod si aliquando historias & narrationes sacræ scripturæ, cū id indoctæ plebi expediet, exprimi & figurari cōtigerit, doceatur pōpulus nō propterea diuinitatem figurari, quasi corporeis oculis conspici, vel coloribus aut figuris exprimi possit, &c.

sess. 25.

E quibus Synodi verbis in primis colligitur,

ligitur, Diuinitatem non posse figura aliqua,  
aut imagine exprimi, iuxta illud Domini apud  
Esaïam, Cui similem fecistis Deum, aut quam *Esa. 40. d.*  
imaginem ponetis ei? & rursus istud Pauli  
apud Lucam: Non debemus existimare auro *Act. 17. f.*  
aut argento, aut lapidi sculpturæ artis, &  
cogitationis hominis, diuinum esse simile.  
Secundò, subinsinuant hæc Synodi verba in-  
ter Catholicos doctores disputari, an rudi po-  
pulo expediat Dei Patris imaginem eo mo-  
do figurare, quo aliquando apparuit? Danie- *Daniel. 7.*  
li enim & Ioanni in specie humana appa- *Apoc. 4.*  
ruit antiquus dierum. Huius quæstionis affir-  
matiuam partem tuetur Thomas VValdensis *Cap. 155.*  
in volumine tertio, quod est de Sacramen-  
talibus, titulo 19. vbi inter cetera, ait, Quod  
scriptura facit verbis, cur artifex non faciet  
signis? An magis peccatum circa hanc rem  
incurrit penicillus quàm penna? imago  
quàm littera? Alijs verò, quorum quidam *Durandus*  
ab eo recensentur, quidam\* verò post eum *in 3. sent.*  
vixerunt, probabilior visa est sententia di- *distin. 9.*  
uersa & contraria (si modò sit contraria di- *\* Peregrinus*  
cenda) Concilium enim Tridenti celebra- *2. de tradi-*  
tum sic inter duas has sententias mediam *tionibus.*  
ingreditur viam, vt vtramque sententiam *Nausea*  
si non extoto, saltem ex magna parte am- *lib. 4. ea-*  
plectatur. Non enim absolutè, sed sub con- *techismi,*  
ditione ait, Si, cùm id indoctæ plebi expediet, *& alij.*  
exprimi & figurari contigerit historias sacræ

scripturæ. Deinde cùm historiam apparitionis Dei Patris figurari contingit, vt ruditas omnis auferatur subdit, Doceatur populus non propterea diuinitatem figurari. Non itaque expedit rudi populo proponere talem imaginem, sed expedit populum rudem erudire, vt hac in parte rudis esse desinat. Quāquam facilius crediderim neminem tam rudem esse, vt tali imagine diuinitatem credat exprimi. Nemo igitur contra religionem Dei quē legem quidquam committi putet, cùm sanctissimæ Trinitatis aliqua persona quibusdam signis exprimitur, quæ tam in veteri quàm in nouo Testamento apparuerunt. Sed illis declarari doceat Pastor proprietates aliquas aut actiones, quæ Deo tribuuntur: veluti cùm ex Daniele pingitur antiquus dierum in throno sedere, ante quem libri aperti sunt, Dei æternitas & infinita sapiētia significatur, qua omnes hominum & cogitationes & actiones, vt de ijs iudicium ferat, intuetur.

*Catechismus ad Pa-  
rochos.*

*Daniel 7.*

*Zib. 18.  
cap. 53.*

Scio Nicephorum Calistum græcum scriptorem inter Iacobitarum hæreses numerare, quod imagines Patris & Spiritus sancti effigient, id quē perquam absurdum esse asserit, Imagines enim corporum eorum sunt, ait, quæ videri & circumscribi possunt. Quibus verbis, si tantum damnet essentiam Patris & Spiritus sancti effigiari, omnes conuenimus: sed si non admittat Patrem aut Spiritum sanctum aliquibus

bus signis exprimi, in eo vehementer aberrat: id non modò damus, sed inter Iacobitarum hæreses recensemus. Neque verò multum in causa religionis Nicephoro est tribuendum, quem constat, cùm in præfatione, tum alibi malè de capite catholicæ Ecclesiæ & de alijs religionis articulis sentire, tamen si titulum hætenus verè catholici scriptoris à typographis acceperit. Porro tersanctæ Trinitatis imaginem, siue effigiem, eruditissimè tuetur eodem loco Thomas V Valdensis, dum subdit: Ut item fundamento authoritatis non careant, qui speciebus trium hominum Trinitatem effigiant. Deus *Genes. 15.* enim Trinitatis visus creditur Abrahamæ, in similitudinem trium virorum. Vnde lib. 2. de Trinitate cap. \* 14. Augustinus. Si vnus vir appa- \* *in im-*  
ruisset Abrahamæ, idemque Dei filius crederetur. *pressis cap.*  
Cùm verò tres visi sunt, nec quisquam in eis *11. tom. 3.*  
vel forma vel ætate maior cæteris dictus est, cur non hic accipiamus visibiliter insinuatam per creaturam visibilem Trinitatis æqualitatem, atque in tribus personis vnâ eâdemque substantiam?

Mythicam verò significationem membrorũ Dei, aliorumque quæ ad humanam formam pertinentia Deo in scripturis sacris tribuuntur, habet apud Augustinũ libellus de essentia Trinitatis, qui non est Augustini, sed duo prima *Tom. 4. in app.*  
capita libri quem S. Eucherius Lugdunensis Episcopus scripsit de formulis spiritualis intel-  
C 3      ligen-



ligentia: vt annotauit Dñ. Conradus Brunus de imaginibus c.4. Scripsit eruditè de imagine sanctiss. Trinitatis Dñ. Nicolaus Sanderus in lib. 1. de honoraria imaginum adoratione, cap.4. Consulatur etiam S. Thomæ commentator Thomas Caietanus, in tertiæ partis quæstionem 25. scribens. Verùm vt conclusionem ex vetustate aliquam subiiciam, habuit Nolensis ecclesia, ante annos 1000. & amplius, sanctæ Trinitatis imaginem, cum adscriptis à S. Paulino versibus,

*Pleno coruscat Trinitas mysterio,  
Stat Christus amne, Vox Patris cœlo tonat,  
Et per columbam Spiritus sanctus fluit.*

*Reijciuntur quadam imagines sacrosanctæ  
Trinitatis.*

## CAPVT IV.

**I**Nueniuntur verò & duæ aliæ Trinitatis imagines, sed quæ à clarissimis viris improbatæ sunt, quia nec ex sacra scriptura desumptæ, nec sanctis patribus nostris notæ fuerunt. Vnde earum vnā improbat Ioannes Gerson, in sermone quem Parisijs habuit de Natiuitate Domini, Cauendum est, ait, ne aliqua falsa pingatur historia. Hoc dico, partim propter quandam imaginem quæ est in Carmelitis & similes, quæ in ventribus earum vnā habent Trinitatem, veluti si tota Trinitas in virgine



gine Maria Carnem assumpsisset humanam. Mea sententia, nulla est in eis pulchritudo nec deuotio. Et possunt esse causa erroris, & indeuotionis, Hæc Gerson. Vidi huiusmodi imaginem in Carthusia Distensi, quæ, quantum memini, eò allata dicebatur ex Francia tempore bellorum. Quod ideo moneo, quia huius imaginis inspectio multū iuuat me, aliosque iuuare poterit, ad plenè intelligendum Gersonis citata verba. Altera verò imaginis ratio paulò notior est. Nam typographi quidam, in Sacramentarijs, siue vt nunc vsitatus loquimur, in Missalibus libris, eam præposuerunt officio de sancta Trinitate: pingentes videlicet Trinitatem ac si esset vnus homo, sed tribus capitibus, aut saltem tribus faciebus. Quam pingendi rationem in suis libris refutarunt celebres Theologi Louanienses pientissimæ memoriæ Dñ. Iacobus Latomus Cambronensis, & Ioannes Hesselius Louaniensis, ante vtrumque verò sanctus Antoninus, Florétinus Archiepiscopus in Summa: vbi huiusmodi imaginem vocat monstrum in rerum natura.

*Lato. de cultu imaginū. Hess. in decalogū cap. 66. Ant. pa. 3. tit. 8. c. 4. §. 11.*

Addo picturam hanc figmentum esse diabolicū. Sic enim scribit Robertus Abbas Montis, qui chronicon Sigeberti Gemblacensis suppleuit, anno 1221. in Præmōstratenſi ecclesia cui-dā fratri altiùs de ineffabili Trinitate quæ Deus est cogitanti in Marutinis dæmon astitit, & ei tria capita gestās apparuit, Trinitatē se esse cō-

Tom. 3.  
Surijs.

testans, & ob fidei meritum, Trinitatis visione  
eum dignum esse affirmans : sed frater inimici  
dolum agnoscens, conuiciando ei, recedere à se  
compulit. Hæc Robertus, eademque habet  
fusus vita Norberti, cap. 19. Legitur quoque  
apud Damianum à Goës de Æthiopum mo-  
ribus scribentem, Orator Æthiopiæ referre:  
Nos dicimus patrem & filium & spiritum san-  
ctum esse tres vultus in vna similitudine & di-  
uinitate. Porro Hæretici & Ethnici habuerunt  
alias quasdam Dei picturas, sed quas Ecclesia  
nunquam agnouit: inter quas ea est de qua Ru-  
pertus Tuitiensis, Cui similem, inquit Pro-  
pheta, fecistis Deum, aut quam imaginem po-  
netis ei? Hoc aduersus \*Humaniformios valet,  
qui Deum humanis putant esse compactum  
membris. Nimirum hoc pacto grande sibi fin-  
gunt simulacrum, quod in cælo sedeat & ter-  
ram pedibus contingat: docente ipso, Cæ-  
lum mihi sedes est, terra autem scabellum pe-  
dum meorum.

In 22. Ex-  
odi.  
\* Anthro-  
pomorphi-  
tas.

Esai. 40.

Respon. 2.

Nunquam item Ecclesia approbavit Ægy-  
ptiorum morem, qui pro Deo pingebant oculo  
in sceptro: de quo Cyrillus libro 9. contra  
Iulianum, sic ait: Aiunt fuisse inter Ægyptios,  
quosdam ænigmatum artifices qui idolis ser-  
uiebant, & ad hoc magna industria, & graui-  
tate præditos, quos illi nominare solent hiero-  
glyphos: qui volentes significare Deum, hoc  
est, summam & quæ super omnia est naturam,  
pinge-

pingebant oculum cui baculum substituebāt, ut per hoc intelligatur quod omnia videat, & sit ei regia dignitas. Nam sceptrum ferè semper regis intelligitur symbolum, quamuis etiam perstantem baculum, quod nullo modò diuina natura labefactari possit, sed quasi semper stare, & quodammodo sustinere, & fundare omnia, discatur.

*Picturæ quas nobis veneranda antiquitas commendat, omni honore sunt suscipiendæ.*

## CAPUT V.

**N**Vnc verò, ut de sanctorum imaginibus certo conuenienti què ordine differatur. Primò dicendum est, omni honore suscipiendas esse eas imagines quas veneranda antiquitas commendat. Ad cuius explicationem non est necesse multa præter exempla adferre. Nam cum picturæ in septima Synodo sæpiusculè dicantur hoc esse quod scripturæ, par est ut de picturis sacris, quas maiores nostri statuerunt, adprobarunt & honorarunt, hoc sentiamus, hoc teneamus, quod de eorum scriptis sentimus & tenemus. Quemadmodum itaque ob venerandam antiquitatem multum tribuitur & defertur libris, hominibus, & in vniuersum quibuscunque scriptis sanctorum Patrum, qui prioribus sæculis ad ædificationem Ecclesiæ dati sunt; sic parem

quoque authoritatem agnoscimus & reueremur in eorundem temporum picturis & imaginibus, quas iidem patres approbarunt. Digrediamur itaque non nihil ad contemplandas priorum sæculorum venerandas & illustres imagines. quas paucastantùm allegare possemus, nisi Leones aliquot & eorum filij, seu mauis catuli, terribili rugitu venerandas imagines inuasissent, grauissimamque persecutionem excitassent tam aduersus eas, quàm aduersus orthodoxæ ecclesiæ multitudinem. Nam imagines quidem furibundi exurebant: earum verò cultores, partim tyrannicæ impietatis dentibus miserabiliter dilacerabant, & martyres faciebant, verè tam animo quàm nomine leones, partim in diuersa suo rugitu fugabant: adeo vt fidelium plerique in subterraneis speluncis sese occulerent, nonnulli etiam metu exterriti vsque in extremos orbis terminos procurrerent. Sed, dum ita insanitur, intendunt illi quidem sacras omnes imagines ad vnā vsque in perpetuum delere. Verùm diuina prouidentia non permittit per vllam hæresim vllum fidei Catholicæ dogma obscurari. Quin potius vt ferrum dum acuitur nouum accipit fulgorem, ita Ecclesia per singulas hæreses nouo fulgore illustratur. Quare ad singularem Dei prouidentiam referendum est, quod in Nicena secunda Synodo, alijsque contra iconomachos scriptis, tam

*Ioan. Patriarcha  
in vita  
Damasc.  
Zonaras  
& alij.*

tam multa nobis supersint pro sanctis imaginibus Patrum fragmenta, quæ proculdubio sicut libri vnde desumpta sunt, intercidissent, nisi iconomachorum barbaries Catholicorum diligentiam contra se excitasset : nunc verò ( quod ad fulgorem Ecclesiæ pertinet ) ea non modò reseruata sunt, sed plenarij quoque & œcumenici septimi Concilij saluberrima auctoritate comprobata. Igitur vetustas nonnullas imagines ob oculos ponamus, ordinem Litaniarum Ecclesiæ sequentes. Et primùm quidem Christi.

*Recensentur exempla vetustatis de imaginibus Christi.*

## CAPVT VI.

**R**Efertur actione quarta septimæ Synodi, imo eiusdem cōgregationis compunctione ac lachrymis comprobatur sermo Athanasij Alexandrini, quo continetur, Christianum hominem Beryti habuisse ex aduerso lectuli imaginem Iesu Christi Domini nostri, quæ integram Christi Domini proportionem exprimebat, quamque à Nicodemo, qui nocte ad Iesum veniebat, proprijs manibus compositam esse assererat. In hac imagine iterum Dominus noster à Iudæis conspuitur, colaphis in faciem ceditur, clavis ferreis crucifigitur, aceto & felle potatur, ac tandem lancea latus eius

ape-

*Athanas.  
tom. 4.*



aperitur . Ex quo emanare cœperunt riuuli aquæ & sanguinis , qui miraculis clarissimi in ampullis vitreis distributi sunt per Asiam, Africam & Europam.

**Eadem actione ex Antipatro Bostrorum**  
Episcopo & Eusebio Pamphili, dicitur mulier, quæ sanguinis fluore laborans tacta fimbria Saluatoris sanata est, Christo statuam erexisse ex ære fusam, quæ ipsius effigié repræsenteret: & ex aduerso ex eadem materia statuam mulieris genibus prouolutę palmasque suppliciter tendentis: sub pedibus autem statux Dominicę herbam excrecere, quæ omnium morborum curationes exhibet. Hanc Iulianus apostata deturbauit, suamque in eius loco posuit. Quo facto ignis violentus de cœlo delapsus, statuam illam Iuliani circiter pectus persecuit. Pagani verò id temporis statuam Christi à Iuliano deiectam confringebant . At Christiani postea eius fragmēta cū collegissent, in Ecclesia posuerunt . Vbi etiam adhuc hodie custoditur, ait Sozomenus lib. 5. hist. Eccl. cap. 20. Chrysostomus in Liturgia quam Erasmus Latinam fecit, meminit imaginis Christi, ad quam conuersus sacerdos caput inflectit , portans Euangelium præcedente ministro cum lucerna. Sophronius episcopus Hierosolymorum in commentario de sanctis Cyro & Ioanne miraculo 306. Ecce imaginem maximam & mirificam vidimus, repræsantem in medio quidem  
picturam

*Euseb. l. 7.  
Cap. 14.  
Meminit  
& Theophyl. in  
9. Matth.*

*6. trip.  
cap. 41.*

*Tom. 3.  
conc. fol.  
107.*

picturam Domini nostri Iesu Christi, Christi autem matrē & dominam nostram deiparam semper Virginem Mariam à sinistris, à dextris verò Baptistam Saluatoris nostri præcurso-  
 Præterea Prophetarum & Apostolorum cho-  
 ros aliquot & Martyrum cœtus, qui ante ima-  
 ginem collocati genibus flexis & capitibus in-  
 clinatis in solum ante Dominum procidebant.  
 Imago Christi Abagaro (vt \* fertur) à Christo  
 missa, ingens edidit miraculum, quod narratur  
 à Procopio & Euagrio, & ex Euagrio, in 5.  
 actione synodi Nicenæ contra iconoclastas; ac  
 ab Hadriano papa 1. in scripto de imaginibus  
 ad Carolum magnum fol. 203. Habuerunt &  
 hæretici Carpocrita, & Marcellina sectæ istius  
 socia, quæ Romæ degens, perniciem doctrinæ  
 ipsius Carpocræ euomebat, imagines Iesu &  
 Pauli: quamuis grauissimè eis abusi sint collo-  
 cando cum imaginibus philosophorum, Py-  
 thagoræ, Platonis, Aristotelis, & reliquorum:  
 gentium quoque mores & mysteria circa eas  
 perficiendo. Habebant autem inter istas Iesu  
 imagines, quasdam coloribus depictas, quasdā  
 etiam ex argento & auro, ac reliqua materia:  
 easque tam antiquas, vt dicerent sub Pontio  
 Pilato factas esse, quando cum hominibus ver-  
 sabatur. Saluatoris in sella sedentis duas imagi-  
 nes ex argento purissimo posuisse Constanti-  
 num, in Ecclesia Lateranēsi, testis est Damasus  
 Papa. Tempore Tertulliani, in sacris calicibus  
 pingē-

\* Damasc.

l. 4. ca. 17.

Euag. lib.

4. cap. 26.

Aug. de  
her. cap. 7.Epiph.  
her. 27.In vita  
Sylæstri.

*Multò ante  
medium.  
Ex libro  
Pontificali.*

pingebatur Christus vt pastor, ad se vocans peccatores tanquam oues erraticas, vt ipse testatur in libro de pudicitia. Zacharias Papa fecit vestem super altare beati Petri Apostoli ex auro textam, habentem natiuitatem Domini Dei & Saluatoris nostri Iesu Christi. Nicolaus primus Apostolorum Principi poli que ianitori obtulit miræ pulchritudinis vestem, aureo intextam opere, decore que fulgentem, almam annunciationis habentem historiam, & hypapanten, qualiter que ipse vnigenitus filius Dei templum ingressus in Doctorum medio residebat.

*\*Idest, oc-  
cursum, sic  
Græci vo-  
cant peri-  
ficationis  
festum.*

*Imaginum S. Crucis exempla.*

C A P V T V I I.

*Lib. II. c.  
29.*

*Lib. I. c. 8.*

**C**Eterum sicut Christi Saluatoris, sic & crucis eius signum atque tropæum semper in Ecclesia celebre fuit. Quod Alexandriæ, vt habet Rufinus, vnusquisque in postibus, in ingressibus, in fenestris, in parietibus columnisque depingebat. Sozomenus addit, Constantini mandato crucis figuram numis impressam esse. Hieronymus ad Lætam, Vexilla, inquit, militum, Crucis insignia sunt: regum purpuras, atque ardentes diadematum coronas patibuli Saluatoris pictura condecorat. Crucis signum ex lucis fulgore figuratum oranti Constantino apparuit, cum inscriptione, In hoc vinces. Vnde ad illius effigiem vexillum suum

suum, quod Romani labarum appellant, fabri-  
 cari curauit. qua de re Eusebius in viræ Con-  
 stantini libro 1. Apud Minutium Felicē in eo li- *Cap. 22. seq.*  
 bro seu dialogo qui Octavius inscribitur apud *Laſſ. lib. 1. inst. ca. 11.*  
 Veteres (ac proinde falsò est in editis libris *Hier. de vir. ill. cap. 68.*  
 octauus Arnobij contra Gentes) in eo inquam  
 dialogo Catholicis obijcitur, quòd ad signum  
 crucis habeant pendentem hominem. Nam  
 & signa ipsa, & cantabra, & vexilla castrorum,  
 quid aliud quàm inauratæ cruces sunt & or-  
 natæ? tropæa vestra victricia, non tantùm sim-  
 plicis crucis faciem, verùm & affixi hominis  
 imitantur. Eiusdem sanctę crucis signum atra-  
 mento in frontibus Turcorum pictum, eos  
 ( quantumuis infideles ) à pestis contagio præ-  
 seruauit, vt est apud Nicephorum Callistum.  
 Alcuinus in libro de diuinis officijs, dicit in *Lib. 18. hist. c. 20. Fol. 58.*  
 die Parasceues, in omnibus Ecclesijs præparari  
 crucem ante altare, & adoratam de osculari  
 Pontificem; deinde presbyteros, & diaconos,  
 cæterosque per ordinem; inde populum. Chry-  
 sostomus hom. 55. in Matthæum hortatur, vt  
 & in penetralibus, & in parietibus, & in fene-  
 stris, & in fronte quoque ac mente, magno stu-  
 dio crucem inferamus. Domino supplicabant,  
 Bedate te, Augustinus & socij, more suo *Libr. 1. hist. c. 25*  
 crucem pro vexillo ferentes argenteam, &  
 imaginem Domini Saluatoris in tabula depi-  
 ctam, litaniasque canentes pro sua simul &  
 eorum propter quos & ad quos venerāt, salute  
 æterna,

æterna. Crucifixi imaginem in medio templi  
poni solere indicant Lactantio ascripta carmi-  
na de passione Domini.

*Quisquis ades, mediique subis in limina templi,  
Siste parum, insontemque tuo pro crimine  
passum*

*Respice me, me conde animo, me in pectore  
serua.*

Serm. 55.

Quo etiam spectat quod conciona-  
tus est Ambrosius, veluti malum in naui cru-  
cem erectam esse in Ecclesia, qua inter saculæ  
naufragia seruatur incolumis. Solet etiam in  
altari poni. Vnde eius in altari positi adoratio-  
ne Probianum à podagræ doloribus liberatum

Lib. 2.

cap. 2. in 1.

trip. c. 29

esse refert Sozomenus. Constat item ex Ter-  
tulliano primos fideles non solum frontem  
signaculo Crucis triuissæ, vt habet in libro de  
Corona militis, recensens hoc inter traditio-  
nes non scriptas: sed etiam, vt in Apologetico  
refert, Christianos, dum orarent, manibus ex-  
pansis, vtique ad similitudinem crucifixi, in  
cælum suspexisse: ipsumque habitum orantis  
ad supplicium omne paratum fuisse. Rursum

om. 50

Chrysostomus in homilia, Quod Christus sit  
Deus, Crucem vbique celebrari videre licet, in  
domibus, in foro (& post pauca) in murorum  
picturis, in corporibus brutis male affectis, in  
corporibus à dæmonijs obsessis. Tu igitur, vt  
habet Cyrillus Hierosolymitanus, manifestè  
signa te cruce in fronte, vt dæmones signum  
regis

cateche-  
si 4.



regis videres, trementes proculfugiant. Huc *Cathemerinon*  
 pertinent & illa Prudentij in hymno ante *Hym. 6.*  
 somnum :

*Fac, cum Vocante somno*

*Castum petis cubile,*

*Frontem locumque cordis*

*Crucis figura signet:*

*Crux pellit omne crimen. &c.*

Sed hæc de crucis imagine ex multis pauca  
 sufficiant. Quare ordine litaniarum à Christo  
 ad Spiritum sanctum transeamus.

*Exempla antiquitatis imaginũ Spiritus sancti.*

#### C A P V T V I I I.

**C**olumbas aureas & argenteas in formam  
 Spiritus sancti super diuina lauacra & alta- *Tom. 2.*  
 ria appensas, Seuerus hæresiarcha sibi appro- *fol. 436.*  
 priare præsumsit. Quod clerici & monachi An-  
 tiochiæ scribunt ad 5. Synodum Constantino-  
 politanam, & inde repetitur in 7. Synodo  
 contra iconomachos. In eiusmodi columba  
 Eucharistiam asseruauit Basilius magnus, teste  
 Amphilochio in vita sancti Basilij. Meminit  
 eiusdem picturæ semel ac iterum S. Paulinus,  
 in carminibus duodecimæ epistolæ.

*Imagines Deiparæ Virginis. CAP. IX.*

**T**Rinitati proxima est deipara virgo Maria,  
 super omnes Angelos exaltata, cuius ima-  
 ginem

ginem à Luca depictam esse non est à Nicephoro aut Simeone metaphraste natum, sed ante mille annos hanc imaginem à Luca effectam esse, tradit Theodorus lector, dum ait in initio collectaneorum: Pulcheriæ Eudocia imaginem matris Christi, quam Lucas Apostolus pinxerat, Hierosolymis misit. Habet Pontificale, Gregorium tertium in imagine sanctæ Dei genitricis diadema aureum & collare aureum de gemmis fecisse: & in oratorio sancto quod ad præsepe dicitur, fecisse imaginem auream Dei genitricis, amplectentem Salvatorem Dominum nostrum.

Tom. 3. cōc.

Scribit Germanus Episcopus Constantino-  
polis, imaginem virginis matris intemeratæ in  
Zosopoli Pisidiæ ciuitate, ex picta manu sua  
vnguentorum scaturiginem effundere. Narrat  
Theodorus Æliotes, incluso cuidā dixisse de-  
monem, Imaginem istam, si noles me tecum  
luctari, caue amplius adores. Habuit autem  
imago figuram Dominae nostræ Deiparæ vir-  
ginis Mariæ, gestantis Iesum Christum. Gre-  
gorius (secundus vel tertius) Germano, Sancta  
omnium Domina castæ Dei maris imago,  
cuius faciem diuites populi adorant, sine dubio  
magna retribuit.

Act. 3.  
Syn. 7.

Imagi-

*Imagines Angelorum ex vetustate observatæ.*

## CAPUT X.

**S**ed post Deiparâ dicamus de Angelis. Martyrium Procopij habet in summitate alarû *Fol. 113.*  
 Michaëlis & Gabrielis scriptum fuisse, Mi- *Æt. 4. &*  
 chaël & Gabriel. Ioannes però Gabalôn epi- *in Meta.*  
 scopus in vitam & politiam Seueri hæresiar- *Æt. 5. fol.*  
 chæ, Neque etiam Sanctorum, ait, Angelorum *133.*  
 honorem illâsum esse siuit. Frequenter enim  
 sermonem in gradibus stans hac de re habebat,  
 populumque sæpe persuadere conabatur, etiam  
 in ipso templo sanctissimi Michaëlis; non de-  
 cere Angelos purpureas vestes sed albas: non  
 ignorans sanctis potestatibus non esse curæ  
 quo vestitu vtantur. Huc adde illud Chryso-  
 stomi ex oratione, Quod veteris & noui testa-  
 menti vnus sit legislator. Ego ex cera fusilem  
 picturam, pietate plenam amaui: Vidi enim  
 Angelum in imagine Barbarorum nubes pro-  
 pulsantem; Vidi Barbarorû cohortes conculca-  
 tas, & Dauidem verè dicentem, Domine in ci- *Psal. 72. c*  
 uitate tua imaginē eorum ad nihilum rediges.  
 Quæ verba cum Nicæ in 7. Synodo recitaren-  
 tur, dixit initio quartæ actionis Ioānes locum  
 tenens Orientalium diœcesium: Quis autem  
 est iste Angelus, nisi de quo scriptum est, Quia *4. Reg. 19.*  
 angelus Domini centum octoginta quinque *Esa. 57. f.*  
 milia Assyriorû in vna nocte percussit qui ante  
 Ierusalem castra metati fuerant? Constantinus

magnus: vti Damascus in Pontificali testatur. In Basilica Cōstantiniana (quæ hodie Lateranensis dicitur) posuit cum alijs imaginibus, Angelos quatuor ex argento quinis pedibus: qui appendebant singuli libras 105. cum gemmis Alabandenis. In Lege autem, quis nescit Deum ipsum iussisse sanctorum Angelorum imagines & fieri, & in ipso templi sacrario asseruari? Duos, inquit, Cherubim aureos & productiles facies ex vtraque parte oraculi, respiciantque se mutuo versis vultibus in propiciatorium: ac de medio duorum Cherubim qui erunt super arcam testimonij, cuncta mandabo per te filiis Israël. Sed & Salomon postea fecit in oraculo duos Cherubim de lignis oliuarum, posuitque Cherubim in medio templi interioris, texitque eos auro.

Exod. 25.

3. Reg. 6.

*Veteres picturæ Ioannis Baptistæ.*

C A P V T X I.

**A**ngelis subiungendus est Ioannes præcursor Domini, qui Agnum Dei tollentem peccata nostra digito monstravit. Quod & vetustas in suis picturis expressit. Epiphanius in septima Synodo refert delicatis & mollibus vestimentis induto, ostendi solere imaginem Ioannis pilis camelorum induti, edentis sylvestre mel, & digito monstratis Christum qui suffert peccata mundi. Constantinus Augustus, teste Damaso, fontem sanctum cōstruxit, in quo & bapti-

In fine  
Act. 6.

In Syluestro.

baptizatus est, in labio autem fontis agnum ex auro purissimo fundentem aquam, appendentem libras triginta; ad dextrâ agni Saluatorem ex argêto purissimo; In læua agni, B. Ioannem Baptistam, ex argento, adscripto hoc titulo, Ecce agnus Dei: Ecce qui tollit peccata mundi: grauem libras centû. Canon 82. Syn. in Trullo, Inter nonnullas venerabilium imaginum picturas, agnus qui digito præcursoris monstratur, depingitur. Tharasius in confessione fidei *Ast. 3.* suæ; Sextæ Synodi omnia tum rectè & diuinè *Syn. 7.* decreta edita traditosque canones, recipio: præcipuè tamen in quo assignatur quibusdam in picturis agnum digito Præcursoris demonstratu feliciter effigiari. Hadrianus Papa Tharasio; *Ast. 2.* Inuenimus in synodica vestra epistola etiam clarè expressum, quod in sextæ Synodi diuinè & legaliter prædicatis canonibus recipitur, pictura illa veneranda, in qua agnus digito Præcursoris demonstratus, graphicè est in sculptus: qui verû nobis agnum nempe Christum Deum indicat.

*Antiquæ picturæ Patriarcharum & Prophetarum.*

## CAPVT XII.

**D**Epinxerunt & maiores nostri sanctos Patriarchas & Prophetas. Adam & Eua tempore Augustini pingebantur. Iulianus enim obijciteti, quod à pictoribus didicerit Adam &



*Lib. 5. contra Iul.  
cap. 2.*

Euam pudenda contexisse ficulneorum tegmine foliorum.

*Act. 4.  
Syn. 7.*

Hadrianus papa in 1. Actione septimæ Synodi, aut potius B. Stephanus Bostrorum Episcopus ab eo citatus, Nos verò in memoriam sanctorum, imagines facimus. Quorum ais? Abraham, Moïsis, Eliæ, Esaia, Zachariæ, reliquorumque Prophetarum, Apostolorum, & san-

*Lib. 22. cõ.  
Faustum  
c. 73.*

ctorum Martyrum. Testatur Augustinus tot locis pictam fuisse immolationem Isaac, ut oculos dissimulantes feriret. Vbi, inquit Nicol. Sanderus, aliquanto plus tribuit imaginibus quàm litteris: eò quòd litteræ non nisi doctorum oculos eis legendis deditos feriunt, cùm imagines interim tam rudium quàm doctorum oculos etiam dissimulantes, feriant; hoc est, quasi vi quadam excitant occurrentem ad rei considerationem, etiamsi alioqui non magni eam æstimaret. De hac imagine dicit quoque Gregorius Nissæ episcopus in oratione de deitate filij & spiritus. Vidi sæpius inscriptionis imaginem, & sine lachrymis transire non potui, cùm tam efficaciter pictura

*In epist.  
ad Aca-  
cium epi-  
scopum,  
eadem Act.  
Syn. 7.*

ob oculos poneret historiam. Laudat verò Cyrillus Alexandrinus eandem historiam per partes pulcherrimè depictam, sic ut non fuerit alius atq; alius Abraham, sed pictura sæpe visa, pictoris artificio eandem repræsentauerit facti ratione. Præterea sanctus Paulinus Episcopus, sub initium natalis decimi, meminit imagi-  
num

num SS. Iob vulneribus tentati & Tobix lumine orbat, ex vna parte; ex altera verò, imaginis inclytæ Iudith.

*Qua simul & Regina potēs depingitur Esther.*

Eusebius in vita Constantini dicit videri Constantinopoli apud fontes in medio fori Danielem, cum leonibus ex ære incisum, auriq̃ue laminis splendescentem.

Lib. 3.

cap. 48.

*Exempla antiquitatis de Apostolorū picturis.*

### CAPVT XIII.

**N**Ec minus celebres fuerunt apud veteres Apostolorum picturæ. Damasus scribit in Syluestro, Constantinum posuisse in basilica Constantiniana cum Salvatore sedente in sella, duodecim Apostolos. quorū singuli quinos pedes longi grauesq̃ue libras nonaginta, cū coronis ex argento purissimo. Idem Eusebio referente, in vrbe ei \* cognomine, Apostolorum templum, siue martyrium ædificauit, & in eo cōditoriū suū, quod vtrinq; seni claudebāt Apostoli, vt defunctus quoque precationū quæ ibidē essent ad Apostolorū gloriam offerendæ, particeps efficeretur. Gregorius secūdus oratorium in patriarchio, in nomine Beati Petri Apostoli, diuersis ornatum metallis, à nouo fecit, & circumqua; altaris parietes deargentauit, ac depinxit duodecim Apostolos, quorū pōdus erat librarum centū octoginta. De Sergio primo scribit Platina quòd statuas Apostolorum

Lib. 4. vita Cōstā.  
cap. 60.  
\* Constantinopoli.

pontificate  
10m. 3. cōc.

Cap. 5.

vetustate exoletas renouauerit. Beda in libro de locis sanctis, meminit etiam lintei cui inerat pictura vetustissima duodecim Apostolorum

Epigr. 10.

Epist. 12.

& ipsius Domini. Paulinus inter picturas Basilicæ ad Dominediũ, ponit quod crux Christi fuerit cincta corona Apostolorum. Petrus & Paulus Apostolorum Principes sæpius apparuerunt in ea specie qua pingi solent: vt patet

Tom. 1.

concil.

ex Constantino in edicto donationis suæ, & Ambrosio de inuentione Geruasij & Protasij. Germanus Patriarcha in septima Synodo Act. 4.

Cap. 14.

In septimo, ait, Historiæ Ecclesiasticæ libro scripsit Eusebius, se Apostolorum Petri & Pauli, item ipsius Domini nostri Iesu Christi ex coloribus depictas imagines vidisse. Afferit autẽ ea specie qua putantur fuisse. Augullinus lib. 1. de consensu Euangelistarum, cap. 10. dicit Petrum & Paulũ pluribus locis simul cum Christo pictos esse, quia merita Petri & Pauli etiam propter eundem passionis diem, celebrius & solenniter Roma commendat. Platina scribit, ex pontificali vt opinor, Hadrianum primum altare sancti Petri pallio exornasse, in quo depicta Historia inerat, quemadmodum Angelus B. Petrum è vinculis liberauit. Damascenus verò in tertio contra imaginum oppugnatores, dicit, Ioanni (Chrysoftomo) fuisse in imagine effigiem, quæ ipsum Paulum Apostolum spirantem exprimebat. Meraphrastes addit, quod Pauli imago perpetuò stabat ante Ioannem,

Act. 12.

Act. 9.

tom. 1.

Surij

pag. 653.

&amp; quod

& quòd eam soleat perpetuò intueri. Gregorius verò sic scribit Secundino seruo Dei incluso; Direximus tibi suttarias duas, imaginem Dei Saluatoris & sanctæ Dei genitricis Marię, beatorumque Apostolorum Petri & Pauli continentes & vnā crucem: clauem etiam pro benedictione à sanctissimo corpore Petri Apostolorum Principis, vt per ipsum à maligno sis defensus per cuius signum munitum te esse credis. Gregorius tertius dedit ad sanctum Petrum imaginem auream in gemmis, sancti Andree Apostoli. Hadrianus primus, fecit imaginem Mariæ & à dextris eius Andree; à sinistris verò Ioannis Euangelistæ.

Libr. 7.  
epist. 53.

Pontificale.

*Martyrum vetustæ aliquot imagines commendantur.*

## CAPVT XIII

**H**Actenus de Apostolis, nūc de Christi martyribus dicamus. Sancti Stephani primi martyris imaginis, diuinitus allatæ, pulcherri-  
mè meminit Euodius Vzalis episcopus, qui claruit tempore Augustini, libro secundo de miraculis sancti Stephani. Cū enim immensæ magnitudinis draco in die nundinarum Vzali è nubibus propendēret, relicta omni rerena negotiatione erat magnus multitudinis concursus ad gremium Ecclesiæ matris. Ad ipsam amici Dei sacratam memoriam in facie prostrata iacebat diuersa ætas, dispar quoque

tom. 10.  
Augustini  
inappēdie.

sexus : donec , Stephani prece fusa , clementia  
 Dei draconem illum subtraheret . Sequenti  
 die negotiator nunquam cognitus , aut verius  
 Angelus , Sennodo Vzalensis ecclesiæ subdia-  
 cono attulit velum varijs pictum coloribus ,  
 in quo inerat pictura hæc , In dextra veli parte ,  
 ipse sanctus Stephanus videbatur astare , &  
 gloriosam crucem proprijs repositam hume-  
 ris baiulare : crucis cuspide portam ciuitatis vi-  
 debatur pulsare , ex quo profugiens draco  
 teterrimus cernebatur exire , amico Dei ve-  
 lut aduentante . Verùm ille serpens noxius ,  
 nec in fuga quidem ipsa tutus , sub triumphali  
 pede Martyris Christi contritus aspicieba-  
 tur & pressus . Talis itaque pictura veli à sub-  
 diacono suspensa est ante memoriam tanti  
 patroni : & omnis ætas omnisque sexus intue-  
 ri cœpit & mirari tanquam grande spectacu-  
 lum , quo scilicet authore , quòue liberatore ,  
 draco ille extinctus est , hostisque deuictus .  
 Nam reuera Dei fuit ad homines quadam  
 allocutio , in velo tacitè dicentis : O miseri  
 mortales , quale hesternæ die draconis euase-  
 ritis incendium , vel cuius pro vobis aduocati  
 fuerit acceptum suffragium , istius veli fi-  
 guratione intelligite atque gaudete . Ecce  
 draconem de vestra ciuitate cernitis fugatum  
 & expulsum . Ecce conterentem caput eius  
 primum martyrem meum . Ecce crucis tro-  
 phæum per quod vicistis inimicum . Grego-  
 rius



rius Nyssen laudes Theodori martyris explicans, optimè declarat quomodo templa passim ornari solent apud Græcos, per fabros, latomos & pictores: & de Theodoro subiungit, Induxit etiam pictor flores artis in imagine depictos, fortia facta martyris, repugnantias, cruciatus, efferatas & immanes tyrannorum formas, imperus violentos, flammæ illum fornacem, beatissimam consummationem athletæ, certaminum præsidis Christi humanæ formæ effigiem. Omnia tanquam in libro quodam qui linguarum interpretationes contineat, coloribus artificiosè depingens, certamina atque labores Martyris nobis expressit, ac tanquam pratum amœnum & floridum, templum exornauit. Solet enim etiam pictura tacens in pariete loqui, maximeque prodesse: lapillorum item concinator per opus quod in pavimento pedibus calcatur idem effecit. Fuit & Theodorus archimandrita Siceorum, de quo Georgius eius discipulus refert, quod sanatus sit per miraculis illustres sanctos, Cosmam & Damianum, qui tales se illi obtulerunt, quales pictura exprimebat. Cui simile est quod Actione 4. Nicæ legit Theodosius ex libro miraculorum Cosmæ & Damiani, de vxore Constantini Laodicensis, quæ vidit tremendos & magnos medicos Cosmam & Damianum, ea quæ pinguntur figura lecto suo assistentes: ac rursus de alia muliere.

*Sub initium.*

*Die 22.*

*Aprilis*

*Fol. 108.*

*tom. 3.*

*concil.*

quæ

que torminibus agitata, omnibus ædium suarū parietibus imagines Cosmæ & Damiani depinxit: & iterum de viro admodum mansueto, qui fistula in iunctura coxæ laborauerat quindecim annis. Hic in porticu templi sanctorum Cosmæ & Damiani, videns imaginem Seruatoris nostri, cui appicta erat Deipara, beati-  
 que Cosmas & Damianus, & quidam ex magnatibus qui tabulam suspenderat: amarè illachrymans, rogat sanctos vt voti fiat compos. Digressus autem domum, vidit noctu sanctos Dei viros ad se venientes, in medio autem Virginem matrem dicentem ad illos, En hic est, suppetias illi quamprimū ferte. Item ex miraculis martyris Anastasij, Arete mulierem inus  
*Fol. 96.* conspicata in sancti Anastasij templo, sancti imaginem, cum lachrymis cœpit exclamare, Hic est qui in somno verè à me visus, instruxit me de malis quæ me habent. Deinde se ipsa in solum prosternens, sanctumque orationibus flebilibus martyrem placās, sana firmaque surrexit quæ paulò ante alienis pedibus incedebat extremaque patiebatur. Beatus Nilus in episto-  
*Fol. 100.* la ad Heliodorum silentiariū refert, ad honorem Platonis patrij sui martyris, quòd Galata quidam senex & filius eius captiui, per præcognitam imaginem martyris ipsum adeo martyre præsentem cognouerint cū liberarētur. Eodē modo Georgius sicut pictus cernebatur apparuit Elpidiæ, adolescens valde formosus, splendidis velli-

dis vestimentis ornatus, aureaque fulgēs coma,  
 prout in Theodori historia discipulus eius Georgius presbyter scriptū reliquit. Magnus  
 verò Basilius in oratione de Barlaā, O clari ait  
 athleticorum rectē factorū pictores, exsurgite!  
 obscurus à me corona dignū virum descriptum,  
 coloribus artis vestra lucidum & splendentem facite.  
 In ostendendis præclaris facinoribus martyris victrix abeat pictura! Gaudeo  
 in hoc certaminis genere me vobis esse inferiorem.  
 Videam manus exactissimum opus quo certamen pingitur!  
 Videam clariorem pictum in vestra imagine pugilem! Lugeant demones,  
 clari martyris facinoribus per nos ostensis attoniti!  
 inscribatur etiam tabulae qui certaminibus præsidet Christus, cui gloria in  
 sæcula sæculorum. Apud Damascenum lib. 3. de imaginibus  
 dicit Helladius Basilij successor & discipulus,  
 Basilium fixius se obrulisse perspicuendae  
 imagini Domini nostri & Mercurij martyris.  
 Cassiani verò & Hippolyti depicta martyria,  
 & pulchrè & libenter in suam poësim retulit  
 Aurelius Prudentius. Nec mirum, Simile enim gaudet simili:  
 quam obrem picturis delectatus est poëta, cum picturam poësim  
 esse tacentem dixerint Græci: quemadmodum scribit  
 Gregorius iunior Romano patriarcha.

22. April.

Eql. III.

tom 3. 100.

Basil.

tom. 18.

Peri Steph.

Lym. 9. 11.

In 7. syn.

act. 4.

## CAPVT XV.

**P**ropter tantam picturæ & poësis affinitatem, ob quam hæc quidem à Simonide dicta est pictura loquens, illa verò poësis tacēs; sanctus ille Paulinus Nolanus episcopus non fuit contētus sua sacra poësi, sed præterea sacris imaginibus multum est delectatus. Vnde cūm Severus nouam Ecclesiā imagine sancti Martini ( vt ad Confessores transeamus ) alijsque picturis exornaret, peteretque de ijs per suum Victorem versus quosdam à Paulino, libenter eos transmisit: imò vrgente Victore misit præterea picturas & versus quibus ipse duas basilicas exornarat, Nolanam videlicet suam & Fundanam. Theodorus Myrorum episcopus refert diacono suo apparuisse Nicolaum facie rubicūda, capite cano, eodem planè modo quo imago eius circūfertur passim expressa. Discipuli Epiphaniij ædificauerunt templum quod eius nomine appellauerunt, in quo cum multis alijs picturis, illius quoque imaginem collocarunt, vt habet actio sexta Nicena & Ioan. Damascenus. Chrysostomus in encomio magni Meletij, In annulis, in poculis, in phialis, in thalami parietibus & vbiq̃, sanctā illā (Meletij) imaginem multi pinxerunt, vt non tantūm sanctam illam appellationem audirent, sed & vbiq̃ corporis formam inspicientes, dupli-

*Epist. 12.**Tom. 3.  
conc. fol.  
100.**Tom. 5.**Dam. lib.  
de imag.  
Chrysost.  
epist. Me-  
taph. & 7.  
Synodum.*

cem haberent peregrinationis consolationem. Quod autem ad annulum attinet, hoc propter antiquitatem interijcio, quamuis parergũs, quod B. Augustinus Victorino episcopo epistolam miserit signatam annulo qui exprimebat faciem hominis attendentis in latus. Sabatius Constantinus cum vocem amisisset, magni patris Gregorij theologi statuam cõtinenter accedens loquendi facultatem recipit: scribit Zonaras in vita Michaëlis Balbi. Theodoretus episcopus Cyri in vita Simeonis adhuc viuentis: Aiunt, inquit, Simeonem in Roma, maxima scilicet illa, tam fuisse fama nobilem, vt in omnibus etiam officinarum vestibulis, exiguas eius imagines collocarint, custodiam quandam, & securitatem rebus suis illinc promittentes. Rursus, Theodosij abbæ adhuc viuentis imago illustri miraculo Apameæ clauit: quod refertur in quinta Actione septimæ Synodi. Tempore præterea Petri archidiaconi, Saturninus monachus dextra læuaque beati Gregorij, effigies Sanctorum Apostolorum quemadmodum videntur depinxit, vt scribit Ioannes Diaconus libro quarto vitæ S. Gregorij. Epist. 13.  
in fine 2.  
tomi.

*In list.**sanct. 8.**26. ante**med. 6.**Aët. 4.**syn. 7.**Cap. 83.*

*De artificiosissima pictura Euphemie.*

C A P V T X V I.

**S**Ed descendamus ad virgines, Gregorius tertius sicut in ecclesia beati Petri Apostoli ab vno Põtificalis  
liber 10. 3.  
conc.



*Conc.**In 7. syn.**Aff. 6.**fol. 164.*

ab vno latere posuit effigies Saluatoris & Apostolorum, ita ab alio latere expressit effigies Dei genitricis & sanctarum virginum. Asterius verò Amasiæ Episcopus, contemplatus imaginem passionis Euphemiæ martyris, hisce encomijs vsus est, Pictor quoque secundum vires per artem pius est, qui omnem Historiam in sindone pinxit. Habet se autem ad hunc modum suauitas artis. In alto throno iudex sedet, amarè & horribiliter in virginem videns (irascitur enim etià in ipsis inanimatis rebus, cum vult, ars) satellites verò imperij & multi milites, Commentarienses, tabulas & stylos manibus gestantes adstant: quorum vnus manum à cera auferens, diligenter ad condemnatam aspicit, quasi iubeat clarius virginem loqui ne in scribendo à se error committatur. Stat autem virgo in pulla tunica & pallio philosophiã significante, vti pictori visum fuit, vultu verò satis urbano; meo autem iudicio, animo virtutibus omnibus egregiè splendente. Ducunt autem eam ad principem milites duo, quorum aliter horsum, alter illorsum virginem trahunt, vultus autem virginis pudore & constantia mixtus est, annuit enim in terrã veluti virorum erubescat aspectũ. Stat autem imperterrita, nihili omnino faciens miserum certamé. Quemadmodũ autem aliquãdo alios pictores contemplatus sum in pictura mulierculæ Colchidos, quomodo sit affecta in iugulatione prolium, dum

*Medææ.*

dum gladium illis intentat (misericordia enim & furore vultum habet diuisum, quia alter oculorum iram exhibet, alter verò maternum affectum, horrens & parcenti similis) Ita quoque hîc mihi contigit, nam admirationem meam ab illa cogitatione ad hanc picturam transtuli. Valde autem miror pictorem, qui affectus naturæ pugnantes, pudorem scilicet & virilitatē commiscuerit. Imitatione autem artis procedente ad historiam. Ecce adsunt duo vulgares homines in tuniculis nudi, quorum alter caput virginis arripiens, & in eum flectens, ad pœnam alteri commodè exhibere videtur: ille verò adstans dentes virginis excutit. Instrumenta autem pœnæ malleus & terebra sunt. Hic lachrymas amplius continere nequeo, dolorque sermonem aufert. Nam ita manifestè & euidenter sanguinis guttas pictor decolorauit, vt iuraueris à labijs effluere, & cum fletu discedere cogaris. Dehinc carcer & iterum in pullis vestibus, decenter virgo ad cœlum manus eleuans, Deum in malis auxiliatorem inuocat. Hac verò sic precante apparet à capite signum illud, quod consuetudo est Christianis adorare & depingere; symbolum autem arbitrator passionis quam illa suscepit. Statim autem pictor alibi ignem huc illucque se spargentem rubro coloris depinxit, & hic quoque noua arte flammam faciens corpoream. Stat autem ipsa in illo media, manus ad cælum complicās,

E dolo-

Die 11.  
Iulij.

dolorem autem nullum vultu præfert, sed magis gaudenti similis est, quòd ad vitam incorpoream & beatam iter faciat. Huc vsque pictor manum suam extendit & ego orationē. Tempus autem est vt & tu picturam perficias, ne nimium extra narrationem veniamus. Hactenus Asterius. Cui etiam subiiciendum est quod Constantinus Tius episcopus refert dū inuentionem reliquiarum Euphemix narrat, ipsius videlicet sacram imaginem vbique habere chartam in manu, eo quòd decretum Chalcedonensis Synodi, dum aduersarij quidam reliquijs Euphemix admouere vellent, vt ab ea dijudicaretur, ipsa magno miraculo mortuam manum extendit, & receptam chartam in fidei corroborationem ministris rectæ fidei reddidit.

*Inter antiquas picturas eas potissimum obseruandas esse, quæ nos ad peccatorum detestationem ipso visu mouent.*

## CAPVT XVII.

**H**Oc insuper ex veneranda antiquitate adijcio, tunc temporis frequentes fuisse eas imagines, quæ sui inspectione nostras affectiones à peccatis abstrahunt: imo Ecclesiam solere eas indicare laborantibus, auaritia, turpi amore, fastu, aut alia peccati specie; vt ex earum  
iugi

iugi contemplatione, se à peccatis suis abstraherent. Quod & nunc faciendum est, dicente Parochorum catechismo: Sanctorum quoque imagines in templis demonstrabit (Parochus) vt & colantur, & exemplo moniti ad eorum vitam & mores nos ipsos conformemus. Sunt enim picturæ viuæ scripturæ, quomodo Græci nominant: & non tantum laicorum & idiotarum libri, sed doctissimorum quoque & sanctissimorum virorum, quæ earum inspectionem fatentur sibi magnam vtilitatem, imo & lachrymas peperisse. Hac sanè de causa sancta Ecclesia solet antiquitus sanctarum huiusmodi imaginum inspectionem eis commendare, qui aut in peccata quædam inciderant, aut ab eis impugnabantur.

*Beda de templo Salom. c. 18.*

Quod pulchrè habet septima Synodus sub finem sextæ actionis his ferè verbis: Sancta & Dei Catholica Ecclesia ad pœnitentiam & cognitionem obseruationis mandatorum Dei omnes nostros sensu trahit, & ad gloriam Dei agnoscendam studet nos deducere non modo per auditum, sed & per visum morum correctionem moliri cupiens. Quare cum ex auaritia & habendi studio aliquis rapitur, Matthæum ex telone Apostolum illi indicat, qui relictæ auaritiæ insania Christum secutus est. Eodem modo Zachæum ascendentem in sycomorum arborem & Christum desiderantem videre, & comparantem sese vt dimidietatem

*Matth. 9.*

*Luc. 19.*

tatem bonorum suorum det pauperibus, & si quem defraudarit vt reddat illi quadruplum. Ita imaginum pictarum iugis contemplatio continuò memoriam exercet, ne iterum recurratur ad proprium vomitum. Si quis autem

*Genes. 39.* amore meretricio detinetur, casti Ioseph imaginem proponit, qui adulterium execratur & temperantia vicit. Atque hoc ipsum factum in imagine representatum, amatores huius virtutis multum confirmat. Rursus alibi beatam Susannam continentia exornatam exhibet, extensis manibus auxilium ex alto inuocantem, Danieleque præsidentem Iudicem, euentem eam è manibus impiorum seniorum. Ipsa autem pictura ad recordationem temperantis & continentis vitæ facit. Luxurioso quoque mollibusque vestimentis induto & non eroganti in pauperes quæ posset ab istis preciosis vestibus sumere & à sua delicata vita, exhibet Ioannem pilis Camelorum indutum, eum qui suffert peccata mundi indicantem. His adiungit Basilium magnum & cum eo solitariorum ieiunantiumque, corporibus in terram stratis, multitudinem. Sed satis sit horum paucorum mentionem fecisse: reliqua auditoribus inuestiganda relinquo.



*Eas imagines amplectendas esse, quæ solidè innuuntur historiæ.*

## CAPVT XVIII.

**C**onsequenter dicendum est, eas quoque picturas & imagines quæ solidis historijs innituntur, reuerenter ab omnibus agnoscendas esse. Quod multa probatione non eger. Si quidem vt Basilius magnus habet sermone in 40. Martyres, ea quæ historia oratione exprimit, hæc tacens pictura per imitationem ostēdit. Quare sicut sanctorum omnium martyrum agones & vitas patrum solidè scriptas, omni deuotione Ecclesia veneratur; sic pari pietate eadem ipsa picturis expressa omni veneratione suscipit. Inter quæ primo loco recensentur historiæ sacræ scripturæ, tam noui quàm veteris Testamenti: quas etiā vetustas accuratissimè depinxit. Scribit enim B. Nilus ad Olympiodorū Procoss. Noui & veteris Testamenti historijs hinc inde parietes templi repleti doctissimæ pictoris opera velim, quò scilicet hi qui litteras non norunt neque sacram scripturam legere queunt, contemplatione picturæ in memoriā reducant, quinam germanè vero illi Deo per fortia facta seruierunt. Quibus verbis Niceæ in quarta Actione lectis, subiecerūt vicarij Adriani Papæ, Tale etiam qui nunc in Deo quiescit Ioannes, olim fecit. Nam cùm templum Romę

*In 7. syn.  
act. 5. &  
kom. 20.*

Saluatoris extrueret, in utroque pariete templi  
historiam veteris & noui Testamēti inscripsit.  
Hinc quidem Adam exeuntem paradysum, il-  
linc verò latronem paradysum ingredientem,  
& reliqua. Paulinus quoque in natali nono,  
sancti Felicis, ita canit,

*Nunc volo picturas fucatis agmine longo  
Porricibus videas, paulumque supina fatiges  
Colla, reclinato dum perlegis omnia vultu.  
Omnia namque tenet serie pictura fideli  
Quæ senior scripsit per quinque volumina Moses:*

Iosue.

*Quæ gessit, Domini signatus nomine, Iesus.  
\_\_\_\_\_ & rursus natali decimo,  
\_\_\_\_\_ Sanctasque feramur in aulas,  
Miremurque sacras veterum monumenta fi-  
guras:*

*Et tribus in spatijs duo Testamenta legamus.*

Esai. 40.

Ad huiusmodi picturas pertinet quod Salua-  
tor noster pingatur manu tenens orbem ter-  
rarum, superposito crucis signo. Ipsi enim  
competit quod Esaias ait, Quis mensus est  
pugillo aquas, & cœlos palmo ponderauit?  
Quis appendit tribus digitis molem terræ?

Coloss. 1.

Et illud Pauli, Per eum complacuit recon-  
ciliare omnia in ipsum, pacificans per san-  
guinem crucis eius, siue quæ in terris, siue  
quæ in cœlis. Et alibi, Saluator noster omnes  
homines vult saluos fieri & ad agnitionem

1. Tim. 2.

veri-

veritatis venire. Vnus enim Deus, vnus mediator Dei & hominum, homo Christus Iesus, qui dedit redemptionem semetipsum pro omnibus. Huc pertinet Deiparę virginis & Domine nōstre pictura, qua exprimitur diabolus habens sub pedibus. Qua significatur beatissimam Virginem maxima gloria diabolus vicisse. Omnem enim vitam suam speciali Dei priuilegio duxit immunem ab omni peccato, non modò mortali, sed etiam veniali: id quod Ecclesiam sentire declarat sacrosancta Synodus Tridentina.

Seff. 6.

can. 23.

Angelos præterea in columnis altarium libenter statuit Ecclesia ad significandum quod tremēdis illis Missę sacrificijs Angelici spiritus coram & præsentēs assistant, iuxta illud Ambrosij: Non enim dubites assistere Angelum, quando Christus assistit, Christus immolatur. Sed hæc postmodū commodius prosequemur.

In Luc. 1.

lib. 3. c. 40

*Non est reprehendendum, si quid conuenienter pictura exprimatur, quod in historica narratione deest.*

## C A P V T X I X.

ET ista quidē hætenus de imaginibus desumptis ex historijs aut rationibus solidis. Quia verò nullis, incertis ac proinde nec falsis Ecclesia delectatur, nemo arbitretur pictores in eo reprehēdēdos esse, quòd quēdā in picturis

E 4 expri-

exprimant quæ in historiis non habentur. Hoc enim non solum probabiliter & conuenienter, sed & necessariò quandoque faciunt & communi quodam totius Ecclesiæ sensu atque consensu approbatur. Exempli gratia. In historia incarnationis Dominicæ, Euangelia non exprimunt quid egerit beatissima Virgo cùm archangelus Gabriel intraret, eam salutans: steteritne an sederit, an verò flexis genibus meditationibus fuerit intēta. Quia verò aliquid horum dum historia pingitur necessariò est superaddendum, communi quodam pictorum consensu & aliorum approbatione receptum est id quod maximam habet probabilitatē. Probabile verò est, quod flexis genibus superbenedicta Virgo eo tempore se occupauerit in redemptionis nostræ meditatione. Si enim nec Danieli viro desideriorum tempus natalis Christi nuntiatur à Gabriele, nec Zachariæ sacerdoti præcursor Messia, nisi intensissimè orantibus: an ne existimādum est Gabrielem ad hanc virginem venisse Deo non intentam? Rursum, In fuga Christi ad Ægyptum depingenda, quod Euangelista tacuit, pictor ex probabili coniectura supplere debuit. Probabile verò est quod tenera virgo puerum Iesum baiulans, vastum illud itineris spatium ambulando non potuerit absolvere. itaque pictores dāt ei iumentum quo pauperiores vti solent, quodque nec se nec sessorem suum aut saltando aut festinando fati-

*Luc. 1. c.*

*Daniel. 10.*

*Luc. 1.*

*Matth. 2.*

fatigare solet. Iosephum autem, qui ex mandato angeli dux erat itineris & laboribus fabrilibus assuetus, ideo pedestrem pingunt, quia magna illa Dei parentum paupertas quę nobis in historijs natiuitatis & presentationis Domini declaratur, non videtur admittere potuisse duorum iumentorum sumtus.

Tentator dixit Saluatori nostro, Si filius Dei es, dic vt lapides isti panes fiant: nescimus autem an demonsttrauerit lapides humi iacentes, an verò, vt picturę ferè exprimunt, lapides quos in manibus habebat. Posterius videtur probabilius, verisimile enim est quod Domino nostro lapides mutandos porrexerit. Vter latronum à dextris Christi fuerit crucifixus, nullus Euangelistarum expresit: in picturis tamen bonus seu pœnitens latro dextero loco collocatur. Saulus adhuc spirans minarum cum appropinquaret Damasco cadit in terram, habet Lucas: pictores addunt ei equum. Non enim verisimile est peditem fuisse Saulum, quando commissione accepta à Principibus sacerdotum, in Damascum iter faciebat, vt si quos ibi inueniret Christianę vię viros ac mulieres, eos vinctos perduceret in Ierusalem. Quid igitur ad hæc & similia multa dicemus? quod Ecclesia multa habeat incerta in suis picturis? Absit. Quantumuis enim admitteretur incertum esse, an Maria genibus flexis meditationibus intenta fuerit cum angelus ei incarnationis

Matth. 4.

Marc. 5.

Matth. 27.

Lucæ 23.

Act. 9.



myſterium annunciaret; an aſinum habuerit fugiens in Ægyptum; an diabolus Chriſtum tentans monſtrauerit lapides, quos in manu habebat; an à dextro Chriſti latere bonus latro ſit crucifixus; poſtremò an è caballo in terram ceciderit Paulus: ex his tamen non conſequeretur incertas eſſe ſuperius indicatas picturas. Eæ enim non ſignificant hæc certa eſſe, ſed tantum ſignificant etiam pictorum iudicio hæc probabiliter dici. Non igitur picturæ hæc in parte incertum aliquid ſignificant, ſed quod certum eſt. Certum eſt enim hæc ſuam probabilitatem habere: atque, ut dixi, nihil amplius ſignificant. De ſitu tamen & ſignificatione latronum paulò plenius poſteà dicendum erit.

b. 4.  
p. 9.

*Sicut in parabolis, ſic neque in picturis, omnium quærendam eſſe ſignificationem.*

## CAPVT XX.

**I**Mò verò non eſt inquirenda ſignificatio omnium eorum quæ ex pictura colligi poſſent, inde enim multa ſequerentur abſurda. Quæ enim ſimilitudinum & parabolarum, eadem & picturarum, quæ ſunt pictæ ſimilitudines, eſt ratio. Quare ſicut Ioannes Chryſoſtomus de parabolis ſæpius dixit, non ad verbum eas exponendas eſſe ne multa ſequantur abſurda: itidem & nos de picturis dicamus, non per

Num. 48.  
v. Matt.

per singula eas exponendas esse ne multa sequantur absurda. Et quod idē doctoralibi præclarè scripsit de parabolis, hoc ad picturas quoque referamus. In parabolis, ait, non oportet *Hom. 65, in Matth.* nimia in singulis verbis cura perangi, sed cum quid per parabolam intendatur didicerimus, inde vtilitate collecta nihil vltius anxio est conatu inuestigandum. Sicut ergo in parabolis quædam adiiciuntur non ad significationem, sed tantum ad ornatum & perfectionem ipsius parabolæ: sic in picturis multa rectissimè apponuntur, non significandi quidem causa, sed ad complementum & debitum ornatum ipsius imaginis. Quis enim nesciat quod pictores dum certa forma martyrum facies exprimunt & staturam & vestitum, rarissimè, imò nunquam nisi hoc ex historia aut traditione habeant, significare velint huiusmodi fuisse martyris effigiem, staturam aut vestitum: sed imago ipsa martyrem repræsentat, reliqua iuxta exigentiam artis debite & conuenienter appinguntur, neque sunt anxio conatu per singula inuestiganda. Hieronymum pictores pingunt habitu Cardinalitio; quo nunc vtuntur Ill.<sup>mi</sup> DDñ. Cardinales, non ad significandum quod eodem habitu vsus ipse fuerit (Galerum enim rubrum dedit eis Innocentius quartus Anno 1244. reliqua eius ordinis insignia posteriores Pontifices excogitarunt, vt habet D. Onuphrius.) Quare *In Platina nam.* hæc

hæc pictura non plus significat , quàm Hieronymum Presbyterum fuisse Cardinalem Romanæ Ecclesiæ . De quo nonnihil postmodum dicturi sumus.

*In imaginibus , tametsi sint idiotarum libri , multa tamen metaphorice & allegorice rectè depingi.*

## CAP V T X X I.

**V**T autem de picturarum metaphoris & figuris nonnihil subiungamus. Si quis arbitraretur in imaginibus nullas metaphoras aut figuras admittendas esse, eò quòd rudes propter quos præcipuè imagines ponuntur , non perinde eas intelligant atque eruditi : is mihi venerandæ Vetustatis imagines nunquam observasse videatur. Ea sanè tales adhibuit frequèter, Vt, Spiritus sancti sub specie columbæ, Angelorum cum corporibus & alis: item & eas quas in basilicis Nolæ & Fundis positas suis carminibus celebrat Paulinus , aliasque permultas. Nec vetustarum tantum imaginum ignorantia laborat: sed & à communi sensu atque iudicio alienissimus , nimium proculdubio in proprio sensu abundat . Neque enim tam rudis est populus vt nullas in picturis metaphoras & trallationes assequatur: imo verò multas etiam allequitur , quarum tamen significationem à nullo

Paulinum  
epist. 12.

nullo doctore acceperit. Quod si quæ sint, quas non assequitur; nec alio etiam docente commodè assequi posset, de ijs statuendum hoc est, quod de libris. Libri quidam scribuntur pro rudioribus, quidam pro doctioribus. In vno quoque & eodem libro, quædam tantum doctioribus & capacioribus subseruiūt, quædam verò & plebi. Sic & imagines pleræque statuuntur, ut quod in eis principaliter significatur, facile rudis populus aut assequatur aut assequi possit, ita tamen ut multa magis propter doctos & capaciores addantur, quam propter rudiores. Sunt etiam imagines, sed per pauca, quarum principalis significatio & representatio à solis doctis intelligitur. Inter quas sunt reuelationes à beato Ioanne in Apocalypsi descriptæ. Ex ijs enim lectis parum intelligit simplex plebecula, ac pròinde multo minus ex ijs depictis.

*Dæmonum metaphorica pictura explicatur.*

## CAPUT XXII.

**C**Larum est eius rei in picturis diabolorum exemplum: facile cuilibet est è depicto cognoscere diabolum, tametsi pauci considerent quid sibi velint apposita cornua, caudæ, ungulæ, & similia. Doctiores verò per cornua sciunt phrasi sacrę scripturæ significari potestatem

tem regiam ac potentiam ; non ignorant cornutum eum pingi , quia non est super terram potestas quæ comparetur ei qui factus est vt nullum timeret , quique omne sublime videt & est rex super vniuersos filios superbiæ. Caudam autem significare fraudem sciunt qui intelligunt illud Iob , Ecce Behemoth stringit caudam suam quasi cedrum , & illa Apocalypsis verba , Habebant caudas similes scorpionum , & aculei erant in caudis eorum . Et paulò post : Cauda draconis magni rufi trahebat tertiam partem stellarum cœli . Ac postremò illud magni Concilij Lateranensis , Condemnantes vniuersos , quibuscunque nominibus censeantur , facies quidem habentes diuersas ; sed caudas adinuicem colligatas , quia de vanitate conueniunt in idipsum . Vngulas rapacitatem significare , vtcunque notum est . Ignis quem eijcit , desumptus est ex 41. cap. Iob . vbi sic ait Dominus ad Iob , Sternutatio eius splendor ignis , & oculi eius vt palpebræ diluculi . De ore eius lampades procedunt sicut tedx ignis accensæ . De naribus eius procedit fumus sicut ollæ succensæ atque feruentis . Halitus eius prunas ardere facit & flamma de ore eius egreditur . Hæc atque hisce similia , qui volet , diligentius perscrutetur.



*Non esse statuendas imagines quæ periculosi erroris occasionem rudibus præbent.*

## CAPVT XXIII.

**R**Edeamus nunc ad verba Concilij Tridentini, non nihile a obseruantes. In has, ait, sanctas & salutes obseruationes si qui abusus irrepperint, eos prorsus aboleri sancta Synodus vehementer cupit: ita vt nullæ falsi dogmatis imagines & rudibus periculosi erroris occasionem præbentes statuantur. Quibus verbis certum est prohiberi eas imagines, quæ rudibus præbent occasionem errandi contra definitionem Ecclesiæ in aliquo dogmate fidei aut morum. Tales enim picturæ etiam naturali lege vetantur. Sed quæstio est, An huiusmodi picturæ in Ecclesia habeantur? Puto omnino ne vnâ haberi, tametsi quædam tales esse videantur aut saltem videri possent. Pingitur enim quibusdam locis, in historia Annunciationis & Incarnationis Dominicæ, corpusculum quoddam humanum inter radios quos Spiritus sanctus diffundit descendens ad uterum beatissimæ Virginis: quæ pictura videtur præbere occasionem erroris non solum periculosi, sed etiam hæretici.

Valentinus enim ab antiquo hæreticus est habitus ab Ecclesia, quia docuit Christum corpus

3. part.

Tit. 8. cap.

4. §. 11.

corpus de cœlo attulisse & per Mariam tantū tanquam per fistulam transiisse. Vnde sanctus Antoninus, hanc picturam acriter reprehendit. Reprehensibiles, inquit, sunt etiam pictores, cū pingunt ea quæ sunt contra fidem: cū faciunt Trinitatis imaginem vnā personam cum tribus capitibus, quod monstrum est in rerum natura: vel in annunciatione Virginis paruulum puerum formatum scilicet Iesum, mitti in vterum Virginis, quasi non esset de substantia Virginis corpus eius assumptum: vel paruulum Iesum cum tabula litterarum,

Ioan. 8. b.

21. de ciuit.

Dei cap.

18. &amp; 24.

13. quæst.

2. ex Hier.

lib. 3. in

6. Galat.

Ezech. 14.

cum non didicerit ab homine. Item extremo iudicio aliqui apponunt B. Virginem & Baptistam orantes, quæ pingendi ratio videtur sapere damnatum ab Augustino dogma de damnandorum saluatione per preces & intercessionem sanctorum, & directè repugnare illi quod ex Hieronymo citare se dicit Gratianus, in præsentī sæculo scimus orationibus inuicem nos posse iuuari: cū autē ante tribunal Christi venerimus, nec Iob nec Daniel nec Noë rogare posse pro quoquam, sed vnūquemque portare onus suum. Rursus Michaëlem archangelū pingunt nonnulli cum libra, ponderantem in vna statera animā, in altera verò eius virtutes. ad stateram in qua est anima, appingunt diabolum qui eam conatur deprimere, quantum potest. In altera verò statera, Michaël signo suo crucis impedit conatum diaboli, & ex merito passio-

passionis & crucis Christi videtur aliquid illi  
 statere superaddere. Ex hac autem pictura faci-  
 le nonnulli colligerent, quod ij consequantur  
 vitam æternam, in quibus bona opera præpon-  
 derant malis, illi verò diabolo relinquuntur in  
 quibus mala bonis præponderant. Quale quid  
 habere videtur apud Augustinum recentioris  
 cuiusdam hominis sermo qui est primus in vi-  
 gilia Pentecostes. Sic enim habet, Erit ibi sine *Cap. 16.*  
 dubio cōpensatio bonorum malorumq; & ve- *sub finem.*  
 lut in statera posita vtraq; pars: quæ demerferit  
 illa sibi eorum quò momentum vergitur ope-  
 rarium vendicabit. Si ergo malorum multitu-  
 do superauerit, operarium suum pertrahit ad  
 gehennam; si verò maiora fuerint opera bono-  
 rum, summa vi obfistent & repugnabunt ma-  
 lis, atque operatorem suum ad regionem vi-  
 uorum ex ipso etiam gehennæ confinio, con-  
 uocabunt.

Præterea pingunt aliqui Ioannem Euange-  
 listam sponsum in Cana Galilææ: cū tamen, *Ioan. 2.*  
 vt Catharinus habet, minimè putādū sit quod *Lib. 5. an-*  
 Ioannes sponfus fuerit in eis nuptijs ad quas *not. in*  
 vocatus est Iesus: sic enim Dominus soluisset *Caiet.*  
 nuptias quas tamē venit honoratum & com-  
 probatum, vt sancti expositores rectè docent.  
 Si autem soluisset, reprobationis nuptiarum  
 potius argumentum dedisset hæreticis. Huc  
 etiam referri potest quod mater Zebedæorum  
 Salôme cum filiis suis Iacobo & Ioanne Apo- *Matth. 26.*  
 stolis

Marc. 10.

stolis accedens ad Christum, sic pingatur ac si filios suos velut puerulos ad Christum duceret. Ex hac enim pictura videtur bona desumi argumentatio, Ecce Christus pueros elegit in Apostolos, Hi enim erant duo Apostoli contra quos decem indignabantur. Quare ergo pueris non liceret dare beneficia? Ac postremo, quod Carolus Martellus magnus ille Brabantia Dux, Caroli Magni Imperatoris auus, pingatur à sancto Ægidio manus impositionem siue absolutionem accipiens: aut ut alia habet pictura, quod Angelus nunciet Carolo remissionem peccati sui, adiecto carmine,

*Ægidij merito Caroli peccata dimitto.*

Istud videtur respondere historiæ sancti Ægidij. In qua habetur quod Angelo reuelante ad preces S. Ægidij dimissum sit Regi Francorum (qui quidem non erat Rex Franciæ, sed protector tantum & tutor, filius autem eius Pipinus regium nomen est consecutus) facinus magnū quod nulli ausus fuerit confiteri, si tamen deinceps ab illo desisteret. Adiunctum quæ fuisse in fine quod quisquis sanctum Ægidium pro quolibet commisso inuocaret, si ab illa perpetratione cessaret, dimissum sibi proculdubio à Domino crederet. Sed cum historia hac in parte aduersetur Scripturæ sacre & traditioni Ecclesiæ, quæ exigunt sacramenta-

lem

lem absolutionem, videtur etiam imago prædictam historiarum narrationem exprimens referenda inter eas quæ periculosi erroris occasionem rudibus præbent.

*In corrigendis imaginum abusibus nihil priuata auctoritate attentandum, sed zelus discretionis est condiendus.*

## CAPVT XXIV.

**S**I quis autem parochus hæc attendendo, picturas & imagines prædictas in sua Ecclesia abolere vellet, exemplo Ezechiarum Regis, qui serpentem æneum quem Moses fecerat, 4. Reg. 18. confregit: is zelum quidem haberet, sed non secundum scientiam. Hæc enim priuata auctoritate & illegitimè & periculosè fierent. Nam Rom. 10. inquisitores fidei metas suas transiliunt, inuadendo Apostolicæ sedis fines, cum putant sibi licere de quæstionibus dubijs & obscuris iudicium ferre, & pronunciare quod altera pars ad fidei regulam pertineat. Solius enim Apostolicæ Sedis est ambigua definire, & minus aperta declarare & toti Ecclesiæ præscribere, sic vt nullus hæreticus aut de hæresi suspectus pronunciari debeat, nisi ob dogma prius clarè definitum non ab inquisitoribus aut doctis scriptoribus aut celebribus Vniuersitatibus, nisi forsitan Sedi Apostolicæ coope-

F 2

rantibus,



rātibus, sed ab ipsa sede Apostolica. Quanto itaque magis priuatus homo alienos limites inuaderet si huiusmodi quid circa imagines attētarēt? Præsertim cū tam clarē scriptum reliquerit Synodus Tridentina, Quod si aliquis dubius aut difficilis abusus extirpandus sit, vel omninō aliqua de ijs rebus grauior quæstio incidat, Episcopus antequam controuersiam dirimat Metropolitanī & comprouincialium Episcoporum in Cōcilio Prouinciali sententiam expectet: ita tamen, vt nihil inconsulto sanctissimo Romano Pontifice nouum aut in Ecclesia hætenus inusitatum decernatur. Diligenter etiam animaduertenda est Gregorij admonitio, quam scripsit Sereno Episcopo Massiliensi, Perlatum ait, ad nos fuerat, quod inconsiderato zelo succensus, Sanctorum imagines sub hac quasi excusatione ne adorari debuissent, confregeris. Et quidem quia eas adorari vetuisses, omninō laudauimus; fregisse verō reprehendimus. Dic frater, à quo factum sacerdote aliquando auditum est quod fecisti? Si non aliud, vel illud te debuit reuocare, ne despectis alijs fratribus solum te sanctum & esse crederes sapientem. Magnopere à te qui inter gentes habitas attendi debuerat, ne recto zelo incautē succensus ferocibus animis scandalū generares. Si zelum discretionē condixisses, sine dubio & ea quæ intendeabas salubriter obtinere & collectum gregē nō dispergere, sed potius disper-

sum

*Seß. 25.*

*Lib. 9.  
epist. 9.*

sum poteras congregare : vt pastoris in te meritum nomen excelleret, non culpa disperoris incumberet. Hinc autem dum in hoc animi tui motus incautè nimis exsequeris, ita tuos scandalizasse filios perhiberis, vt maxima eorum pars à tua se communione suspenderit. Quod si igitur prædictæ picturæ in prouinciali Synodo examinarentur, puto quod nulla earum quantumuis sint raræ & incelebres, abolenda iudicaretur : tametsi in ponendis fortassis aliquid castigaretur. Omnibus enim modis cauendum est scandalum pusillorum & infirmorum, quorum infirmitas facilè hac abolitione turbaretur & læderetur, præsertim si accederet maledicentia hereticorum qui cum Iuda vigilant. Hi enim, vt Iudas habet, non ille

*Iudæ epist.*

Scharioth, dominationem spernunt, maiestatem & quacunque ignorant, blasphemant, Hi sunt murmuratores, querulosi, & nouissimi temporis illusores.

*Nullam periculosi erroris imaginem haberi in Ecclesia.*

## CAPUT XXV.

**A**Tque vt ad rem propius veniam : arbitror nullam prædictarum imaginum rudibus *Cap. 16.* periculosi erroris occasionem præbere. Imò ne vnum quidè ex rudi populo ex prædictis imaginibus, occasionem erroris in fide aut moribus accepisse. Et vt quàm maximè accepisset,

nondum consequeretur imaginem, eam præbuisse, sed errorem eum salutari doctrina castigandum esse. Ceterum particulatim moras exemplorum difficultates in sequentibus libris conuenientiori ut arbitror ordine, dilucidabimus. Atque ex ijs animaduerti poterit quàm aliena sit Ecclesia à periculosi erroris imaginibus. Hoc igitur inculco, quod putem nullam imaginem periculosi erroris in Ecclesia haberi: atque ob id Concilium Tridentinũ nullã mentionem de imaginibus quæ iam habentur fecisse ubi de statuendis dicit, Ita ut nullæ falsi dogmatis imagines & rudibus periculosi erroris occasionem præbentes statuantur. Alioquin facilè adieciſſet, Quæ autem statutz sunt, aboleantur.

Dico autem, in Ecclesia nullam haberi periculosi erroris imaginem, quia apud hæreticos notum est multas haberi imagines hæreticas, ut eas quæ duo aut tria tantum complectuntur sacramenta, blasphemias etiam in Catholicos, ut ubi monachos pingunt intrantes in ouile non per ostium, & ubi Romanum Pontificem orbis Christiani caput picturis faciunt aut meretricem Babylonicam aut Antichristum. Pagani etiam ausi fuerunt Deum nostrum pingere auribus asininis, altero pede ungulatum, librum gestantem & togatum, cum subscriptione, Deus Christianorum onychitis, ut refert Tertullianus. Sed hæc extra Ecclesiam. Interim si quæ periculosi erroris imago in Ecclesia alicubi

alicubi haberetur, ad eam pertineret quod præcedit, In has sanctas & salutare observationes si qui abusus irrepperint, eos prorsus aboleri sancta Synodus vehementer cupit.

*De imagine duodecim signorum quæ ante  
Ephemerides ponitur.*

## CAPUT XXVI.

**P**Enè exciderat mihi ea imago quam Medici nostri ponere consueverunt ante Ephemerides suas, quæ vulgò Arabica voce Almanack dicuntur, nisi eam ad memoriam reuocasset generalis illa negatio quæ est in verbis cōcilij, Ita ut nullæ falsi dogmatis & periculosi erroris statuatur. Quare cum B. Augustinus hanc superstitionis arguere videatur, libenter de ipsa aliquid dicam, ob honorē quem Medicis debeo, Eccl. 38. quamuis non sit de numero sacrarum imaginum. Verba itaque B. Augustini in libro de hæresibus ad Quod-vult-Deum sunt hæc: Astruunt Her. 70. etiam [Priscillianistæ] fatalibus stellis homines colligatos, ipsumq; corpus nostrum secundum duodecim signa cœli esse compositum, sicut hi qui Mathematici vulgò appellantur, constituent in capite arietem, Taurum in ceruice, geminos in humeris, cancerum in pectore, & cetera nominatim signa percurrētes, ad plantas usque perueniunt quas piscibus tribuunt; quod vltimum signum ab Astrologis nuncupatur. Hæc & alia fabulosa, vana, sacrilega, quæ per-



Epist. 93.  
cap. 14.

sequi longum est, hæresis ista contexit. De eodem Priscillianistarum errore scribit Leo Magnus, ad S. Turibium Astoricensem in Hispania Episcopum, & Synodus Bracharësis i. Canone 9. & 10. Sed in istorum Patrum verbis notandum est, quod agant contra Mathematicos qui fatalibus stellis homines colligatos asserunt. Fatum dant, non autem sobriam mathesim, aut illud Manilij:

Lib. 2.  
Astronomicum. c. 1.

*Ad Lunæ motum variant animalia corpus.*

Apud Eras.  
Adag.  
Cetera 6.  
cap. 16.

Nihil itaque prædicti Patres peccauerunt contra eam sententiam, qua Quintiliano teste Fabius Pictor ait, Felices futuras artes, si soli artifices de iis iudicarent. Omnes non dubito Fabij Pictoris sententiam multum approbaerint: sed aliud est iudicare de arte Mathematica aut Pictoria, aliud verò de iis quæ aliunde ad has artes adiunguntur. De fato enim, de superstitione, de hæresi & scandalo morum, non est proprium iudiciū penes Mathematicos aut pictores; sed Theologorum est huiusmodi abusibus aut impietatibus, aliunde in bonam alioqui artem accersitis resistere, ac de eis iudicium ferre. Si quis autem nunquam in mathesi aut pingendi arte versatus, de iis iudicare veller quæ his artibus propria sunt & peculiaria, ei meritò obijceretur quod celeberrimus pictor Apelles futuri. Ne ultra crepidam futuri iudicaret. Quod ab eo in proverbum venisse, scribit Plinius Secundus in naturali Historia, libro 39, cap. 10.

*Puer.*



*Puerperium beatæ Virginis decumbentis & egrotantis, non esse pingendum.*

## CAPVT XXVII.

**S**Ed dum transire cupio ad eas imagines, quæ errorem quidem continent sed non periculosum, impediior nonnihil per picturam beatissimæ Deiparæ in puerperio decumbentis. Dum enim eam exactiùs intueor, parû distare videtur à periculosi erroris imaginibus. Pallet è doloribus Virgo, sorbitiunculam puerperæ parant obstetrices. Ad quid ista? Cùm Deipara virgo Maria, sicut sine dolore benedictû suum filium peperit, ita nullos ex partu dolores reseruauerit. Et quod ad obstetrices attinet, quæ ex apocrypho libro, de infantia Saluatoris, desumptæ sunt, Nulla, ait Hieronymus, obstetrix, nulla muliercularum sedulitas intercessit: ipsa *Contra Heluidiû. Lucæ 1.* & mater & obstetrix fuit. Pannis (inquit Evangelista) inuoluit infantem, & collocauit eum in præsepio. Quare docti etiam viri vehementer hanc improbant picturam. Inter quos Ambrosius Catharinus & Henricus Luitenius. Catharinus certè sic ait: Vidi ego in nonnullis locis *In lib. de cultu imaginum.* picturam B. Virginis, qua procumbens in lecto ostenditur quasi puerpera, quæ passa dolores ex ipso partu inualida & imbecillis reddita, corpus suum sustinere non queat. At hoc est iniuria in Christum & matrem. Quanquam aduersus

*De Sancto-  
rū gloria,  
lib. 2.*

hanc Catholicam persuasionem Erasmus quæpiam effutiuerit, de quibus alibi scripsimus. Henricus verò Luitenius Mechliniensis Homil. in Natiuitatem Domini, ad illud, Et inclinauit eum in præsepio. Hoc, ait, mater non Ioseph præstitit, vt posteris Virginem peperisse certum sit. Quapropter ridendi sunt, qui Mariam virginem, dum ipsius puerperium depingunt aut sculpunt, lecto decumbentem effingunt, quasi more ægrotantium puerperarum, quæ cum dolore pariunt, obstetrice, lecto, culcitris, fomentis, & plurimis subsidijs indiguerit. Nam eo quid stultius? quid delirum magis? Verum admodum probandæ sunt illæ picturæ Christi Natiuitatem repræsentantes, in quibus ipsa beata Virgo Maria complicatis manibus & flexis genibus ante paruulum suum filium, quasi iam in lucem editum, depingitur. Ipsum enim quem genuit, vt Ecclesia canit, adorauit. Inter Græcos quoque Theodorus Balsamon, dum exponit 82. canonem sextæ in Trullo Synodi, Eos inquit, malè facere arbitror, qui arcanam & salutarem Domini & Seruatoris nostri Iesu Christi generationem thorosiraram exprimunt, Eadem verò sexta Synodus partum Virginis absque vlllo dolore confitens, acri correctioni subiicit eos qui postmodum reperirentur in Natalitijs Christi coquentes simillam & se hac mutuo donantes, prætextu scilicet honoris secundinarum impollutæ Virginis matris,

*In die Purificationis.*

*Can. 79.*

tris,

tris. Nec docti tantum hanc puerperij imaginem improbant, sed multis quoq; plebeis ea displicet; quos nō vno sed pluribus locis approbare scio, quod Pastores sui puerperio isto sublato, aliam imaginē pro ea in altaribus collocarint. Et quid dicā de multis illis pulvinaribus, quę in celebris cuiusdam ciuitatis annua supplicatione, capiti supponūtur beatissimæ Virginis in puerperio decūbentis? nisi quod rude illud & imperitum spectaculū, quod multis Catholicis risum excitat, hæreticis verò ad blasphemandū ora aperit, authoritate Episcopi eo loco nūc residentis ita emendandū sperem, vt posteris nullum relinquatur eius imperitiæ vestigiū. Quod igitur ad puerperium istud attinet: vbi consuetudo permittit, intra Natalē Domini & Purificationem B. Marię sabbato esum carniū, diligenter docendum est illud permitti ob lētitiam de nato Salvatore, non autem ob partum Virginis, quasi ea instar aliarum ex partu languens delicatioribus indiguerit cibis. Quēadmodum etiam, si quando historias & narrationes sacre scripturæ figurari contigerit, docendus est populus non propterea diuinitatē figurari: sic vbi puerperium istud decumbentis Virginis adhuc relinquitur, instruatur populus, quod hæc imago non significet B. Virginem ex partu dolores aliquos puerperarū habuisse aut reseruasse, cui contrariū doceat Euangeliū sancti Lucæ, Isaia prophetia, & pleræque aliæ picturæ, sed quod signi-

*Hessel. in*  
*3. præ-*  
*ptum c. 15.*  
*Syn. Trid.*  
*sess. 25.*

*Lucæ 2.*  
*Isaia 35. &*  
*66.*

Cap. 2.  
tom. 3.

significet tantum beatam Virginem, quasi cum alijs mulieribus ei esset in hoc opere ratio similis, diebus designatis domi se cōtinuisse. Quod pulchrè expressum est apud Martyrē Cyprianum in sermone de natiuitate Domini. Sacra Virgo genitrix est inquit, & obstetrix, & deuotam dilectæ soboli exhibet clientelam: attrahat, amplectitur, iungit oscula, porrigit mammam; totum negotium plenum gaudio, nullus dolor, nulla naturæ contumelia in puerperio. Pedisse quas substantia familiaris non patitur; mancipiorum obsequia sumptus tenuis & inops mensa excludit. Nec locus ibi erat lauaris, quæ solēt puerperis præparari, quippe nec aliqua naturæ iniuria matrem Domini læserat: quoniam sine tormento peperit, quæ in conceptione caruit voluptate; & tamen consuetudinem sequens, vt legi satisfaceret, quasi cum alijs mulieribus esset ei in hoc opere ratio similis, diebus designatis recubuit, & depositi oneris lassitudinem professa, oblata quieti paruit, & in diebus separationis non se à thoro Ioseph qui eam nunquam tetigit, sed ab ingressu tēpli & cæteris quæ lex prohibebat, continuit.

*Circa imagines & picturas, quæ errorem continent non periculosum, quid tolerandum, cauendumque sit.* CAP. XXVIII.

**E**Rrores porrò nonnullos esse in imaginibus qui tamen periculosi non sunt, nec negare possum,



possum, nec etiam miror. Cùm enim diabolus intelligat quantum ipse perdat per sacrarum imaginum vtilissimam inspectionem & venerationem, non mirum est cum omnibus modis ijsdem insidiari. Vnde, per negligentiam quæ mater est seu potius nouerca imperitiæ & ignorantia, facile quædam irrepsērunt. Appinguntur in recentioribus aliquot picturis Saluatori nostro crucem baiulanti asseres duo clauati, qui pedes eius ante & retro inter procedēdū offendūt & vulnerāt. Quod velut recens figmentum à doctis omnibus ignoratur. Latrones cum Christo crucifixos, clauis affixos fuisse patibulis eiusdem omnino formæ cum Saluatoris nostri patibulo, ex Rufino notum est & alijs qui de sanctæ Crucis inuentione scribunt. Pictores tamen funibus eos in diuersæ formæ patibulis ligant; sed hoc parum est. Maius verò quod quidam pingunt Christum aperto sepulchro resurrexissē, cum eo clauso & oblerato resurrexerit, sicut antea clauso matris vterō in hunc mūdum venerat. Item quod quidam pingant sanctam Deiparam Mariam inter eas quæ ibant ad vngendum Christum. Erronea item pictura est, & quidem nimis crasse, quæ exprimit Saluatorem coram patre suo orantem genibus flexis super patibulum crucis. Contra quam Gregorius Nazianzenus ait *Vltra me-*  
*lib. 4. de Theologia, Paracletus Iesus non sup-*  
*dium.*  
plicantium seruorum more ante pedes patris pronus



*Hessel. de  
inuoc. San-  
ctorum  
cap. 15.*

pronus voluitur, eiusque genibus accidit. Apage hanc verè seruilem & spiritu indignam cogitationem. Neque enim hoc deposcere patris est, neque filij in se admittere. Orat quidem Christus Patrem, sed neque humiliando se, neque supplicando. Verùm introiuit in cœlum tanquam Pontifex in Sancta sanctorum per proprium sanguinem, vt appareat vultui Dei pro nobis. Ibi sui corporis ostensione flagitat, intercedit, interpellat, siue postulat pro nobis. Tres amici Iob, Eliphaz, Baldat, & Sophar, fuerunt Reges, vt est Tobia 2. non autè scurræ, aut viles aliqui homines, qui vt dolorem lenirent instrumentis musicis corâ ipso psallebant, vt absurdè pictores pingunt. Fuerunt viri sapientissimi, vt ex eorum disputatione constat. Rursum aliquæ picturæ videntur originem suâ habere ex Apocrypho libro de infantia Saluatoris, qui proteuâgelium sancti Iacobi inscribitur, & incipit: In historijs duodecim tribuû Israël erat Ioachim diues valde; offerebatque Deo munera dupla. Habet enim istud figmentum, Ruben dixisse ad Ioachim, Non licet tibi offerre munus tuum quia semen in Israël non fecisti. Et ecce Ioachim venit cū gregibus suis, & stabat Anna in porta; viditque Ioachim venientem cum gregibus suis, & accurrès appêsa est collo eius dicēs, Nunc cognosco quod Dominus Deus benedixit mihi vehementer, quia quæ eram sterilis in ytero habebo. De beata quoque

quoque virgine Maria habet, quod triēnis abducta sit in templum Dei, in quo accepta purpura & cocco filauit: quod dixerit, Depone me ab asina, quia quod in me est me vrget vt progrediatur. Ad Ioseph verò pertinet ista, Ioseph abiecta securi exijt. Et contradixit Ioseph, Filios habeo, & sum senex: ipsa autem est iuuen-cula. Item, Perquirebat obstetricem. Similia leguntur in tractatu de natiuitate B. Mariæ apud Hieronymum. Rursus in dialogo de passione Domini, qui titulum Anselmi habet, quædam leguntur vulgò nota, quæ difficulter ex probatis authoribus confirmari possent. Qualia sunt, Iacobus simillimus sibi [ Christo ] erat. De osculabatur Maria brachiū cum deponeretur. Exanimis facta fuit. Crux habuit quindécim pedes in longitudine. Petrus currens abscondit se in lapide, qui vocatur Gallicantus. Quid igitur de huiusmodi picturis est dicēdū? An posthac non sunt statuendæ quia erroneæ sunt? Dixit enim Concilium Tridentinū? Nul-las falsi dogmatis imagines statuendas: verum dum non simpliciter dixit falsi dogmatis, sed adiecit, & periculosi erroris, satis clarè indicauit quid per falsum dogma intelligat, & quod ijs verbis nihil agat de imaginibus erroneis quidem, sed non periculosè erroneis. De quibus tamen nunc aliquid dicendum est. Mihi itaque videtur (subijcio tamen sentētiam meam aliorum correctioni) quod huiusmodi  
picturas

picturas non expediat tollere aut mutare, si quorundam infirmitas inde turbaretur, quamdiu autoritate prouincialis Synodi in particulari aliud non statuitur. Propter infirmos quædam toleremus & permittamus, sicut mater nostra Ecclesia quædam tolerat & permittit. In libris editis quàm multas opiniones tolerat Ecclesia? Tolerat Vitas patrum quas olim cum Concilio Gelasius reprobauit. Tolerat Legendam auream Iacobi de voragine, quam alij \* plumbeam vocant, Hanc enim ait Melchior Canus, homo scripsit ferrei cordis, plumbei oris, animi certè parum seueri, & prudētis. Quæ verba sumpsit ex Ludouico Viue, lib. 1. de corruptis disciplinis. Multa tolerat in diuersis historijs iam edita, quæ sunt incerta, fabulosa, apocrypha, & nullam veri similitudinem habentia: cauens tamen ne ea in ecclesijs legâtur. Damnauerat Romana & vniuersalis inquisitio anno 59. sub Paulo 3. quicquid erat Erasmi Roterodami, Librum item inscriptum Abdiam, de vitis duodecim Apostolorû, Opus imperfectû in D. Matthæi Euangelium, D. Chrysostomo falsò attributum, Nicolai de Tudisco abbatis Panormitani tractatum pro consilio Basiliensi, Iacobi Almain librum contra Thomam à Vio, & similia quædam. Hec tamen omnia, exceptis quibusdam libris Erasmi, permittit Index à deputatis Synodi Tridentinæ cofectus, & à Pio 4. comprobatus, vbi zelus prior ecclesiastica discre-

Dist. 15.

L. Villa-  
vincentio  
de stud.  
Theol.  
Lib. 11. de  
locis, c. 6.  
Sub finem.

discretionem conditur. Quare quod Ecclesia tolerat in libris, hoc etiam cum ea toleremus in picturis, quæ merito à Patribus dictæ sunt simplicium scripturæ. Interim doceantur simplices quid ex huiusmodi imaginibus sit discendum, quid non discendum. Doceantur pictores & sculptores, ut saltem notabiliores & maioris momenti errores in statuendis euitent. Quod utcumque facile factum est, cum notabiliores errores vix sint, nisi in imaginibus utcumque raris. Docti verò & Ecclesiastici eas picturas non extendant, quas ipsi in alijs reprehendunt aut tolerant.

*In picturis corrigendas aliquando esse non picturas quidem ipsas, sed earum significationes.*

## CAPUT XXIX.

**I**nterim diligenter caueant ne ex privato sensu aut iudicio aliquid erroris arguant quod non est manifestè erroneum.

Exemplum est in Iosepho. Is quod cum securi pingatur facile crediderim sumptum esse ex libro de infantia Saluatoris: solent enim concionatores, ut sanctus Vincentius & alij, eum in suis sacris concionibus citare. Sed habeat sanè originem suam ex Apocrypho scripto quod hoc potius fabrilis instrumentum elegerint quàm aliud ad significandum Iosephum fuisse fabrum; non tamen inde sequitur picturam hanc manifestè erroneam esse, aut etiam apocrypham.



*Initio libri*  
*3. in Lucā.*  
*Matth. 13.*  
*Marc 6.*  
*Luc. 4.*

Securis etiam meminit Ambrosius dum explicat Ioseph fabrum, fuisse typum patris cœlestis qui etiam faber est; & quod nō plus hīc significetur quā Iosephū fuisse fabrum iuxta Euangelium, & fabrū quidem lignariū iuxta communio- rem sententiam. Aliquando verò in picturis corrigēdæ sunt non ipsæ picturæ, sed earum significatio. Sic quod idē S. Iosephus pingatur quandoque cū virente ramusculo in manu, sumpserunt pictores ex tractatu de natiuitate B. Mariæ, qui est in operibus Hieronymi, ex quo & alia quædam habent. Sed cū docti sciant fabulosum esse hunc tractatum, & Hieronymo indignum, prout scriptores quidam eruditissimè annotarunt, & res ipsa loquitur: dici potest per hunc ramusculum nō esse intelligendum id quod pictores ex prædicta fabula intenderunt; sed referendum eum esse vt significet virginitatem Ioseph: nam vt ex virginali coniugio virgo filius nasceretur, etiā ipsum Ioseph semper virginem fuisse, verisimile est. De quo beatissimus Hieronymus cōtra Heluidiū. Neque ego vnquā aliter intellexi hūc ramum, iuxta illud quod de sancta Brigida scribit Beda, Cū lignum altaris in testimonium virginitatis tetigisset, viride factū est. Postea tamen animaduerti ex tractatu allegato, quod pictores aliud intenderint. Cerson Cancellarius etsi fateatur seniū Iosephi desumptum esse ex apocrypho libro de infantia Saluatoris, idque mul-

*Canus l. 11.*  
*cap. 6. reg. 1*  
*Sixtus lib.*  
*2 Bibliotheca sa-*  
*cræ.*

*Kalendis*  
*Febr.*

*Serm. de*  
*natiuit.*  
*Mar.*

tum



tum improbet: alibi tamen hanc picturam benignè interpretando aliò refert dum ait,

*Ergo Ioseph reputasse senem, fecere seniles*

*In se Virtutes; Vel neu carnalis haberet*

*Suspicio de te quicquam carnale Maria.*

*In Ioseph.  
dist. 5.*

Non igitur quæcunque picturæ ex apocryphis libris suam habet originem, manifestè erroneæ sunt censendæ. Nam quarundâ significatio aliò referri potest, ut iam dictum est. Nihil autem mirum est Gersonem senium Iosephi, quem constat ante mortem Saluatoris nostri aut paullo post obijisse, non ad annos referre, sed ad mores detorquere, cum in natali huius Confessoris ab Ecclesia legatur, Senectus venerabilis est non diuturna, neque annorum numero computata. Cani autem sunt sensus hominis, & ætas senectutis, vita immaculata. Neque verò & hoc admirationem habet, significationē picturarum mutari, cum etiam vocum interpretatio aliquando castigetur. Vnde cum Dñicum diem \*barbaries solis diē vocitare consueuerat, Christiani Imperatores nō omnino refugerūt hanc locutionē. Theodosius enim & Arcadius inter ferias nomināt solis dies, quos maiores, Dominicos ritè dixerunt: sed solis diē dicendo respexerunt ad solē iustitię. Monstrat enim Constantinus Magnus, sicut est apud Eusebiū, ut diem Dominicam precibus conueniētem, & maximè salutarem, ab eo nomē duxisse existimarent

*Sap. 4.*

*Gre. Turo.  
lib. 3. hist.  
c. 15. Cod.  
de ferijs.*

*De laudibus Constant.*

qui est lucis, vitæ, immortalitatis & omnis boni auctor. Rursus non est necesse semper significationem mutare; nam quædam ex apocryphis sumpta aliunde habent probabilitatem.

*Multa in picturis & imaginibus esse toleranda, quæ probabilia sunt apud doctos quosdam aut vulgum.* C A P. XXX.

**Q**UOD si errores quidam minus periculosi & minoris momenti rectè tolerantur in imaginibus; satis ex eo constare potest non facile contradicendum esse ijs picturis, quæ communi quodā consensu receptæ sunt, aut ex populari & simplici deuotione pinguntur, etiam si probabiliter tantum à doctis quibusdam defendantur aut à simplici populo plausibiliter acceptatæ sunt.

*De modo  
orandi.*

*Epistolæ  
rum lib. 25*

Nimio enim & planè erroneo impetu scripsit Erasmus, Nunc in templis videmus tot fabulas, ac nœnias depictas, vt, Septem lapsus Domini Iesu, septem gladios Virginis, aut eiusdem tria vota, aliæque id genus inania cōmentata. Vbi turpiter à seipso dissentit. Alibi enim agens de picturis, & earum crebritate, scribit Iacobo Sadoletto Episcopo Carpentoractensi, quod prudenter ab eo admonitus sit, ne nimis acriter obfisteret popularibus studijs in his quæ licet non sint absolutę pietatis, tamen non sunt cum impietate coniuncta. Sed quod diximus exemplis declaremus.

Adam

Adam primus omnium parens qualem fructum ligni comederit non est certum. Isidorus Pelusiota dicit in epistola; A maioribus nostris nobis traditum est arborē transgressionis Adami ficum fuisse. Idemque putant Gennadius & *Super Genesim.* Theodoretus ab Aloysio in catena citati. Verū cū alij istam traditionem ignorent, malunt non minori probabilitate pulchrā malum appingere arbori sciētiae boni & mali: non quod asserere velint huiusmodi fuisse fructū de quo comedit Adam, sed quia æquē incertum est an ficum comederit, ideo malunt appingere fructum & delectabiliorem & communioem, ac in genere magis quā in specie: vt nihil aliud significare velint, quā quod Adam comederit de fructu ligni qui secundum probabiliorem nobis coniecturam fuit pulchrū & delectabile pomum vel malum. Et vt à primo Adam ad secundū transeamus. Habet Dominicę passionis Historia, Imposuerunt Simoni cuidam Cyrenensi crucem portare post Iesum: nō est autem omnino certum, an hīc significetur Simonem cum Christo tulisse crucem retro eundo; an verò significetur post Iesum fatigatum, ablatam ab humeris eius crucem portasse. Posteriores hanc sententiam amplexi sunt Hieronymus in 27. Matt. Leo sermone 8. de Passione, & Theophylactus in Euangelistas. Priorem verò expositionem videtur Ambrosius habere in 23. Luc. & quibusdā recentioribus magis arridet. Vnde

inter eos Franciscus Polygranus ait ; Ne ergo deficeret, hunc hominem adegerunt ferre crucem post ipsum : non quod omnino exonera- rint ipsum, sed quia facilius duo portant quod vni fuerat graue. Neutiquam certè persuasum habeo Christū hanc crucem, cui nostra adiun- xerat crimina, vel vnquā deposuisse. Cū ergo neutra sentētia sit reprehendenda, vtraq; verò probabilis aut vero non absimilis, consequitur nec antiquas eas picturas reprehendēdas esse in quibus Christus pingitur crucem baiulare ante ferens caudā crucis. Nec etiā eas quæ nunc fre- quētiores sunt, vbi Christus inuerso modo cru- cē fert, caudā crucis portāte Simone Cyreneo.

*De eodem argumento. C A P. XXXI.*

**S**ed quod nostri est instituti pluribus exem- plis prosequamur. Imago Christi super pe- tram sedentis quæ vtcunque frequens est in Ec- clesiis, non habet testimonium in Scriptura sa- cra : non dubito tamen quin alicunde \* & piē,  
 & probabiliter sit desumpta.

*Vide Hen-  
ric. Herpīū  
ser. 2.*

Christus in quibusdā antiquis picturis pen- det in cruce lāguīdus ; languidi sunt enim mo- rientes ; in posterioribus tamē imaginibus non minori probabilitate expansus pingitur dicen- te psalmista, Dinumerauerunt omnia ossa mea.

*Psal. 21.*

Imago Deiparæ ostendentis filio suo vbera, desumpta est ex verbis S. Bernardi quæ ex ser- monibus eius frequenter citari solent, O homo secu-

securum habes accessum ad Deum, vbi mater ante filium, filius ante patrem. Mater ostendit filio pectus & vbera; filius ostendit patri latus & vulnera: Ibi non potest esse vlla repulsa vbi tot sunt charitatis insignia. Verum sicut figuratè intelligo verba Bernardi, sic imaginem ex eis verbis desumptam intelligendam a bitror.

Rursus de beata Virgine Deipara omni laude veneranda quædã magis ex populari & simplici deuotione pinguntur, quàm ex solidis vel Scripturis vel Patrum testimonijs: vt, quod ceciderit sub cruce, quod Christum conspiciens baiulantem crucem, deliquium passa sit, quod eum de cruce positum in sinum & brachia suscepit, quod sepulturam eius diligenter obseruauerit, denique quod Christus ei primò apparuerit. Sic etiam ex simplici & populari deuotione pinguntur septem dolores & septem gaudia Mariæ Virginis.

Item vulnera Christi per figuras pedum, manuum & cordis abscissorum: non quidem contra scripturã, Os non cõminuetis in eo (nam pictura hæc nō significat Christo os esse cõminutum aut abscissum) sed popularis & Deo nō ingrata simplicitas, ita sibi proponit singularem meditationem erga quinque benedicta Christi vulnera.

Ioan. 19.

Exod. 12.

*De eadem re.*

C A P. XXXII.

Sunt præterea & aliæ picturæ de beata Maria, de Ioseph, de Anna & Ioachim, quæ desumptæ



sumptæ sunt ex libro apocrypho, de ortu Marię, aut de infantia Saluatoris : & tamẽ, vt Dionysius Carthusianus annotauit, multa sunt in illo libello quę probabiliter vera cęsentur, quia à viris sanctis & eruditis, vt Epiphanio & alijs, recitantur, & vera ferũtur. Sunt item & historiæ quædã Sanctorum, quę potius recenseri debent inter eas quę probabiles sunt aut vero non absimiles, quàm inter eas quæ certã, irrefragabilem aut grauem habent auctoritatẽ: & tamen cum ex eis quædã cum veneratione in Ecclesia vbique legantur, satis superque manifestum est eadem etiam in picturis & imaginibus venerabiliter relinquenda esse. Ac postremò quidem non improbabiler ad imaginem hominis morientis, alicubi diabolus appingitur habens iram magnam, sciens quòd modicum tempus habet. Nam etsi aduersarius noster occasiones per omnem vitam quærat & capter, vt deuorare animas nostras quoquo modo possit: nulum tamen tempus est quo vehementiũs ille omnes suæ versutiæ neruos intendat ad perdẽdos nos penitus, & à fiducia etiam si possit diuinæ misericordię deturbãdos, quàm cùm impendere nobis exitum vitæ prospicit. Hinc Gregorius, Ait Christus, Venitenim princeps huius mundi & in me non habet quicquam. Vnde curandum nobis est, & magnis quotidie fletibus cogitandum, quàm rabidus, quàm terribilis, sua in in nobis opera requirens in die

*De Maria  
lib. 1. tract.  
8. & 12.  
to. 1.*

*Apoc. 12.  
Concil.  
Trident.  
sess. 14. de  
vntione.*

*Hom. 39.  
in Euang.  
Ioan. 14.*

die nostri exitus princeps huius mundi veniat, si etiam ad Deum carne morientem venit; & in illo aliquid quæsiuit in quo suum inuenire nihil potuit.

Seuerus quoque Sulpicius refert de S. Martino, quod moriens diabolo dixerit, quem videbat prope assistere, Quid hic astas cruenta bestia? Nihil in me funestè reperies, Abrahæ me sinus recipiet. Ex quo inferebat S. Seuerinus Colonienſis ciuitatis Episcopus, Quid ergo de nobis peccatoribus erit, si tantum sacerdotem voluit pars iniqua nocere? Lege de his Bernardi sermonem 7. in Psal. 90. & 10. Chrysostomi homiliam 25. in Mathæum.

*Superſtitionem omnem tollendam eſſe in ſacrarum imaginum circumgeſtatione.*

## CAPVT XXXIII.

**P**ORRò superſtitionem vt omni in re, ſic & in ſacrarum imaginum vſu vitandam eſſe, nemo negare poteſt. Eſt enim ſuperſtitio periculofus error, & clara ſunt verba ſynodi Tridentinæ; Omnis ſuperſtitio in Sanctorum inuocatione, reliquiarum veneratione, & imaginum ſacro vſu, tollatur. Vnde liquet Catholicâ Chriſti Eccleſiam legitimum duntaxat imaginum vſum probare; impium abuſum improbare: nō vanam ſuperſtitionem, aut immodicū cultum laudare, ſed corrigere: atque cum D. Auguſtino malos incautosque filios hac in

*Da. Linda-  
nus apoſto-  
getici 10. 2.  
cap 8.*

*Lib. de re-  
ligio.*

parte vel lenissimè peccantes reprehendere & castigare. Quemadmodum praclaro exemplo Reuerendiss. DDñ. & illustres Principes, Maximilianus à Bergis Archiepiscopus Cameracensis & Gerardus à Groebeeck Episcopus Leodiensis, Theologorum Louanien. cōsilio, peregrinationem illam ( & processionem ) D. Virginis ad VVaufriā instaurarunt: superstitionisquē resectis, legitimo suo vsui iam dudum vindicarunt. Sic ante multa sæcula Collyridianas mulieres damnauit Ecclesia, quæ currū siue sellam quadratam ornantes, expanso super ipsum linteo, in illustri die quadam anni panē proponebant & offerebant Mariæ coram eius imagine. Contra quod simulacrificij studium scripsit Epiphanius Constantiensis Episcopus in libri secūdi tomo 2. contra hereses. Igitur abolendus est abusus ille ter execrandus tãetsi nōdum locis quibusdam abolitus, vt scilicet D. Pauli ac sancti Vrbani imagines in profluentem conijciantur, si forsan eorum dies festiui inciderint in pluuium cœlum aut fœdam tempestatē, maximè si in die cōuersionis Pauli hoc accadat. Scripsit in regno Nauarra, librum de superstitionibus, Martinus de Arles Archidiaconus Pápilonenſis, qui in Oceano Iuris & alibi exstat. Cuius operis, Doct. Nauarrus cum laude meminit, contra eos qui tempore siccitatis imaginem sancti Petri aut corpus sanctæ Feliciæ (siue Felicianæ) Labiani, ad orā fluminis

Har. 79.

Dñ. Fred.  
Scenkius  
Archie-  
piscopus  
Vltra de  
imag. c. 13.  
De orat. &  
her. c. 6.

minis processionaliter ducunt, & submergunt  
 vel submergere attentant, inde sperâtes sortiri  
 suum speratum effectum intra 24. horas. Et, ne  
 quis pro his obijciat historiâ Euagrii: Imaginē L. 4. c. 26.  
 quidem Christi aqua asperferunt Edeffeni, sed  
 ex magna fide procul ab omni superstitione.  
 Eam enim aquam contactu sanctificatam pro-  
 iiciebant in itruem lignorum ab hostibus po-  
 sitam, sperantes ita diuinitus liberari. Quod &  
 factum est, Deo tunc in itruem illam ignem  
 immittente. Simili pietate patres monasterij in  
 scopulo, cū puteum in magnam altitudinem  
 effodissent nec aquam inuenirent, imaginē ab-  
 batis Theodosij in puteum demiserunt, vt per  
 ipsum Deus aquam daret: & mox aqua dimi-  
 dium putei impleuit. Testis est Ioannes Ebi-  
 ratus, in prato spirituali. Est & alicubi mos,  
 vt agricolæ statis diebus Diuorum imagines Cap. 18.  
Ibid. ibi-  
dem.  
 inconditis clamoribus rusticoque strepitu per  
 agros, arua, sata, prarâque baiulantes & cir-  
 cumferentes, hinc magnum sibi spondeant  
 prouentum, credantque solum illud mali-  
 gniûs responsurum, quod huiusmodi non ex-  
 ceperit Diuorum gestationem. Quos igitur  
 imagines circumferre iuuat, vtantur modestia  
 & religione Christiana citra superstitionis &  
 insolentiæ notam. Nos enim non dubitamus  
 quin Deus inter sanctos suos habeat peculia-  
 res pro pluuiâ impetranda patronos. Qualis  
 est Brundusij S. Theodorus martyr, cuius  
 adustum

De laudi-  
bus sancto-  
rum sermo-  
ne 40.

adustum corpus, vt scribit Robertus de Licio Episcopus Aquinas, cum processionibus & Litanijs honoratur & saepe eodem die pluuia de cœlo descendit. Sed si quid admisceatur falsæ religionis, id episcopi auctoritate corrigendum est.

*Imaginum in supplicatione circumgestatio à superstitione contra hæreticos defenditur.*

## C A P V T X X X I V.

Cap. 25.

**Q**Uod autem maiores nostri in supplicationibus suis omni pietate plenissimis sacras imagines circumgestauerint, patet ex Beda in historia Gentis suæ, qui in libro 1. scribit Augustinum & socios eius, viros (vt fertur) ferme quadraginta venisse ad Edilbertum regem Cætionum (siue Cantuariorum) non dæmoniaca, sed diuina virtute præditos, crucem pro vexillo ferentes argenteam & imaginem Domini Saluatoris in tabula depictam: litaniasque canentes pro sua, simul & eorum propter quos & ad quos venerant salute æterna. Rursus, scribit eos Dorouernensi ciuitati appropinquantibus, more suo cum cruce sancta & imagine magni regis Domini nostri Iesu Christi litaniam consona voce modulatos esse. Apparet etiam ex Chrysostomo, dum meminit lætissimæ apud Antiöchenos processionis, quod aliqua martyris memoria circumferebatur quam omnes in processione sequebantur, siue ea imago fuerit si-



rit siue reliquiæ eius . Dicit enim , 'In omnem *Hom. 19.*  
 partem ciuitatis hoc honesto duce vos circum- *ad An-*  
 agente , nos inuitos infirmitas domi manere *tioch. in*  
 cogebat . His accedat, quod in circumgesta- *initio.*  
 tione arcę Dei (ad cuius portationem mirabilia *Ios. 3. 6.*  
 operatus est Dominus ) circumferebantur etiã *1. Reg. 4.*  
 imagines Angelorum, Surrexit enim Dauid & *56.*  
 abiit , & vniuersus populus qui erãt cum eo de *2. Reg. 6. a.*  
 viris Iuda vt adducerent arcã Dei: super quã in-  
 uocatũ est nomen Domini exercituũ sedentis  
 in Cherubin super eam. Dauid autem & omnis  
 Israël ludebãt corã Domino in omnibus lignis  
 fabrefactis & citharis & lyris & tympanis &  
 fistris & cymbalis . Quare desinãt hæretici no-  
 bis obijcere ex Baruch, Sine pedibus in hume- *Barn. 6.*  
 ris portãtur : cũ id de idolis, siue falsis dijs ab eo  
 dictum sit. De modo agendi Processiones scrip-  
 sit opusculum Dionysius Carthusianus. *Tom. 1.*

*De superstitionibus cauēdis vltcrius differitur.*

# C A P V T X X X V.

**C**Eterũ ait Gregorius decimus, detestabi- *In 6. de*  
 lem abusum horrendæ indeuotionis illo- *officio or-*  
 rum qui crucis beatę Marię virginis, aliorũque *dinarij*  
 sanctorum imagines seu statuas irreuerẽti au- *cap. 2.*  
 su tractantes eas in aggrauationem cessationis  
 à diuinis, prosternũt in terrã, & vrticis spinif-  
 que supponũt, penitus reprobãtes, aliquid tale  
 fieri de cetero districtiũs prohibemus: statuẽtes  
 vt in eos qui contra fecerint , vltrix procedat  
 dura.

Fr. Scen.  
de imag.  
cap. 13.

In sporta  
fragment.

De sanctis  
cap. 6.

dura sententia, quæ delinquētes sic puniat gra-  
uiter, quòd alios à similibus præsumptione cō-  
pescat. Sed omnium scelera issimè peccāt ma-  
lefici, venefici & sagæ, ad incātationes, venefi-  
cia & alia id genus horrēda, sacris imaginibus  
abutētes. Sed quæ legalibus canonicisq; pœnis  
fuerint expianda. Neque minus peccauit, qui  
imaginem (quāuis non sacrā) carbone in regula  
pictam baptizauit, sub nomine puellæ quam in  
sui amorem illicere volebat. Cōtra quē scripsit  
ad Officialem Tornacēsem Egidius Carlerius  
Decanus Cameracensis. Postremò sicut Syno-  
dus Cameracensis sub Maximiliano Archie-  
piscopo primo celebrata, abominandam cūcit  
esse vanitatem & superstitionem eorum qui  
certò pollicentur non ex hac vita migraturos  
sine pœnitentia & sacramentis, qui hūc illū-  
ve ex diuis coluerint: sic etiam vanismē super-  
stitionis arguendum est, si quid tale sacris ima-  
ginibus alicubi subscriptam habeatur. Valeant  
igitur de Christoporo carmina:

*Christophore sancte Virtutes sunt tibi tantæ,  
Qui te mane vident, nocturno tempore vident.*

*Et,*

*Christophori sancti speciem quicumque tuetur.  
Ista nempe die non morte mala morietur.*

*Item,*

*Christophorum videas, postea tutus eas.*

*Citra superstitionem Vnam Sancti imaginem  
præ alia eiusdem celebriorem esse: neque hîc  
audiendos esse hæreticos.*

## CAPVT XXXVI.

**V**ERùm quòd memoria Sanctorum quibusdam locis in solenniori habeatur honore-quàm alibi, non debuit à sectarijs quibusdam trahi in argumentum idololatrię & superstitionis, sed potius diuinę beneficentię, quę (sicut experientia abundè testatur) magis vno loco mirabilem se ostendit in sanctis, quam alio. Cuius si rationem quæras, dico verbis Augustini, Vbique quidem Deus est & nullo continetur vel includitur loco, qui cōdidit omnia: *Epist. 137.* & eum à veris adoratoribus in spiritu & veritate oportet adorari, vt in occulto exaudiens, in occulto etiam iustificet & coronet. Veruntamē ad ista quę hominibus visibiliter nota sunt, quis potest eius consilium perscrutari, quare in alijs locis hæc miracula fiāt, in alijs non fiant. Et postea: Non in omnibus memorijs Sanctorū ista fieri voluit ille, qui diuidit propria vnicuique prout vult. Refert istud August. ad inscrutabile Dei iudiciū, qui sicut nō in omnibus Sāctis dedit eādē gratiā, ita nō in omnibus locis per eundē Sanctū pariformiter operari decreuit. Sicut cū in terris videretur, in Gapharnaum multa *Luce 4.* miracula fecit quæ in Nazareth operari noluit, ipse qui

2. Mach. 5.

Aug. 20.

cōtra Fan-

tism c. 21.

Can. 20.

Lege Apo-

logeticum

Lindani

¶ s.

ipse qui non propter locum gentem, sed propter gentem locū elegit. Igitur loca locis præponuntur, vt ex ipsorum locorum admonitione maior affectus exsurgat ad acuendam charitatem, & in illos quos imitari poscimus & in illum quo adiuuāte possumus. Vt meritò Synodus Gangrensis dixerit, Si quis superbix vsus affectu, conuentus abominatur qui ad confessiones martyrū celebrantur, & ministeria quæ in eis fiunt simul cum eorum memorijs execratur, anáthema sit. Plura contra impietatem huius, & similium assertionum, afferēda essent, sed dixi in initio libri secundi me de imaginibus non scripturum contra hæreticos. Vbi tamen quòd nec ista prorsus intacta reliquerint; particularia quædā ab eis notata, in quibus Catholici simplices facile decepti laberentur, nō præteribo: quòd hæc speciatim ad nostrum institutum pertineant. Ceterum blasphemias eorum contra omnes sacras imagines earumq; multiplicem honorem prætereo: quòd à multis præsentis Ecclesiæ Doctoribus, vt antiquiores præteream, sint refutatæ, quodque iam ante præfatus sum me de abusibus & significationibus non ad hæreticos, sed rudes catholicos scripturum. Alioquin quis finis foret, si nobis contra impura hereticorum ora clamādum foret, pro legitimo imaginū vsu. Deinde nimis longa foret ista tractatio. Nam in permultis nos circa earum vsus superstitionis & idololatricæ

latriæ accusare non verentur: imò verò eo malitia quorundam processit, vt etiam rideant circumgestionem sacrosanctæ Eucharistiæ, & honorem quem Catholici tremendo Sacramento impendimus dum circumfertur. Sic 2. Reg. 6. non solum imitatur Michol quæ Dauidem de- 1. Par. 15. ridebat saltantem ante arcam Dei, sed impietate multum superat. Ipsa enim Dauidem lino indutum & arcam deducentem cum iubilo & saltu despexit in corde suo: hi verò etiam fan- nis & mendacijs impetunt in supplicatione honorantes Dominum Deum suum. Sed qui iam nolunt flectere genua Eucharistiæ, vel inuit ea flectent in die iudicij, iuxta Apostolũ: Omnes Rom. 14. stabimus ante tribunal Christi: scriptum est Esa. 45. enim, Viuo ego, dicit Dominus, quoniam mihi flectetur omne genu. Ex his nonnulli ob vigesimum caput Exodi, damnant omnem vsum imaginum: at Michol ne in veteri quid- 1. Reg. 19. dem lege eas damnauit, sed statuam cum pilis caprarum ad caput pro Dauid in lecto posuit, vt eum à Saule saluaret.

*Lasciuia omnem vitandam esse in sacris imaginibus*

## CAPVT XXXVII.

**Q**uod ad lasciuia attinet picturarum: sic de ea statuit nostri temporis OEcumenica Synodus, Omnis denique lasciuia vitetur, ita sess. 25. vt procaci venustate imagines non pingantur  
H nec or-



*Psal. 92.  
Fred. Scinc.  
de imag.  
cap. 12. 13.*

nec ornentur. Tanta circa hæc diligentia & cura adhibeatur, vt nihil inordinatum aut præposterè & tumultuariè accommodatum, nihil prophanium nihilque inhonestū appareat; cum domum Dei deceat sanctitudo. Vt ergo sacris Diuorū imaginibus honor & veneratio maior impendatur, oportet eas sic depingi, sculpi & effigiari, vt quosdam velut igniculos in hominum pectoribus succendant: omni leuitatis atque lasciuiæ, quod contuentium oculos offendere queat, offendiculo sublato. Visæ quandoque sunt in locis vbi non decuit Diuorum imagines, viuientium adhuc hominum ora vultusque referre, vt hoc vmbratico velamento illorum quos amabant effigie pascere oculos. Hic fucus eliminari prohiberi que debet, velut pestiferum illecebrosæ cogitationis irritamentum. Nam ad hunc modum imaginibus abuti nefarium est.

*Orat. ad  
Gentes.*

Hac sanè de causa etiam gentes irrisit Clemens Alexandrinus. Praxiteles, inquit, vt declarat Posidippus in libro de Cnidio, Veneris Cnidia construens imaginem, fecit eam formæ similem Cratinæ quam amabat, vt adorarent miseri amicam Praxitelis. Cum floreret autem Phryne meretrix Thespiaca, pictores omnes imitabantur Veneris imaginē ad Phrynes pulchritudinem. Sicut rursus lapicide quoque Mercurios effingebāt Athenis ad Alcibiadem. Restat nunc tuum adhiberi iudicium, si velis

velis etiam adorare meretrices? Arnobius Afer, qui anno 300. vixit, (scribit enim libro 1. Trecenti sunt anni ferme, minus vel plus aliquid, ex quo cœpimus esse Christiani & terrarum in orbe censeari) is non minori elegantia idem annotat. Quid ego, inquit, dijs datas falces & fuscinas rideo? quid cornua, malleos & galeos? cū simulachra quædam sciam certorū esse hominum formas & infamium lineamēta meretricum. Deinde idem prosequitur ijsdem fere exemplis quibus Clemens presbyter.

*Libro 6.  
aduersus  
Gentes.*

Dedit autem non immeritò olim lasciuia suę pœnas pictor quidam quòd Saluatorē ad similitudinem Iouis pingere præsumsisset. Arefacta est enim manus eius. Quem tamen postea peccatum suum confessum sanauit Gennadius Patriarcha, vt refert Nicephorus historiae Ecclesiasticæ libro vnico An. 463. Summa itaque diligentia ad laborandum est ab ijs qui populo præfunt, ne ea figura, habitu atque ornatu imagines oculis ingerantur, vt non ad pietatem homines informant sed potius ad libidinem, superbiam, curiositatem, aliaque vitia nos prouocent: sicque calumniae & blasphemiae locus relinquatur hæreticis, qui vndiquaque quærunt calumniae & blasphemiae occasiones. Pulchrè sanè scribit Quinctinus Hedius ad canonem 20. Synodi Gangrensis, Infames & voluptuosæ picturæ, nullo debent in Christianorum loco videri, qualibus tamē nunc princi-

*Et Theodorus le-  
ctor lib. 1.*

pum priuatorumque putant hortos & ædes ornari: ne templis quidem nostris ab hac turpitudine liberis. Quodque detestabilius est, in figurandis ipsis diuorum imaginibus lasciuire non veretur pictores: vt in sacerrima *Θεοτόκῃ* virgine pingenda, in lugente vel pœnitente Magdalena, sanctisque ceteris mulieribus, aut virginibus efformandis. Et quod omnibus est execrabilius blasphemijs, ineffabile cœnæ Domini-  
cæ mysteriũ graphidè plerumque sic redditur, vt ab azotorum symposio distare non videatur. Eadè est admonitio Francisci Horantij in locis catholicis contra Caluinum scriptis, l. 2. c. 27. Imagines, ait, Christi meminerimus completæ honestatis ac religionis, non perditæ luxu exemplaria esse. Quare omni pudore & verecundia adspersas esse magnopere cōuenit. Quid commune Virgini sanctissimæ, pudicitix numeris omnibus perfectæ atque expletæ, cum ornatu illo penè dixerim meretriceo? quid sanctis martyribus, Christi que Confessoribus, cum plus quàm profano apparatu?

*Prophana non esse sacris imaginibus admiscenda, nec in templis, nec in monasterijs.*

## CAPVT XXXVIII.

**I** Am verò & hoc notatu dignum est, quod Tridentina Synodus subiungit: Nihil prophanum, nihilque inhonestum appareat cum domum

domum Dei deceat sanctitudo : contra eos qui *Psal. 92.*  
 in Ecclesijs prophana sacris admiscēt. Quorum  
 etiam temerarios ausus retundit Septima Syn- *Act. 4.*  
 odus, citans beati patris Nili ad Olympiodo-  
 rum proconsulem epistolam, in qua sic scribi-  
 tur. Scribis mihi num decorum putem, cum in  
 animo habeas fani ædificationem in honorem  
 sanctorum Martyrum, eiusque qui per eorum  
 testata certamina, labores & sudores prædica-  
 tus est Christus, ut imagines in sacro loco om-  
 nigenarum animantium per parietes vndique  
 fieri cures; has quidem à dextra parte, illas verò  
 à sinistris : quò spectatores per terram calles,  
 apud eosque lepores & capreas, circumcursan-  
 tes venatores fugiētia animalia velociter cum  
 canibus insequentes videant : In mari verò  
 emissà retia, omneque genus piscium captum,  
 in terramque piscatorum manibus eductum.  
 Præterea, ex gypso omne id quod oculos pasce-  
 re potest effectum, idque in domo Dei cōtem-  
 plētur. Nequaquam, sed in vulgari domo mille  
 cruces figi, quam historias avium, iumentorum  
 & serpentium germinumque malim. Ego verò  
 ad scripta sic respondeo, puerile plane esse &  
 stultum, eiusmodi rebus oculos fidelium  
 fascinare velle.

Beatiss. autem Bernardus vehemens est in  
 reprehēdendo in monasterijs etiam sumptuo-  
 sas & curiosas depictiones. Sic enim habet *Sub finem.*  
 Apologia eius ad Gulielmū Abbatem S. Theo-  
 doricī,

dorici, Omitto oratoriorum immensas altitudines, immoderatas longitudines, superuacuas latitudines, sumptuosas depolitiones, curiosas depictiones: quæ dum orantium in se retorquent aspectum, impediunt & affectû; & mihi quodam modo repræsentant antiquum ritum Iudeorum. Sed esto, fiant hæc ad honorem Dei; illud autem interrogo, monachus monachos, quod in gentilibus gentilis arguebat. Dicite, ait ille, pontifices, in sancto quid facit aurum? Ego autem dico, dicite pauperes, Non enim attendo verbum sed sensum, Dicite inquâ pauperes, si tamen pauperes, in sancto quid facit aurum? Et quidem alia causa est Episcoporum, alia monachorum. Scimus namque quod illi sapientibus & insipientibus debitores cum sint carnalis populi deuotionem quia spiritualibus nō possunt, corporalibus excitât ornamenti. Nos verò qui iam de populo exiuimus, qui mundi quæq; preciosa ac speciosa pro Christo reliquimus, qui omnia pulchrè lucentia, canorè mulcentia, suauè olentia, dulcè sapientia, tactu placentia, cuncta denique oblectamenta corporea arbitrati sumus vt stercora, vt Christum lucrifaciamus: quorum quæso in his deuotionem excitare intendimus? Quem, inquâ, ex his fructum requirimus? Stultorum admirationem, an simplicium oblectationem? Ponuntur dehinc in Ecclesia gemmate, non coronæ, sed rotæ circumseptæ lampadibus, sed non minus fulgētes insertis

*Pertius  
Satyra I.*

*Rom. 1.  
& in conse-  
cratione  
Episc.*



insertis lapidibus. Cernimus & pro candelabris  
 arbores quasdam erectas, multo æris pondere,  
 miro artificis opere fabrefactas, nec magis co-  
 ruscantes superpositis lucernis, quàm suis gem-  
 mis. Quid putas in his omnibus quæritur? Pœ-  
 nitentium compunctio an intuentium admi-  
 ratio? O vanitas vanitatum, sed non vanior  
 quàm insanior. Fulget Ecclesia in parietibus &  
 in pauperibus eget. Suos lapides induit auro, &  
 suos filios nudos deserit. De sumptibus egeno-  
 rum seruitur oculis diuitum. Inueniunt curiosi  
 quo delectentur, & non inueniunt miseri quo  
 sustententur. Deniq; quid hæc ad pauperes, ad  
 monachos, ad spirituales viros? Nisi forte & hic  
 aduersus memoratū poëtæ versiculum Prophe-  
 ticus ille respōdeatur, Domine dilexi decorem *Psal. 25.*  
 domus tuæ & locum habitationis gloriæ tuæ.  
 Assentio. Patiamur & hæc fieri in Ecclesia, quia  
 & si noxia sint vanis & auaris, non tamen sim-  
 plicibus & deuotis. Cæterum in claustris, corā  
 lugentibus fratribus, quid facit illa ridiculosa  
 monstrositas, mira quædā deformis formositas,  
 ac formosa deformitas? Quid ibi immundæ fi-  
 miæ? Quid feri leones? Quid mōstrosi centauri?  
 Quid semihomines? Quid maculosæ tigrides?  
 Quid milites pugnātes? Quid venatores tubici-  
 nātes? Videas sub vno capite corpora multa; &  
 rursus, in vno corpore capita multa. Cernitur  
 hinc in quadrupede cauda serpētis, illinc in pis-  
 ce caput quadrupedis; Ibi bestia præfert equū,

capram trahens retro dimidiam ; Hic cornutum animalequum gestat posterius. Tam multa denique , tamque mira diuersarum formarum vbiue varietas apparet , vt magis legere libeat in marmoribus quam in codicibus: totumque diem occupare singula ista mirando , quam in lege Dei meditando . Prò Deum , si non pudet ineptiarum , cur vel non piget expensarum ? Hactenus Bernardus. Cui consentiunt in Statutis suis Patres Carthusiani, Tapetia, inquit, vniuersa & cussini (hoc est, puluinaria) picturati vel aliàs curiosi, in vsu non habeantur: sed & picturæ curiosæ vbi sine scandalo fieri poterit, de nostris Ecclesijs & domibus eradantur, & nouæ de cætero fieri non permittantur . Et rufus in statutis tertiæ compilationis, Picturas & imagines curiosas , iuxta aliàs ordinata , in Ecclesijs & domibus Ordinis siue in vitris, siue in tabulis, lapidibus , parietibus , & locis alijs, tanquam derogantes & contrarias simplicitati , rusticitati , & humilitati nostri arrepti propositi, reprehendimus & ne de cætero fiant inhibemus . Iam factas verò, si commodè & sine scandalo fieri possit, tolli & amoueri volumus. Aduerte autem ad ea Statutorum verba , Si commodè & sine scádalo fieri possit. Sic etiam ex Bernardi verbis hoc inter alia retinendum est , quod Episcopi & sapientibus & insipientibus debitores sint , ideoque propter infirmos tolerare etiam debeant externum aliquem ornamentum,

narum,

*Nonorum,*  
*parte 2.*  
*cap. 1.*

*Cap. 3.*

natum, seruata tamen honestate: cùm externus *Exod. 24.*  
huiusmodi ornatus fuerit in Pontificali indu- *Exod. 36.*  
mento Aaronis, & in tabernaculo, ac postremò  
in templo ac domo Dei: quam Salomon in pa-  
rietibus & tabulatis per circuitum sculpsit va-  
rijs celaturis & torno, faciendo in eis Cheru-  
bin & palmas, leones & boues, mala granata,  
aliasque varias picturas. Quanquam si exactiùs  
discutiatur, verisimilius sit in hoc loco sacro  
nihil fuisse prophanum, sed & boues & pal-  
mas imò & lapides certam vtilemque habuisse  
significationem; de quo Sanderus in posteriori  
libro de adoratione imaginum honoraria, cap.  
3. Non sunt itaque prophanæ historiæ in Ec-  
clesijs pingendæ, qui mos ethnicorum fuit,  
à Christianis repudiandus non imitandus.  
Cuiusmodi ferè est, quod Virgilius Æneam *1. Ænei-*  
in templo Carthaginis à Didone condito, to- *dos.*  
tam Troianam historiam depictam spectasse  
narrat. Nemo autem arbitretur prophanam  
esse picturam, si quis se honestè & humiliter  
precantem appingi cupiat in ea imagine quam  
in sui memoriam Ecclesiæ relinquit. Memini  
enim me cùm vetustatis imagines aliquot re- *Supra cap.*  
censerem duas etiam annotasse, quæ hanc ob- *6. & 14.*  
seruationem velut antiquissimam plurimum  
commendant.

*Sanctorum imaginibus religiosè altaria ornari.*

## CAPVT XXXIX.

**P**rophana postremò fuit imago, si nō heretica, quā Paulus & Macarius dicebantur in altario posaturi tēpore sacrificij. Hoc enim cū acciperent aures, [Catholicorū] perculsæ sunt, & animi, & lingua vniuscuiusque cōmota, vt scribit Optatus in fine 3. libri de schismate Donatistarum. Suspiciatur autem Franc. Bald-  
 nus fuisse laureatam siue prophanam imaginem Imperatoris, à quo missus erat Macarius. Nemo autem suspicetur imaginem hanc fuisse fortassis sacram alicuius sancti, quam catholici in altario habere noluerint tempore sacrificij, eo quòd hoc soli Deo offeratur. Tale nihil cogitandum est, nam vetustatem sanctorum imaginibus altaria exornasse, inter alia probari potest ex Tharasi j patriarche verbis in 7. Synodo. Si vetus, inquit, scriptura habuit cherubim, obumbrantia propitiatorium, & nos quoque imagines Iesu Christi, & sanctæ Dei genitricis sanctorumque habebimus obumbrâtes altaria, quod etiam indicant tabulæ, vestes sacratæ & pretiosa repositoria, in quibus incruenta sacrificia Christiani peragebât tempore persecutionis. Quæ ad nostra vsque tempora ostenduntur, inquit Epiphanius, durabuntque per sæcula, quantumvis amaritudine & bile hæreticorum linguæ contra Ecclesiam & sex synodos vniuersales flagrent.

*Imagines*

*Bald. in  
3. Optati.*

*Act. 6.  
rom. 1.  
7. Synodi.*

*Imagines Sanctorum rectissime auro & argento  
tegi, & coronis vel preciosis vestibus ornari.*

## CAPVT XL.

**S**Ed citata paullo ante sancti Bernardi verba  
suggerunt nobis occasionem respondendi,  
tam Iudæ qui dicebat, Vt quid perditio hæc? po- *Matth. 2.*  
tuit enim illud venūdari multo & dari paupe-  
ribus: quàm pauperibus qui aliquādo in corde  
suo cogitant, in templo quid facit aurum? Res-  
pondeo itaque verbis eruditissimis Nicolai *L. I. de ho-*  
Sanderi Angli, Templum Dei figura quædam *noraria*  
est & imago cœlorum, Vnde quæ sunt in tem- *imaginum*  
plis Christianorum, debent ijs respondere, quæ *adoratio*  
sunt in cœlis. Nam & Paulus Apostolus Sancta *necap. 8.*  
Sanctorum in templo Salomonis, cœlestium  
habitaculorū figuram gessisse declarauit cū  
diceret, solum Pontificem semel in anno in-  
trasse in Sancta Sanctorum cum sanguine, *Hebr. 9.*  
quem pro sua & populi ignorantia. offerret:  
fic etiam Christum Pontificem verum per pro-  
prium sanguinem introiisse semel in Sancta  
non illa manufacta, sed in ipsum cœlum, vt  
appareat nunc vultui Dei pro nobis. Non po-  
test autem fieri vt Christianorum templa mi-  
nus exprimant figuram cœlestium rerum, quā  
illud Salomonis exprefferat. Sed in templo  
Salomonis erant imagines, nimirum Che-  
rubin gloriæ obumbrantia propitiatorium,  
Erant etiam reliquæ, hoc est, manna & virga *Hebr. 9.*  
Aaron



*Dionys. Ec-  
cles. Hier.  
cap. 3.*

Aaron quæ fronduerat & tabulæ testamenti: multò igitur magis in Christianorum templis oportet tum imagines, tum reliquias rerum sanctarum conseruari, præsertim cum in ipso cælo constet non modo Christum ad Patris dexterâ sedere, verum etiam Apostolos & Martyres adesse: quam rem adumbrare, & quibus modis possumus, exprimere in templis nostris debemus. Vnde nemo dū mysteria celebrantur intrare permittitur qui sanctus non sit, quive vllum tale crimen sciatur admisisse, ob quod ab eo qui præest excommunicatus fuerit. Hinc apparet, non sine grauissima causa Ecclesiam adductam esse, vt nonnullas imagines sanctorum auro & argento tegetet, coronis & preciosis vestibus ornaret. Partim enim imagines sanctorum repræsentât id quod olim à Sanctis in hac vita gestum est, atque illa quidem ratione sufficeret rem ipsam nudè & velut omni veste detracta proponi; partim verò non solum ratio habetur eorum quæ in hac vita olim gesta sunt, sed præterea eorum quæ iam in cælis geruntur. Cum igitur nemo ignoret sanctos iam in cælo agentes immensa quadam gloria frui, quicquid auri, argenti, gemmarum, cereorum, vestium, coronarum adhibueris, nec minimam partem eius gloriæ descripseris, quam Deus iisdem sanctis iam in vita æterna largitur. Cogitet ergo Christianus quando in templum ingreditur, se in cælum quoddam terrestre ingredi,

gredi, vbi Deus impleat totam domum, ita vt *Leuit. 9.*  
 appareat gloria Domini omni multitudini: &  
 vbi sancti afsistant participes glorię diuinę per  
 gratiam effecti, & nihil sanè reprehēdet eorum  
 quę in sacris imaginibus deferri vident. Non  
 est hic igitur perditio, quod assumebat fur ille  
 Iudas Iscarioth, sed magnum salutis adiu-men-  
 tum. Ex his manifestū est cur maculari debeat  
 Ioachimi Vadiani commentarius in tertium  
 librum Melę, vbi reprehendit quod Christum  
 auratum pingamus, qui nunquam auratus in-  
 cessit, quodq; puellę torquibus onerentur quę  
 regnum mundi & omnem eius ornatum con-  
 temserūt. Quasi contra nos torqueri debeat il-  
 lud Persij, *Dicite Pontifices in sacro quid facit*  
*aurum? Nēpe hoc quod Veneri donatæ à Virgine*  
*Puppæ.*

At pauperibus respondeo, quod pastores &  
 qui Ecclesijs pręsunt, si id exigat necessitas, me- *2. offic.*  
 mores erūt eius quod Ambrosius fecit: qui cō- *cap. 28.*  
 fregit vasa mystica vt captiuos redimeret: &  
 eius quod fecit Augustinus, qui propter capti-  
 uos & quàm plurimos indigentes de vasis Do-  
 minicis quędam frangi & conflari iubebat &  
 indigentibus dispensari, vt scribit in vita eius  
 Possidius Calamę Episcopus: memores postre- *Cap. 24.*  
 mō erunt admonitionis quā ex Bernardo præ-  
 cedenti Capite citauimus. Propter materiale  
 templum non permittent interire viua templa.

*Quæ-*

*Quædam per se vilia, fides efficit preciosa: inter  
quæ est luminarium vsus.*

## CAPVT XLI.

*Serm. 6.  
de 40.*

*Ierem. 5.*

*Phil. 2.*

*Apo. 21.*

**N**Eque verò ea tantum preciosa dicenda sunt, quæ aurea sunt vel argentea, pulcra aut precij alicuius apud quascunque gentes. Pulcherrimè enim dictum est à D. Leone, Quæ per se sunt vilia, fides efficit preciosa. Quare & luminarium vsus (vt de eo aliquid subiungam) ante imagines Sanctorum, preciosus est in cōspectu Domini, cuius oculi, vt Ieremias ait, fidem respiciunt: fit enim istud ex fide humili & deuota, qua credimus & protestamur sanctos illos ante quorum imagines cereos accendimus, luxisse dum viuerent in medio nationis peruersæ velut luminaria in hoc mundo: nunc verò ex isto loco caliginoso eosdem peruenisse ad locum claritatis æternæ, vbi Agnus qui in medio throni est eos illuminat. Vnde Germanus patriarcha Constantinopolitanus, in eruditissima illa epistola quæ citatur quarta Actione secundi consilij Niceni: Neminem inquit offendat quod ante Sanctorum imagines lumina & suauè olentia thymiamata accenduntur. Symbolicòs enim ista fieri in honorem illorum opinandum est, quorum cum Christo requies, quorum honor ad ipsum recurrit, hoc ipsum testante sapiente Basilio, quod erga conseruos bonos honor erga ipsum Dominum

num commune beneuolentiæ signum exhibet. Sensibilia enim lumina symbolum sunt immaterialis illius & à Deo dati luminis: aromaticum autem incensio syncerum & totum sancti Spiritus afflatum & repletionem significat. Sic ante Germanum, cum Vigilantius ridendo obijceret Catholicis, quod plena luce cereos accenderent ad martyrum memorias; piè admodum respondit Diuus Hieronymus in libro aduersus eundem scripto, quod sicut Christus non indigebat vnguento quo perfusus est à Maria Magdalena, ita nec martyres indigent lumine cereorum: tamen Apostoli causantes ne periret vnguentum, Domini voce correpti sunt, mulierisque deuotio recipitur: ita inquit, quicumque cereos accendunt, secundum fidem suam habebunt mercedem. Qua D. Hieronymi doctrina satis redarguitur hæreticorum nostri temporis superba præsumptio, qui cum sint viri illusores quos in nouissimis istis temporibus venturos prædixit Paulus, ita sensu carnis inflati sunt, vt simplicitatem quæ est in Christo Iesu, hoc est, ea quæ secundum maiorum traditionem ex humili fide fiant in Christi Ecclesia, rideant & contemnant: cumque sint filij tenebrarum, pro viribus obscurare nituntur lucem Sanctorum, eorum videlicet fidem & conuersationem sanctam; quibus adhuc hodie omnibus qui in domo Ecclesiæ sunt lucent. Sciunt enim opera eorum

Ioan. 12.

1. Petr. 3.

1. Tim. 4.

Coloss. 3.

2. Cor. 11.

Ioan. 8.

ab hac

ab hac luce argui. Vnde etiā luminaria omnia, quæ in atrijs Domini accenduntur, in illis lucis memoriam, quam ipsi oderunt, cupiunt esse extincta. Obijciunt vñum huiusmodi luminarium ad Gentilium ritum pertinere, dicēte Baruch; Lucernas accendunt illis & quidem multas, ex quibus nullam videre possunt. Quibus paucis respōdeo, quòd sicut Gentilis dum per cœlum iurat cultor est dæmonis, Moses autem per idē iurans, cultor est Dei; ita idololatra suis sculptilibus lucernas accēdens detestandus est; Christianus autem in honorem Sanctorum ante imagines eorum, cereos accendens multum est laudādus. Discrepat enim fructus operum similium vbi idem non est affectus operantium. Plura hīc adferri possent ex sexto cap. Levitici: ex 25. & 27. Exodi: ex diuersis Consilijs ac Patribus. Sed hæc fusiùs tractare non est præsentis instituti. Superadijcio tamen quod candelabra in templis per modum coronarum posita aut pendentia, non sint nupera sed vetustissimi vsus, dicente Paulino.

*Clara coronantur densis altaria lychnis:  
Nocte dieque micant.*

Natali 2. & alibi,

*Tectoque superne  
Pendentes lychni spiris retinentur ahenis,  
Et medio in vacuo laxis vaga lumina nutant  
Fumibus.*

Fuisse



Fuisse autem tunc temporis vsum aureorum  
candelabrorum, indicant præfecti verba ad  
martyrem Laurentium.

*Hunc esse vestris Orgijs  
Moremque & artem proditum est,  
Hanc disciplinam foederis,  
Libent ut auro antistites.*

*Argenteis scyphis ferunt  
Fumare sacrum sanguinem,  
Auroque nocturnis sacris  
Astare fixos cereos.*

Et vnde hæc habuit Ecclesia?

*Tunc summa cura est fratribus,  
Ut sermo testatur loquax,  
Offerre fundis venditis  
Sestertiorum millia.*

*In picturis cauendum esse quidquid ad libidi-  
nem prouocat.*

## CAPVT XLII.

**P**ORRò, si in picturis omnis lasciuiæ vitari de-  
beat, quanto magis quicquid ad libidinem  
prouocat? Vt meritò hic exclamet Ambr. Ca-  
tharinus, Quod verò omnium est teterri-  
mum, hac tempestate, in excelsis templis sa-  
cellisque offendas picturas tantæ lasciuiæ, vt  
quicquid natura occuluit turpe nostrum ibi  
liceat contemplari, ad excitandam non deuo-  
tionem

*Prud. per  
Steph.  
hym. 2.  
Vide So-  
cratem l. 6.  
hist. c. 8.*

*Cathar. de  
cultu  
imaginum.*

tionem sed cuiusvis demortuæ carnis libidinē. Quasi inquit Olaus historicus Septemtrionalis, interior caro non sufficeret sibi in deiiciendo homine, in mille tentationes fragilitate tandem sua collapsuro, nisi & externæ augerentur prouocationes. Notum est pictores sæpe infan-  
 tem I E S V M nudū sculpere aut pingere: sed ob hoc malè audiunt à multis non exiguæ pietatis & prudentiæ viris. Quid enim in hac nuditate esse potest ædificationis? Arque utinam nulla hinc oriretur in paruulis destructio, nullum in pusillis scandalum. Viderint ergo pictores ne suo malo discant quid sit quod Dominus ait, Qui scandalizauerit vnum de pusillis istis qui in me credunt, expedit ei vt suspendatur mola asinaria in collo eius & demergatur in profundum maris. Væ homini illi per quem scandalum venit. Certè si antiquas picturas consulere velint, facile aduertent in eis puerum I E S V M decenter & honestè depictum esse, ac sese multum à maiorum simplicitate degenerasse. His adde, quod Guilelmus Durantus Mimatensis Episcopus scribit de quibusdam Græcanicis Ecclesijs in Rationali diuinorum officiorum, Græci ait, vtuntur imaginibus, pingentes illas vt dicitur, solum ab umbilico supra & non inferius, vt omnis stultæ cogitationis occasio tollatur. Prohibet deputatio Tridentinæ Synodi, omnes libros qui res lasciuas seu obscenās ex professo tractant, narrant

Matth. 18.

Lib. 1. c. 3.

Regula 7.

narrant aut docent; cū non solum fidei, sed & morum, qui eiusmodi librorum lectione facile corrumpi solent, ratio habenda sit: quanto ergo magis prohibendæ sunt huiusmodi picturæ, non tantum in sacris imaginibus, sed etiam in prophanis? Nam vt rectè dixit gentilis Poëta:

*Segnius irritant animos demissa per aures,  
Quàm quæ sunt oculis subiecta fidelibus, & quæ  
Ipse sibi tradit spectator.*

*Horatius in  
arte poeti-  
ca.*

Huc facit & illud Erasmi, quod ex institutione matrimonij Christiani, quia ea à Patri- *Eras. to. 5.* bus Tridentinis non abs re damnata est, citatione mea cōseruare cupio; eò quòd apud multos infirmos Erasmi authoritas & iudiciū multum valeat. Quemadmodum inquit, non decet in familia audiri sermonem lasciuū, ita nec tabulas haberi cōuenit impudicas. Loquax enim res est pictura tacita, & sensim irrēpit in animos hominū. Turpitudinis delicijs quidā ornāt sua conclauia, quasi iuuentuti desint irritamēta nequitia. Membra quæ verecundię gratia celas ne videantur, cur in tabula nudas, & nunquam ea pateris abesse à conspectu liberorū? Nēc minus eleganter idem in institutione Christiani hominis, Aristoteles, ait, adeò putat picturas statuasq; lasciuas ad morum corruptelā facere, *Lib. 7. po-  
lit. c. 17.* vt hoc velit per Magistratus publicis legibus caueri, ne quid imaginum sit in ciuitate quod

admoneat, turpitudinis : lingua loquitur auribus, pictura loquitur oculis ; multoque loquacior est pictura, quàm oratio ; & frequenter altius descendit in pectus hominis. Quid memorem quanta sit in signis ac picturis licentia ? Pingitur & oculis repræsentatur, quod vel nominare sit turpissimum . Hæc argumenta prostant publicitus, in tabernis ac foro, & volentium nolentium oculis ingeruntur, quibus incendi iam frigidus æuo Laomedontiades & Nestoris hernia possit . O legum & Magistratum oscitantiam ! Errauit autem grauius Philosophus, dum imaginum obscœnitatem vndique profligans, excipit deos quibus leges attribuunt turpitudinẽ. Sentit opinor de Venere & Cupidinibus nudis, de custode hortorũ, de Satyris & Phallis Bacchi, in quorum festis solenniter turpia agitabantur. O nouã Philosophi religionem ! In dijs permittit turpitudinẽ, vbi maximè conueniebat abesse turpitudinem. Quanquã Aristoteles ab huiusmodi sacris vult arceri tenerã ætatẽ. Agamus gratias Deo quod nostra religio nihil habet nõ castum & pudicũ. At tãto grauius peccat, qui rebus natura castis, inuehunt impudicitiam. Quid est necesse in tẽplo depingere Dauid contemplantem è fenestra Bethsabeam & ad stuprum euocantem ; aut amplectentem ad sè delatam Sunamitam ; Herodiadis filiam saltantem ? Argumenta sumta sunt è diuinis libris, sed in exprimendis scœ-

*Erasmus  
ibidem.*

2. Reg. 11.  
3. Reg. 1.  
Matth. 14.



dis fœminis quantum admiscant artifices nequitia: Et iterum ex Christiani matrimonij institutione; Artifices quidam cum pingunt aliquid ex Evangelica historia, affingunt impias ineptias. Veluti cum exprimunt Dominum apud Martham ac Mariam exceptum conuiuio, dum Dominus loquitur cum Maria, fingunt Ioannem adolescentem clam in angulo fabulantem cum Martha, Petrum exiccantem cantarum. Rursum in conuiuio Martham à tergo assistentem Ioanni altera manu iniecta humeris, altera velut irridente Christum qui nihil horum sentiat. Item, Petrum iam vino rubicundum, cyathum admouere labris. Et hæc cum blasphema sint & impia, tamen faceta videntur. De rebus sacris qualis debet esse sermo, talem decet esse picturam.

*Luc. 10.*

*Erasmus de  
amabili  
Ecclesiæ  
concordia  
tom. 5.*

Et quemadmodum blasphemiarum genus est facras literas ad ineptos & prophanos iocos detorquere: ita graui pœna digni sunt, qui cum pingunt canonicarum Scripturarum argumenta, de suo capite miscent ridicula quædã & sanctis indigna. ] Quid verò mirum, si obscenarum picturæ tantum moueant, cum nonnullos etiam ad libidinem prouocauerit picturæ artificium absq; manifesta obscœnitate? Vnde apud Ezechielem Oholiba, cum vidisset viros Chaldaeos depictos in pariete accinctos baltheis renes & thyaras tinctas in capitibus eorum, formã ducum omnium, insaniuit super eos concupiscē-

*Synod Tri-  
dēt. sess. 4.*

*Ezech. 23,*



tia oculorum suorum & misit nuncios ad eos in Chaldaeam. Similiaque legas apud Valerium Maximum, factorum ac dictorum memorabilem lib. 8.

In fine  
cap. 11.

Libidinosis verò picturis meritò adijcitur & ea, sacrilega simul ac fabulosa, de qua sanctus Augustinus scribit libro secundo, de ciuitate Dei. Apud Terentium, inquit, flagitiosus adolescens spectat

Cap. 7.

In Eunuch  
act. 3. sc. 5.

*Tabulam quandam pictam, Vbi inerat  
pictura hæc, Iouem  
Quo pacto Danaë misisse aiunt quondam in  
gremium imbrem aureum.*

atque ab hac tanta authoritate adhibet patrocini-  
um turpitudini suæ, cùm in ea iactat se imi-  
tari Deum,

*At quem Deum? qui templa cœli summa so-  
nitu concutit.*

*Ego homuncio non facerem? ego verò illud feci  
ac lubens.*

1. Confess.  
cap. 16.  
De eadem  
pictura  
Aug. epist.  
202. 18. de  
ciuit. Dei,  
cap. 13.  
Prou. 4.

Meritò itaque in Confessionibus idem Do-  
ctor exclamat contra eos qui eiusmodi iuuen-  
tuti prælegendo instillant. O flumen tarta-  
reum! iactantur in te filij hominum cum mer-  
cedibus vt hæc discant.

Auscultemus igitur ad Canonem 100. sextæ  
in Trullo Synodi, Oculi tui recta aspiciant, &  
omni custodia serua cor tuum, iubet Sapientia.

Corpo-

Corporis enim sensus sua facile in animam effundunt. Picturas ergo quæ oculos perstringunt & mentem corrumpunt & ad turpium voluptatum mouent incendia, nullo modo deinceps imprimi iubemus: Si quis autem hoc facere aggressus fuerit, deponatur.

Et rursum ad verba Clementis Alexandriæ presbyteri, qui post acrem reprehensionem paganorum, eo quòd in cubili decumbentes Venerem nudam respiciunt in tabellis depictis, habeant quoque Paniscos & nudas puellas & ebrios Satyros & membrorum erectiones quæ picturis nudantur, tandem concludit, Horum non solum vsus sed etiam aspectus & auditus deponendam esse memoriam vobis annunciamus. Scortatæ sunt aures vestræ, fornicati sunt oculi. Et quod est magis nouum, ante complexum vestri adulterium admiserunt aspectus. Nescio autem an ad huiusmodi lasciuias pertineat quod à Ioanne Trithemio, tum alibi tum præcipuè in libro de claris scriptoribus Germaniæ notatum est, Ioannem de Hildesheim Carmelitam, Lectorem & Priorem Cassellensem, beati Petri Thomæ Patriarchæ Constantinopolitani, antea Generalis Magistri, in Auenione auditorem scripsisse in quemdam turpia pingentem librum vnum, claruisse anno 1370.

*Clem. contra  
Gentes.*

*Imagines à nimia vetustate, situ ac sordibus,  
conseruandas esse.*

## CAPVT XLIII.

**A**Ddamus porrò aliquid de antiquitatis imaginibus. Nā & Ambr. Catharinus annotauit inter abusus imaginū, quòd non ea custodia seruentur, qua debēt, à carie, situ & alijs noxijs. Hęc igitur vitāda sunt, vt nihil inhonestū in sacris picturis appareat. Quod si per quorundā negligēciam situs & squalor quibusdam locis eas inuaserit; audiant quod Athanasius scripsit de eo quod Dominus carnem humanā assumsit. Quandoquidem ait, ea quæ in tabulis picta sunt, cū figura per sordes & situm deleta fuerit, necessarium est vt denuò pingatur & reficiatur, modò talis sit vt adhuc renouari in eadem materia & tabulis possit: nam per eandem formam & materiam in qua depingitur, non destruitur verū potius in eo quod ante fuit consentit. Huius rei illustre exemplū obseruaui in Ecclesia Beghinagij Distēsis, quod alijs imitandum propono. Cū enim eius loci venerabili pastori Nicolao Eschio sub annum ætatis meæ vndecimum cohabitarem (qui non solum sorores meas eiusdem loci alumnas, sed & me tunc in studio pietatis formabat) sæpe aspexi antiquam & venerandam Christi crucifixi depictam imaginem, plenā pietatis & artificij. Quam idē pastor sic renouari & illustrari  
deinde

Act. 2.

Synod. 7.

deinde curauit, vt non videretur aliter differre ab antiqua, quàm sicut ipsa antiqua imago differebat à se ipsa, cùm primum depicta fuerat: nisi quod anno depictæ imaginis, qui inter illustrandum deprehendebatur 1305. annum renouatæ adijci curauit. Nec prætereundus est sanctissimus ille Paulinus qui Hieronymi sæculo idem fecerat: sic enim scribit natali 10.

*Cernite culminibus gemina Felicis in aula  
Quæ fuerint vetera, & noua nunc exstare videntur;*

*Depositoque situ reducem sumfere iuuentam:  
Namque & in his duplex spectandi gratia fulget*

*Qua renouata nouis æquali lumine certant  
Culmina culminibus: tectorum dissidet ætas,  
Concordat species, veterum manus atque recen-  
tum*

*Conuenit: in facie simili decor vnus vtrumque  
Ornat opus; coeunt olim fundata nouellis.  
Nec discrimen adest oculis, nitet vna vetustas.  
Fronte iuuentutis tegitur fucata senectus:  
In pueram faciem veterata refloruit ætas.*

*Hæc eadem species veterem deponere formam  
Et gestare nouam monet & retroacta abolere.*

Ad idem faciendum instiget nos etiam Paganorum diligentia. Refert enim Plinius, M. l. u. cap. 10.

nium prætorem sub diem ludorum Apollinarium tergendam mandasse tabulam, in qua Aristides celeberrimus pictor depinxerat Tragedum & puerum Apollinis. Addit autem (quod caueri oportet) eius tabulæ gratiam pictoris inscitia interiisse.

*Epist. 3.  
Ad Heliodorum.*

Ij verò quorū est Ecclesiā & imagines à sordibus & squalore conseruare, proponant sibi Nepotianū: in cuius laudē Hieronymus commemorat eum sollicitum fuisse, si niteret altare, si parietes absque fuligine, si pauimenta tersa, si ianitor creber in porta, vela semper in ostijs, si sacrarium mundū, si vasa luculēta. Et in omnes cērimonias pia sollicitudo disposita, non minus non maius negligebat officium. Vbicunque eum quæreres in Ecclesia inuenires. Basilicas Ecclesiæ & Martyrum cōciliabula diuersis floribus & arborum comis vitiumque pampinīs adumbravit: vt quicquid placebat in Ecclesia, tam dispositione quàm visu, presbyteri laborem & studium testaretur.

Circa imagines autē, quę magnā habēt cum libris cognitionem, vtiliter etiā quædā obseruariētur, qualia ferè de libris sacris & Ecclesiarū lignis, vestibis ac vasis, decreta legūtur. Decreta porrò de quibus loquor sunt Canon 68. sextę Cōstantinopolitanæ Synodi, Nulli omnino licere veteris & noui Testamēti librum nec Sanctorum nostrorum præconum ac doctorum, corrumpere vel conscindere, vel librorum cau-  
pona-



ponatoribus, vel ijs qui dicuntur vnguentarij, vel alicui alij ex omnibus ad eum delendum tradere, nisi ab aqua vel à tineis vel aliquo alio modo redditus fuerit inutilis. Qui autem tale quid facere deinceps deprehensus fuerit, anno vno, segregetur. Similiter & qui libros emit, si eos quidem ipse non ad suam vtilitatem retineat, nec alteri ad eius beneficium & vt ij permaneat vendat, sed eos corrumpere aggressus fuerit, segregetur.

Decretum etiam est Higinij Papæ apud Gratianum, Ligna Ecclesiæ dedicata non debent ad aliud opus iungi, nisi ad aliam Ecclesiam: vel igni sunt comburenda, vel ad profectum in monasterio fratribus. In laicorum verò opera non debent admitti. Apud eundem Clementis decretum epistola 2. Altaris palla, canthara, cathedra, candelabrum & velum si fuerint vetustate consumpta, incendio dentur: quia non licet ea quæ in sacrario fuerint malè tractari, sed incendio vniuersa tradantur. Cineres quoque eorum in baptisterio inferantur, vbi nullus trāsitus habeat: aut in pariete aut in fossis pauperum iactentur; ne introeuntium pedibus coinquinentur. Ex his sanè canonibus siue decretis colligi potest, quàm reuerenter tractandæ sint sacræ imagines quantumvis antiquatæ. Moscouitæ quoque non aliundè quàm à Christianis & Catholicis habent sequentem canonem, Imagines antiquæ & tabulæ, super quibus

*De cons.  
dist. 1. &  
apud Iuonē  
parte 3.*

*Vide D.  
Peckin de  
Ecclesijs re-  
ficiendis,  
cap. 31.*

*Apud Si-  
gismundū  
Baronem.*

quibus consecrationes fiunt, non comburantur sed in hortis aut alio honorifico loco, ne iniuria afficiantur aut dedecore, sepeliantur.

*In imaginibus collocandis habendam esse rationem loci.*

## CAPUT XLIIII.

**H**onestas autem exigit, ut & loci ratio in collocandis imaginibus habeatur. Quare nec in pavimento sunt historiae Sanctorum sculpendae, quamvis istud videatur quandoque usitatum fuisse in monasterijs quibusdam. Iuxta illud Bernardi, Ut quid saltem Sanctorum imagines non reueremur, quibus ipsum utiq; quod pedibus conculcatur scatur pavimentum? saepe spuitur in ore Angeli, saepe alicius Sanctorum facies calcibus tunditur transeuntium. Et, si non sacris imaginibus, cur vel non parcitur pulcris coloribus? Cur decoras quod mox foedandum est? Cur depinguis quod necesse est conculcari? Quid ibi valent venustae formae, ubi puluere maculantur assiduo?

Hinc libro primo Codicis titulus est, Nemini licere signum Salvatoris Christi humi vel in silice vel in marmore, aut in sculpere aut pingere. Et subijcitur lex vnica Theodosij & Valentiani Augustorum, Cum sit nobis cura diligens per omnia superi numinis religionem tueri, signum Salvatoris Christi nemini licere vel in solo vel in silice vel in marmoribus humi posit-

tis in-

*In fine  
Apologia.*

et. II.

ris insculpere vel pingere, sed quodcunq; reperitur tolli, grauissima pœna mulctando eos qui contrariũ statutis nostris tētauerint, specialiter inperamus. Similiaque legas canone 73. Synodi in Trullo Constantinopolis quæ sexta dicitur.

Nimiũ autem rigidi sunt qui ex hac Augustorum lege inferunt, contra receptam consuetudinem, non licere in sepulturis humi positis signum crucis imprimere. Nam in consecratione Ecclesiæ, quando Episcopus benedicit primarium lapidem in fundamento ponendum, accepto cultro sculpit in eo signum crucis dicēs, In nomine Patris & Filij & Spiritus sancti. Vnde hæc lex eos potissimum notat, qui imaginem siue signum Saluatoris Christi in cruce pendentis humi sculpunt vel pingunt.

*Pontificale fol. 107.*

Non sunt etiam imagines sacræ eo loci ponendæ vbi clauis sunt figendi. Hoc enim docet nos septimæ Synodi actio quarta quæ sic habet: Alius quidam in ciuitate quæ dicitur Citium, die decima quinta mensis Augusti, cū festum Virginis celebratur, ingressus templum vt velis ornaret illud, clauum in parietem malleo adigendo, frontem imaginis D. Petri in pariete depictę transfodit: funiculo itaque velo alligato, confestim illius caput frontemque intolerabilis doloris cruciatus inuasit, qui constanter per duos festiuitatis illius dies permanfit. Episcopus autem Citij re cognita hominem increpauit, iussitque vt abiens clauum iterum exime-

eximeret ex imagine : quo facto continuo dolor mitigatus est. Interrogetur si libet Episcopus. Adest enim in hac congregatione. Interrogatus autem Episcopus Citij iureiurando affirmavit ita se habere in medio Synodi. Quod

*Iäpridius  
in Senero,  
& Spar-  
tianus.*

*De sacris imaginibus in vijs publicis, navibus,  
poculis, & libris.*

## CAPUT XLV.

**R**ectissimè autem in vijs publicis eriguntur Crucis signa & Sanctorum imagines, iuxta definitionem secundæ Nicenæ Synodi. Nam si pagani Mercurium, ut est apud Clemetem, viæ vicinæque præfectum statuebant; quãtò magis à nobis cõuenit Sãctorum imagines in vijs poni, ubi eorum patrociniũ requirimus? Hinc in foro erigi iussit Cõstantinus crucis signum: quod ut Chrysost. habet, ubiq; celebrari videre licet, in foro, in solitudine, in vijs, in mōtibus, in collibus, in vallibus, in mari, in nauigijs, & insulis. Itaq; crux in via posita ad omnes clamat illud Ieremię; O vos oēs qui trãsitis per viã, attendite & videte, si est dolor sicut dolor meus. Ridet autẽ Clemens in citata oratione Romanos, qui res maximè & præclarè gestas Fortunę tribue-

bant,

*Act. 7.  
Orat. ad  
Gentes.*

*quod Chri-  
stus sit  
Deus to. 5.  
Thren. 1.*



bant, eamq; maximã esse Deam existimantes: ponebant tamen in sterquilinio. Cuiusmodi fecellum, addit, fuisse dignum Deæ templum. In nauigijs verò non solam crucem videre licebat, sed & Sãctorum imagines. Nicephorus enim Callistus, de nauì agēs Alexãdrina cui erat *Act. 28.* insigne Castorũ, testatur, vt quondã Gẽtilium naues certorũ quorundam Deorũ insignia habebant, ita Christianorũ quoque naues, patronorum suorum imagines præferre consueuisse. Quemadmodum, ait, Christianam pietatem colẽtes nauiũ gubernatores, naues suas sanctis quibusdam dedicãt, inscriptioneq; id testãtur, itidem olim pro eo atque volebãt, falsò creditis Dijs, picturis eas inscribebant.

Vnde apud Paullum Diaconum legitur, initio lib. xvij. in hist. misc. Anno 1001. Heraclius in Africa Imp. appellatus, venit cum nauibus castellatis, habentibus intra se arculas & imagines Dei matris, quemadmodum pyxides. Porro antiquitus sicut in vijs publicis & nauigijs, ita & in libris erant imagines. Vnde in vij. Synodo dixit Demetrius, armarij custos, se in Ecclesia Constantinopolitana in- *Act. 9.* uenisse duos libros relictos, per imagines deargẽratos. Inuenit idem, & Synodo obtulit, Cõstantini Chartophylacis librũ, in quo folia, quę de venerandis imaginibus tractabant, excisa erant. De hoc libro subiicit ibidem Leontius à secretis. Est & aliud quod in hoc libro dignum admiratu



Tem. 5.

Epist. 102.

admiratu est. Nam, vt videtis argenteas tabulas  
 habet, & vndique Sanctorum imaginibus de-  
 coratus existit. Ipsi verò rem relinquentes, hoc  
 est, imagines, ea quæ de imaginibus intus scri-  
 pta sunt exciderunt: quod sanè extremæ de-  
 mentix facinus est. Addatur autem prædictis,  
 non minus vetusto more in vasculis & poculis  
 sanctorum exprimi imagines. Quò pertinet  
 illud D. Hieronymi in iv. cap. Ionæ, In ipsis cu-  
 curbitis vasculorum quas vulgò Sauromarias  
 vocant, solent Apostolorum imagines adum-  
 brari. Non mirum est autem hunc morem  
 tunc inter Christianos fuisse vsitatum, qui li-  
 benter prophana in sacra conuertere solent.  
 Constat enim ex eodem Hieronymo, paganos  
 homines idôla in lancibus sculpta & cœlata  
 habuisse. Vnde est illud eius ad Marcellam,  
 Nunquid in lancibus idôla cœlata descripsi.

*Non anxie laborandum esse quo ordine San-  
 ctorum imagines collocetur: & quòd Paulus  
 rectè ponatur à dextris sancti Petri.*

## CAPVT XLVI.

**Q**uia verò loci rationem habendam esse  
 diximus, nemo propterea multum anxius  
 fit, vt in picturis statuendis eum ordinem ob-  
 seruet quem ipse sua imaginatione concipit  
 esse in cœlo. Nimia anxietas est hac in re vitan-  
 da, & aliquando accidit per iustam occasionem  
 quod

quod dignioris imago à sinistris collocetur. Quale quid accidisse credo in ea crucifixi imagine de qua capite sexto huius libri ex libro miraculorum Cyri & Ioannis, vbi præcursor Domini à dextris, Deipara autem à sinistris representatur. Sicut ergo non est contendendum an Ioannes Baptista maior sit in cœlo, an Ioannes Euangelista; vtrum Barbara præcedat in gloria cœlesti Catharinam an cōtra, ac de similibus. Iuxta illud quod aurea Legenda adfert, *Legēda 80.* Bene concordēs sumus in cœlis, de nobis non disputetis in terris: sic etiam in picturis non est istorum occasione, vnus alteri contentiosè præferendus. Scripsit hac de re Thomas de Kempis eruditissimum Caput, lib. 3. de imitatione Christi, Caput videlicet 63. in quo inter cætera sic ait: Noli etiam inquirere, vel disputare de meritis Sanctorum, quis alio sanctior, aut quis maior fuerit in regno cœlorum. Talia generant sæpe lites & contentiones inutiles, nutriunt quoque superbiam & vanam gloriā: vnde oriuntur inuidiæ & dissensiones, dum iste illum sanctum, & alius alium conatur superbe præferre. Talia autem velle scire & inuestigare, nullum fructum afferunt, sed magis sanctis displicent, quia non est Deus dissensionis, sed *1. Cor. 14.* pacis: quæ pax magis in humilitate vera, quàm in propria exaltatione, consistit. Quod autem attinet ad sigillum Pontificis, nemo illud imperitiæ aut indecentiæ arguat, quia in eo, sicut

& in quibusdam picturis, sanctus Paulus à dextris Christi ponitur: Petrus, verò à sinistris. Inuersa enim ista & præpostera vt apparet locatio non est recens, sed eam quoq; antiquitas nobis varijs de causis commendat. Quod postea fusè explicabitur.

*Novitas omnis diligenter est in picturis examinanda, antequam approbetur.*

## CAPVT XLVII.

**S** Equitur in Concilio Tridentino: Hæc, vt fidelius obseruentur, statuit sancta Synodus nemini licere vllò in loco vel Ecclesia, etiã quomodolibet exempta vllam insolitam ponere, vel ponendam curare imaginem, nisi ab Episcopo approbata fuerit. Istud autem Synodicum decretum videtur mihi valde peropportunum esse, ad refrenandum eorum licentiam, qui aliquando suas opiniones proponunt quasi essent clarissimæ demonstrationes: cum eedem si in districtum examen vocarentur, aliquoties tanquam minus probabili fundamento innixæ non reciperentur. Exempli gratia, Si quis cupiat Marcum Euangelistam absq; dextro pollice pingere, picturam hæc fortassis Episcopalis autoritas reiiciet. Quia non tantum primo Canone Niceni Concilij prohibitum est seipsum mutilare, sed etiam sacre scripturæ autoritate. Marcum autem diuina autoritate sibi pollicem præcidisse, non tam euidenter probari potest,

test, quàm a nonnullis vt verum asseritur. Nam Isidorus id non asserit, sed tantum dicit: Hic, *Isidor. de*  
 ne ad sacerdotium promoueretur, abscidisse si- *patribus*  
 bi pollicem fertur. Quod desumfit credo ex *testamenti*  
 præfatione non Hieronymi, sed Græci cuiusdam *cap. 85.*  
 in Marcum, quæ sic habet, Amputasse autem si-  
 bi post fidem pollicem Marcus dicitur, vt sa-  
 cerdotio reprobis haberetur. Apud alium  
 quempiam veterem scriptorem, non facile  
 id reperiatur. Quamquam sint inter recentio-  
 res auctores, qui factum illud ad reuelatio-  
 nem diuinam referunt. Excusandum enim  
 putarunt, quod in citata præfatione, vel ab  
 Hieronymo, vel ab Augustino scriptum esse  
 præsupponebant.

*Quàm latè sese extendat sacrarum imaginum  
 appellatio.*

## CAPUT XLVIII.

**Q**Varitur autem quàm latè sese extendat  
 sacrarum imaginum appellatio. Neque  
 enim tunc demum sacræ censendæ sunt ima-  
 gines, quando mystica sacerdotis benedictio-  
 ne sanctificantur, aut sacro chrismate vngun-  
 tur, sed, vt verbis dicam Epiphaniij quibus *Aff. 6.*  
 ipse in septima Synodo iconomachis respon- *tom. 4.*  
 dit, Multa quæ inter nos sacrata sunt, sacram  
 precationem non accipiunt; cùm à seipso &  
 nomine suo, plena sint sanctificatione & gratia.  
 Quapropter & veneranda & sancta honoramus



& amplectimur. Ipse itaque typus salutiferæ crucis, sine sacrata precatione, siue dedicatione apud nos honorabilis existit. Satisfacit enim nobis figura, quæ tum significationem accipit, cum à nobis fuerit adorata. Nam siue in fronte eam tanquam sigillum imprimimus, siue per vacuum aëra crucis signum facimus, speramus & confidimus dæmones cruce posse fugare. Nihilominus Adrianus primus scribit ad Carolum Magnum, Fideliter & veraciter dicimus & probamus, quia vsus sanctæ nostræ Catholicæ & Apostolicæ Romanæ Ecclesiæ fuit & est, quando sacræ imagines vel historiæ pinguntur, vt prius sacro chrismate vngantur, & tunc à fidelibus venerantur: instar facientes; vt locutus est Dominus ad Mosem dicens, Faciesque vnctionis oleum sanctum vnguentum compositum opere vnguentarij, & vngues ex eo tabernaculum testimonij & arcam testamēti, mensamque cum vasis suis, candelabrum & vtenilia eius, Altaria thymiamatis & holocausti & vniuersam supellectilem quæ ad cultum eorum pertinet: sanctificabisque omnia & erūt sancta sanctorum: qui tetigerit ea, sanctificabitur. Habet Pontificale benedictionem nouæ crucis, siue tabulæ in qua crucifixus est depictus. Benedictionem quoque imaginis beatæ Mariæ, & benedictionem imaginum aliorum Sanctorum. Quæ etiam ex eo habentur in Sacerdotali, parte 2. cap. 7. & 8. Interim imagines etiam

Tom. 3.  
Con. fol.  
209.

Exod. 30.



etiam absque omni benedictione aut vñctione sacræ sunt & sanctę, quia res sacras significant, vt latè contra Centuriones Magdeburgenses declarat Nicolaus Sanderus lib. 2. de Honora- Cap. I.  
ria imaginum adoratione.

Ad sacras hasce picturas refero, synodorum sex Vniuersalium picturam, quam Constantinus PP. Romæ fieri iussit in porticu S. Petri, quamque Philippicus, eo quod Monothelita esset, in regia Vrbe iusserat deleri, vt habet Paulus Diaconus lib. vi. hist. Langobard. Theodo- Cap. II.  
sius verò Imp. vt referunt Beda lib. de sex ætatibus, & Ado Viennensis in Chronico, mox vt regnum suscepit, picturam iam dictam restaurauit.

*Habendam esse rationem eorum quæ ad sacras imagines reducuntur.*

## CAPVT XLVIII.

**S**Vnt rursus & alia, quæ etiam obseruandæ sunt, ne malè pingantur, quæ si non inter sacras imagines collocentur, saltem negari non potest quin medium locum obtineant inter sacras & prophanas. Tales sunt enim imagines diaboli, mortis, inferni ac similium. Hoc autem occasione mortis obiter adijcio, quod ad effigiem mortis rectius ascriberetur ex Ecclî. cap. 38. Mihi heri, & tibi hodie: quàm, hodie mihi; cras tibi. Coruinum enim illud cras nemo sibi polliceri potest, cùm die & hora mortis nihil sit

incertius. Huc etiam pertinent signa quædam quæ sanctis propter significationem rei sacræ appinguntur. Qualia sunt, vexillum quod cruci Christi apponitur, ad significandam victoriam eius, item aureola quæ sanctorum capitibus apponitur, palmæ in manibus Sanctorum, Mitra, ac baculus pastoralis quæ Episcopis dantur ac similia.

Quæ quarto libro fusius explicabuntur.

*Donaria & imagines brachiorum, pedum & similium, in memoriam reſtitutæ ſanitatſ, per uetūſto more in Eccleſiſ ſuſpendi.*

## CAPUT L.

**H**Uc pertinet quod in Eccleſiſ ad memorias Sanctorum appendantur brachia, pedes aut ſimilia, ex cera, aut argēto, aut alia materia. Cū enim hæc appendantur in memoriam reſtitutæ diuinitus ſanitatſ, meritò numerantur inter imagines quæ medium locum obtinent inter ſacras & prophanas. Illuſtre autē pro his donarijs teſtimonium habemus apud Theodoretum lib. 8. de curatione Græcarum affectionum. Cū enim præmiſſet quod ſepulchra Zerxiſ, Darij, Alexandri, Auguſti, Veſpaſiani & ſimilium, aut omnino ignorētur aut obſcura ſint; ſubiungit, Martyrum verò templa conſpicua cernuntur, magnitudineque præſtantia, omni præterea ornatūſ genere variata ſplendoremque quodammodo pulchritudinis ſuæ late

suæ latè fundentia . Quicumque homines prospera sunt valetudine , conseruari eam sibi à Martyribus petunt: qui verò ægritudinem aliquam patiuntur, sanitatem exposcunt. Insuper viri & mulieres dari filios sibi petunt : qui verò parentes sunt, integra sibi & prospera custodiri quæ consecuti sunt dona. Item qui peregrè aliquò proficiscuntur petunt Martyres sibi comites esse in via vel potius itineris duces; qui verò iam sospites redierūt, gratias agunt, acceptum beneficium confitentes. Non qui se ad deos accedere arbitrentur, sed qui orent Dei Martyres tanquam diuinos homines , intercessoresque sibi eos apud Deum aduocent ac precantur. Piè verò fideliterque precatos ea maximè consequi quæ desiderant, testantur illa quæ votorum rei dona persoluūt, manifesta nimirum adeptæ sanitatis indicia. Nam alij quidem oculorum, alij verò pedū, alij porrò manuum simulacra suspēdunt ex argento auròve confecta . Gratissimè namque accipit eorū dominus qualiacūq; sunt dona, nec exigua nec vilia dedignatur, quippe qui ea pro ferentis facultate metitur . Hęc itaq; omnium spectaculo exporrecta testantur morborum depulsionem cuius ipsa certissima signa sunt à sanitatem consecutis oblata . Hęc sepulcrorum ibi martyrum quæ sit virtus ostendunt. Hactenus Theodoretus . Alij depictam tabel- lam testem miraculi relinquunt , vt habet vita Theodori Sicei , apud Metaphr. 22. Aprilis. Alij

volentes descriptam suum gratiarum actionem, ex argento illius figuram affinxerunt ascripto nomine: vt habet vita Danielis stylitæ, apud eundem 11. Decembris.

*De statua vxoris Loth, obsidione Ierusalem ab Ezechiele depicta, & peccati imagine quam Zacharias vidit.*

## C A P V T L I.

**S**Ed dum de imaginibus sacris, & quæ ad eas referri possunt agitur, non oportet silentio præterire statuam vxoris Loth, aut obsidionem Ierusalem ab Ezechiele in latere descriptam, aut denique peccati imaginem à Zacharia visam. Paululum igitur ista consideremus. Vxor Loth respiciens post se ad Sodomam & Gomorrhæam versa est in statuam salis. Statua dici solet imago fabricata ex ligno, lapide, ebore, metallo, aut simili materia. Dominus igitur vt memores essemus pœnæ vxoris Loth retrospectantis, fecit ex ea statuam salis ex durissima materia; vt non facile deleri posset eius memoria. Meminit autem Plinius salis qui lapidinarum modo vix etiam ferro cæditur.

Ezechieli prophetæ vt Hierosolymitanis non solum verbis sed & factò declararet imminencia mala, mandatum est vt in imagine describeret obsidionem Ierusalem. Hæc dicit Dominus Deus, Et tu fili hominis sume tibi latrem, & pones eum coram te, & describes in eo ciui-

ciuitatē Ierusalem . Et ordinabis aduersus eam *Hier. in 4.*  
 obsidionem, & edificabis munitiones, & com- *Or 12.*  
 portabis aggerem, & dabis contra eam castra *Ezech.*  
 & pones arietes in gyro.

Zacharias verò propheta vidit impietatem *Zach. 5.*  
 siue peccatum sub specie mulieris, & angelum  
 mittentem massam plumbeam in os eius. Quem *In orat.*  
 locum tractans Nicetas commentator Grego- *de plaga*  
 rij Nazianzeni, annotat peccatum sub mulieris *grandinis.*  
 forma vidisse Zachariam, quia è voluptate ma-  
 xima vitia ex parte nascuntur: Plumbum ori  
 iniquitatis insidisse, quia peccatum aggrauat  
 instar grauisimi plumbi: & quia scriptum est, *Psal. 106.*  
 Omnis iniquitas oppilabit os suum.

Tractat etiam Chrysostomus nonnihil de *Homil. in*  
 peccati pictura. Quod si quis, inquit peccatum *1. Cor. 3.*  
 effingeret, non sanè mihi videretur errare si in  
 hunc modū id pingeret, scēminam quandam in  
 feræ similitudinem, barbaram, ignem afflan-  
 tem, horrendam, nigram, quales externi poëtæ  
 scyllas effingunt. Innumeris enim manibus  
 nostris insidiatur cogitationibus, & inopinantes  
 aggreditur, omnia dilacerat more canum  
 clanculum mordentium.

*Multitudinem sacrarum imaginum non refe-  
 rendam esse in abusus.*

## CAPVT LII.

**M**Iror verò nonnullos multitudinem ima-  
 ginum referre inter abusus, quasi maiores



nostri paucas tantum habuissent sacras imagines. Fateor quidem quod imagines parcius ab initio fiebant & rarò in Ecclesijs ponebantur, tum quod fideles quotidianis persecutionibus afflicti, de ornamentis & accessionibus rituum sacrorum non magnoperè solliciti essent, sed in magno lucro ponebant si vel necessaria religionis Christianæ sacramenta retinere possent; tum etiam ne Iudæos, ac infirmos catechumenos offenderent, si quamuis hominum Deo charissimorum, tamen hominum, imagines adorandas proponerent. Periculum enim erat, ne (quod Manichæos fecisse legimus) Christianos non nisi conuertisse idola dicerent, dum pro veteribus dijs Apostolos & Martyres colere putarentur. Ob quas causas mirandum non est si Concilium Eliberri-  
 num rebus Christianis nondum in pace & tranquillitate constitutis, accommodatè ad illorum temporum & locorum rationes decreuit, picturas in Ecclesia esse nō debere, ne quod colitur aut adoratur in parietibus pingeretur. Etenim (vt nec illud interim taceatur) si picturæ, sacram historiam exprimentes, in parietibus Ecclesiarū passim positræ fuissent, cū illas imminente persecutione Christiani auferre secum aut occultare, non potuissent; partim sacrę picturæ fuissent ludibrio Paganis & Iudæis obstinatis, partim offendissent imbecilliores eorū animos qui prius erant ad illam adorationem  
 quæ spi-

*Sanderus  
de honora-  
ria imagi-  
nū adorat.  
lib. 2. ca. 4.*

*Cōtra Fau-  
stū lib. 20.  
cap. 21.*

*Eliberri di-  
citur nunc  
esse Grana-  
ta.  
Can. 36.*

quæ spiritu & mente fit inuitandi, quàm vt nostrum cultum præcipuè in rebus externis versari suspicarentur.

Postquã verò penitus cessauit infidelium tyrannorum persecutio, mox in Ecclesijs positæ sunt nō exiguo numero imagines & statuæ sacræ. Nam, vt in Synodica sua epistola refert Adrianus primus, Cōstantinus Magnus nō immemor accepti beneficij Ecclesias Dei exadificare cœpit, Colūnas eorum passim sacris imaginibus, in memoriam incarnationis Domini nostri Iesu Christi, omniūq; Sanctorū reuerentiā, exornauit. Quin etiam citat verba Diui Basilij, ex epistola qua in Iulianum desertorem inuehitur, Confiteor filij incarnatam œconomiā. Deinde sanctam Mariam quæ secundum carnem illū peperit, hanc Deiparam vocās. Suspicio etiā sanctos Apostolos, Prophetas & Martyres, qui pro me apud Deum supplicant: quò per illorū meditationē propicius mihi sit Deus noster benignus, & remissionē peccatorū mihi gratis largiatur. Quã ob causā & historias imaginū illorum honoro & palā adoro. Hoc enim nobis traditū à sanctis Apostolis non est prohibēdū: sed in omnibus Ecclesijs nostris eorū historias erigimus. Nec pigeat audire respōsionē eiusdē Hadrani primi in scripto de imaginibus ad interrogationē, Vbi in sex synodalibus Concilijs iubeatur imagines facere aut factas adorare? Illi, inquit, nobis dicere debebant, in quali

In 7. syn.  
Act. 2.

Tom. 3.  
Concil.  
fol. 222.  
& M. S.  
Gem-

de ipsis

*blaci cha-  
racterē ve-  
rustissimo.*

de ipsis sex synodalibus Concilijs repræhensæ  
sint sacrę imagines. Enimuero in primo sancto  
Concilio sæpius ostensum est quia sanctus Syl-  
uester papa & Constantinus Christianissimus  
Imperator venerati sunt sacras imagines & cū  
nomine Christianitatis fideliter atque mirabi-  
liter eas ostenderunt: & à tunc vsque hætenus  
sanctorum Pontificum, videlicet Sylvestri,  
Marci, & Iulij, miræ magitudinis sanctæ eo-  
rum Ecclesiæ apud nos sunt depictæ, tam in  
musiuo, quam in cæteris historijs cum sacris  
imaginibus ornatis. Item in sancto secundo  
Concilio sanctus Damasus elegantissimus pa-  
pa propriam suam fecit Ecclesiam, cuius san-  
ctus Gregorius meminit in Dialogis, quæ ex  
nomine conditoris Damasi vocatur: eam si-  
militer à tunc vsque hætenus historijs sacris  
& imaginibus pictam habemus. Iterum de  
sancto tertio Concilio, sanctus Cœlestinus  
papa proprium suum cœmeterium picturis de-  
corauit. Magis autem successor eius beatus  
Sixtus papa fecit Basilicam sanctæ Dei genitri-  
cis Mariæ cognomento Maiorem, quæ & Ad  
præsepe dicitur. Simili modo & ipse tam in  
metallis aureis, quàm in diuersis historijs, sacris  
decorauit imaginibus. Sed & eius rogatu  
Valentinianus Augustus fecit imaginem aureā  
cum duodecim portis, & Salvatore gemmis  
preciosis ornatam, quam voto gratiæ super cō-  
fessionem beati Petri Apostoli posuit: & à tunc  
vsque

vsque hætenus apud nos ab omnibus fidelibus venerantur. Itemque de sancto quarto Concilio, egregius atque mirificus prædicator sanctus Leo papa & ipse fecit Ecclesias quas opere musuo & diuersis historijs seu imaginibus pingēs decorauit. Magis enim in Basilica beati Pauli Apostoli, arcum ibidem maiorem faciens, & in musuo depingens Saluatorem Dominum nostrum Iesum Christum, seu viginti quatuor seniores, nomine suo, versibus decorauit: & à tunc vsque hætenus fideliter à nobis venerantur. Et de sancto quinto Concilio, sanctissimus Vigilius Papa in Lateranensi patriarchio basilicam faciens pulcherrimè eam decorauit picturis, tam in historijs, quamque in sacris imaginibus. Multò amplius verò eius sanctissimi successores dominus Pelagius, atque dominus Ioannes miræ magnitudinis Ecclesiam Apostolorum à solo ædificantes, historias diuersas tam in musuo, quam in varijs coloribus, cum sacris pingentes imaginibus: & à tunc vsque hætenus à nobis venerantur. *Apo. 3.*

Sed & sanctus Gregorius papa in monasterio suo pulchrū fecit oratoriū, & ipsum diuersis historijs pingi fecit, atque sacras ibidem erexit imagines. Vbi & cum beato Eleutherio pro ægritudine stomachi sui ingressus, in oratione pariter exauditi sunt. Et ille vir sanctus Eleutherius quem dicunt & mortuum suscitasse, ante ipsas imagines sacras se prosternens diui- *3. Dial. cap. 33.*

3. *Dial.*  
*cap. 30.*

diuinam exorare clementiam cum sancto Gregorio non dubitauit: sed fidem ferentes perfectam pariter exauditi sunt: & usque hactenus apud nos venerantur. Sed & de ecclesia Arianorum, cuius ipse sanctus Gregorius in dialogis suis meminit, placuit eidem sancto Gregorio ut in fide catholica introductis illuc beati Sebastiani, & sanctæ Agathæ Martyrum reliquijs dedicari debuisset, quod & factum est. Et post miraculum quod in eadem Ecclesia factum est, diuersis historijs ipse beatus Gregorius pingi fecit eam, tam in musiuo quàm in coloribus: & venerandas imagines ibidè erexit; quæ à tunc usque hactenus venerantur. Si enim voluerimus enarrare per ordinè, nostri prædecessores Pontifices quantas Ecclesias fecerunt usque nunc, mirificè in eis sacras imagines erigentes atque diuersas historias pingentes, nec non & venerantes, Apostolicè audemus dicere, deficiet nos tempus enumerandi atque eorum ædificia cum sacris imaginibus & historijs explanandi. Hactenus Hadrianus pontifex Romanus.

*Heb. 11.*

Igitur notum satis est à Constantini tempore, frequentem fuisse in omnibus Ecclesijs sacrum imaginum usum: eundem quoque fuisse etsi rariorem, in medijs tyrānorum persecutionibus, Frequentissimus enim tunc erat usus signi crucis, quo inter alia frontem terebant. Habebant quoq; imagines Christi, Deiparæ & sanctorum Marty-



Martyrum, non quidem in parietibus Ecclesiarum, sed vt habet Epiphanius in septima Synodo, in tabulis, in vestibulis sacratis & in preciosis repositorijs, in quibus incruenta sacrificia peragebant. Et sanè subdit idem Epiphanius, hæc ad nostra vsque tempora ostenduntur, durabuntque per sæcula quantumuis amaritudine & bile hæreticorum linguæ contra Ecclesiam & sex Synodos vniuersales flagrant.

*Aff. 6. in  
fine tom. I.*

*Nomina vtiliter asscribi in Sanctorum imaginibus minus notis.*

## CAPVT LIII.

**P**ropter multitudinem autem imaginũ non inutile foret imaginibus minus notis nomina subscribere. Quod in Græcanicis Ecclesijs audio visitatissimũ esse. Idem & Vetustas fecit: Iuxta illud S. Paulini, Natali 10. sancti Felicis. *Martyribus mediam pictis pia nomina signant.* Imo diuinitus idem factum est in imaginibus Michaëlis & Gabrielis ad summitatẽ alarum: vt habet Martyrium Procopij in septima Synodo actione quarta. Et in Apocalypsi Angelus ostēdit Ioanni ciuitatem sanctam Hierusalem descendantem cœlo, & habentem portas duodecim, & in portis Angelos duodecim: & nomina subscripta, quæ sunt nomina duodecim tribuum filiorũ Israël: habentem etiam murum cum fundamētis duodecim & in ipsis nomina duodecim

*Et apud  
Metaphr.  
8. Iulij.  
Apoc. 21.*

duodecim Apostolorum Agni. Iuuat autem nomina ascribere, quia Michaël Merspurgēsis Episcopus inter abusus ponit, quod Diuorum ignotorum collocantur imagines. Cuius enim te admonebit, inquit, imago, si ignores quem significet?

Quanquam aliquādo nomē non sufficiat. Hinc memini me ante annos aliquot audiuisse à quibusdam Amstelredamensibus, tū Theologiae studiosis, nunc autem pastoribus, qui VVormariae in Hollādia fuerant discipuli Dñ. Martini Duncani, in prædicto pago esse imaginem crucifixi perantiquam & celebrem, quæ in annua supplicatione circumfertur. De ea VVormariēses dicebant Duncano pastori suo, eam VVormariam appulisse contra fluxum aquarum, & esse imaginem van Sinte Helper. Qualis autem martyr fuerit Sinte Helper nesciebant, nisi quod dicerent eum crucifixum fuisse, quod imago exprimebat. Hac de causa doctus ac diligens Pastor multum quæsiuit in Sanctorum Catalogis & Martyrologijs martyrem crucifixum qui Helperus, aut simili fere vocabulo diceretur. Cū autē nihil tale inueniret, sed animaduerneret imaginem referre omnino Saluatoris nostri crucifixionem licet antiquo more, monuit subditos suos, vt seposita ignorantia, eam imaginem posthac Saluatoris nostri esse agnoscerēt, qui sicut Saluator noster est, sic non ineptè Teutonico vocabulo ab incolis

incolis eius loci dictus est Sinte Helper, quod Latinè est sanctus Adiutor.

Hæc de nominum subscriptione.

Porro sententijs pulcris, potissimum è sacra Scriptura desumptis exornari ecclesias, notū est: sed cui de antiquitate huiusmodi picturæ non constat, is ex sexto capite Ambrosij ad virginem lapsam animaduertat, & Ambrosij ætate talem picturam in ecclesijs vſitatam fuisse.

*Refutantur quedam ab Erasmo Roterodamo scripta de sacris imaginibus.*

## CAPVT LIV.

**A**T verò sistendum hic est non nihil propter ea quæ Desiderius Erasmus Roterodamus sinistro iudicio, vt vno verbo dicam, de sacris imaginibus scripta reliquit. Quorum quidem non ideo mentionem facio, quòd animus mihi gestiât vt n̄uos eius detegam, Erasmiq̃ue nomen oderim. Nihil tale. sed vanitas illorum redarguenda est, qui quibusvis Erasmi verbis etiam leuiusculè dictis, perinde ferè ac diuinis oraculis addicti videntur. Nihil contra eum ago. Regina veritas omnibus præponenda est. Atqui Erasmi ipsius nomini libèter parcerem, verùm videor mihi loca ipsius reticèdo obscurior fore in refutando. Publica quoque eaq̃ue ecclesiastica censura tam grauiter opera eius ac libros reprehendit, vt non sit opus me anxium

L esse in

*Sap. 13.**Cap. 12.**Bar. 6.*

esse in nomine ipsius supprimendo. Scribit Erasmus libro 25. epistolarum Iacobo Sadaletto Episcopo Carpentoractensi. Quid nunc de illis loquar qui perinde cum imaginibus fabulatur quasi sensum habeant. Respondeo, Tales fuisse Ethnicos: Contra quos scriptura dicit, Non erubescit loqui cum illo qui sine anima est. Quibus in Apologetico obijcit Tertullianus eos obtusiores esse miluis & muribus & araneis. Ab istis enim intelligitur nullam statuis inesse vitam. Quod & scriptura habet, Supra corpus eorum, inquit Baruch, & supra caput eorum volant noctu & hirundines & aues etiam: similiter & cattæ. Quod autem ad Christianos attinet, nullus inter eos tam est obrusus, ut putet statuis & imaginibus sensum inesse; & proinde falsò assumitur, quòd cum imaginibus loquantur quasi eis sensus inesset. Conspecta imago mouet eos ut loquantur, sed cum sanctis, non cum imaginibus.

*Catechesi  
6. Tom. 5.*

Rursus libro 22. epistolarum Ioanni Episcopo. Docendus erat populus imagines nihil esse nisi signa idiotarum animis data. Melius, aut plenius alibi idem dixit, Non in scitè dictum est picturam id esse illitteratis, quod eruditis sunt libri. Imo doctus etiam interdum plus videt in tabulis quàm in litteris, ac vehementius afficitur: veluti magis moueremur si conspiceremus Christum in cruce pendentem, quàm si legeremus illum crucifixum.

Subdit

Subdit citata epistola: Perfectius esse tollere  
 sursum animos ad Christum sine imaginibus  
 corporeis, quā per imagines. Sic in expositione  
 concionali Psalmi 85. Mira est, inquit, in homi-  
 ne Christiano crassitudo non posse cōtemplari  
 Deum nisi per imaginem, si tamen Dei potest  
 vlla fingi imago. At verò contra dicendum  
 fuisset, Nullam esse in eis crassitudinē, sed mul-  
 tum perfectionis inesse dum ex sacrarum ima-  
 ginū vtilitate multiplices cōcipiūtur vtilitates.  
 Perfectiūs enim addiscitur quod simul per v-  
 trūq; sensum, quā quod per alterū solū imbibi-  
 tur: & ex frequēti imaginū intuitu vehemēter  
 confirmatur memoria in ijs rebus quas crebrò  
 pictas aut insculptas videmus. Nec parū eius-  
 modi monumēta conducunt ad bonos mōres,  
 dum per sanctorū imagines ad sanctorum imi-  
 tationē accendimur & plerūque similes eorum  
 esse cupimus, quorum memoriā non sine admi-  
 ratione spectamus. Præterea ipsę imagines nos  
 admonēt vt sanctos quorum eæ sunt imagines  
 in præsidium (velut cum Christo regnantes, &  
 ideo gratiam opitulandi adeptos) inuocemus.  
 Retrahunt nos quoque à vanis cogitationibus.  
 Ob has aliasque vtilitates sacra Concilia, san-  
 ctiq; Patres sacrarum imaginum inspectio-  
 nem nobis multum commendant. Valeat ita-  
 que Erasmus dum nulla adhibita probatione,  
 quam nec verisimilem vllam adferre potuisset,  
 tam audacter asserit docendum esse populum,

*Sanderus  
 de imag.  
 cap. 1. c. 8*



perfectius esse tollere sursum animos ad Christū sine imaginibus corporeis quàm per imagines: quasi verò imperfectionē nobis aliquam Ecclesia præscribat, dum preces horarias vocaliter legi exigit: & quasi docendi sint senes quòd perfectius sit absque perspicillo videre, quàm per ocularia.

Sed ad aliud transeamus: idem Erasmus Catechesi 6. Usque ad ætatem Hieronymi erant probatæ religionis viri, qui in templis nullam ferebant imaginem, nec pictam, nec sculptam, nec textā, ac nè Christi quidē, vt opinor, propter Anthropomorphitas. Respondeo, falsum esse quod assumitur. Reperitur tale quid sub finem epistolæ Epiphaniij, quam Hieronymus transtulit, eo quē crediderim Erasmodū respexisse: sed permulti docti annotarunt narrationem illam & censuram de imaginibus, ad finem epistolæ Epiphaniij ab iconomacho quodam assutam fuisse, vt sub Epiphaniij nomine maior hæresi conciliaretur autoritas. Inter quos

cap. 4.

Dñ. Sanderus in posteriori libro de honoraria imaginum adoratione, vbi tot clarissimis rationibus comprobatur falsum esse atque falsò Epiphanio imponi: vt præfractus sit oportet ac multum duræ cervicis, qui hac in parte ei acquiescere nolit. Sequitur in eadem catechesi, Paulatim autem imaginum abusus irrepfit in templa. Nec fortasse foret indecorum si in his locis in quibus solenniter Deus adoratur nullæ

pone-

ponerentur imagines, præter imaginem Crucifixi. Verùm longè aliter Magnus Gregorius, *Lib. 9.*  
 In locis, inquit, venerabilibus Sanctorum de- *reg. c. 9.*  
 pingi historias nō sine ratione vetustas admisit.  
 Facileque foret tam ex diuersis Patribus, quàm  
 ex Oecumenicis Concilijs declarare Erasmus  
 hic aberrare, atque ab eis dissentire.

*Contra eundem.*

C A P V T L V.

**S**Ed vlteriùs, Nam vt imagines sint in tem-  
 plis nulla humana præcipit constitutio.  
 Et vt facilius est, ita tutius quoque est omnes  
 imagines è templis submouere, quàm impe-  
 trare vt nec modus prætereatur, nec admiscea-  
 tur superstitio.

Tu hîc Erasme quas Ecclesiasticas dicere de-  
 buisses tuo loquendi more humanas appellare  
 maluisti constitutiones: & sic loqueris quasi  
 nunquam orbis Christianus secundo Niceæ  
 conuenisset ad retinendū sacrarum imaginum  
 legitimum in templis vsum. Vbi ex diuo Isido- *Aff. 1.*  
 ro Pelusiote venerabiliter lectum est, Templi  
 nulla ratio quod non ornatur imagine: Ipsa  
 quoque Concilij definitio apertè habet, Regiã *Aff. 7.*  
 viam incedentes, & sanctorum ac diuinorum  
 patrum doctrinæ insistentes, & Catholicæ Ec-  
 clesiæ in qua Spiritus sanctus inhabitat tradi-  
 tionem obseruantes, definimus cum omni di-  
 ligentia & cura venerandas & sanctas imagines

in templis Sanctis Dei collocandas habendasque &c. Huic fidei confessioni subscripserunt Vicarij Romani Pontificis & Episcopi 350. qui ex Græcia, Orientisque tractu congregati aderant. Magnam deinde notam & falsò inurit Erasmus Christiano populo, dum dicit, tutius esse omnes imagines è téplis submouere quam impetrare vt nec modus prætereatur, nec adimisceatur superstitio. Sic enim traducit Christianum populum, quasi multipliciter sacris imaginibus abutatur, nec abusus suos corrigere velit: cùm reuerà, vt aliàs dicemus, pauci tantum sint & rarioribus locis circa imagines abusus. Omnes quoque qui se Christianos & Catholicos esse gaudent, libenter cum omnibus decretis Concilij Tridentini recipiāt & illud quod de imaginum abufibus decreuit. Nec dubito quin etiam ante Synodum Tridētinā maiores nostri libenter obtemperassent, si Ecclesiarum præpositi aliquem abufum corrigi cupiuiſſent. Quare non debet tam odiosè simplex Christianus populus traduci, potissimum ab eo qui inter abusus nonnulla refert, quæ ad sacrarum imaginum vsum legitimum retinendum pertinent.

Rursus Erasmus in modo orandi. Eadem, inquit, ratione toleratæ sunt imagines quas veteres Ecclesiæ procures aliquot vehementer detestati sunt, odio videlicet idololatriæ. Gaudebant igitur populum huc profecisse, vt pro  
deorum

deorum simulachris venerarentur imagines Iesu ac aliorum diuorum. Respondeo, Sæpe inuenies sacrarum imaginum vsum & inspectionem à veteribus patribus multum commendari; nusquam verò apud eos legas imagines ab Ecclesia tolerari: multò verò minùs quisquam eorum eas detestatus est. Detestantur aliquoties simulachra, hoc est, idola & Ethnicas imagines: at Christianas siue sacras imagines nullum eorum detestatum esse ex eo satis constat, quòd tempore Iconomachix vndiquaque Iconomachi conquiescent ex patribus quæ pro se vel apparenter adferrent, & tamen quascunque patrum sententias attulerunt, quibus propriam iustitiam conabantur asserere, omnes peruersè intellexerunt aut mendaciter eis imposuerunt: vt patet ex tomo quinto sextæ actionis in secunda Nicena Synodo.

Et iterum Erasmus de amabili Ecclesiæ concordia. In templis, quemadmodum in Aphricano Concilio decretum fuit, ne quid recitaretur præter scripturas canonicas; ita conueniret nullam picturam esse, nisi cuius argumentum in Canonicis scripturis reperiretur. In peristilijs, porticibus & ambulacris possent & alia pingi ex humanis historijs desumpta, modo facerent ad bonos mores. Respondeo, Concilium Aphricanum, hoc est, tertium Carthaginense non absolute decreuisse ne quid præter scripturas Canonicas in Ecclesia legatur, sed adiecit, sub nomine di-

Cap. 4; 7.

uinarum scripturarum. Et eodem Capite subiunxit: Liceat etiam legi passiones martyrum cum anniuersarij dies eorum celebratur. Quod etiam repetitur in Aphricano Cōcilio, Cap. 12. Permiserunt enim Aphricana concilia & alia legi in Ecclesia, vt videre licet in Mileuitani Concilij Can. 12. & tertij Carthaginensis Cap. 23. Inferendum itaque fuisset ex eo Concilio præter sacram scripturam passiones quoque Martyrum in Ecclesijs depingendas esse. Et hæcenus non propter Erasmm, sed propter Catholicos quosdam nimium Erasmiānos; Quibus commendo illud Vincentij Lyrinensis, Ille est verus & germanus catholicus, qui veritatem Dei, qui Ecclesiam, qui Christi corpus diligit, qui diuinæ religioni, qui Catholicæ fidei nihil præponit: non hominis cuiuspiam authoritatem, non amorem, non ingenium, non eloquentiam, non philosophiam; sed hæc cuncta despiciens, & in fide fixus ac stabilis permanens, quicquid vniuersaliter antiquitus Ecclesiam Catholicam tenuisse cognouerit, id solum sibi tenendum credendumque decernit. Quicquid verò ab aliquo deinceps vno præter omnes vel contra omnes sanctos, nouum & inauditum subintroduci senserit, id non ad religionem, sed ad tentationem potius intelligat pertinere.

Cap. 25.

*Veteres*



*Veteres Christum, Deiparam, ac alios nonnullos sanctos depinxisse in ea effigie quam viuentes habuerunt.*

## CAPVT LVI.

**P**Orro in formandis humanis imaginibus illud obseruandum est, vt imago ipsa staturam & lineamétorum colorumque proportionem hominis cuius imago est, quantum fieri potest, referat. Quæ res non videretur tanti facienda esse, nisi constaret veteres hac in parte sollicitos fuisse: imo & ipsos sanctos in ea specie apparère voluisse, qua passim pingi solent. Certè magnus ille Athanasius dicit imaginem Domini nostri Iesu Christi in Beryto sanè venerandam fuisse, quòd integram Christi Domini proportionem exprimebat.

*De Passio-  
ne imaginis  
Christi.*

Itaque iucundum est videre quod in pictura Christi, Deiparæ & principū Apostolorum, ea forma & effigiatio obseruetur, quæ obseruata fuit annis mille quingentis, sequentibus hac in re pictoribus maiorū quàm ex picturis didicerūt traditionē. Quod si quæ ex picturis nō satis cōmodè percipi possint, poterunt eadem paulò plenius cōprehēdi adhibitis quorundā scriptis.

Qualis enim fuerit Christi forma & statura, nō solum docēt picturæ quædā, sed idem habet epistola P. Létulo procōsulī ascripta ad Senatū P.Q.R. & Nicephorus Callistus lib. 1. historię cap. vlt. In Hortulo anima.

An. 463.

to vetustior, ait, historię Ecclesiasticę libro vñico. Sequenti anno, cū pictor quidam pingere Saluatorem secundū similitudinem Iouis præsumpsisset, arefacta est manus eius: quem peccatum suum confessum, sanauit Gennadius (Episcopus Constantinopolis) Aiunt enim quidam historicorū, quod crispis & raris capillis, schema in Saluatore magis vernaculum sit.

Lib. 2.  
Hist. Ec-  
cles. c. 43.

De Deipara verò Virgine sic scribit Nicephorus Callistus: Mores autē, formæque & staturæ eius modus talis, vt inquit Epiphanius, fuit, Erat in rebus omnibushonestæ & grauis, pauca admodum eaq; necessaria loquens, ad audiendum facilis & perquā affabilis, honorem suum & venerationē omnibus exhibens, statura mediocri, quamuis sint qui eam aliquātulum mediocrem longitudinē excessisse dicant. Decenti dicendi libertate aduersus homines vsa est, sine risu, sine perturbatione & sine iracundia maxime. Colore fuit frumentum referente, capillo flauo, oculis acribus, subflauas & tanquā oleæ colore pupillas in eis habens. Supercilia ei erant inflexa decenter nigra, nasus longior, labia florida & verborū suauitate plena, facies non rotunda & acuta sed aliquantò longior, manus simul & digiti longiores: Erat denique fastus omnis expers, simplex minimæq; vultū fingens, nihil molliciei secum trahens, sed humilitatem præcellentem colens: vestimentis quæ ipsa gestauit, coloris natiui contenta fuit: id quod etiā  
num

num sanctum capitis eius velamen ostendit. Et, vt paucis dicam, in rebus eius omnibus multa diuinitus inerat gratia.

Idem Callistus principum Apostolorum Petri & Pauli staturam & formam describit libro secundo capite vigesimo septimo. Quamquam ego longè plus tribuam traditis nobis picturis, quàm verbis Nicephori: Quale enim est (vt reliqua omittam) & quantum passim ab Apostoli Pauli pictura dissidet quòd referat eum fuisse corpore paruo, contracto & quasi incuruo: & capite modico? Capite quadagesimo tertio habet. Marcum staturæ & ætatis statæ fuisse atque semicanum. Pluraque de huius effigie habet Historia ipsius apud Simeonem Metaphrasten. De S. Andrea scripsit ante annos 400. Ioannes Belethus. Cognoscere operæ precium est Andreæ fuisse colore nigro, barba prolixâ ac statura mediocri. Hoc ideo à nobis dictum sit, vt sciatur qualis in Ecclesia pingi debeat. Ioannes autem Diaconus in vita Gregorij, scribit eum agnitum esse ex picturæ similitudine à clerico cui apparens dicebat, Surge & dic Comiti, vt ab hoc meo monasterio, in quo diuersorium fieri omnino non licet, antequam me ad iracundiam prouocet, saluus recedat.

*Rationalis*  
cap. 164.

*Lib. 4.*  
cap. 96.

De Bartholomæo habet Pseudoabdias verba demonis, Capilli eius nigri & crispi, Caro candida, oculi grandes, nares coequales & directæ,  
barba

barba prolixa, habens paucos canos, statura æqualis, collobio albo eleuato, & purpura vestitur, induitur albo pallio quod per singulos angulos habet gemmas purpureas. Sed rectius facit, qui in pingendo hæc mendacis dæmonis verba non attendit. Talis est enim eius auctoritas, quod etiam si vera dicat, fides tamen ei non sit adhibenda. Interim satis apertè hîc mentitur, dum dicit Bartholomæum Apostolum purpura vestiri & gemmis, & dum immediatè subdit, Viginti sex anni sunt ex quo vestes & sandalia eius nec veterascunt, nec sordidantur. Centies flexis genibus per diem orat & centies per noctem, Angeli cum eo ambulât, qui nunquam eum fatigari nec esurire permittunt.

Denique vt exemplis finem imponam, Cornelii Centurionis templum, vt Metaphrastes refert, totum depingi voluit Philostorgius Episcopus, & Cornelij effigiẽ in eo diligenter exprimi. Nempe, vt is etiam senex pingeretur & illi ipsi omninò similis. Pictor Eucratius, quia sanctum non viderat, rogabat vt ei suam reuelaret speciem: hincque factum est, vt eum talem pingeret, qualem vidit; ipsam planè veritatem arte sua exprimens.

*Quòd ethnica picturæ & statua non debeant Christianis placere. CAPVT LVII.*

**N**ihil hæcenus dixi de ijs qui sicut libenter Ethnicè loquuntur, sic etiam Ethnicas & Paga-



Paganas picturas & statuas reuocare gaudent. Quos Catharinus ita redarguit; Peccatur in prophanis picturis siue sculpturis nō modicū, dum magna diligentia idola gentium exquiruntur, vt quæ confractæ erant erigantur ad ornandas ædes; spectaculi & memoriæ antiquorum gratia, & ostētandi artificū peritiam. Fertur beatus Gregorius multas vrbis statuas iussisse confringi, eò quòd peregrini, & qui basilicas sanctōrum visitare veniebāt, per illarum spectacula à pia illa opera distrahebantur.]

*In lib. de  
imag.*

Dominus etiam Israëlitis mādauit, Aras eorum subuertite & confringite statuas, lucosq; succidite & sculptilia comburite. Non cōcupisces aurum & argentum de quibus facta sunt, neq; assumes tibi ex eis quicquam nè offendas, propterea quia abominatio est Domini Dei tui: nec inferes quicquam ex idolo in domū tuam ne fias anáthema sicut & illud est. Quasi spurcitiam detestaberis, & velut inquinamentum ac sordes abominationi habebis, quia anáthema est. Cū Christiani à Theodosio Impe-

*Dent. 7.*

ratore potestatem accepissent idola destruendi in idolijs Alexandrinis, tanto zelo id perfecerrunt, studio Theophili Episcopi, vt multi eorum martyrij palmam sint consecuti. Idola autem conflabantur ad faciendas ollas & ad Alexandrinæ Ecclesię diuersos vsus, cui ab Imperatore donati fuerant dij, ad expensas egentium. Cū igitur Theophilus omnes contri-

*Socrates 9.  
tripartite  
c. 27. sue  
hist. lib. 5.  
cap. 16.*

uisset



uisset Deos, vnum tantūmodo reliquit (Simiæ simulacrum) iubens id publicè proponi atque seruari, ne sequenti tempore Pagani negarent tales se adorasse Deos. Libenter quidem nonnulli pingunt Musas & alias deas ac deos: sed B. Augustinus retractat quod in libro de ordine, Musas quasi aliquas deas, quamuis iocādo, commemorauerit. Si tonitrua pingant, addunt Iouem; si bellum, appingunt alicubi Martem; qua in re procul recedunt à pietate Christiana; cū B. Augustinus in tonitruis sic scribat, Si vos filius liberauerit, Non dixit filius Dei, sed tantum dicendo filius dat intelligi cuius sit filius. Quam locutionem non recipit nisi excellentia eius de quo ita loquimur, vt etiam si non eum nominemus possit intelligi. Ita enim dicimus, pluit, serenat, tonat, & si qua sunt alia, nec addimus quis id faciat, quia omnium mentibus sponte sese offert excellentia facientis. Quantū verò ad Martem, Mercurium, &c. rursus idem, Vna sabbati dies Dominicus est, secūda sabbati, secunda feria quam seculares diem Lunæ vocant, Quarta ergo sabbatorum, quarta feria qui Mercurij dies dicitur à Paganis & multis Christianis: sed nolumus vt dicant. Atq; vtinā corrigantur vt non dicerent. Melius de ore Christiano ritus loquendi Ecclesiasticus procedit.

Vehemēs est autē hac in re Clemens Alexandrinus nolens vel respici semel in faciem picti idoli. Cū enim in suo Pædagogo docuisset, quomo-

*Lib. 1.  
cap. 3.*

*In Psal. 9.*

*In Psal. 93.*

*Lib. 3. c. 11.*

quomodo annulus à viro sit ferendus & quomodo ab vxore; quodque plures annuli non sint ferendi, subiicit de sigillo annuli, Sint autem nobis signacula columba, vel piscis, vel naus quæ celeri cursu à vento fertur, vel lyra musica quæ usus est Polycrates, vel ancora nautica quam insculpebat Seleucus. Si sit piscans aliquis, meminerit Apostoli, & puerorum qui ex aqua extrahuntur. Neque enim idolorum sunt imprimendæ facies, quibus vel solum attendere prohibitum est. Sed nec ensis vel arcus ijs qui pacem persequuntur, nec pocula ijs qui sunt moderati ac temperantes.

Interim sicut in loquendo aliquid toleratur, sic etiam in picturis non nihil istiusmodi est tolerandum. Nam qui nimium emungit elicit sanguinem. Memores tamen simus diuinorum verborum quæ sunt apud Zachariam, Et erit in die illa dicit Dominus exercituum, Disperdam nomina idolorum de terra & non memorbuntur vltra.

*Pron. 30.*

*Zach. 13.*

*Hæreticorum effigies non esse conseruandas.*

## C A P V T LVIII.

**P**ORRò ex B. Chrysostomo adiucidèda est eorū reprehensio qui Alexãdri Magni effigiem ad pileum gerebant, Quid verò, inquit, diceret aliquis de circumligantibus aurea Alexandri Macedonis numismata capiti vel pedibus? Dic mihi hæccine sūt expectationes nostræ, vt post crucem

*Hom. 21.*

*ad popul.*

*Antioch.*

crucem & mortem Dominicam, in gentilis Regis imagine spem salutis posuimus? Ignoras quanta crux perficit? Mortem dissoluit, peccatum extinxit, orcum inanem reddidit, diaboli soluit potentiam: & ad corporis sapientiam prestandam non est fide digna? totum orbem excuscitauit: & tu in ipsa non confidis? Hæc Chrysostomus. Quid autem dicturus fuisset contra eos qui nos idololatrias dicunt ob imaginum legitimum usum, cum ipsi habeant aliquando pensilem in pileo aut alibi, imaginem Lutheri, Mennonis, Ioannis à Lasco, vel similis, aut Erasmi, aut denique amicæ suæ? Illud verò ut melius intelligas quod dicit quosdam in gentilis Regis Alexandri imagine spem salutis ponere, scribit Trebellius Pollio, Macrianæ familiæ viros in auro & argento, mulieres in reticulis, & dextrocherijs, & in annulis, & in omni ornamentorum genere Alexandrum Magnum Macedonem expressum habere. Quod idcirco posui, ait Trebellius, quia dicuntur iuuari in omni actu suo, qui Alexandrum vel auro gestant, vel argento.

Ceterum si, ut Clemens testatur, idolorum non sunt imprimendæ facies, ad quas vel attendere solum prohibitum sit, multo magis hæreticorum effigies sunt reprobandæ, & à nullo Christiano homine conseruandæ. Cum enim huiusmodi conseruatio sit honorifica, magis conuenit nos hæreticorum imagines destruere, quàm

Treb. de  
Quinto 13.  
tyranno.

quàm conseruare . Dictat enim natura, vt eorum imaginibus ignominiã inferamus, quos summopere detestamur . Vnde pueri velut ab ipsa natura edocti, cùm aliorum imagines vernerentur, tamen demonẽ, si depictum videant, vel quem alium nouẽre religionis Christianæ inimicum, cuiusmodi sunt qui Christum sanctõsue eius interemerunt; vel expungunt, vel conspuunt, vel sordibus obliterant.

Et Petrus Gylsius, lib. 2. topographiæ Constantinopolis, meminit, pium Theodosium Constantinopoli marmoreas statuas Arij, Macedonij, Sabellij, Eunomij sculpi curasse, desidentes humi, ad notandam eorum perfidiam, vt à prætereuntibus stercore & luto, ac execratione contaminarentur. Cap. 22.

*De falsorum deorum & philosophorum picturis qui scripserint.*

## C A P V T L I X.

**Q** Via verò imagines, tam falsorum deorum, quàm mundi istius philosophorum, ac similiarum qui apud Ethnicos statuas habuerunt, parum aut nihil vtilitatis adferre possunt Christianis hominibus, sed plus satis curiositatis & simul prolixitatis, si per singula discutiantur (Romæ enim tantam legimus fuisse copiam statuarum, vt alter adesse populus lapideus diceretur) ideo in eis describendis nullam operam dabo. Inscribitur enim hic liber nõ de picturis, Cælius lib. 29. ca. 24.

M            sed de



sed de sacris picturis . Possent tamen fateor ex  
eis nonnulla vtiliter obseruari & erui à quibus-  
dam. Quare loca aliquot quę modo occurrunt,  
vbi eiusmodi tractantur , paucis indicabo.

Sidonius Apollinaris , Episcopus Aruernorum , in epistola ad Faustinum papam , quę 9. est , libro 9. scribit quod Aristoteles exserto brachio pingebatur in gymnasijs Areopagicis & Prytaneo , Speusippus ceruice curua , Aratus panda , Zenon fronte contracta , Epicurus cute distenta , Diogenes barba comante , Socrates coma candente ; Zenocrates crure collecto , Heraclitus fletu oculis clausis , Democritus risu labris apertis , Chrysippus digitis propter numerorum indicia constrictis , Euclides propter mensurarum spatia laxatis , Cleanthes propter vtrumque cor-  
rosus.

De imaginibus verò falsorum Deorum multa leguntur sparsim in patrum opusculis eorum qui contra gentiles scripserunt . De iisdem Florilegium Græcum , Placiades Fulgentius in Mythologiarum libro , Albricus de imaginibus deorum , Gregorius Gyraldus de Dijs gentium , Alexander ab Alexandro genialium dierum lib. 4. capite 12. Ludouicus Cœlius lib. 28. antiquarum lectionum capite 12. & lib. 25. capite 17. Angelus Decembrius parte 68. Et Angelus Politianus Centurię primę capite 65.

De si-



De simulachro Iouis arietina facie, Panos, Æstatis & Hyemis, Minerue & Darij, Herodotus Halicarnassæus. De Hippocratis imagine & Niconis statua, Suidas. De imagine Ephœbi, Crinitus lib. 23. cap. 13. De Musis, Ælianus in varijs, lib. 14. cap. 37. lib. 12. cap. 2. De Veïoue Agellius, (vel si mauis A. Gellius,) libro 5. noctium, cap. 12. De Saturno & Iano Macrobius libr. 1. Saturn. cap. 8. Sed hæc & similia, vt dixi, extra nostrum sunt propositum.

Breuitè tamen de multis pauca adferam ex Minutij Felicis Octauio, vt huiusmodi statuarum ridenda vanitas clariùs intelligatur. Quid, inquit, formæ ipsæ & habitus? nõne arguunt ludibria & dedecora Deorum vestrorum? Vulcanus, claudus Deus & debilis: Apollo tot ætatibus læuis: Æsculapius bene barbatus, etsi semper adulescentis Apollinis filius: Neptunus glaucis oculis: Minerva cæsijs; bubulis Iuno: Pedibus Mercurius alatis; Pan ungularis; Saturnus compeditis: Ianus verò frontes duas gestat, quasi & auersus incedat: Diana interim est altè succincta venatrix, & Ephesia mammis multis & verubus extructa: & triuia trinis capitibus, & multis manibus horrida. Quid ipse Iuppiter vester? modo imberbis statuitur, modo barbatus locatur: & cùm Hammon dicitur, habet cornua; & cùm Capitolinus, tunc gerit fulmina; & cùm Latiaris, cruore perfunditur; &

*Circa medium.*

*Est impr. cum Ar-nobio.*

cùm Feretrius, non auditur. Et ne longius multos Ioues obeam, tot sunt Iouis monstra quot nomina.

Hactenus ex Minutio. Vrautem intelligatur ex Deorum falsorum picturis quibusdam, vtiliter erui quædam posse, attendamus quàm pulchrè circa poëticam fictionem Bacchi Cornelius Senece, ordinis Prædicatorum Theologus, philosophetur. Scribit ille Sermone secundo de ebrietate, poëtas Bacchum publicè sic descripsisse, vt facilè cognosceretur quàm indecorum esset ebrietatem sectari. Pingebant namque eum monstrosus, ætate puerum, facie muliebrem, pectore nudum, capite cornutum, equitantem super tigridem. Ætate puer fingebatur, quia sicut fumus aërem obscurat, ita euaporationes ebrij intellectum obnubilant, vt omni scientia & prudentia priuetur. Vnde est apud Psalmistam, Turbati sunt & moti sunt sicut ebrius, & omnis sapiëntia eorum deuorata est. Est etiam ebriosus, puerorum more, de nullo sollicitus. Inde Ouidius

*Cura fugit, multo diluiturque mero.*

Denique puerorum more semper loquitur, *Prou. 20.* numquam tacet: tumultuosares, vinum. Et *Esd. 3.6.3.* omnia per talenta loqui facit. Et non meminerunt cùm biberint amicitiam nec fraternitatem; sed non multum post sumunt gladios. Scundò pingebatur Bacchus facie muliebri, quia

venter

venter mero æstuans citò despumat in libidinem. Luxuriosa enim res est vinum & contumeliosa ebrietas. Hinc & Apostolica personat tuba, Nolite inebriari vino in quo est luxuria. *Prou. 20.*  
 Depingitur etiam facie muliebri, quia vinū & mulieres apostatare faciunt sapientes. *Ephes. 5.*  
 Tertiò depingitur pectore nudus, quia vt B. Augustinus dicit, Ebriosus modestiæ frenis amissis, & insana ebrietate prostratus, cordis sui arcana denudat & amicorū sibi commissorum secreta in medium profert. Quemadmodū enim dolia, vt ait Seneca, plus quàm oportet vino plena, rūpuntur, & omne quod in imo iacet, vis caloris eiectat: sic vino æstuante, quidquid in imo cordis iacet effertur, & suum alienumq; pariter effundunt onerati vino. Est etiam Bacchus pectore nudus, quia pauperes & nudos cultores suos facit, Nam vt est in sacris litteris, Operarius ebriosus non locupletabitur. *Eccles. 19.*  
 Nudus quoque pingitur, quia turpitudinem propriam nonnunquam denudat, vt Noë contigisse scriptura commemorat. *Genes. 9.*  
 Quartò, cornutus depingitur; per cornua enim intelligitur potestas: ebrius verò potentio rem omnibus sese existimat. Hinc illud Ouidij,

*Tunc veniunt risus, tunc pauper cornua sumit.*

Quintò depingitur sedere in tigride, quòd minima de causa lites exsuscitet. Tigris enim miræ virtutis & velocitatis animal est, ex

*Ecclef. 13.*

cuius nomine Tigris rapidissimus fluuius est appellatus. Talis est ebrius, absque deliberatione irascitur, & , si potest mox vindicat, & nonnunquam interficit. Vinum multum potatum irritationem, & iram, & ruinas multas facit. Concludit Snecanus, Ecce qualiter poëtae riserunt Deum potatorum! Ex quo perpendi potest potatores tunc ab omnibus fuisse spretoſ & deriſoſ, & non ita honoratoſ ſicuti modò: cùm dicant manè ſerui & ancillæ; O quàm latus fuit heri veſperi Dominuſ noſter.

Poſſem eodem modo exſpatiari in Cupidiniſ imaginem à poëtis confictam: quam elegantiffimiſ aliquot verſibus explicauit non Æneas de duobuſ amantibuſ ſcribens, ſed Piuſ ſecunduſ iuuenilem librum reiſciens. Petruſ verò Hæduſ integruſ ſerè libruſ in explicanda Cupidiniſ imagine, & doctè & piè conſumſit. Quamquam cenſet abiſciendam potiuſ eſſe, quòd rudeſ huiuſ poëtici ſigmèti rationem neque ſciant, neque ſuſpicientur; ſed magiſ tali adſpectu ad malum inflammentur. Verù ad alia nobiſ eſt tranſeundum.

*Imagines Ethicaſ quaſ Pagani habuerunt, vtiliter à nobiſ conſeruari.*

## CAP V T I X.

**P** Ropiùſ enim ad noſtruſ inſtitutuſ accedunt ex picturâ, quæ tametſi ab Ethnicis accepta,

acceptæ, mores tamen formant, atque ad virtutem instigant. Hæ enim ethicæ dici merentur, & medium locum occupant inter prophanas & sacras. Quare eiusmodi obseruare non fuerit inutile. Quo modo videlicet Iustitia depingi soleat, de quo Ludouicus Cælius lect. antiq. lib. 29. capite 26. & Agellius Noctium Attic. lib. 14. capite quarto. Quæ soleat esse discordiæ imago, quam-elegantissimis versibus describit Petronius Arbiter, apud Crinitum lib. 13. capite secundo. Quæ concordiæ, quæ amoris, quæ inuidiæ, ac similibus: quæ etiam Veteres obseruarunt. Vnde Petrus Chrysologus, Frequenter fieri vidimus, vbi Regum vel fratrum tabulæ pinguntur, vt in vtrisque vnanimittatis declarentur insignia, artifex pictor fœmineo habitu post tergum vtriusque concordiam statuit, brachijs suis vtrumque complectentem, indicans quod hi, qui corporibus videntur separari, sententijs & voluntate conueniant. Vtilis rursum etiam & ethica significatio erui potest ex depicta colluctatione aranæ cum musca, apis cum fuco, formicæ cum grano triticeo, ac similibus, quare eiusmodi suo loco aliquando non male depinguntur. Serm. 149.

Addam aliquid de calumnia, & credendi facilitate. Grauiſſima est Bernardi Ab- De consi. lib. 2. c. 14.  
batis sententia, facilitatem credulitatis esse  
callidissimam vulpeculam, cuius magnorum



neminem satis compertum sit cauisse versutias. Vnde de nihilo iræ multæ, vnde innocentium frequens addictio, vnde præiudicia in absentes. Didicit id Apelles Ephesiorum celeberrimus pictor, per artis suæ æmulū apud Ptolomæum Regem coniurationis in Tyro factæ accusatus. Mox enim perfidum eum Rex clamauit, ingratum, reum violatæ maiestatis, insidiatorem, coniuratum: & statim Tyriorum malorum pœnam capite multatus soluiſſet, niſi quidam è coniurationis ſocijs captus, nihil ei commune cum ſeditioſis fuiſſe probaſſet. Tū Ptolomæus, collecto animo, ſententiam mutauit, & Apellem donauit centum talentis, addito in ſeruitutem Antiphilo calumniatore. Verūm Apelles calumniam illam ſola imagine puniri voluit, in qua Calumnia eximiæ comita, manus ad ſuperos tendens, fidem immortalium obteſtatur, & adit quempiam auribus prælōgis inſignem, qui manus porrigat procul accedēti Calumniæ. Habet ipſa comites mulierculas, Ignorantiam, Suspicionem, Inſidias ac Fallaciam. Anteit eam Liuor, vir pallidus, acie oculorum minimè hebeti; ceterum planè ijs ſimilis qui ſontico aliquo morbo contabuerunt. A tergo ſubſequitur Pœnitentia, quæ capite in tergum deflexo cum lachrymis & pudore procul venientem excipit Veritatem. Et hæc apud Lucianum leguntur, hominem alioqui barbarum. Vtinam autem Chriſtiani quidam ad calumnias excipiendas,

aut

aut fruendas nimis proni, saltem per hanc imaginem erudirentur. Itaque sicut ethnicorum dicta & facta memorabilia quædam, si legatur multum afficiunt Christianos, sic eadem depicta non inutiliter oculis obijciuntur Christianorum, & virget nè patiamur nos à Paganis superari. Hi verò quantum utilitatis ex imaginum inspectione ceperint, scribit Crispus Salustius initio belli Iugurtini. Nam sæpe, inquit, audiui ego Q. Maximum, P. Scipionem, præterea ciuitatis nostræ præclaros viros solitos ita dicere: Cùm maiorum imagines intuerentur vehementissimè animum sibi ad virtutem accendi: scilicet non ceram illam, neque figuram, tantam vim in se habere; sed memoria rerum gestarum eam flammam egregijs viris in pectore crescere, neque prius sedari, quàm virtus eorum famam atquæ gloriam adæquauerit.

Sunt & aliæ picturæ, quæ tametsi non morales, multum tamen vtilis sunt. Quales sunt descriptiones urbium & regionum, quibus etiam veteres vsi sunt. Nam vt alia relinquam exempla, scribit Platina Carolum Magnum tres habuisse mensas argenteas; quarum vnā (in qua vrbs Constantinopolitana insculpta erat,) basilicæ beati Petri, aliam (vbi imago urbis Romæ cernebatur,) Ecclesiæ Rauennati dono dedit, tertiam filijs reliquit, vbi inerat orbis terrarum descriptio. Sic & Zachariæ Papa in turri Lateranensis patriarchij, orbis terrarum

*In Leone  
3. ex Egia-  
lio sub  
finem.*

descriptionem depinxit. Vt habet Pontificalis liber tomo 3. Conciliorum. Neque verò hi primi orbem descripserunt, In veste enim podêris (quam habebat homo sine querela Aaron, proferens pro populis seruitutis suæ scutum orationem; & per incensum deprecationem allegans) totus erat orbis terrarum, & parentum magnalia in quatuor ordinibus lapidum sculpta erant.

Porro apud Christianos multò plures reperiuntur ethicæ & morales imagines, quàm apud paganos, etiam sepositis omnibus sacris sanctorum picturis. In virtutibus enim & vitijs, eorumque pugnis depingendis plus iudicij est & luminis apud Christianos, quàm vmquam fuerit apud vllos gentiles. Itaque apud Prudentium & alios, plura, solidiora & vtiliora licet obseruare. Tertullianus in oratione qua pijs patientiam commendat, eius imaginem ingeniosè depingit. Chrysostomus amicitiam Homil. 29. in Matthæum. Neque omnino infeliciter Robertus Holcot in libro morali talium virtutum & vitiorum picturas tractat.

Huc pertinent etiam emblemata recentiorum istorum. Inter quos Andreas Alciatus, Hadrianus Iunius, Ioannes Sambucus, Heroica symbola Claudij Paradini & eius generis plurima.

*Eccle-*

*Ecclesiam non conuertisse schemata virtutum  
in fictitios Sanctos.*

## CAPVT LXI:

**G**Rauissima est autem & intoleranda quorundam calumnia, quod in Catholica Ecclesia schemata nonnulla virtutum conuersa asserant in fictitios sanctos. In qua accusatione primos puto fuisse Iudeos quosdam Rabbinos, qui singulare illud exemplar patientiæ, Iob, nunquam exstitisse volunt, sed narrari tantum fictitium aliquod eius virtutis schema. Quorum absurditatem fanatici quidam Anabaptistę sunt secuti, qui argumentum libri Iob comicum asserunt, & iuxta scenę leges confictum. Cōtra quos multa habet. Sixtus Senensis lib. viii. Biblioth. sanctę. Ex quo pauca visum fuit huc adferre. Historiā libri Iob, ait, confictā esse ipsumque Iob nunquam in humanis fuisse, hæresis est anabaptistarum nostri tēporis, qui librum hunc ridentes, appellāt eum, tragicocomediā Hebręorum, hoc est fabulā partim secūdum comœdię, partim secūdum tragœdię leges editam: quia principio ipsius historię, cedes filiorum ac filiarum Iob, quod in tragœdijs vsu venit, referantur, in fine verò, quod comœdię proprium est, felices Iob euentus ponantur. Atque hunc impium errorē retinēti anabaptistę acceperunt à recutitis Iudæis ex Baba Batra, hoc est, tertia parte quarti ordinis librorum Thalmudicorum. Sed Diuinæ scriptu-

scripturæ omnino contradicunt, quæ non solum Iob fuisse testantur, verum inter viros sanctitate præcipuos enumerant. Nam in Ezechiele inquit Deus, Si steterint in medio Nohe, Daniel & Iob, ipsi in iustitia sua liberabunt animas suas : & Iacobus in sua Catholica, admirabilem Iob patientiam in aduersis imitandam proponens, Sufferentiam inquit Iob audistis, & finem Domini vidistis.

Ezech. 14.

Iac. 5.

Eadem est Caluinistæ cuiusdam sententia de Sapientia, eiusque prolibus Fide, Spe, & Charitate. Cùm enim ille historiam martyrum apud nullum veterum legisset, (vt est hominum illud genus ad calumniandum Ecclesiæ Dei propensissimum) mox intulit virtutes conuersas esse in sanctos qui nunquam fuerunt. Quam eius monitionem celebrem quendam Theologum tanti fecisse scio, vt in Litanijs quibusdam Ecclesiæ nostræ Louaniensis, nomina harum martyrum deleuerit. Tam periculosa est, etiam doctis viris, lectio hæreticorum. Quod si isti versati fuissent in Ecclesiarum, aut veterum scriptorum Martyrologijs, Litanijs, & ecclesiasticis lectionibus, ignorare non potuissent quod ad Kal. Augusti annotatum est, Romæ sanctas virgines Fidem, Spem & Charitatem, & matrem earum Sapientiam, sub Hadriano Principe martyrij coronam adeptas esse. Quarum specialior est memoria in Ambrosiana Ecclesia, quòdeas agnoscat natio Mediolanenses.



ses. Gesta etiam atq; martyria harum virginum & matris, ignorata non fuerunt nec à Latinis nec à Græcis. Exstant quippe in officio Mediolanensis Ecclesiæ, & tom. 2. Legendæ aureæ, qui Colonia & Louanij excusus est in infantia typographiæ, & apud Græcos in mensibus Simeonis Metaphrastis. Et, vt à mulieribus quoque testimonium desumam, Rosuida, sanctimonialis Gandershemensis, virgo nobilis in Saxonia, eleganti carmine harum virginum martyrium descripsit, temporibus Othonis I. vel II.

Quare ferendi non sunt, qui hæc sanctarum martyrum nomina, vel malitiosè vel imprudenter è litanij expungi volunt, cōtra morem Ecclesiæ à multis sæculis vsitatum. Leguntur ea in litania quæ fuit temporibus Ludouici Pij, quam Francofurti repertam Georgius VVichelius in exercitamentis veræ pietatis diuulgauit. De vetustate autem litanie illius ambigi non potest, in qua tam clarè legitur, Vt Ludouicum Imp. Romanorum Regem perpetua prosperitate conseruare digneris. Vt ei vitam & sanitatem atque victoriam dones. Vt Enimam Reginam conseruare digneris. Vt nobilissimam eorum prolem in salutem populi Christiani conseruare digneris.

Quid autem mirum, si in regeneratione mater cum prolibus virtutum nomina acceperit, cū etiam nunc inter Christianos Fortunæ & nescio quæ similium nominum monstra baptizandis

zandis obtrudantur. Illud tamé agnosco etiam antiquit s Fidei, Spei, & Charitatis virtutes depictas fuisse. Multum enim à nonnullis ob antiquitatem, artem & religionem celebratur tabula altaris ex fuluo auro compacta, & pretiosis lapidibus resplendens, quam Theodoricus II. Hollandiæ Comes in Egmondensi monasterio Deo sanctoqué Adalberto obtulit. In qua crux visitur cum diademate & effigie Saluatoris. In crucis dextro brachio inscribitur, Charitas; in sinistro, Spes; pedi, Fides; cum condecantibus imaginibus. Sed hæc nostra ætate Geusica rabies cum toto monasterio deleuit.

Refutanda hic essent quoque quæ cōtra monachos de Christophoro exstant apud Philippū Melancthonem. Sed ea ex professo libro sequenti tractanda reseruamus.

*De ijs qui parentum & maiorum, vel etiam suas imagines, exprimi cupiunt.*

## CAPVT LXII.

**N**on est autem improbandus eorum affectus, qui parentum suorum & maiorum, qui veris virtutibus claruerunt, memoriam per imagines conseruare cupiunt. Cuius rei illustre exemplum habemus quoque in sanctissimo illo Romanæ Sedis Pontifice Gregorio Magno. Is enim artificiosè depingi iussit duas icones vetustissimas, quæ in atrio Gre-

Gregoriani in Saxonia monasterij vsque hactenus visuntur, inquit Ioannes Diaconus. In quarum altera beatus Apostolus Petrus sedens, stantem Gordianum regionarium, videlicet patrem Gregorij, manu dextra per dextram nihilominus suscipit. In altera verò mater Gregorij sedens, depicta est duobus dexteræ digitis signaculo crucis se munire velle prætendens, cum subscriptione, Gregorius Siluiæ matri. Imo verò Gregorius ibidem eiusdem aurificis magisterio depictus in rota gypsea ostenditur, habens Euangelium in sinistra, modum crucis in dextra. Circa verticem verò, tabulæ similitudinem, quæ viuentis insigne est præferens, non coronam. Ex quo manifestissimè declaratur, ait Ioannes Diaconus ad Ioannem septimum, quod Gregorius dum adhuc viueret, suam similitudinem depingi salubriter voluit, in quo posset à suis monachis, non pro elationis gloria, sed pro cognita districtiōis cautela frequentius intueri. Qui cupit scire expressum, & vultum, & vestitum Gregorij, Gordiani, ac Siluiæ in prædictis picturis, inueniet ea diligentissimè annotata in citatis ex vita Gregorij Capitibus. Diligenter porrò notandum est quod Ioannes Diaconus dicat Gregorium in ea pictura non habuisse coronam, sed insigne viuentis. Hinc enim discimus quàm vetusto more Ecclesiæ, sanctis ad verticem capitis appingatur scurū rotundū, siue

*Vita Gregorij lib. 4. cap. 83.*

*Cap. 84.*

siue corona : & quòd viuentibus huiusmodi scutum siue corona vitæ non solet appingi , sed alterius formæ insigne. Quod cuiuscemodi fuerit, indicat Guilielmus Durantus dum in rationali scribit: Cùm verò aliquis Prælatus aut sanctus viuens pingitur , non in formam scuti rotundi, sed quadrati, corona ipsa depingitur, vt quatuor Cardinalibus virtutibus vigere monstretur , prout in legenda beati Gregorij habetur . Sic Seuerus in loco refectionis (hoc est, in baptisterio) à se extracto , depingi curauerat cum S. Martino sanctissimum illum Paulinum Nolanum Episcopum nummos fundentem. Quod Paulinus intelligens ægrè tulit, quamuis pio animo factum esse non dubitaret, & duo epigrammata Seuerio transmisit, quorum alterum in baptisterio poni petebat: nam in vtroque suæ picturæ significationem aliò retorquebat.

Cùm verò Saluator noster putetur quibusdam sui imaginem diuinitus absque manu pictam reliquisse (vt Abagaro & Veronicæ, de quo alibi) & Gregorius Magnus hîc legatur suis monachis seipsum in effigie reliquisse, constat manifestè non in vniuersum humano affectu eos laborare, qui se in imaginibus exprimi cupiunt. Verùm qui istud cupiunt, meminerint illius quod Ammianus Marcellinus habet: Quidam, inquit, eternitati se commendare posse per statuas æstimantes, eas ardentè affectant,

Lib. 1. c. 3.

Epist. 12.

Cap. 5. &  
74.

Lib. 14.

sectant', quasi plus præmij ex figmentis æreis  
 sensibus carentibus adepturi, quàm ex con-  
 scientia honestè rectèque factorum, easque  
 auro curant imbracteari. Quàm autem sit  
 pulcrum exigua hæc spernentem & minima,  
 ad ascensus veræ gloriæ tendere longos & ar-  
 duos, vt memorat Ascraus, Censorius Cato *Lib. de*  
 monstrauit. Qui interrogatus quamobrem in- *op. & die.*  
 ter multos nobiles statuum non haberet, Malo,  
 inquit, ambigere bonos quamobrem id non  
 mernerim, quàm, quod est grauius, cur impe-  
 trauerim mussitare. Certè Alexander ille Ma-  
 cedo, vt æternitati suam effigiem commen-  
 daret, noluit se pingi aut sculpi, nisi à maxi-  
 mis artificibus, Apelle & Lysippo. Iuxta illud *Lib. 2. ep.*  
 Horatij: *ad Osta.*

*Edicto cavit ne quis se præter Apellem  
 Pingeret: aut alius Lysippo duceret æra,  
 Fortis Alexandri vultum simulantia.*

Imo, vt videretur filius Iouis Ammonis, voluit *Clemens*  
 cornutus effingi à statuarijs, sed, quamuis sibi *ad Gentes*  
 videretur præclarè agere, tamè quod intèdebat, *Arnobius*  
 non est consecutus, impediante hoc Dei gu- *lib. 6.*  
 bernatione: cuius vultus super facientes mala, *Psal. 33.*  
 vt perdat de terra memoriam eorum.

Quidam autem nimium affectibus suis in-  
 dulgentes, huiusmodi picturis grauius ab-  
 usi sunt. Nam hæc fuit vitæ humanæ deceptio. *Sap. 14.*  
 Acerbo enim luctu dolens pater citò sibi rapti

N filij



filijs fecit imaginem : & illum qui tunc quasi homo mortuus fuerat, nunc tanquam Deum colere cœpit, & constituit inter seruos suos sacra & sacrificia. Deinde interueniente tempore, conualescente iniqua consuetudine, hic error tanquam lex custoditus est : & tyrannorum imperio colebantur figmenta. Et hos quos in palam homines honorare non poterant, propter hoc quod longè essent, è longinquo figura eorum allata euidentem imaginem regis quem honorare volebant fecerunt, vt illum qui aberat tanquam præsentem colerent sua sollicitudine. Prouexit autem ad horum culturam & hos qui ignorabant artificis eximia diligentia. Ille enim volens placere illi qui se assumit, elaborauit arte sua, vt similitudinem in melius figuraret. Multitudo autem hominum abducta per speciem operis, eum qui ante tempus tanquam homo honoratus fuerat, nunc Deum æstimauerunt. Et hæc fuit vitæ humanæ, deceptio : quoniam, aut affectui, aut regibus deseruientes homines, incommunicabile nomen lapidibus & lignis imposuerunt. Et non suffecerat errasse eos circa Dei scientiam, sed in magno viuentis inscientiæ bello, tot & tam magna mala pacem appellant.

*De inscriptione nummorum.*

## CAPVT LXIII.

**A** Bsit verò vt quis reprehendat vetustissimum illum principum morem, quo imagines siue effigies suas nummis inscribunt. Saluator enim noster satis approbauit huiusmodi inscriptionem, quando ex ea intulit, reddenda esse Cæsari, quæ sunt Cæsaris.

*Matth. 22.*

Ceterum ex primorum principū Christianorum constitutione, signum crucis nummis insculpitur. Ponūtur etiam in nummis effigies patronorum, non tantum generalium, sed & specialium. De quibus multa exempla nuper annotaui, percurrrens libellum monetarum à Plantino editum, anno 1575.

Hîc animaduerti imagines, Albani martyris caput suum portantis, Aldegundis Abbatisæ Malbodiensis, Ambrosij Mediolanensis cum flagello, Antonini, Benigni martyris Diuionensis, Bernardi martyris in specie militis, Bonifacij Apostoli Germanorum, Caroli Magni, Conradi Episcopi Constantiæ, Constantij militis, Erici Regis Sueciæ, Euasij Episcopi, Geminiani Episcopi Mutinæ, Henrici Imperatoris, Huberti venantis, Kiliani martyris Episcopi, Ladislai Regis, Magni Confessoris, Marci facie leonis in nummis Venetis, Maximiliani, Osualdi Regis, Pancratij martyris, Petronij Episcopi Bononiæ, Possidonij Episcopi,

Prosperi 4. Episcopi Regiensis, Quiriaci Episcopi, Quirini patroni Nussia, Ratbodi Episcopi; Renoldi patroni Tremonia, Ruperti Episcopi Salisburgi, Secundi Astensis, Theodoli Episcopi Sedunensis patris patriæ, Theodori custodis in nummo Môtis-ferrati, Theonetti martyris in nûmo Alsatiæ & Pedemontij, Thomæ Apostoli in nummo Portugalési, cum inscriptione, India tibi cessit, Victoris martyris, Viti pueri, Vrsi Solodorésis, Vlrici Episcopi Augustensis, Vuenceffai Ducis Bohemiæ, Vuillehadi Episcopi Bremensis, Vuolphangi Episcopi, Zenonis Episcopi protectoris Veronæ. Facile qui volet plura hisce similia obseruabit.

*De statu principum, potissimum Constantini Magni.*

C A P V T L X I I I I.

**M**agni autem principes olim faciebant suas statuas, quibus ciuiles honores impendebantur. Vnde in Codice Iustiniani titulus est, De statu & imaginibus. & apud Ambrosium legimus: Qui coronat imaginem Imperatoris, utique illum honorat, cuius imaginem coronauit. Hinc Ioannes Chrysostomus ferre noluit Augustæ Eudoxiæ argenteam statuam chlamyde circumamictam, super columnam ex Porphyrite factam, prope Ecclesiam, quæ Sapientia dicebatur: Populares enim ludi & acclamationes turbabant Ecclesiâ. Mittebant etiâ

Impe-

*Lib. 1. tit. 25.*

*In Psal. 11. conc. 10.*

*Socrates lib. 6. c. 16.*

Imperatores suas statuas siue imagines, in provinciis, in quas ipsi alioqui non proficiscebantur: eæque imagines à populis de more propè religiosè excipiebantur. Sic Imp. Theodosius, Si sacros, inquit, vultus inhiantibus fortè populis inferimus, hos sine immodico precio excipi præcipimus. Imagines illas vulgò vocabant Laurata. Vnde in Actis secundæ Nicenæ Synodi, vbi de sacris imaginibus agebatur, legimus, Laurata & iconas, quæ mittuntur ad ciuitates vel regiones, obuij adeūt populi cum cereis & incensis, non cera perfusam tabulam, sed Imperatorem honorantes.]

*Fr. Balduini in 3. Optati.*

*Act. 1. interprete  
:::*

Sed in huiusmodi imaginibus & statuis suis quantum religionem suam declararit Constantinus magnus, indicant libri de eius vita ab Eusebio Cæsareæ Episcopo conscripti. Ad labarum quod instar crucis fabricauerat, appendebat velamen regalis & magnificæ texturæ, cui inerant sub ipsum crucis insigne pij Imperatoris & liberorum eius effigies, ad petus vsque concinnè descriptæ.

*Eus. lib. 1. vitæ. 25.*

Post multas victorias in urbem Romam introiens, statuam suam in loco Romæ celebri collocari noluit, nisi cum hastili ad formam crucis in manu propriæ imaginis, & cum inscriptione, Hoc salutari signo, vero fortitudinis indicio, ciuitatem vestram tyrannidis iugo liberaui.

*Ib. c. 33.*

Quin etiam in tabula depicta, quâ in sublimi

*Lib. 2. c. 3.*

ante palatij vestibula suspenderat, se omnium oculis contemplandum proposuit, salutareque passionis insigne supra caput ipsius locatum in pictura exprimendum: inimicam autem illam & hostilem beluam, quæ Ecclesiâ Dei impiorû tyrânide oppugnasset, draconis specie & figura describendâ curavit, medio ventre transfixam & in profundos maris fluctus præcipitatam, subtili & artificiosa pictura. Ita Imperator voces Propheticas adumbratione quadâ est imitatus. In aureis nûmis imaginem ita insculpi curavit, vt pansis manibus instar precâris cœlû contueri videretur. In tabellis, quæ summis vestibulorum partibus affixæ erant, erecto statu pingebatur: sursum in cœlo contemplans, & precantis forma manus sursum tollens. Vt verò Imperator vita functus est, Senatus populusq; Romanus non voce tantû beatû Imperatorē Deo acceptum, & verè imperio dignum prædicabat, verûm etiam re ipsa declarabat. Nam in nummis tanquâ in cœlum ascendentem sculpserrunt: &, cûm cœli effigiem in tabella proprijs coloribus expressissent, depingunt eum super cœlestes orbes in æthereo cœtu requiescentem. Et hæc de Constantino.

Porro alijs etiam quàm Principibus solere statuas erigi, indicat citatus ex Codice titulus, de statuis & imaginibus, tum illud apud Augustinum, quòd Victorinus, doctissimus senex, & omnium liberaliû doctrinarû peritissimus, doctor

*Lib. 4.  
cap. 15.*

*Eus. lib. 4.  
vitæ cap.  
69. 73.*

*Lib. 8. con-  
fess. cap. 2.*



doctor tot nobilium Senatorum, ob insigne præclari magisterij, statuat in Romano foro meruerit, & acceperit.

*De clementia piorum Imperatorum in eos qui statuas eorum euerterunt, aut læserunt.*

## CAPVT LXV.

**A**Ddam aliquid de clementia quam religiosi Imperatores exhibuerunt in euerfores aut violatores suarum statuarum. Constantinus magnus imagine sua quandoque lapidata, non solum ab omni ultione alienus fuit, sed alijs infligantibus ut pœnas exigeret, manu facie palps, leniter ridendo dixit: Nullum vulnus in fronte factum video: sed sanum quidem caput: sana verò & facies tota. Hoc autem verbum usque in præsentē diem canitur: & posterī nostri, & illorū posterī, omnes id ipsum audient, & benedictione prosequuntur. Hactenus Flavianus Episcopus Antiochenus, in oratione sua quam ad Theodosium habuit pro Antiochēsis, qui statuas Theodosij euerterant. Refertur verò à Ioanne Antiocheno, cui Chrysostomi cognomen est, in homilia vigesima ad eundem populum. Quando Imperator Theodosius, cre-

*Theodore-  
tus lib. 5.  
hist. eccl. c.  
19. vel 20.  
in veteri  
versione.*

Sic ea ciuitate, qua nihil erat venerabilius, nihil factum est miserabilius: dum in ea à multitudine sauitum est in statuam Imperatoris, & in statuam defunctæ Placillæ, religiosissimæ Imperatricis. Acta sunt & alia, quæ multitudo imperita, occasionem seditionis nacta, patrare solet.

*Chrysol.  
hom. 3.*

Tunc Flauianus pater, hoc est, Episcopus, pro salute ouium profectus est ad castra Imperatoris. Nec eum à profectioe retardare potuit ætas ad vltimam senectutem prouecta, aut corporis imbecillitas, aut anni tempus hiemale, aut Paschalis celebratis necessitas, aut denique soror vnica in extremo spiritu constituta. Quanto autem verborum ac rationum pōdere pro Antiochēsis intercesserit, & se flagellis, & iustæ indignationi Principis, velut murum opposuerit: quanta item clementia religiosus Imperator se permiserit à Flauiano superari, omnemque indignationem deposuerit: legat ista, qui vult, apud Ioannem Chrysostomum in homilijs, quas ad populum Antiochenum habuit post statuarum subuersionem: potissimum tamen homilia 20.\* Cū missi à rege ad commissorum inquisitionem, Antiochiam intrassent, qua animi fiducia pro reis intercesserint, monachi, velut Angeli de cælo profecti: & sacerdotes Antiocheni. quomodo etiam missi iudices se frangi permiserint, & sese pro Antiochēsis intercessuros spoponderint, refertur ab eodem

\* 3.

eodem Chryfostomo, homilia 17. ad eundem  
populum. Sic nostra ætate Pius quartus Pon-  
tificatus initio, quò re ipsa præstaret, quæ Pij  
nominis appellatione pollicitus fuerat, cle-  
mētiam dico & humanitatem, omnium pœne  
Cardinalium, sed præcipuè Carafarum, qui  
alioqui læsi videbantur, precibus, populo Ro-  
mano, omnium eorum veniam condonauit,  
quæ in Pauli IIII. marmoreum simulachrum,  
insigniaque & sanctæ inquisitionis contume-  
liam, ac dedecus, vacante Sede commiserat,  
damnamodò ac detrimēta illara, quo ad posset  
ipse sumtibus suis sanctæ inquisitionis officio  
farciret.

*Onuphr. in  
Pio IV.*

*Pictura coronationis Lotharij III. malè in-  
tellecta.*

## CAPVT LXVI.

C Eterum vt in his commendanda est Prin-  
cipum clementia, sic nonnulli quæ syn-  
cero animo depicta fuere, malo stomacho ac-  
ceperunt. Cuius rei memorabile exemplum  
est de coronatione Lotharij terrij. Cùm enim  
ab Innocentio diadema Imperatorium acce-  
pisset in Laterano, series facti ibidem in pariete  
depicta fuit, cum carminibus,

*Sigon. de  
reg. Ital.  
l. II. c. 12.*

*Rex venit ante fores, iurans prius Urbis ho-  
nores,*

*Post homo fit Papa, sumit quo dante coronā.*

Quæ perinde à nonnullis interpretata sunt, ac si Lotharius Imperium à Romano Pontifice in beneficium accepisset, seu feudum. Creuit autem controuersia cùm Hadrianus nihil tale cogitans ad Fredericum scripsit, Neque enim credo oblitus es quâ tum tibi honorem tribuerimus, & quanto studio imperialis coronæ tibi insigne contulerimus, cuius nos facti beneficii non pœnitet. Hæc enim verba quam ægro animo acceperit Fredericus, responsum declarat, Olim, inquit, Imperium Ecclesiam extulit, nunc Ecclesia Imperium deprimit. Cœptum est à pictura, inde ventum est ad scripturam. Non patiar. Imo antè coronâ deponam, quàm de Imperij auctoritate detrahi vlla ratione permittam. Pictura deleatur, scriptura reuocetur, ne inter regnum & sacerdotium æterna similitatum monumenta supersint. Verùm Pontifex his acceptis, benignissima respõsione animum Imperatoris mitigauit. Cùm enim summa cura debeat esse vnicuique nè Magistratum aut Principem lædat: singulariter tamen istud exigitur à Clero.

*Romæ variores esse sanctorum statuas, quæ apud Belgas sunt crebriores, quodq; hæc diuersitas non sit reprehendenda.*

## CAPVT LXVII.

**N**on est autem necesse quidquàm præterea de famosis, iniurijs atque impijs picturis adijcere:

adijcere: cùm quisque facilè intelligat, minimè eas esse licitas.

Transeamus itaque ad varietatē illam, Quod Roma, atque Italia tota rariores habet statuas, quas Belgium habet creberrimas. Vbi notandum est, quod Romana Ecclesia non cupiat suas consuetudines solas in alijs Ecclesijs obseruari. Sicuti pulchrè indicat responsio Gregorij papæ ad tertiam interrogationem Augustini Anglorum episcopi. His enim verbis ei respondet: Nouit fraternitas tua Romanæ Ecclesiæ consuetudinem, in qua se meminit nutritam. Sed mihi placet, vt siue in Romana, siue in Galliarum, seu in qualibet Ecclesia, aliquid inuenisti, quod plus omnipotenti Deo possit placere, sollicitè eligas, & in Anglorum Ecclesia, quæ adhuc in fide noua est, institutione, præcipua quæ de multis Ecclesijs colligere potuisti, infundas. Non enim pro locis res, sed pro bonis rebus loca amanda sunt. Ex singulis ergo quibusque Ecclesijs, quæ pia, quæ religiosa, quæ recta sunt, elige: & hæc quasi in fasciculum collecta, apud Anglorum mentes in consuetudinem depone. Cur autem Romana Ecclesia non habeat tot Sanctorum statuas, quot aliæ multæ regiones, sed solas ferè depictas eorundem imagines, difficulter & non nisi coniecturam faciendo dicere possem. Si autem coniecturam audire non graueris, camque tantum vt

con-

*Apud Bedæ  
1. hist. eccl.  
c. 27. c.  
12. regesi.*



coniecturam recipere velis; suspicor Romam rariores admisisse Sanctorum statuas, propter multitudinem prophanarum statuarum, quas etiam in Ecclesijs ad memorias defunctorum habet plurimas. Quare inter tot statuas difficulter aliquando Sanctorum statuæ à defunctorum statuis distingueretur: nec magnum videtur Sanctis honorem statuarum deferre, qui tam multis ibi communis est; maximè vbi habentur ipsi cineres & corpora Sanctorum.

Audio etiam Antuerpiæ, & alibi, vbi fracta per sectarios altaria, iterum, Deo nobis propicio, erecta sunt, rariores in altaribus poni statuas Sanctorum, crebriores verò depictas tabulas: idque non aliam ob causam, quàm quòd plus artificij dicatur esse in illis picturis, quàm in statuis.

Si quis autem dicere velit, rariores esse Romæ Sanctorum statuas, quia sculptilia sunt: quæ sacra Scriptura frequentissimè detestatur, is tota via, imò & cælo, aberrare conuincitur. Primum quidem, quòd sic Romana Ecclesia non admitteret rariores Sanctorum statuas, sed omninò nullas.

*Quòd sacræ statuæ nec sculptilia appellandæ sint; nec simulacra.*

## C A P V T L X V I I I.

**D**Einde, quòd huiusmodi statuæ sculptilia non sint appellandæ. Imò nec statuæ Principum,

cipum, aut maiorum, & celebrium virorum, sculptilia rectè nominantur. Et quidem non disputo an huiusmodi statuæ sint sculptilia: sed siue talia sint, siue non sint, tamen non sunt appellandæ sculptilia. Statua principis mei si sit lapidea, & ob id eam lapidem vocem, loquor quidem id quod verū est, sed non rectè loquor. Cū enim statua ea plus sit quàm lapis, meritò reprehendor, si eam demonstrans sic loquar, Vide illum pulcrum lapidem. Sic, si statuam quia sculpta est, asserere velis sculptile, malim id tibi concedere, quàm multū contradicere.

Sed cū Apostolus dicat: Cui honorem, Rom. 15.  
 honorem: honorificè de imaginibus loquendum est propter eos quos repræsentant: & abstinendum est à generalioribus vocibus, quæ in ipsa locutione contemptum aliquem præ se ferunt, aut ferre videntur. Est & altera ratio, ob quam huiusmodi statuæ sculptilia non sunt appellandæ, quòd nusquam ita nominentur, vel in sacra Scriptura, vel apud Ecclesiasticos scriptores, quantum quidem ego meminerim: sed in vtriusque Testamenti sacris libris solè falforum deorum fictæ, & falsæ statuæ, siue idola, vñtatissimè & frequentissimè sculptilia nuncupentur, eò quòd non plus sint quàm sculptilia, quamuis eas qui in magno viuebāt inscientiæ bello, deos suos esse putabant. Hinc etiam Sap. 14.  
 lapides, & similibus multis vocabulis nominantur, ad maiorem detestationem vanissimæ  
 idolo-

idololatriæ. Est postremò & tertia ratio, ob quam statuas potissimùm sacras sculptilia nolum appellari, quòd imaginum sacrarum osiores, hæretici nostræ tempestatís, hanc loquendi phrasim ament, & introducant, vt sic faciliùs simplices suo veneno inficiant. Dum enim vísitato & recepto loquendi modo sacræ statuæ sculptilia dicuntur, faciliùs incautis persuadetur hæc esse sculptilia, toties in sacra Scriptura reprehensa. Nec aliam ob causam sectarij libentiùs vtuntur simulacri vocabulo, quàm imaginis: nempe vt hac locutione introducta, maiori apparentia nobis obijciant illud dilecti Apostoli, Filioli custodite vos à simulacris: & similes è sacra Scriptura locos plurimos. Quare non solum docti interpretis iudicium, sed & fidem boni viri in Xylandro desiderat Sanderus, quòd Cedreni compendium è Græco vertens, in Copronymi vita scribat, illum exegisse iuramentum ab omnibus suo imperio subiectis, quo confirmarent nulli se simulacro supplicaturos. Ita enim Latine vertit Cedreni verba, tanquam aliud non sit εἰκών, quàm simulacrum: aut aliud non sit προσκυῖναι, quàm supplicare. Ac (postremo omisso, quia præsentem tractationem non cōcernit) non satis probò, subdit Sanderus, quòd simulacrū dixit, vbi nos imaginem potius dicere solemus. Quamquam enim non melatear, quosdam (& in ijs Lactantium) à similitudine simulacrū deriuare, atque

1. Ioan. 5.

Lib. 1.  
imag.  
cap. 10.De origine  
erroris l. 2.

atque in eo sensu id nomen non malè cohæreat cum re qua de agitur, tamè scio alijs etiã videri potius à simulatione appellatũ, vt simulacrum sit non quævis imago, verũ ficta & falsa: vt-pote illa quæ rem mortuam quasi viuentem representare conatur, sicut apud Clementem: Simon magus de seipso ait: Statuas animatas reddam, ita vt putentur ab ijs qui vident, homines esse. Atque in eam sententiam vsus, qui magister est dicendi, nomen id potissimum accommodauit. Imago autem siue ab imitando quasi imitago, seu aliunde nominata est, certè quidẽ non tam sæpe in malam partem sumitur, quàm simulacrum, quod ex D. Hieronymi mente nihil nisi vanum & falsum cultum sonat. Et rex, inquit, & populus operati sunt mendacium, id est, idolum. Sicut enim contrarium est simulacrum Deo, ita mendacium veritati. Vbi simulacrum, mendacium & idolum pro ijsdem posuit. Quin imò quod Septuaginta dixerunt, τὰ εἰδωλα τοῦ ἑθνῶν, Ecclesia sic versus habet, Simulacra gentium: tanquam id Latinè sit simulacrum, quod Græcè idôlum: id est, vana & simulata species. cùm interim imago sæpius veram speciem quàm vanam significet. Sicut ergo Veteres diligentissimè cauerunt obscuras & nouitias locutionum formulas, quibus Arriani, aut alij hæretici delectabantur; sic & nos in loquẽdo quàm maximè ab hæreticorum phrasibus recedere conemur:

2. recogni-  
tionum.

In cap.  
Osee.

conemur: & eo magis, quòd huiusmodi locutiones aliquàdo ignorantes imbibamus. Quale quid accidisse scio quibusdam multum Catholicis. Nam per inadvertentiam, aut imprudentiam, phrasi Catholicis eo loci antea inusitata, sed hæreticis, qui eius authores erant, multum grata, Christi in cruce pendentis imaginem, Deum appellare cœperunt, dicendo: Dei illius facies artificiosissimè sculpta est:

*Dien Godt is Wel ghemaect.*

& similia.

Intolerabile verò est, quod nonnulli idòlum, simulacrum, & imaginem vt synonyma no-  
Nicen. 2.  
A. 7. rent, nulla adhibita distinctione, contra præsentes hæreses, de Ecclesiasticæ usurpationis restrictione. Quibus in præsentiæ obijcio Nicenum Concilium, Qui venerandas imagines idòla appellant, anáthema.

*Qui de arte pictoriâ scripserint.*

#### C A P V T L X I X.

**P**Ræsenti autem libro nihil ago de artificio artis pictoriæ, aut reliquarum artium, quæ picturam comitantur: quales sunt, statuaria, & plastica, fusoria, & criptica. Statuaria, ex lapide, ligno, ebore, rerum imagines fabricat: eademque ex gleba fingit plastes: Ars autem fusoria hæc in proplaste ex ære alijsque metallis exprimit. Cripticus verò, lapidibus & gemmis insculpit. Scripsit de istis ex recentioribus Pomponius

Gauri-



Gauricus, Leo Baptista de Albertis Florétinus scripsit de pictura libros tres. Albertus Durerus edidit institutionū Geometricarum libros quatuor, pro pictoribus, lapicidis, &c. Inter veteres de pictura & claris pictoribus & plasticè scripsit Plinius librum 35. Naturalis historię. Ego verò, vt dixi, de artificio, nec tractare volo, nec iudicare, non enim habeo oculos artis \* peritos, vt discernere possim quæ pictura cui sit præferenda. Aristoteles in picturis & animaduertit, & laudauit, quod mare pingatur caruleum, flumen pallidum: lacus verò cæcidus: sed in huiusmodi oculi mei caligant. Quare ignorantia meæ conscius, hîc sisto. Nolo enim mihi obijci vulgatum prouerbium: Cæcus de coloribus: aut illud, Non sentis te vltra malleum loqui: aut postremò illud Apellis, Ne sutor vltra crepidam. Ne autem existimes artificium in picturis sacris Deo minus gratum esse, memineris Beseleel impletum esse spiritu Dei, sapientia, & intelligentia, & scientia in omni opere, ad excogitandum quicquid fabrefieri potest ex auro, & argento & ære, marmore & diuersitate lignorum: vt sciret fabrè operari, quæ in vsus sanctuarij necessaria erant, & quæ præceperat Dominus. Posuit etiam Dominus sapientiam in corde Ooliab, & omnis eruditi, qui sponte se obtulerant ad faciendum opus.

Aelianus

lib. 14. c.

47. variæ  
hist.Probl. sect.  
23. quæst.

6.

Exod. 31.

36.

*Contra blasphemias hæreticorum picturas.*

## CAPVT LXX.

**R**estat nunc huius libri cōclusio, quæ bipartita erit. Prima ad eos qui Ecclesiā exiuerūt. Posterior ad pictores. Quod ad priores attinet, nihil perinde gratum est ijs, qui sese è sanctæ Catholicæ Ecclesiæ gremio eiecerunt, & ad partem Lutheri, Caluini, aut alterius sectarij transierunt, quàm quòd nanciscantur occasionem quandam calumniandi, & inuehendi in abusus Catholicorum.

Atque utinam illi perinde omnes abusus detestarentur, quemadmodum eos detestatur & damnat sancta Ecclesia, dolens plurimum eos in quibusdam suis filiis vigere. Sed phanatica illa contra Catholicos blasphemia, indicat eos esse fratres Cham, qui patris sui verenda nudata esse fratribus nunciavit: Imò propter tot mendacia, quæ adiungunt, peiores sunt ipso Cham: procul à spiritu Constantini, qui dicebat, Si proprijs oculis vidissem sacerdotē Dei, aut aliquem eorum qui monachali habitu circumamicti sunt, peccātem, chlamydem meam exspoliarem, & cooperirem eum, ne ab aliquo videretur: procul etiam ab admonitione Nicolai primi: Si de Domini sacerdotibus (qui iure patres animarum dicuntur) aliquid contrigerit vos audire, quòd confusionem pijs mentibus ingerat, non infrunitum, sed pudoratos filios

Noë

Genes. 9.

Dist. 9.

Noë imitantes, paternam de reliquo verecundiam contegatis, ut affluenti (quemadmodum & illi) benedictione repleri, moderante Domino, mereamini. Quantum autem hac in parte recesserit Lutherus, non solum inter alia multa testatur scriptum eius, quod edidit & inscripsit contra Pontificatum Romanum à Sathana constitutum: sed & præfixa ibidem pictura, qua Romanum pontificem auribus asininis super suam sedentem, alijsque ineptijs, traduxit, non tam in Pontificis, quam suum & suorum dedecus.

*D. Surius  
in historia,  
Anno  
1545.*

Vidit Æneas Silvius in porta ciuitatis Taborensis inter Bohemos duo scuta. In altero pictura erat angeli calicem tenentis, quasi communionem sub specie vini suaderet populo: in altero Zisca depictus erat, homo senex, & utroque orbatus lumine, quem cæcum secuti sunt ducem. Et quamvis picturas Christi & sanctorum deleant, huius tamen imaginem religiosè colunt, & honorem quem Christo negant obtendunt Ziscæ. Vidit etiam Antistes Lindanus, Lutheri imaginem, titulo diui Martini prænotatam. Vidit & Dñ. Staphylus per Germaniam iconoclastas, pro Christi & sanctorum imaginibus, hæreticorum effigies reposuisse, & vxorum suarum eleganter & amatorie depictas. Vidimus, ait ad Borbonium Feunardentius, Melanchthonis, Caluini, Beszæ, & aliorum Apostatarum iconas à sectatoribus ambitio-

*Epist. 130.*

*Lib. 2. Du-  
bitantij.*

*Prefat. ad  
Ireneum.*

se circumferri, & ingenti pretio comparari. Crucifixi verò, B. Mariæ, & Apostolorum deiici, confringi, & flammis voracibus tradi. Vidimus ipsi latronum, qui circum Christi imaginem depingi solent, integras & saluas effigies; crucifixi verò Iesu Christi figuram pugionibus, gladiolis & punctationibus deformatam, confossam & effractam. Eam etiam quæ diuum archangelum Michaëlem referebat laceram: cacodæmonis integra saluæque manente.

*Lib. 1. de moribus Eccl. c. 34. tom. 1.* Quare istos dracones & blasphemix eiaculatores precor vt attendant ad ea b. Augustini verba, quæ scripsit de picturis agens: Nunc vos illud admoneo vt aliquando Ecclesiæ Catholice maledicere desinatis, vituperando mores hominum, & quos ipsa condemnat, & quos quotidie tanquam malos filios corrigere studet. Obtestor præterea ne presenti nostro libro abutantur: Si enim eum sincero oculo perlegere velint, facile animaduertent & raros & paucos esse, quibusdam tantum locis, circa imagines abusus, eosque etiam à Catholice Ecclesiæ ministris reprehendi & emendari, dicente Concilio Tridentino: In has sanctas & salutes obseruationes, si qui abusus irrepserint, eos prorsus aboleri sancta Synodus vehementer cupit, ita vt nullæ falsi dogmatis imagines, & rudibus periculosi erroris occasione præbentes statuantur. Dicendo, Si qui sint, indicat

*Seff. 25.*



dicat paucitatem : addendo, eos prorsus aboleri sancta Synodus vehementer cupit, significat abusus imaginū à Catholicæ Ecclesiæ ministris reprehendi, & emendari.

*Admonitio ad pingentes.*

C A P V T L X X I.

**E**X eo præterea quod sæpe in hoc libro diximus picturas esse scripturas & libros: quodque pingere non aliud videatur esse quàm scribere, & lineamenta ducere; nullus pictorū temerario ausu attenter dies sacros pingendo prophanare: quasi ei in die festo vt scribere, sic & pingere liceat. Audio enim quosdam eò temeritatis venisse: sed quia peccatū dum negligitur suo pōdere ad aliud trahit; scio illos eosdē paulò post catholicæ fidei naufragiū perpeffos esse, ac ad eos pertransisse, qui, vt Opratus loquitur, studio criminandi ad conuitium catholicorum cuncta componūt. Consuetudo (quæ, vt habet Innocentius tertius, est optima legum interpretes) hanc licentiam pictoribus non admittit: vt istis nouatoribus meritò obijci possit, quod est apud Esdram: Quæ est hæc res mala quam vos faciris, & prophanaris diem sabbati? Nunquid non hæc fecerunt patres nostri? & adduxit super nos omnes malum hoc, & super ciuitatem hanc. Et vos additis iracundiam violando Sabbathum.

*Lib. 4.  
sub finem.*

*De consuetud. c. dilectus.*

*2. Esd. 13.*

F I N I S.

O 3

DE SA-



D E  
S A C R A R V M  
I M A G I N V M H I S T O R I A .

L I B E R   T E R T I V S .

P R A E F A T I O .

**M** Vltima secundo libro generatim de sacris imaginibus sunt dicta . Nunc ad specialia magis descendamus . Idque, per duodecim annimenses transcurrente, & circa festa atque sanctorum natales, prout Dominus dabit, quædam annotando.

I A N V A R I V S .

*Nomen Iesu rectè in radijs solaribus pingi.*

C A P V T   I .



Xordium igitur sumendum est à suauissimo nomine Iesu, quod Saluatori nostro Kalendis Ianuarijs impositum est. Atque is ipse serui sui calamū dirigere dignetur. Videri itaq;

posset inconuenienter nomen Iesu pingi in radijs solaribus : sanctus enim Antoninus dicit, Martinum Pōtificem huiusmodi picturā prohibuisse. Verba eius hæc sunt: Cū ex pia deuotione ( sanctus Bernardinus ) tabulā paruulam, in qua scriptum erat nomen Iesu litteris aureis, circundatum quasi radijs solaribus, sed auro depictis,

Parte 3.  
hist. tit.  
24. cap. 5.  
§. 2.

depictis, populo in prædicatione ostenderet, ut veneretur illud, ad imprimendum nomen illud mellifluum, & non minus significatum eius, in cordibus audientium: Martinus Pontifex, veritus nè ex ea nouitate aliquid superstitiosum, aut scandalosum, in Ecclesia suscitaretur, de maturo consilio sapientium, viro Dei, ad se vocato, mandauit talem tabulam deinceps non ostendere populo, & ritum illum dimittere. Quod, ut filius obedientiæ, humiliter impleuit. Verùm attendas Martinum in his verbis nihil damnare præter nouitatem priuatim introductam, cum periculo superstitionis & scandali. Quæ tria mala nunc cessant: Siquidem Clemens septimus Anno 1530. petentibus Minoribus, instituit in toto eorum Ordine, & sororū sanctæ Claræ, festum duplex maius & solenne, de sacratissimo nomine Iesu. Idemque festum per multas Ecclesias celebre est, etiam apud plebē. Quæ facilè intelligit festum nominis Iesu non esse aliud quàm festum Iesu, eo locutionis genere, quod in sacra scriptura est vsitatissimum, quo nomen pro nominato ponitur. Sicut etiā Moses interpretatur in libro Deuteronomij, dum ait: Nisi custodieris & feceris omnia verba legis huius, quæ scripta sunt in hoc volumine, & timueris nomē eius gloriosū & terribile: hoc est, Dominū Deum tuum; augebit Dominus plagas tuas, & plagas seminis tui. Intelligit itaque populus,

Deut. 28. f.

Apoc. 11.

occisa sunt  
nomina ho-  
minū septē  
millia.

qui in quotidiana oratione petit sanctificationem nominis Dei: per nomen Iesu, dum scribitur, pingitur, & dicitur, non aliud significari, quàm ipsum Iesum. Quod verò superstitionis periculum plebei incurrere possint ex huius nominis pictura, non video. Sciunt enim ex sacris concionibus, & aliunde, in litteris vocis Iesus, non contineri aliquod mysterium, sanctitatem, aut virtutem: eas non esse maioris virtutis, quàm tuum, aut meum nomen. Sciunt dum agitur de nomine Iesu colendo & amando, agi de redemptore nostro Iesu Christo, qui nobis per nomen suum innotescit, sicut vnumquemque per suum nomen nouimus, qui etiam aliquando per nomen suum mirabilia operatur. Cùm enim Antiochia terræmotibus concuteretur, vnusquisque ciuium Christi nomen præ foribus inscribens, eo modo terræmotum dispulit, cùm Deus religioso cuidam homini hæc verba oraculo inscribere præcepisset, CHRISTVS NOBIS CVM: STATE.

Sed cur inter tot nomina Saluatoris nostri istud præ reliquis ita in honore est, non solum in pictura & festi institutione, sed & dum nominatur? Dum enim nominatur Iesus, exter- num reuerentiæ signum exhibemus, flectendo genua, aut caput aperiendo: dum verò Deus nominatur, nihil tale fit. Huius ratio est, quod Iesus sit proprium nomen Christi, qui salutem nostram, & redemptionem, est operatus: qui

libe-

liberauit nos ab æterna perditione, & gratiam promeruit perueniendi ad vitam æternam. De illo ergo beneficio quod longè maximum est inter omnia, quæ Deus nobis præstitit, agimus gratias Deo, quando honoramus nomen Iesu: quia illud nomen clarè ob oculos ponit illud beneficium: cùm Iesus non sit aliud quàm Saluator, vt Angelus ait. vnde etiã Psalmista istud nomen frequentissimè in ore habuit dicendo, vt vertit Hieronymus, Conuerte nos Deus Iesus noster, & similia. Annotatur etiam in commentario psalmi xcviij. apud eundem Hieronymum, pro eo quod habemus, Notum fecit Dominus salutare suum, in hebraico legi, Notum fecit Dominus Iesum suum. Et vbicunque Saluator dicitur, in hebraico Iesus poni.

*Matth. i.**Psal. 84.**In Ap. 10. 3*

Non est igitur improbanda prædicta picturæ ratio: sed, si quæ rudiori plebecula, quæ literarum ignara est, hæc non satis assequatur, cùm picturæ libri sint idiotarum, Parochi erit eos instruere, aut, si ita videbitur, non admittere picturam nominis Iesu inter radios solares, sed ipsius Iesu, qui in sole posuit tabernaculum suum.

*Psal. 18.*

### *De pictura S. Genouefæ.*

#### C A P V T I I.

**T**ertio die Ianuarij natalis est S. Genouefæ virginis Parrisiensis, Galliarum protectricis. Quæ candelam habet in manu, & ad pedes,



demonem ligatum, eo quòd duo cerei in manu eius sine succensione accèsi sunt, & aliquot obsessos à demonio, oratione, & signaculo crucis, emundauit. Vt habet originalis eius historia, cuius stylum nonnihil Dñ. Surius immutauit.

*De picturis trium Magorum in Epiphania Domini.*

C A P V T I I I.

Cap. 48.

**S** Equitur deinde solennitas Epiphaniæ, seu Epiphaniarum Domini. Circa quam, si Lutherus audiendus foret, multipliciter errant pictores. Nam Magos reges fuisse negat, & numerum eorum incertum facit. Nos igitur quod veritas habeat expendamus. Quod ad Magos attinet, Fertur, ait Petrus de Natalibus lib. 2. catalogi Sanctorum, cùm ad Christum venerūt, Gaspar fuisse, annorū sexaginta: Baltazar, quadraginta: & Melchior, viginti: & ita cōmuniter pingitur. Sed nota in his verbis, quòd dicat, fertur. Qua voce satis subinsinuat istud apud nulum grauem authorem legi: quamuis, nescio vnde, nonnullis è vulgo ita persuasum sit. Non igitur à quoquam Ecclesiæ præfecto male audiet, qui hanc atatum considerationem in Magorum delineatione negliget.

Deinde quidam pingunt vnum Magorum nigrum, aut potius subnigrum, & fuscū, quales sunt albiores Mauritani. Quod mihi valde recens videtur. Nam in picturis vetustioribus  
sapius



sæpius omnes tres candidos pingi obseruauim. Idemq; non infrequenter Reuerendiss. Lindanus, Ruremundæ & alibi, obseruauit. Vnde in quarto libro suæ panopliæ pulchrè de hac pictura ait. Porro quod de Magis illis vulgò creditur, vnum fuisse Æthiopem, eodem, videlicet ad traditiones medijs generis, (de quibus pridem respondit Hieronymus: Eadem facilitate hæc contemni, qua dicuntur) referendum putarim. Restat probandum quod rectè reges pingantur. Lindanus ibidem: Verùm eos fuisse reges haud eiusdem opinor generis. Testantur enim vetustissimi scriptores fuisse reges. \* Chrysostomus reges Persicos appellat, Nazianzenus quoque in carmine quod de virginitate cecinit, eos dicit reges donorum portitores. Melchior verò Canus Canariensis Episcopus, lib. 11. de locis Theologicis, Magos ait, qui Christum adoraturi ex Oriente venerunt, reges fuisse, nedum philosophos, tradunt, Cyprianus in sermone de baptismo Christi, & manifestatione Trinitatis: Athanasius quaest. 2. ad Regem Antiochum: Hieronymus in Psalmum 71. Chrysostomus hom. 6. in Mattheum: Tertullianus contra Iudæos: Doctor quidam antiquus Christianus nomine, in Cap. Matt. 2. Isidorus in præfatione Missæ, quæ vulgò dicitur Mozaraue: D. Thomas in Matt. cap. 2. & in Ioan. 11. cap. alijsque ex iunioribus. Et rursus in responsione ad quartam obiectionem. Nituntur authores isti, non histo-

*In 23.  
Matth.*

*Prudentius  
in hym. epi-  
ph. & apo-  
theosi.*

*Cap. 3.  
obiection. 4.*

*cap. 5. l. 11.*

historiæ autoritate, quam nullam probatam habuere, sed probabilibus cōiecturis, quas porrò habuere nonnullas: Qualis est, quod in magis impletum videtur illud: Reges Tharsis, & insulæ munera offerent: Reges Arabum & Saba, dona adducent. Item, Ambulabūt Reges in splendore ortus tui, &c. Quæ in Epiphania Domini non hodiernum vulgus, sed antiquus semper Ecclesiæ chorus intonuit. Accedit, quod, vt Tertullianus ait: Magos ferè reges habuit Oriens. Accedit quod in reges illud maximè quadrat, Apertis thesauris suis. Extat etiā Claudiani Epigramma, vbi Magos appellat Chaldæos reges. Quod si Claudiani non est, certè elegantissimi poëtæ est. Hâc opinionem, vt quæ plausibilis sit ac popularis, Christifideles iam olim libenter induerunt. Sine ergo plebem probabilissimam opinionem, præsertim quæ penitus insedit, atque inueterauit, cum suis maioribus retinere. Adamus porrò Sasbout, Homilia in festo trium Regum: Neque verò sapientes duntaxat fuere (viri hi,) sed & potentes, imo reges: sic enim habet traditio: quam probabilem facit, quod apud Persas nemo rex esse poterat, qui non ante magorum disciplinam scientiamque percepisset, quemadmodum lib. 1. de diuinatione refert Cicero. Corn. denique lāsenius ante annos aliquot præceptor meus in Schola Louaniensi: nunc verò, Reuerendiss. Episcopus Gandensis, 9. capite Com-  
menta-

*Psal. 71.*

*Esa. 60. in  
epist. fest.*

*Sub finem.*

mentariorum in Concordiam Euangelicam; Magos istos Euangelista reges non vocat: vocaturus, ut apparet, si tales fuissent: cum id ad gloriam Christi non parum pertinuisset. Sed nec veterum interpretum quisquam hos Magos reges vocat. Nam Chrysostomus meminit quidem natum Regem, Persarum ad se regem suo ortu triumphante traxisse. Verum apparet Chrysostomum ob id asserere Persarum regem tractum ad Christum, quod illius consensu, aut etiam iussu Magi, qui apud Persarum reges maximierant, venissent ad adorandum Christum. Theophylactus tamen semel hos Magos vocat Persicos reges. Oportebat, inquit, gaudere potius, quod Rex suus à Persicis regibus adoraretur. Videtur autem recepta hæc opinio de Magis istis primum obtinuisse, ex his quæ de Epiphaniarum in Ecclesiastico Officio canuntur. Tunc enim ex Psalmis decantatur illud, Reges Tharsis, & insulæ munera offerent: reges Arabum, & Saba dona adducent. & ex Isaia in Epistola: Ambulabunt gentes in lumine tuo: & reges in splendore ortus tui: Omnes de Saba venient, aurum & thus deferentes. Verum hæc non propriè dicta esse de his Magis, ex eo manifestum est, quod non venerint ex Saba aut Arabia: cum hæc loca respectu Ierusalem planè sint in meridie, non in Oriente. Canit verò hæc Ecclesia in die illo festo, quod his prædicta sit gentium vocatio, quarum hi Magi primitiæ fuerunt.

fuerunt. Rectè tamen Magi illi reges dicuntur, quoniam scilicet potentes erant, & quoniam propter suam sapientiam soleant semper regibus Persarum astare: sine quorum cōsilio nihil in regno gerebatur, nec statuebatur: imo ex quorum numero semper esset Persarum rex. Si quidem prius ex Cicerone diximus, neminem Persarum regem esse potuisse qui nō magicam sciētiā perceperit: & vt dictum est ex Plinio, Magia in Oriēte imperabat regibus: & in libro Hester: Septem illi sapientes qui ex more regio semper aderant regi Persarum Assuero, quorum consilio cuncta fecisse dicitur, scientes leges ac iura maiorum, duces Persarum & Medorum vocantur: quos & ipsos magos fuisse certum est.

Er Plinius magos Passargadas castellum & Ecbatanam oppidum obtinuisse testatur. Ammianus quoque lib. 23. post miranda quadam de magis enarrata, sic scribit: Ex hoc magorum semine septem post mortē Cambyfis, regnum inijsse Persidos, antiqui memorant libri, docētes eos Darij factione oppressos. Ob has itaque rationes & Theophylactus videtur eos vocare Persicos reges. Sic enim & in libro Tobia, & ab Ambrosio lib. 1. officiorum cap. 12 tres amici Iob reges vocantur; qui & ipsi magi videri possunt, si eorum in disputando scientiam quis aduertat. Hæc Ianssonius. Adijcio propter antiquitatem, quod Gemblacum ex collatione

S. Ber-

*Lib. 1. de  
diuina-  
tione.  
Plin. lib.  
30. cap. 1.*

*Lib. 6.  
cap. 26.*

*Tob. 2.*

S. Bernardi casulam habeat, de veteri more undique dependentem, & stolam cum manipulo: in quibus sunt imagines pulcrè per Phrygionē acupictæ. Inter eas animaduerti tres magos, dona offerentes, non solum candidos depictos, sed & reges cum coronis. Ex prædictis igitur satis constat Ecclesiam eos non nominare proprii nominis reges: quia tamen regia eis competeat auctoritas, ideo non improbate eos reges vocari, & idem picturis exprimi. Nescio verò an ad istos etiam respexerit Isidorus Etymologiarum scriptor, dum *Lib. 19.* apud quosdam Sarabara nuncupari ait quædam capitum tegumenta, qualia videmus *c. 23.* in capitibus Magorum depicta. Cæterum probabile esset, quod Lutherus asserat incertum esse numerum Magorum, nisi Ecclesia Coloniensis trium Magorum corpora religiosè conseruaret; & à grauissimo doctore, Leone Magno, alijsque auctoribus tres fuisse *Serm. de Epiphan.* memorarentur.

*De buxea veste Pauli primi eremitæ.*

#### C A P V T I V.

**I**Ntra octauas Epiphaniæ occurrit die decima mensis, Natalis Pauli quem primum vocant eremitam. Hunc tamen, propter Epiphaniæ officium, Romana Ecclesia in diem decimam quintam transponit. Vbi examinandum est cur sanctus eremita buxea veste indutus pingatur



pingatur, cùm Hieronymo auctore in eius Epitaphio legatur, Cibum & vestimentum palma præbebat: & infra, Tanti temporis spacio contextis palmarum folijs vestiebatur. Verùm istud pictores nostrates faciunt, quia in festo palmarum buxo vtuntur pro palma, & quia in vernacula lingua multis locis buxus vocatur palma. Si autem noscerent palmam, & diligenter aduerterent ad Paulli historiam ab Hieronymo descriptam, magis puto in pictura historiam exprimere conarentur. Rectè enim ab Erasmo in Ecclesiaste notatum est, errore fieri, quod nostri pictores pro palma pingant buxum, ac Paullum eremitam veste è buxeis ramis contexta producant: cùm ex buxo nihil possit contexti, è palmæ ramis aculeatis corbes contexti possint: tegebatur corpus, sed & pungebatur. Memorat Athanasius, crudelitate Sebastiani sceleratissimi ducis, Alexandriæ, quòd Arrianam religionem confiteri nollent, viros quadraginta noua ratione laceratos esse. Virgis enim palmeis aculeos suos retinentibus adhuc, ita terga eorum cecidit, vt alij sapius à medicis, ob tenacius inherentes aculeos, frustra curati: alij curationem non ferentes mortem oppetiuerint. Ex huiusmodi palma contexta erat Paulli vestis. Postquam, ait Hieronymus, dies illuxerat alia, (Antonius) velut heres ex intestato ius possideret, tunicam sibi vendicauit, quam in sportarum modum palmæ folijs ipse

ipse sibi texuerat. Diebusque solēnibus Pasche  
vel Pentecostes, semper Pauli tunica vestitus  
est. Obsecro concludit Hieronymus, quicumque;  
hæc legitis, ut Hieronymi peccatoris memine-  
ritis. Cui si Dominus optionem daret, multò  
magis eligeret tunicam Pauli, cū meritis eius,  
quàm regum purpuras, cum regnis suis.

*De pictura D. Antonij.*

C A P V T V.

**S**Ed ad sanctissimū Paulli collegam magnum  
Antonium transeamus: cuius picturæ ubi-  
que locorum celeberrimè, maiorii indigent ob-  
servatione. Et in primis sancto confessori ignis  
appingitur, quia datum est illi patrocinari ad  
ignem infernalem. Hanc enim causam assi- *In 4.<sup>m</sup> d.*  
gnat Thomas Aquinas. Eumque secutus Sca- *49.*  
liger, scriptum reliquit.

*Magne pater furuum defendas fortior hostem,*

*Sisque metus duris ignibus, igne tuo.*

Quibus adijcio secundam, & fortassis prima-  
riam causam, quòd multos liberet ab igne pe-  
stis. Quo spectat Collecta multarum Ecclesia-  
rum, quæ habet, quod Deus concedat obrentu  
beati Antonij confessoris sui morbidum ignem  
extingui. Eandem ob causam multis locis in  
ostio domus appingitur, ut obtinere dignetur  
à Deo nè pestis eam domum inuadat. Itidem  
porcus appingitur, ut plebei doceantur anima-  
lia sua eius intercessione à malo præservari.

P

Nam in

Nam in huius beneficij implorationem ac protestationem, porcus plerisque locis alitur à communitate, quem nominant sancti Antonij porcum. Fieri etiam potest quod maiores nostri dum primū porcum ei potius quàm aliud animal appinxerunt, non huc respexerint, sed ad dæmonum insultus, quos perpessus est. Dæmones enim per porcos conuenienter significantur. Hinc quando Arrianorum Ecclesia Romæ Catholica consecratione dedicabatur, porcus ex ea exiit inuisibilis quidem, sed qui omnes per quos transijt in admirationem commouebat. Quod idcirco, ait Gregorius, diuina pietas ostendit, ut cunctis pateretur, quia de loco eodem immundus habitator exiret. Porro sicut maiores nostri memorias sanctorum inuisentes, libenter pro se conferebant paruum sancti imaginem, sic etiam pro pecoribus suis, collo alligandam nolam ex memoria sancti Antonij conferebant, protestantes hac ratione, quòd meritis sancti confessoris petebant, & confidebant animalia sua præseruatum iri à peste. Quod indicant carmina Ambrosij Nouidij etiam à Romanis obseruari. Agens enim de porco grunniente, qui Antonio appingitur, subdit:

l. 3. dial.  
c. 30.

l. 1. de fa-  
stis.

*Collo mea concutit ara,  
Noscere quo possis ne noceatur, ait.*

*Æsque*

*Æsque meum gestat, baculo quod cernis in isto,*

*Quodque rogans æger, collaque multa gerūt.*

Propter tanta autem magni Antonij beneficia, cum dira grassaretur Geusiorum imagines oppugnantium tempestas, non solum in ignem deiecta fuit aurata eius apud Siluam-  
ducis statua, sed tam abominandis blasphemijs impetita, quod Dei Opt. manus vindex ea de causa duos ex illis blasphemis Geusijs è vestigio percusserit peste subitanea, quam Diui Antonij iam olim appellant Christiani, quod illi depellendæ, sint eius apud Deum persæpe patrocinium experti.

Liber in manibus (nam hunc nonnulli appingunt) significat quod sanctus & perfectus vir, Ægyptius monachus, sine vlla sciëntia litterarum, scripturas diuinas, & memoriter audiendo tenuisse, & prudenter cogitando intellexisse prædicetur. Appingunt etiam Tau signum crucis, Nam eo fortiter restitit dæmonum insultibus: Athanasius enim refert eum dæmonibus dixisse: Cur frustra nitimini? signum enim crucis, & fides ad Dominum inexpugnabilis nobis murus est. Legitur quoq; apud eundem Athanasium pulcerrimus eius de cruce sermo, ad philosophos, quibus etiam præsentibus vitali signo crucis dæmones expulit. Et Hieronymo teste in vita Paulli, videns hominē equo

*Dñ. Lindanus apol. ad Germanos tom. 2. c. 11.*

*Aug. in Præfat. de doctr. Christi.*

mixtum (id est, hippocentaurum) salutaris impressione signi armabat frontem. Sunt etiam ipsius Antonij verba apud Athanasium: Cùm videritis dæmonum fallacias, tam vos, quàm domos vestras, crucis armate signaculo: & cōfestim soluentur in nihilum, quia metuūt illud tropæum, in quo Saluator aëreas exspolians potestates, eas fecit ostentui. Sed restat quæstiuncula, cùm alijs sanctis detur crux quadrangula, cur Antonio detur Tau triagulare. Quod adeo frequense est, vt non solum id manu gerat, sed penulā quoque eo insignitam habeat. Vnde & Tau vulgò peculiari nomine dicitur crux S. Antonij. Puto verò aut totam aut præcipuam certè huius rei causam esse, quod Antonius fuerit Ægyptius, apud quos constat crucem formam habuisse litteræ Tau, siue triangularem. Verùm hac de re nihil legi, sed quod probabile videtur profero.

*De pictura Sebastiani, Fabiani, & Agnetis.*

C A P V T VI.

**H**Actenus de magno Antonio. Quæ autem ex historijs omnibus obuia sunt ea inculcare non est necesse. Qualia sunt, picturæ Sebastiani telis confossi, & Fabiani cum columba. Quamquam & circa hæc quædam rariora liceat obseruare. Quis enim cogitat, quod à Ioanne Raulino est notatum, telis perfossum depingi, vt declaretur intercedere pro nobis

osten-



ostendendo singula sagittarum vulnera? Sicut enim vlcera omnia infirmi misericordiam & compassionem ad transeuntes clamant, sic multitudo vulnerum & sagittarum Sebastiani clamat ad Deum pro nobis misericordiā. Cur autem inter peculiare patronos contra pestem cum Antonio & Rocho depingatur, ex Langobardica historia, à Paulo Diacono conscripta notum est. *l. 6. c. 2.*

Fabiani porrò pictura ab Eusebio originem *l. 6. c. 22.* habet, qui eum scribit diuinitus per columbam in Romanum Pontificem designatum esse. Ex hoc enim indicio, cum nemo de eo cogitasset, veluti à spiritu sancto electus, mox ad Pōtificalem sedē abreptus est. Addit de suo ad Eusebiū *Rufi. c. 21.* Rufinus, Quod alij super huius, alij super Zepherini nomine gestum tradūt. Non est autem improbabile vtrumque ea via ad Pontificatum adscendisse. Nam & Rauenna, de multis suę sedis episcopis, hoc modo assumtis, gloriatur. Quod & historiæ & picturæ loquuntur.

Sed transeamus ad Agnetem virgunculam & matyrem. Cuius vita omnium gentium literis atque linguis, vt Hieronymus ad Deme- triadem loquitur, in Ecclesijs laudata est, die potissimū vigesima prima Ianuarij. Hæc cum agnoscitur, & veste auro intexta: quia, vt habet Ambrosius, dum parentes beatissimæ Agnes assiduis pernoctationibus vigilarent ad tumultum eius, videbant in medio noctis silen-

tio, exercitum virginum, quæ omnes auro intextis cycladibus indutæ, cum ingenti lumine præteribant. Inter quas videbant beatissimam Agnem simili veste fulgentem, & ad dexteram eius agnum niue candidiorem. Hic autem agnus sine dubio significabat Agnem siue Agnetem non tantum nomine, sed & re, agnam, hoc est, castam fuisse. Canit etiam Ecclesia die xxviii. Ianuarij, Stans à dexteris eius agnus niue candidior, Christus sibi sponsam & martyrem consecrauit.

## FEBRUARIUS.

*De imagine Ignatii.*

## CAPUT VII.

**K** Alendis Februarij subsequitur gloriosus Episcopus & Martyr Ignatius, qui cum leonibus pingitur, quia pro martyrio Christi ad huiusmodi bestias damnatus est. de quibus paulò ante ad Romanos scripserat: Frumentum Christi sum: dentibus bestiarum molar, ut panis mundus inueniar. Quam eius sententiam citant Irenæus lib. 5. cap. ult. Eusebius lib. 3. hist. cap. 30. apud Rufinum, 36. Hieronymus de viris illustribus cap. 16. & Beda in 18. cap. Apocalypsis. Alicubi etiam in manu eius cor vidi: cui litteris aureis inscriptum erat IHS. Quæ pictura originem sumfit ex recentiorum scriptis. Nam Aurea legenda sic habet: Legitur quod beatus Ignatius, inter tot tormentorum genera nunquam

quam ab inuocatione nominis Iesu Christi cessabat. Quem cum tortores inquirerent, cur hoc nomen toties replicaret, ait, Hoc nomen cordi meo inscriptum habeo, & ideo ab eius inuocatione cessare non valeo. Post mortem igitur eius, illi qui audierant, volentes curiosius experiri, cor eius ab eius corpore auellunt, & illud scindentes per medium, totum cor eius inscriptum hoc nomine Iesus Christus litteris aureis inueniunt. Vnde ex hoc plurimi crediderunt. Meminerunt eiusdem Sequentia de nomine Iesu, & sanctus Thomas, licet paulo aliter, super orationis Dominicæ primam petitionem.

Et Vincentius Beluacensis lib. 10. cap. 157. Ego tamen putarim hanc sententiam non esse solidā. Quod sic colligo. Veteres qui diligentissime citarūt Ignatij verbum, Frumētum Christi sum: bestiarū dētibus molar: nō reticuiissent ad vnum omnes tam memorabile factum quod prædicti de nomine eius tradūt, si id eis cognitum fuisset: Cū verò eis incognitum fuerit, verisimilius est, quod per obscurum aliquem sit suppositum. Videtur autem mihi erroris causam præbuisse cognomen eius. Nā tituli epistolarum eius habent Ignatius, qui & theophorus. & Simeon Mataphrastes dicit Traianū dixisse: Tu ne es qui diceris deifer? Et quid sibi vult illud deifer? Cui Martyr, Qui Christū, inquit, circumfert in anima. Imperator autē, Tu ergo, P 4 inquit,

1. Cor. 6.

Epist. 3.

2. Pet. 1.

lib. 9. c. 2

inquit, Christum in te ipso circumfers? Certè inquit. Scriptum est enim: Habitabo in eis & inambulabo. Intelligo autem eum theophorū dici, non proprio vocabulo sed appellatiuo. Vnde idem sanctum Timotheum vocat Christophorum, siue Christiferum Timotheum. Similiter Cyrillus Hierosolymitanus Catechesi penultima. Sic Christophori erimus, hoc est, Christū ferentes, cum eius corpus & sanguinē in mēbra nostra acceperimus, atq; ita, vt beatus Petrus dicit, diuinę naturę consortes efficimur.

Verū dum fortassis nimis exagito dictam sententiam, nolo damnare picturam Ignatij habentis in corde nomen Iesu, cū sciam hanc in templis, vt Mechliniæ apud Carmelitas, haberi: & ex verbis Ignatij ad Traianum, vt nihil aliud sit argumenti, tam mihi videatur cum corde huiusmodi pingi posse, quàm pingitur cū vulnerato corde Augustinus, fortassis quia in Confessionibus alicubi dicit Christo, Vulnerasti cor meum caritate tua.

## M A R T I V S.

*De pictura Thomæ Aquinatis.*

### C A P V T V I I I.

**M**ense Martio primus occurrit Angelicus doctor Thomas Aquinas. Is calicem in manu habet, & corpus Dominicum; eo quòd composuerit officium, quo in festo Corporis Christi vitur Ecclesia.

Cur au-

Cur autem in quibusdam imaginibus subscribatur, Bene scripsisti de me Thoma: ratio obuia est ex lectione Romani Breuiarij, quia Neapoli cū ad imaginem Crucifixi vehemētius oraret, hanc vocem audiuit, Bene scripsisti de me Thoma: quam ergo mercedem recipies? Cui ille, non aliam Domine, nisi te ipsum. Legitur etiam in iisdem lectionibus, nunquam se lectioni aut scriptioni dedisse, nisi post orationem. In difficultatibus locorum sacrae scripturae ad orationem ieiunium adhibuisse. Quin etiam sodali suo fratri Reginaldo dicere solere, quidquid sciret, non tam studio aut labore suo peperisse, quā diuinitus traditū accepisse. Quare mirum non est eum cerni in picturis radiatum cum inspiratrice columba.

*Explicatio picturarum Gregorij Pontificis.*

C A P V T I X.

**T**Homam sequitur magnus ille Anglorum Apostolus, Gregorius Romanus Pontifex, qui non ineptē sacrificans pingitur. Ipse enim, \* sicut vniuersalis tenet Ecclesia, normam & regulam officiorum, tam super sacrificio, quā super cæteris mysterijs prudenter instituit.

*Innoc. 3.  
Serm. de  
S. Greg. &  
vita Greg.  
Cap. 22.  
de ordine  
Missæ.*

Hoc est, vt idem clarioribus verbis VValafridi repetam, cū crescente religionis cultu cresceret orationum & officiorum Ecclesiæ compositio, multis ex summa scientia, & ex



mediocri, & ex minima, quædam addentibus, Gregorius rationabilia quæque coadunans, seclusis nimijs, vel inconcinnis, composuit librū Sacramentorū, siue Ordinationem Missarum, sicut & consecrationum: & cantilenæ disciplinam. Est & altera ratio: ad quam solam respexisse crediderim Pictores, dum eum pingūt celebrantem coram imagine passionis Domini, quæ pietas dici solet. Hortulus enim animæ in multis editionibus habet ante orationes coram imagine pietatis, ipsam beato Gregorio celebranti apparuisse: & Romæ, vt audio, apparitio ista etiam vulgo notissima est. Vnde magna pietate frequentat hanc imaginem: In qua etiam purgatorius ignis ad latus altaris ibidem appingitur. Quod pulchrè conuenit cum narratione Gregorij, de Iusto monacho, quem ob occultatos tres aureos non solum Gregorius puniuit, tum morientem, prohibendo fratrum ad eum accessum; tum mortuum, dando ei cum prædictis aureis sepulturam: sed & diuina ultione in igne purgationis cruciatus est, donec mandante Gregorio pro eius absolutione diebus triginta continuis, hostia salutaris est oblata.

Animaduerti præterea in imaginibus ex Vrbe allatis, ibidem Gregorium depingi cum columba in humeris. Cùm enim libros suos dictaret, testatur Petrus Diaconus, se Spiritum sanctū colubæ specie in eius capite sepe vidisse:

Vt ha-

Vt habet lectio vi. Romani Breuiarij, quod ex decreto Concilij Tridétini habemus. Idé habet Ioannes diaconus lib. vitæ Gregorij cap. 69. Imò quod antiquitatem picturæ commendat, addit sequenti capite, hinc consuetudinaliter Spiritum sanctum depingi in specie columbæ, super caput scribentis Gregorij.

*Patritius cur pingatur serpentes conculcans.*

## CAP. V. T. X.

**S**Ed à Gregorio, quem Angli suæ gentis Apostolum vocant, ad vicinorum Hibernorum Apostolum transeamus. Eius natalis est die decima septima Martij. Est autem S. Patritius. Qui cum serpentibus ad pedes depingitur, eo quod primus in Hibernia Christum euangelizauerit in qua insula nullum reptile videri solet: nullus serpens viuere solet. Nam sæpe illuc de Britannia allati serpentes, mox vt proximante terris nauigio odore aëris illius attacti fuerint, intereunt: quin potius omnia pœnè quæ de eadem insula sunt, contra venenum valent. Hiberni præterea catholici non nisi meritis Apostoli sui ascribunt, quòd Dominus Deus multorum venenatis moribus prouocatus, necdum permittat in eorum insula venenata viuere: quæ tamen eo sæpe adferuntur ex Anglia, ab ijs qui hæresis veneno lethaliter infecti sunt, & hanc piam opinionem Hibernorum animis libenter exime-

*Beda hist.*

*l. i. c. i.*

eximerent. Legantur Iocelinus cap. 70. vitæ  
 Patritij, & Giraldus Cambrensis de mirabili-  
 bus Hiberniæ.

*Gertrudis cur cum muribus pingatur.*

## CAPVT XI.

**E**odem die concurrit natalis Gertrudis Bel-  
 gicæ virginis celeberrimæ. Ei mures appin-  
 guntur. Cuius causam tradit legendæ tomus  
 secundus, iam olim Colonia & Louanij excu-  
 sus. Sic enim habet: Notandum quod circa  
 imaginem sanctæ Gertrudis solent mures &  
 glires depingi. Hoc nihil aliud significat, nisi  
 quod sancta virgo, diabolum, qui per tales be-  
 stias, tenebras diligentes, designatur, superaue-  
 rit: & quod alios quoscunque potuit, de tene-  
 bris ad claritatem æternæ lucis per suam san-  
 ctam vitam & doctrinam reuocare laborauit.  
 In quibus verbis parum probo, quod in mu-  
 ribus Gertrudis, tantum mysticam admittat  
 significationem. Quam ego quidem vt secun-  
 dariam amplector & veneror, puto tamen pri-  
 mariam esse aliam rationem quam à Canonicis  
 Niuellenfisibus accepi. Illi enim cum ab eis pe-  
 terem causam vſitatæ picturæ responderunt se  
 à senioribus confratribus audiuisse, ex puteo,  
 qui est in crypta Ecclesiæ, maiores solere aquâ  
 adferre, qua cum aspergerent domos suas &  
 agros, liberabantur à muribus. Sed nunc, adde-  
 bat vnus eorum, refrigescente multorum cari-  
 tate,

tate, ficut alibi, sic & in nostra Ecclesia, cessant miracula. Sæuijſſe autem sæpius in agris pestem murium omnia corrodentium, etiam ex miraculis diui Vrſmari à Folquino descriptis, & aliunde cognosci potest. Meminit & Plinius lib. 10. historiæ c. 65. è Troade fugatos incolas murium agrestium copia. Diodorus quoque lib. 3. c. 3. In Italia murium siluestrium è terra prodeuntium multitudinem, plures solum patrium linquere coëgisse.

*De picturis Ioseph.*

C A P V T    X I I.

**P**ost biduum occurrit natale Iosephi, sponsi deiparæ virginis: quem pictores quidam pessimè pingunt tamquam simplicem homuncionem, qui vix quinque numerare possit. Per quorum inscitiam etiam in vulgi prouerbum abiit, quòd hominem parum cordatum, aut industrium in agendis, Iosephum agnominent. Quasi verò talis præ omnibus alijs à Deo assumptus fuisset, vt esset custos beatissimæ Virginis, & benedicti eius filij. A quibusdam etiam pingitur in historia natiuitatis Domini, grãdæuus senex, baculo præ senio innitens. Quam sententiam amplectuntur Nicephorus Callistus, lib. 1. hist. Eccles. cap. 7. & in carminibus suis Sannazarius, Scaliger, Nouidius: alijsque scriptores recentiores.

Quibus Ioannes Gerson inter alia opponit mani-

manifestā scripturam : Habitabit iuuenis cum Virgine , & gaudebit sponsus super sponsam. Dominus autem Ioannes Hesselius præceptor meus , prælegens 28. distinctionem quarti sententiarum Magistri, sic eos refutauit : Epiphanius in hæresi Antidicomarianitarum , narrat fabulam , quod Ioseph Mariam duxerit , cum iam annū suæ viduitatis ageret fortassis octogesium , & amplius. Verū nullo modo conuenisset virum centenarium , & imbecillem senem , adhiberi Mariæ custodem , cui fugiendum esset in Ægyptum , cum puero & matre eius : & inde redeundum . Nec decebat eum aliorum filiorum amore esse distractum , qui curam tantæ virginis , & prolis , esset gesturus. Confirmauit fabulam pictorum carnalitas , qui ex sua libidine de Ioseph iudicantes , putant non aliter eum se continere potuisse à virgine , nisi senex , & per ætatem prouectam impotens ad commixtionem fuisset , plurimum derogantes gratiæ Dei , quæ tam efficax esse potest in adolescentulis ipsis , atque in aliis ætatis hominibus. Credo igitur cōformius esse Euangelicis litteris , si Ioseph credatur fuisse iuuenis , fortis , & valens , qui potuerit industria & labore ætatis , virginem defendere : & vrgente periculo mox puerū in Ægyptum deferre , & reducere , ac suis laboribus nutrire . Certè incontinentiæ suspitione non caruisset Maria , si virum centenarium habuisset . Et vanus est carnalium ti-

mor.



mor. Faciliùs continet, Deum timens iuuenis virgo, quàm impotens & libidini assuetus senex. Quantò magis autem hic Ioseph, qui multò excellentior fuit Ioseph filio Iacob. Non pauciores rationes habet Tristandus de Lescaigne presbyter. Qui in libellis quos de Maria conscriptos dedicauit Ludouico Borbonio Cardinali, archiepiscopo Senonensi, tractatum habet, in quo explicat omnes fere pictores delirare quod Iosephum senem decrepitum pingant. Vrget enim diuina prouidentia datum esse virum Mariæ, vt nutritius esset pueri, & vt matri esset solatio. Ad vtrumque autem officium decrepitu fuisse inidoneus. Vrget & alias rationes desponsationis, à Veteribus assignatas, ne grauida apparens infamaretur, ne tamquam adultera à Iudæis lapidaretur, vt Christi de virgine natiuitas diabolo occultaretur. Certè nec infamia cessasset, nec diabolus suspitione caruisset, si fuisset decrepito, vel seni in coniugem tradita. Vrget, ex Chrysostomo, desponsatam fuisse fabro, vt laboribus suis nuptæ & filio victum suppeditare posset, quod senex facere nequiuisset. Pulcerrimè verò puer Iesus Iosepho appingitur ad manum. Hoc enim significat quòd Christus fuerit subditus Iosepho patri suo. Patrem enim eum Lucas rectissimè appellat propter vinculum coniugij, vt annotatum est à beato Augustino lib. 2. de consensu

*Luc. 2.  
g. f. c.*

Euange-

Euangelistarum capite 1. & contra Faustum lib. 23. cap. 8. & lib. 1. de nuptijs, cap. 11. & lib. 5. contra Iulianum, cap. 9. Pertinuit Christus iure coniugij ad Ioseph, multò magis quàm filius viduæ pertinet ad secundum maritum. Qui viduam accipit, non contrahit cum ea, vt proles eius educet, sed vt proles ex ea sibi acquirat. Iosephi autem coniugium à Deo ordinatum fuit, vt virgo Maria commodè ex sese sola gigneret Christum, & per vtrumque educaretur.

l. 5. c. 9.

Hoc coniugium Augustinus, contra Iulianum scribens, appellat coniugium secundum Euangelium. Nos etiam appellare possumus, cum Hieronymo, coniugium virginale siue virginum, quia vt ex virginali coniugio filius virgo nasceretur, etiam ipsum Ioseph semper virginem fuisse, contra Heluidiũ, docet. Quod etiam significari existimo virente ramusculo, quem in manibus gestare depingitur: tametsi lógè aliam istius picturæ rationem apocryphæ quædam historiæ adferant.

Significat etiam puerulus Iesus, quem Ioseph manu ducit, quod is tãti filij pater fuerit. Quæ res non parvæ dignitatis est: quia ex hoc vnica proles bono, multo magis fuit exaltatus, quàm si ex Maria genuisset centum sanctissimos reges. Porro Iesus, quando parentibus, vt diuinæ litteræ prædicant, erat subiectus, sine dubio in perferendis etiam vnâ cum ipsis laboribus, morigeram declarabat suam obedientiam, vt

tiam, vt habet Basilius in Constitutionibus *Cap. 5.*  
 monasticis. Hinc apud Marcum faber vocatur. *Marc. 6.*  
 Erubescant ergo ad hanc picturam filij inobe-  
 dientes, qui vitrico nec obediunt, nec eum pa-  
 trem vocare dignantur.

Erubescant etiam qui de vana nobilitate  
 gloriatur. Christus enim & faber & fabri filius  
 esse voluit, vt omnem, inquit Augustinus, ty- *De cate-*  
 phum carnalis nobilitatis exstingueret. Quam- *chis. rudib.*  
 quam enim nonnulli, aut dubitent, aut incer- *c. 22.*  
 tum esse dicant, qualis faber fuerit, lignarium  
 tamen fuisse, omnis penè scholasticorum con-  
 fessus asserit. Neque ab hac opinione discrepat, *Lib. 6.*  
 ait Sixtus Senensis, vetustissima Ecclesiastica *annot. 63.*  
 picturæ consuetudo.

Hactenus de Iosepho: quibus adiungantur  
 ea, quæ de ipso notauimus lib. 2. c. 30.

*Observatio circa historiam Annunciationis  
 Dominicæ.*

## CAPVT XIII.

**N** Vnc ad historiam Annunciationis Domi-  
 ni transeamus. In qua lilium sæpe appin-  
 gitur: non quòd illo anni tempore lilia habe-  
 rentur, aut quòd beata virgo apud se lilium ha-  
 buerit aut acu pictum aut ex cera confectum:  
 sed ad significandum puritatem & perpetuam  
 sanctæ ac Deiparæ Mariæ virginitatem: quæ  
 ratione virginitatis & purissimæ vitæ suæ, fuit  
 velut lilium inter spinas. Quo pertinet rythmus  
 Q ille, quo

ille, quo insignis Christi martyr Thomas Cantuariensis delectatus fertur,

*Gaude quia Deo plena,*

*Peperiſti ſine pœna,*

*Cum pudoris lilio.*

Apud noſtrates autem lilium iſtud viſitatus in poculo depingitur : apud Italos frequentius ſceptri loco Gabrieli in manus datur. De hoc autem archangelo Chryſoſtomus monet volitantem illum exprimi, non quòd Deus pennatos angelos condiderit, ſed vt eum ex ſupremo domicilio, & cœleſti collegio, ad terram & genus humanum deueniſſe intelligas. Eſt & aliud in pictura Annunciationis, diligentius excutiendum, quod ad hæreſim vergere videatur. De quo cum difficultatem mouerimus libro ſecundo, non tamen diſſoluerimus, non inutile fuerit hic eam iſdem pœnè verbis repetere, & repetitam diſcutere atque examinare. Difficultas hæc eſt, Pingitur quibuſdam locis in hiſtoria Annunciationis & Incarnationis Domini noſtri Ieſu Chriſti, corpusculum quoddam humanũ inter radios quos Spirituſſanctus diffundit, deſcédens ad vterum beatiffimæ Virginis. Quæ pictura videtur præbere occaſionem, non periculoſi ſolum, ſed etiam hæretici erroris. Valentinus enim iam olim hæreticus eſt habitus ab Eccleſia, quia docuit Chriſtum corpus de cœlo attuliſſe, & per Mariam

Hom. 3. de  
incom. Dei  
nat.

Mariam tamquam per tubum & fistulam trās-  
iisse. Quo respiciens sanctus Antoninus, tit.  
8. tertiæ partis summæ historialis, hanc pi-  
cturam graui censura damnauit. Reprehensi-  
biles, ait, sunt etiam pictores cū pingunt  
ea quæ sunt contra fidem: cū faciunt Trini-  
tatis imaginem vnā personam, cum tribus  
capitibus. Quod monstrum est in rerum na-  
tura. Vel in Annunciatione beatæ virginis,  
paruulum puerum formatum, scilicet Iesum,  
mitti in vterum Virginis, quasi non esset de  
substantia Virginis corpore eius assumptum. In  
quem errorem impēgit etiam Origenes, tra-  
ctans illud Ioānis, 8. Non veni à me ipso: innuic  
enim animam Christi prius fuisse in cœlo bea-  
tam, deinde à patre missam in vterum Virginis.  
Ceterū à pictoribus nostris per corpusculum  
illud in historia Incarnationis Domini, non  
plus significatur, quàm anima Christi, quæ non  
potest commodè aliter figurari. vnde sic figu-  
rari solent animæ latronum, qui cum Christo  
sunt: & anima Lazari in sinu Abrahamæ. Signifi-  
cat igitur hæc pictura Christum Dominum ab  
initio conceptionis suæ animatū fuisse, anima  
non quidem è cœlo delapsa, sed à Deo infusa.  
Vel si non placet animam intelligere, significa-  
re potest corpusculum illud, ipsum Deum qui  
de cœlo descendit in vterum Virginis. Quam-  
quā longè malim omitti, cū etiā nostro hoc  
sæculo multi sectarij, ac potissimū anabaptiste



nefariè sentiant Christi Domini corpus humanum non ex Maria Virgine natum, sed ex patris substantia cœlitus allatum esse. Contra quos Petrus Canisius per aliquot capita differit lib. 3. de Deipara Virgine Maria, cap. 14. & seqq.

## A P R I L I S.

*De armatura equestri Sancti Georgij.*

## C A P V T X I V.

**M**ense sequenti, cui ab aperiendo nomen est, natalem habet Ambrosius Mediolanensis Episcopus, die quarto. Sed quia Ecclesia tunc recolit aut passionem, aut resurrectionem Domini Salvatoris, Romani natalem transferunt ad diem quo ordinatus est Episcopus, qui septimus est mense Decembri. Quos hac in parte sequemur.

*cap. 14.* Sequitur itaque miles & martyr Georgius. De cuius pictura cùm aliqua ex antiquitatis monumentis sint libro 2. allata, non nulla tamè hic addenda sunt, quæ ad explicationem armaturæ eius equestris pertineant. Hanc enim picturam in Ecclesijs suis non tantùm Latini, sed & Græci Creteneses, Corcyræi, & Veneti celebrant, ut ad poëtas Ecclesiasticos annotatum est à litterato quidem, sed corruptæ religionis scriptore, Georgio Fabricio. Qui ibidem adiungit in armatura equestri, & puella defensa, & dracone Libyco interfecto, allegoriam venustam

nustam inesse, quæ explicata suauissimis versibus sit à Georgio Æmilio & Ioanne Stigelio. Sed nos prius de picturæ historia agamus, quæ allegoriæ est anteposenda. Cur cum dracone pingatur, de quo triumphum ducit, explicari potest ex encomijs martyris, quæ in menologio Simeonis metaphrastis exstant. In quibus legitur, Georgium plurimos ex draconis faucibus extraxisse, qui parem cum eo cursum transigentes, proprium sanguinem Deo libarunt. E statua quoque Apollinis, crucis signo demone eiecisse, quo eiecto Alexandra Imperatrix fidem suscepit, & pro ea gladij sententiam tulit. Et hæc ex historia deprompta sunt. Pictores tamen minus periti, Georgio adolescenti videntur potius teneram virgunculam, quàm reginam coniugatam, appingere. Mysticè verò & allegoricè per hanc picturam docemur, ab omnibus Christiani nominis militibus laborandum esse, vt alios ad fidem trahant; & vt omnes fidei obediens aduersus hæreticorum & ceterorum barbarorum iniurias tueantur. Defendenda est in primis Ecclesia, quæ & regina, & virgo, & sponsa est, cum sponso suo immaculato Agno, aduersus diabolum, qui immanis & crudelis est draco. Hæc cura militis Georgij fuit: eandemque esse oportet omnium qui inscripti sunt in militarem siue equestrem ordinem. Nam & regulæ suæ statutis, & oris sui iureiurando, constringuntur, pro fide ca-

tholica corpus audacter exponere : sanctamq; Ecclesiam eiusque ministros , à quibuscumque grassatoribus liberare.

Cap. 7.

Quare placere non potest , quod in lib. 3. de ratione studij Theologici legitur , Georgij confictam historiam , atque picturam , à sanctis patribus propriè in hunc usum excogitatam esse , vt doceat quomodo magistratus ciuilis gerere sese debeat in iuuanda tuendaque Ecclesia , aduersus draconem diabolum , qui sine intermissione , & mille modis , insidiatur virgini Ecclesiæ , eiusque sponso , Christo , agno immaculato . Bona quidem est ista doctrina , sed ad eius significationem confictam esse à sanctis patribus Georgij picturam , nullus Catholicorum , nisi vehementer imprudens , dixerit . Et hæc contra Andreæ Hyperium dicta sunt : Fortassis etiam contra carmina Æmilij & Stigelij , à Fabricio laudata . Neque enim ea legi , sed non lecta meritò suspecta habeo , eo quòd eorum auctores propter hæresim sunt à Censoribus Tridentinis in prima classe notati.

*Marcus quare cum leone pingatur.*

#### C A P V T X V.

**S**Ed à milite Georgio ad Euangelistas transeamus , Marcum : cuius natalis est die 25. Aprilis , & Matthæum qui etiam Leui dicitur . Quorum prior cum leone pingitur ; posterior

rior cum homine. Eius rei causa est inquirenda. Et verò cum beato Augustino lib. 1. de consensu Evangelistarum, videntur probabilius aliquid attendisse, qui leonem in Matthæo, hominem in Marco, vitulum in Luca, aquilam in Ioanne, intellexerunt: quam illi qui hominem, Matthæo: aquilam, Marco: bo-

Cap. 6.

uem, Lucæ: leonem, Ioanni tribuerunt. De principiis enim librorum quandam coniecturam capere voluerunt non de tota Evangelistarum intentione, quæ magis fuerat perscrutanda. Dico igitur in explicandis quatuor animalibus, de

Quod facit  
Irenæus  
lib. 3. c. 11.

quibus Ezechiel & Ioannes in sacris litteris meminerunt locum habere quod Augustinus Ezichio scribit: In diuinorum eloquiorum au-

Exec. 1. 10.  
Apoc. 4.  
Epiſt. 80.

thoribus, quibus nostras intelligentias exercere Deo placuit, non solum alius alio mouetur acutiùs, eorum qui Scripturas sanctas non improbabiler tractant, sed etiam quilibet vnus eorum, aliquando minus, aliquando meliùs, intelligit. Quare quamuis beatum Augustinum hac in re Beda ac alij quidam; pictores tamen non minori probabilitate sequuntur Hieronymi & Gregorij expositionem. Neque absurdum est initia tantum attendere; cum inde multi sacri libri nomina sua habeant: vt Genesis, Exodus, Numeri, Ordo etiam Romanus ista hunc in modum explicata habet in denunciatione scrutinij ad electos. Verba sunt ista; Filij charissimi, exponemus vobis quam rationem,

Bed. in  
Luc. &  
Apoc.  
Hier. in 1.  
Ezech. &  
Prolo. in  
Matth.  
Greg. homil. 4. in  
Ezech.  
Fol. 37.

& quam figuram vnusquisque in se teneat , & quare Matthæus in se figuram hominis habeat. Qui in initio suo nihil aliud agit, nisi natiuitatē Saluatoris pleno ordine generationis enarrat. Sic enim cœpit, Liber generationis Iesu Christi filij David. Videtis quia non immeritò huic hominis assignata est persona, quando ab hominis natiuitate initium comprehendit. Deinde lecto per diaconum initio sancti Euangelij secundum Marcum, subdit presbyter: Marcus Euangelista Leonis gerens figuram, à solitudine incipit, dicens: Vox clamantis in deserto: parate viam Domini.

Significantur etiam Euāgelistæ per quatuor flumina. Quod pictura Nolanæ Ecclesiæ exprimebat: de qua Paulinus scribit;

*Petram superstat ipsa petra Ecclesiæ:*

*De qua sonore quatuor fontes meant,*

*Euangelistæ, vina Christi flumina.*

Veneti Marci imaginem, vrbis patroni, in vexilla retulere, vt scribit Platina in Gregorio quarto.

M A I V S.

*Iacobum non pingendum esse facie Christo simillimum.*

C A P V T X V I.

**K** Alendis Maij occurrit Apostolus Iacobus Alphæi: quem pictores pingunt facie simillimum

*Epist. 12.  
Epigr. 10.  
Cypr. ad  
Iubaian.*



millimum Christo. Quod cum apud nullum grauem & fide dignum authorem legatur, non videtur in pictura, saltem à clero virisque doctis sequendum. Habet tamen probabilitatem aliquam, & originem suam, ex epistola quæ Ignatio ascribitur, in qua legitur ad Ioannem seniore: similiter & illum venerabilem Iacobum, qui cognominatur Iustus, quem referunt Christo Iesu simillimum facie, & vita, & modo conuersationis, ac si eiusdem vteri frater esset gemellus. Quem dicunt, si videro, video ipsum Iesum secundum omnia corporis sui lineamenta. Crassius verò errant, qui talem in horto cum Christo pingunt Iacobum Zebedæi.

Epist. 2.

*De forma crucis Dominicæ.*

C A P V T X V I I.

**T**ertius dies ob inuentionem sanctæ Crucis fieri est. Itaque de forma crucis non nihil hoc loco differamus.

Cuius enim figure formæve crux Dominica fuerit, à quibusdam controuertitur. Quidam opinantur, diuo Hieronymo nitentes, eam esse figuram veram, quæ palo retro superfigit stipitem, ad instar Græci tau. Alij verò rectum palum transuerso supra medium illius traducto, sic vt fastigium recti pali superius emineat, quasi que titulum Christi complectatur, veram Domini crucem representare putant, authore Iustino Martyre. Cui verum illud mysticum, quo typicus

Aduersus  
Trypho-  
nem.

agnus Paschalis in lege veteri affabatur congruit & aspirat, verū illum Paschalem Agnum in cruce torrendum adumbrans. Huic figuræ suffragatur vetustissimus vsus, orbe toto pingendæ fingendæque crucis passim vigens, accedentibus vbique ferè locorum antiquissimis imaginibus, huic formę astipulātibus. Profectò apud Ægyptios, ac veteres ante natiuitatem Christi, crux erat quadrangula, quam in suis illis imaginibus ad captandum cœli influxum, vt opinabantur, efficacissimam inueniebant, velut quatuor cœli cardines respicientem, scilicet, ortum, occasum, meridiem, & septemtrionem, vt tradit Platonius ille Philosophus, Ficinius, in libro de vita cœlitus comparanda. Vbi & inter cætera sic ait: Ego verò quod de crucis excellentia fuit apud Ægyptios ante Christum, nō tam muneris stellarum fuisse arbitror, quam virtutis præsagium, quam à Christo fuerat acceptura. Probabile igitur est, vt præsagio consonet euentus, crucem quoque Domini non triangulam instar Græci tau, sed quadrangulam fuisse, quia eleuatus à terra omnia ad se tracturus esset Christus, stipitibus videlicet crucis, in quatuor terræ cœlique angulos porrectis. Sed cuiuscunque tandē figuræ crux Dominica fuerit, Absit nobis, vt ait Apostolus, gloriari nisi in cruce Domini nostri Iesu Christi. Hæc de cruce D. Archiepiscopus Fredericus à Tautenburg, in libro de imaginibus cap. 3.

Ad

Cap. 13.

Gal. 6.

Ad Hieronymi autem verba quæ obijciuntur facilis est respōsio Tau similitudinem quidem esse ligni crucis, vt ex scriptura, constat; sed neq; ex Hieronymo aut aliunde liquere, ipsum habere plenā similitudinem crucis, cū aliud hætenus sit explicatum.

*Bernardinus cur in manu solem gestet, cum nomine Iesu.*

## CAPVT XVIII.

**T**Ranseamus ad Bernardinum confessorem, cuius natalis apud Minores die vigesima Maij celebris est. Is passim depingitur gerens in manu nomen Iesu, inter radios solares. Quod inconuenienter fieri videtur, propter ea quæ primo capite huius libri ex Diuo Antonino attulimus. Sed vt ea seponamus, exstat & alia picturæ illius explicatio: quam ex tomo 3. Surij subiungam. Erant igniti sermones eius, & vita virtutibus illustris. In cuius argumentum solem in manu gestans, pingi solet. Quod tamen etiam alia ratione contigisse videtur. Cū enim in quadam ampla ciuitate, tanto cum feruore ad populum concionaretur, vt homines compuncti tabulas lusorias & resferas confringerent & flammis absumerent, indignatus faber qui eas tabulas conficere solebat, ad beatum virum accessit, conquestusq; est apud illum se iam ad inopiam deuenisse.

Scisci-

Sciscitante Bernardino num aliud calleret artificium, illoque negante, Bernardinus circino circulum exprefsit, in eoque solem pinxit, & in medio solis sacrosanctum nomen I E S V. Cuius, vt par erat præcipuus fuit venerator & cultor. Immò vt quidam affirmant, Romæ tam sublimiter de illo dulcissimo nomine concionatus est, vt quidam eius verba non capientes, hæresim ei impingere voluerint: at postera die illo concionante, vt superioris concionis veritas miraculo indicaretur, nomen I E S V in eiusmodi forma, qualé eum pinxisse diximus, supra illum apparuit. Hanc igitur effigiem iussit illum fabrum deinceps sua arte imitari. Fecit ille, & diues effectus est. Exstat autem sancti Bernardini sermo 49. de duodecim radijs nominis Iesu, in opere de Euâgelio eterno.

*Vrbani Pontifex quare cum vite pingatur.*

#### C A P V T    X I X.

**I**Ntermedijs non multis diebus, occurrit natalis Vrbani Pontificis. Qui cur à vinitoribus colatur, & quare cum vite & vuis pingatur, sæpius à me quæsitum est. Et pro clara resolutione nihil est apud Damasum, aut in gestis Vrbani, vel Cæcilix martyris historia, sed inter historias quas manu sua scripsit religiosus Pater Ruben Vallis, Antonius Geems Bruxellensis, inueni quarto nonas Aprilis historiam sancti Vrbani Episcopi Lingonensis, qui quiescit in

Diui-

Diuionensi monasterio in argentea capsula. Ea autē historia habet varia miracula sancti Urbani Lingonensis, partim pro retentione, partim pro ereptione, vel recuperatione vinearum. Ex quo suspicor per errorem æquiuoci nominis, vinitores pro Urbano Lingonensi Episcopo colere Urbanum Papam, quem in Kalendarijs inuenerunt. Indeque etiam erroris picturam inuaserit: simili enim errore molitores nostri Louanienses in Ecclesia S. Quintini celebrarūt festum S. Victoris velut patroni sui, decimo die Octobris, quo die Xanthis passus est S. Victor cum socijs: sed admoniti à pastore suo, colunt nunc Victorem Massiliensem, qui mola contritus est. Eius natalis est 21. Iulij. Quo etiam die eum celebrant Victorini, tum Parrisijs, tum alijs in locis. Certè Ambrosius Nouidius Frac-cus Ferentinas, in sacris fastis ad Paulum tertium, in quibus ferias opificum diligenter recenset, ne meminit quidem festi sancti Urbani: sed Vinalia vetus festum habet in festo sancti Martini: & ferias vindemiatorum latè annotat in die sancti Matthæi Apostoli. vbi inter cætera Apostolum ita alloquitur,

*Ne sis ingratus, Martinum, & te, inde vocabit:*

*Pinget & in multis nomina vestra locis.*

*Dimidijsque acinis, nigroque alboque, notabit*

*Signa Dei: inque aderis cura secunda dape.*

Neque

Lib. 9.

Crux in  
vasca, ita  
lacum vo-  
cant, vix  
depingitur  
dimidiatis.



Neque arbitror pictores nostros accepisse hanc Urbani picturam à Romanis. Quia quantum diligentia quorundam cognoscere potui, Romæ nulla exstat eiusmodi Urbani imago, quamquam nec vlla fere alia. Nam in æde sanctæ Cæcilie caput tantum depictum est. In aula vero Pontificia quæ Constantini dicitur, ob Imperatoris historiam ibidem in parietibus depictam, est imago eius, verum nullo ferè discrimine ab alijs aliquot Pontificibus. Ceterum dum hæc apud doctos discussio, & eruenda veritatis causa exagito, nolo cuiquam ansam præbere, ut ea imprudenter effundendo, vinitorum mentes turbet, atque offendant. Nam si commendandus sit eis patronus dici poterit duos eis esse eiusdem nominis patronos, vnum Urbanum Episcopum, in Francia notio-rem, qui circa vineas varia præstitit miracula. Alterum verò Urbanum, propter Pontificatum Urbis Romæ, & celebre martyrium, per totum orbem Christianum notissimum. Quem sibi vtriusque Alemanniæ, fortassis & aliarum aliquot provinciarum vinitores in patronum & defensorem elegerunt. Sed quid eos movit? Suggestimus paullo superius, fortassis per errorem vtrumque Urbanum commisceri. Sed id nondum resolvimus, neque apud plebeios resolvere expedit. Quare videamus quid adferri possit ad defensionem inueteratæ consuetudinis. Primum

mum scribit Bonauentura, in fine cap. 5. beatum Franciscum in eremo Urbani, cum naturæ suæ defectum sentiret, & vinum deesset, aquam in vinum optimum conuertisse. Quod in illa eremo, propter honorem & meritum Urbani, vnde nomen habet, factum esse præsumitur. Deinde cum in primitiua Ecclesia agri venderentur, & pretium ad pedes Apostolorum poneretur, Urbanus decretalem tulit, de fundis Ecclesiæ offerendis: quòd ex his quàm ex pretio plus vtilitatis Ecclesiæ proueniat. Itaque non dubito, tum temporis amplissima vineta ab ijs qui martyrium quotidie exspectabant ecclesiæ oblata esse, ad peragenda diuina mysteria, & ad cleri pauperumque intertétionem. Sed hæc fortassis longè petita videbuntur. Itaque addamus etiam populares rationes. Vinitores constanter asserunt & à maioribus suis accepisse se dicunt, Urbanum inter vineas latuisse in rabie persecutionis. Quod etsi in gestis Cæcilix, aut alibi non legerim, fortassis tamen in gestis ipsius Urbani per Metaphrastem scriptis sed nondum editis, later, aut ex ijs Italiæ locis, in quibus latuit, cognosci potest. Nam nec eremum Urbani agnosceremus, nisi eius Bonauentura meminisset. Quid igitur mirum est, si ab illo petatur vinearum conseruatio, quem aliquando per vineas salutem obtinuisse corporalem, constans est opinio? Est & alia ratio. Germani pro vino duos dies exoptât ferenos,

serenos, vigesimum quintum Ianuarij qui est conuersionis sancti Paulli: & primum diem æstatis qui Urbano sacer est. Hinc alicubi lætitię signa exhibent, si dies illi obtingant sereni; tristitiæ verò si ingrati. At verò maiores nostri, tunc inuocare solent Paullum & Urbanū. Vnde Urbano in æstate datus est palmes virens, quem in hyeme Paulo dare non potuerunt. Id postea in picturam transijt. Nunc pietas maiorum multum refrixit, vt non sit mirū vineas multis iniurijs obnoxias fieri. Imo pietas auita apud quosdam in turpissimum abusum degenerauit: nondum, inquit Scenckius, locis quibusdam abolitum est, vt, scilicet, diui Paulli ac sancti Urbani imagines in profluentem proijciantur, si forsan eorum dies festiui inciderint in cœlum pluuium, aut fœdam tempestatem. Eodem

*De imag.  
cap. 13.*

*Lib. 3. c. 15.*

pertinet quod Ioannes Bohemus Aubanus scripsit in libro de moribus gentium, agens de Fræconia, In die inquit, sancti Urbani, vinitores in foro, aut alio publico loco mensam locāt, mappis, fronde, & plurimis redolentibus herbis instruunt, desuper statuam beati Pontificis statuantes; quam, si dies serenus est, largo vino coronant, & omni honore prosequuntur: si verò pluuius, id non solum non faciunt, sed lutum in eam proijciunt & aqua immodica perfundunt.

Legitur verò inter antiquas præfationes benedictio vix in die Sixti papæ & martyris, hunc

hunc in modum : Intra quorum nos consortiū non æstimator meriti, sed veniē quæsumus largitor admitte, Per Christū Dominū nostrum. Benedic Domine & hos fructus nouos vuę, quos tu Domine per rorē cœli, & inundantiam pluuiarum, & temporum serenitatem ad maturitatem perducere es dignatus; & dedisti eos ad vsus nostros cum gratiarum actione percipi, in nomine Domini nostri Iesu Christi. Per quē hæc omnia semper bona creas. Hæc autem præfatio non fuit commoda frigidis regionibus, in quibus vuę tardius maturescunt. Illæ verò an aliam habuerint benedictionem, à se in die Urbani v̄sitatam, non est improbabile, etsi forsais id difficulter, propter raritatem scribentium, doceri possit.

## I V N I V S.

*Ioannis Baptiste pictura, cum exuijsagno.*

## CAPVT XX.

**O**bseruanda sunt etiam nonnulla, de Ioannis Baptiste, præcursoris Domini, picturis. Et primum quidem, quod cum exuijs depingatur, dependente etiam exuiiarum capite, siue pellis cameli, sacre Euangeliorum historiæ non satis consonum videtur. Non enim Euangelia habent ipsum vestitum fuisse pelle, sed Matthæus scribit, Ipse autem habebat vestimentum (& vt Græca habent, suum vestimen-  
Matth. 3.

R tum)

Marc. 1.

tum) de pilis camelorū. Marcus verò: Et erat Ioannes vestitus pilis cameli. Vtebatur ergo Ioannes veste contextà ex pilis camelorū: quæ vilis erat, & facilè parabilis. (Abūdat enim ea regio camelis.) Deinde etiam austeritati pœnitentiæ quam prædicabat valde conueniebat. Neq; putandum est diuum Hieronymum eius esse sententiæ, quæ modò improbata est, dum Lætæ scribit, Ioannē in typum pœnitentię prædicandæ tortuosissimī animalis vestiri exuuijs. Hoc enim de contextis exuuijs intelligendus est dixisse, vt neque à Scriptura sacra, neque à seipso dissentiat. Commētans enim in tertium caput Matthæi, diligēter inculcat ab Euāgelista scriptum esse vestimentum eius fuisse de pilis.

Quod autem nonnulli depingant Baptistam cum capite ab exuuijs dependente, hoc plus quàm imperitè fit. Et fortassis corruptela hæc ortum suum habet ab altera pictura, quæ vetustati placuit: nec mihi minus placere potuit, cū animaduerti. Pictura talis est, Ioannes digito monstrat Agnum Dei: pedibus autem Herodem, quem moriendo deuicit, conculcat. Huiuscemodi imago exstat Brugis in claustro Canoniorū diui Donatiani. Qua nullam putat esse Dñ. Pamelius in tota vrbe vetustiorē. Similem obseruauī etiam Gandauī, dum Cathēdralis Ecclesiæ reliquias, & sacra impositoria perlustrarem. Itaque asseuerare nolim pictores caput Herodis, in caput cameli, aut  
nescio



nescio cuius bestię conuertisse. Vrgeo tamen eos, vt quod erroneum est corrigant: quod melius est amplectantur. Nec in pictura negligenda est zona, de qua Marcus, Et zona pellicea circa lumbos eius: siue, suos. Huius enim speciatim fit mentio, quod gentibus illis in more erat, vt & nunc plerisque est, preciosas gestare zonas. vnde Prouerb. vltimo, scribitur: Sindonem fecit & vendidit, & cingulum tradidit Cananæo: id est, mercatori. Deinde quò vel sic ostenderetur Ioannem Helię fuisse similem, qui 4. Regum 1. describitur pilosus, & zona pellicea circa lumbos eius.

Pingitur etiam cum Agno, sicut dictum est lib. 2. c. 11. Qui vt clariùs distinguatur à bruto agno, appingunt nonnulli ad caput aureolam, siue coronam Sanctorum: & in humeris vexillum crucis.

Quod etiam in Romana Ecclesia obseruatur, dum Agnis Dei benedicit: Inter alia enim benedictionis verba, sic loquitur Summus Pontifex: Te suppliciter deprecamur, vt nostrę vocis exoratus officio, has cereas formas immaculatissimi Agni imagine figuratas, bene ꝑ dicere, & per inuocationem tui sancti nominis sanctificare, digneris; vt per eius tactum & visum, fideles inuitentur ad laudes: fragor grandinum, procella turbinũ, impetus tempestatum, vëtorum rabies, infesta tonitrua téperentur: fugiãt, atque tremiscant maligni spiritus ante sanctę

*Cerimoniarum Rom.  
lib. 1. sect. 7*

Crucis vexillum, quod in illis exsculptum est.

Horum agnorum meminerunt etiam Alcuinus & Amalarius, de diuinis officijs per antiqui scriptores.

Apud Græcos tamen cum agno non depingitur, propter canonem 82. Trullensem, quo nonnulli arbitrantur eos fugillare voluisse Romanæ Ecclesiæ consuetudinem. Vnde hac de re consultus à me Dñ. Ioannes Cornutus Valencenensis, qui annis aliquot Nicosiæ Græco Archiepiscopo in Cypro cohabitauit, per litteras ita respondit. Quid præ manibus loco agni habeat apud Græcos diuus Ioānes, & memini, & in quibusdam à me varijs in locis adnotatis, scriptum inueni, manibus chartulam tenere, in qua Græco idiomate scripta sunt hæc verba, Ego vox clamantis in deserto, Parate viam Domini, rectas facite semitas eius.

*Picturæ quedam principum Apostolorum,  
Petri & Paulli.*

## CAPVT XXI.

**S** Equitur bifestus dies Principum Apostolorum Petri & Paulli. Quos pingunt pictores ad viuum, vt facile ex sola facie cognosci possint. In qua re vetustatem imitantur. Sic enim scribit S. Germanus patriarcha Constantinopolitanus in septima synodo. In septimo historia Ecclesiasticæ libro Eusebius scripsit se

Apostolorum Petri & Pauli imagines vidisse. Asserit autem ea specie qua putatur fuisse. Item *chrysto.*  
 Ambrosius de Geruasio & Protasio : Tertia *ad frates*  
 verò nocte, defecto ieiunijs corpore, non dor- *per Ital. a.*  
 mienti, sed stupenti (Geruasius & Protasius) *19. Iunij.*  
 cum quadam mihi tertia apparuere persona,  
 quę similis esset beato Paulo, cuius vultum me  
 pictura docuerat. Ac rursus, Constantinus in *In tom. 1.*  
 edicto donationis suę : Interrogare cœpimus *Conc.*  
 eundem beatissimum papam (Syluestrũ) vtrum  
 istorum Apostolorum imagines expressas ha-  
 beret, vt ex ipsa pictura disceremus hos esse,  
 quos reuelatio docuerat. Tunc idem venerabi-  
 lis pater imagines eorundem Apostolorum per  
 Diaconum suum exhiberi pręcepit: quas dum  
 aspicerem, & eorum quos in somno videram  
 figuratos in ipsis imaginibus cognouissem vul-  
 tus, ingenti clamore, coram omnibus satrapis  
 meis, confessus sum eos esse, quos in somno  
 videram. Idem refert Adrianus primus in Syn-  
 odo Nicena secunda, actione secunda. Ambro-  
 sij verò citata verba allegat in scripto de imagi-  
 nibus. De caluitie autẽ quam Petro appingunt, *Tom. 3.*  
 habemus testimonium Clemẽtis. Hieronymus *Conc. fol.*  
 enim in epistolã ad Galatas, in illud: Veni Hie- *218.*  
 rosolyman, videre Petrum. Nõ vt oculos, ait, *Galat. 1.*  
 genas, vultumq; eius aspiceret, & vtrũ frõtem  
 vestiret coma, an, vt Clemens in periodis eius  
 refert, caluiciem haberet in capite. Est & apud  
 Claudianum carmen quod huius meminit:

*In Iacobum  
Magistrum  
equitum.*

*Per cineres Pauli, per cani limina Petri.*

Cur autem beatus Petrus cum duabus clauibus regni cœlorum pingatur, notum est ex sacrosanctis Euangelijs. Sed à quibusdam forte obseruatum non est, quod vna clauis, aurea pingatur; altera, argentea. Exempla multa existant in Ecclesijs Romanis, in portis aliquot ciuitatum Italiæ, & Romæ, & in insignijs Pontificû. Per auream clauem, intelligo potestatem absolutionis: per argenteam, excommunicationis: Hæc enim inferior est, illa dignior. Rectè etiam corona in vertice pingitur, cùm eam gestauerit in memoriam passionis Dominicæ: vt est apud Bedam quinto libro, historiæ Anglorum: & puerulo cuidam beatissimi Apostolorum principes dignati sunt apparere, Petrus detonsus, vt clericus: Paulus barbam habens prolixam, vt est apud eundem, libro quarto cap. 14.

*Cap. 22.  
Vide etiam  
Theoriam  
S. Germani  
cap. 14. non  
longè ab  
initio.*

*Annotatio in Crucifixionem Petri principis  
Apostolorum.*

## C A P V T X X I I.

**Q**Uod autem attinet ad crucifixionem Petri, principis Apostolorum, nonnulli eum pingunt funibus cruci alligatum, moti fortassis verbis Christi, malè intellectis, Cum senueris, extends manus tuas, & alius te cinget, & ducet quò non vis. Quod dixit, significans qua  
morte

*Ioan. vlt.*

morte clarificaturus esset Deum. Nos tamen longè præferimus clauos. Nam Chrysostomus, in encomio Petri & Paulli, apud Metaphrastē, exclamat ad beatum Petrum, Beati clauī, qui membra tua penetrarunt. Et infra, Sit mihi ensis Paulli pro corona, & clauī Petri pro lych-nitibus gemmis infixis in orbem diadematis. Quæ sancti Doctoris verba annuè leguntur in *Leet. 5.* Octaua Apostolorum, abs Romana Ecclesia. *6.* Rursus, Diuus Augustinus sermone 149. de tempore: Crucifixus est Petrus: expertus est clauos: expertus est cruciatus. Euthymius præterea ad vltimum caput Ioannis, Alius te clauis adstringet, ac ducet ad mortem. Quibus consentit Simeon Metaphrastēs in commentario de vita Petri & Paulli. Accedit huc verisimile esse Romanis non alium fuisse crucifigendi modum quàm Iudæis, à quibus Christus cum latronibus clauis est crucifixus. Testis Augustinus, scribens tractatu 36. in Ioannem; Pendentes in ligno crucifixi, clauis ad lignum pedibus manibusque confixi producta morte necabantur. Hieronymus præterea significanter dicit, Petrum cruci esse affixum: quod in clauos competere videtur. Quo etiam respexisse arbitror inter Hispanos Prudentium, scribentem de coronis,

*Figitur ergo manus subter —*

Sic & Hegesippus in historia excidij Ieroso-  
lymitani,

R 4

lymitani,

*Hym. 12.*

*Lib. 2. c. 2.*



Cap. 23.

lymitani, A persecutoribus, ait, cruci adiudicatus, poposcit vt inuersis vestigijs cruci affigetur, quod indignus esset qui simili modo crucifigeretur; vt passus est Dei filius. Vbi notandum in primis verbum (affigetur.) Alligari enim non est affigi, nisi improprie, vt in historia sancti Andreæ vitio fortassis interpretis. Quomodo vice versa improprie scripsit Gregorius lib. 18. *Moralium*, In cruce clauis manus pedesq; latronis ligauerunt. Aduerte deinde quod inuersus voluerit cruci affigi, ne simili modo crucifigeretur quo Dei filius. Sanè si non fuisset clauis affixus, fuisset satis magna dissimilitudo à crucifixione Christi. Et tamen Tertullianus, in lib. de præscrip. hæret. scribit Romæ Petrum passioni Dominicæ adæquatum esse: ad illud, ni fallor, respiciens, quòd ad instar Christi Saluatoris, clauis sit ad crucem affixus. Edidit contrapictores hac de re Iudocus Badius, anno 1518. libellum Petri Richardi, Parrisiensis doctoris & sancti Petri Trecentis Canonici. In quo auctor ille non tantum auctoritate historiarum, & sanctorum patrum, pictores premit, sed etià per reliquias. Vrget enim clauum diui Petri Christi fidelibus ostendi Lemouicis, in Basilica diui Martialis: se etiam alterum diui Petri clauum vidisse in Mortaing, cœnobio monialium, ordinis Cisterciensium, in diœcesi Abrincensi. Denique accedunt sculpturæ & picturæ. Romæ ad quatuor clauos in cruce pendet

pendet in tabernaculo lapideo altaris sui , vbi cum coapostolo Paulo quiescit. Eandem sculpturam, affabre elaboratam, habent valux æneæ eiusdem Ecclesiæ, liberalitate Eugenij 4. erectæ. Similis pictura sed antiquior visitur in æde diuæ Mariæ, quæ est in Capitolio, ad ostium secundarium. Quare demus Petrum secundum historiam conuenientius depingi clauis affixum : ob id tamen non reprehendamus eius in cruce ad funes pendentis imaginem. Nam studiosè quidam videntur obseruasse, quod tum honoris, tum etiam maioris discriminis causa, solum Saluatorem nostrum depinxerint clauis affixum. De alijs verò, vt de Petro, & latronibus satis eis fuit exprimere, quod in cruce sint passi, malueruntque eis clauos adimere, nè eorum imagines cum figura Saluatoris nostri in cruce pendentis, à simplicioribus imperitè confunderentur. Certè maiores nostros noluisse hîc exactos esse, satis indicat latronum crucifixio, quæ passim à manifesta historia discrepat: tum etiam antiquæ quædam picturæ, tam Romæ, quàm alibi, in quibus beatus Petrus funibus cruci appendet. Tales Romæ esse intellexi, in æde Mariæ transpontina, in sancto sanctorum Ecclesiæ Lateranensis, & in sacello Capitolino.

*Annotatio in decollationem Paulli Doctōris gentium.*

## CAPVT XXIII.

**S**imilis poenè difficultas moueri potest de decollatione Paulli Apostoli, an videlicet depingi debeat ex eius gutture fluxus sanguinis, an lactis. Apparet de sanguine, quia apud Metaphrastē exstant Chrysostomi verba, Quisnam locus tuum excepit sanguinem, qui cruētavit quidem exteriorem tunicam barbari, qui tepalo affixit; atram autem eius animæ vestem, dealbavit modo inexplicabili. Quo etiā spectat, quod Hieronymus Castruccio scribit, Paullū Apostolum Neronis gladium cruētasse. In contrariū tamē est apud Augustinū, sermo de sāctis 25. apud Ambrosiū 67. Qui etsi fortasse neutrius eorum sit, est tamen vetusti scriptoris. Idem habet Gregorius Turonensis, Magni Gregorij equalis, in libro de gloria martyrum. Sed fortassis vrgebis Gregorium Turonensem, bonum quidem esse & sanctum historicum, qui tamē non satis cōperta quādā de apostolis cōscripserit. In quibus locū habeat quod Helduinus in Arcopagiticis Galeni scripsit, in prafatione de vita Dionisij, Parcēdū esse simplicitati viri religiosi, Gregorij Turonensis Episcopi: qui multa (siue potius quādā) quam se veritas habeat æstimens, non calliditatis astu, sed benignitatis, ac simplicitatis voto, litteris commendauit.

Dicam

Dicam igitur breuiter quæ sit Romanæ Ecclesiæ hac in re consuetudo. In octaua Apostolorum habet lectio sexta, ex sermone Ioannis Chrysostomi, Quisnâ locus tuû sanguinẽ excepit, lactis specie, in eius qui te percussit tunica apparentẽ, qui animã illius barbari supra modũ dulciorem reddens, fidelem effecit, cum socijs. Occurrit autem mox difficultas. Sermonẽ istũ Romani Breuiarij, esse Ioannis Chrysostomi apud Metaphrastẽ, apud quẽ contrariũ legitur; vt in initio capitis citatũ est, interprete Gẽtiano Herueto. Locus sanẽ perplexus, in quo discutiẽdo primũ fluctuare cœpi, & mecũ disputare, nũ alterutra lectio sit illegittima, an verò Romani sub finẽ sextæ lectionis, relictis Chrysostomi verbis, ponendã iudicarint sententiã apud sese receptissimã & indubitatã, & fortassis etiã picturis alicubi expressam. Sed periculosa sunt coniecturæ. Itaq; nodum retuli ad Ioannem Grauium Louaniensem, presbyterũ societatis Iesu, Romæ tunc agentem, vt is desuper Romanos consuleret, quos nihil temerẽ hĩc fecisse non dubitabã. Ab eo autem benignũ & eruditũ responsum accepi: in codice Vaticano omnino ita inueniri, vt Gentianus Heruetus in tomis Aloysij transtulerat, nulla lactis facta mentione. Non aliter in Græco, quàm in Latino legi, apud Simeonẽ Mataphrastem, qui iuxta nomen suum quẽdam de suo sapius intermiscuit. Verum autem & purũ Chrysostomi sermonem  
existare

exstare in peruetusto codice variorum sermonum eius apud Illust. Cardinalem Sirletum, virum non minus affabili humanitate, quam eruditione, clarum. In eo autem libro sermo allegatus eodem modo legitur, vt in Romano Breuiario, nisi quod librariorū errore scriptum videatur, super modum, pro super mel. Græca enim sic habent, Ποῖος τόπος τὸ σὺ ἰδέξατο αἷμα, τὸ γαλακτοεῖδες ἔραθεν ἐν τῇ χιτῶνι τῷ σε ἀσκολοπίσαντος, ὅπερ τὴν βαρβαρικὴν αὐτῆ ψυχὴν ὑπὲρ μέλι γλυκάναι πῖτον παρησκεύασαι γενέσθαι μὲν τῷ συνείλεων. Animaduersum est ab eodem Grauiο lac profluere in decollatione, quæ exstat Romæ in frontispicio porticus diui Petri. Quod igitur à beato Hieronymo scriptum est, Paullū Neronis gladium cruentasse, hoc de albo cruore accipi potest, vel quòd & cruor & lac ex collo eius profluxerint. Nam in martyrio Paulli, quod Lino Pontifici & martyri inscriptum est, legitur, de corpore Apostoli vnda lactis in vestimenta militis exsiluisse, & postea sanguis defluxisse.

*Paullus quibus de causis saepe à dextris Petri pingatur.*

## CAPVT XXIV.

**R**Estat nunc quæstio, dudum agitata, an Paulli Apostoli imago rectè à dextris Petri collocetur. Hoc enim à prisca verustate adhuc vsq; tépora obseruatum est in Apostolicarum litterarum sigillis, & in Pontificio sacello. Alibi  
etiam



etiam in picturis, & marmoribus, id sæpius  
obseruare licet. Vt igitur hanc questionem, qua  
possim breuitate, expediam: Constat in primis  
Petrum rectè Paulo præponi. Hoc enim à di-  
uersis Pontificibus obseruatum fuit, & etiam-  
num hodie obseruatur in Romana moneta.  
Idemq; perspicuum fit ex antiquissima tabula,  
Constantini, vt aiunt, tempore depicta, quam  
ipsius Diui Petri basilicæ canonici diligenter  
custodiunt. Exstantq; pro hac pictura diuersæ  
rationes, quarum nonnullas refert Mucantius:  
plures verò Paris Crassus, olim Pisauriensis  
Episcopus, & cerimoniarum præfectus, deci-  
mo Leoni scribens. Quod verò è contra Paullus  
Petro, qui dignior est, aliquoties præponatur,  
perquam absurdum videretur, nisi in eius de-  
fensionem pulcherrima occurrerent argumenta.  
Quæ septè referemus ex eruditissimo tractatu,  
quem de imaginibus Petri & Paulli, ad Grego-  
rium XIII. scripsit Franciscus Mucantius Ro-  
manus I.C. & Cerimoniarum magister. Neq;  
tamen putandum foret priscis illis patribus ra-  
tionem defuisse, etiam si illa à nobis ignoraretur.  
Nam & in rebus maioris momenti, vt in  
Ecclesiasticis traditionibus, desunt nobis ali-  
quando liquidæ rationes: in quibus locum ha-  
bet quod sub finem Ecclesiasticæ Hierarchiæ  
scribit sanctus Dionysius: Non nostra scientia  
diuina omnia circumscribi, multaque eorum  
quæ à nobis ignorantur, causas habere Deo  
dignissi-

dignissimas quas nos quidē ignoremus, cognitās autem habeant nobis superiores ordines.

Sed ad rationes veniamus, quarum prima ab antiquitate sumitur. Hanc primo loco urget Petrus Damianus, Cardinalis, Episcopus Ostiēsis, qui ante annos 500. scripsit Desiderio abbati, Occurrit mihi, quod ipse à me quaestione proposita saepenumero requisisti, cur videlicet in imaginibus picturarū per vniuersas Romæ adiacētes prouincias, Petrus, qui primus est, ad sinistrā, coapostolus autē eius Paullus, cōstituantur ad dextrā, cū iuxta vulgarem sensum hoc rerum ordo deponat, vt Petrus qui Senatus Apostolici Princeps est, dextrum Domini latus; Paullus verò qui minor est, sinistrū iure possideat. Sed durū est valdē vt opinemur quia tam egregium, tamq; famosum Apostolicæ dispositionis ordinē, inconsultē atq; incōsideratē, deuora Deo ac religiosa verustas admiserit. Neq; enim credendū est, vt Cōstātinus Imp. imo Papa Siluester, totq; post eos principes & sacerdotes, in Ecclesiasticæ disciplinæ cura peruiigiles, atq; solertes, hunc ordinē tantorum principum negligendum ducerent, si increpatione aliqua dignum existimarent. I. ratio. Quia Benjamin Latīnē sonat, filiū dextræ. Cōstat autē Paullum nō tantū de tribu Benjamin fuisse, sed & ipsum Benjamin postremum inter filios Iacob, Paulli typū gessisse. Itaq; rectē Paullus, filius dextræ, à dextera collocatur, cui Deus dexterę suę virtutem

*In epist.  
MS. &  
apud Mu-  
cant.*

tutem, plus quodāmodo quā alij est impar-  
titus: quiq; contra gentes per fortē dexterā di-  
micauit. III ratio. Quia dextera significat vitā  
cœlestem: sinistra autem temporalem. Vnde nō  
immeritō dexter locus Paulo tribuitur, qui  
uiuens adhuc ad cœlestia raptus est. Vbi arcana  
audiuit, quæ non licet hominibus loqui, & ad  
Apostolatū vocatus est, Deo iā glorificato. IIII.  
ratio. Quia Petrus potissimū fuit Apostolus cir-  
cūcisionis, Paullus autem gentium: quæ relicta  
synagoga ad dexterā Dei ponēdę sunt. V. ratio.  
Per Petrū, pręsens actiua vita figuratur: ideoq;  
ei cōpetit sinistrū latus, quo actualis vita expri-  
mitur. Has quinque rationes tradit Mucātius,  
ex epistola Petri Damiani, ad Desideriū abbatē.  
Mediā autē siue tertiā, tradunt etiā Innocētius  
3. sermone de Euangelistis, Thomas in 1. ad Ga-  
latas, Guilelmus Durātes lib. 7. Rationalis cap.  
44. & alij. Sequētes verò duas superaddit Mu-  
cantius. VI. ratio. Petrus à sinistris collocatur,  
vt inde documentū sumamus, summū Pōrificē  
humilitate decoratum esse oportere, sicut ipse  
Petrus fuit. Vnde istud arbitror obseruari in al-  
tari sacelli Pōtificij. VII. ratio. Dū Paullus Petro  
præponitur, significari potest hos Apostolos  
esse equales meritis: quodq; nihil debeamus de  
ipsis sentire diuersum, quos & electio pares, &  
labor similes, & finis fecit æquales. Nā & scri-  
ptura æqualitatē inter Filiū & Parrē significat,  
dū filiū asserit ad dexterā Patris sedere. Igitur,  
*Bissenos*

*Bissenos inter procures duo lumina, per quos  
Roma potens magni sustinet orbis onus.  
Seu dextra, læuaque sedent, par gloria utriusque,  
Par honor & laus est: stat bene quisque  
loco.*

Part. 3.  
confi. 2.  
Neb. c. 3.  
loc. Script.

Addit Catanæus lib. de gloria mundi, ex Antonio Nebriffensi, Grammatico, Petrum in sinistro collocari, quia læua pars pro digniori apud antiquos est habita. Quod assumptum Mucantius non tantum negat, sed etiam doctè refutat. Quod verò Centuriones Magdeburgenses asserunt, Paullum aliquando à dextra depictum esse à veteribus, ut significarent Petrum ceteris Apostolis non esse superiorem, sed parem, hoc commentum esse, & nouitium, & hæreticum, nullus catholicorum dubitare potest, apud quos Apostolicæ Sedis primatus à Petri Apostoli temporibus hætenus refulsit, & fulgere non desinet. Quo spectat etiam quod nonnulli hæretici omnibus Apostolis in picturis tribuant clauis regni cælorum, quos Ecclesia peculiariter Petro tribuit.

## I V L I V S.

*Maria Magdalena absque vestium pompa pingatur.*

## C A P V T X X V.

**S** Equitur Iulius Mensis, siue Quintilis, & in eo natalis Mariæ Magdalænæ. Hanc autem

tem pœnituisse vestitu non exprimunt Euan-  
gelistæ, sed non est dubium quin tam perfectæ  
pœnitentiæ exemplar, etiam habitum induerit  
qui pœnitentem decebat. Ideoque indecenter à  
pictoribus pingitur cum pompa vestium, pœ-  
nitentiam agens, aut crucem prouolutis geni-  
bus amplectens. Canit enim de ipsa Ecclesia, *Resp. s.*  
Regnum mundi, & omnem ornatum sæculi  
contemsi, propter amorem Domini mei Iesu  
Christi. Neque impudicè pingenda est, vt  
peccatrix, sed pudicè. Quod à multis contra  
insolentiam pictorum est notatum. Pulchrè Pe-  
trus Bacherius, in Homilijs, Malim, ait, Su-  
fannam pingi ac delineari ingemiscentem, ac  
lacrymis infusam ad cœlum attollètem oculos,  
quàm seminudam ad lauacri aquas se stygmate  
perungentem. Maiores enim tum faces ac scin-  
tillas subdet ad imitandum. Quod & de ceteris  
diuarū imaginibus intelligi velim. Quis enim  
non videt, vtiliorem esse tabulam quæ Magda-  
lenam nobis refert ad Domini Iesu pedes effusè  
lacrymantem, quàm eam quæ illam exhibet,  
qualis erat dum septem dæmoniorum esset de-  
ditissima famula?

*De pictura Iacobi Zebedæi annotatiuncula.*

## CAPVT XXVI.

**Q**Uod verò ad sanctum Iacobum Compo-  
stellanum attinet, cum baculo & concha,  
quæ sancti Iacobi dici solet, eum ob id pingi  
S arbitror



arbitror, quia ad Hispanias vsque ambulauit, vt ibi Apostolica legatione fungeretur: & Cōpostellæ corporaliter patronus quiescit, vnde peregrinantes, conchas huiusmodi referunt. Alicubi cum gladio pingitur, quæ pictura, etsi rarior sit, priori tamen est præferenda, quòd ex sacra Scriptura desumpta sit, & Martyriū eius explicet. Errant autem pictores nonnulli, qui dum festi huius Euāgelicam lectionem depingunt, Matrem exprimūt filios suos veluti puerulos manu ducentem: quasi Christus eos in tenera ætate vocasset ad Apostolatus dignitatē. Cū illa ætas ex decreto Concilij Tridentini ad nullum beneficium sit idonea. Nos quidem non negamus Iacobum & Ioannem tunc pueros fuisse phrasi sacræ Scripturæ, sed puritate & simplicitate, non autem ætate. Quomodo de Dauid, qui mortuus est senex, & plenus dierum in Euangelio legitur, Et erexit cornu salutis nobis, in domo Dauid pueri sui.

*Christophori pictura multipliciter discutitur.*

## C A P V T    X X V I I.

**P**Lura dicenda sunt de Christophoro martyre, cuius natalis in eundem diem incidit. Et in-primis solent eum passim pingere in aulis ædium, & in templis, vt facile conspici posset. Imò audio in Alemannia multis locis depictum esse extra templum, circa ingressum, aut in exteriori templi pariete. Huius autem causam

Mat. 12.

Seß. 23.  
cap. 6.

Luc. 1.

causam indicant quibusdam locis subscripta carmina, qualia sunt :

*Christophori sancti speciem quicumque tuetur,  
Ista nempe die non morte mala morietur.*

Verùm cùm aliàs dixerimus istud vanum esse, Lib. 2. cap. 36.  
meritò rectiùs facere censentur, qui alio decetì  
loco eius imaginem statuunt, vt ex loco non  
possit huius vani erroris occasio desumi.

Rursus, pictores pingentes in humeris Christophori Christũ, & alia quædã ei appingentes, respexerũt ad id quod Legẽda aurea habet, Leg. 93.  
eremiram quendam ei dixisse : Cùm procera staturæ sis, & fortis viribus, si iuxta fluuiũ eum resideres, & cunctos traduceres, regi Christo, cui seruire desideras, plurimũ gratũ esset, & spero quòd ibidem se tibi manifestaret. Deinde multa plausibiliter addit, quod puerũ Christum in humeris portauerit, & miratus sit eius pondus, dixeritq; fluuiũ transgressus : In magno periculo puer me posuisti, & adeò ponderasti, quòd si totum mundum super me habuissẽm, vix maiora pōdera persensissẽm. Ad quem puer : Ne mireris Christophore, quia non solũ super te totum mundũ habuisti, sed & illum, qui creauit mundum, tuis humeris baiulasti. Sed an hæc sint certa, nescio. Hoc scio, quòd aureæ Legendæ author præmittat, vt in quibusdam gestis suis legitur : & quòd nihil tale habeat historia eius manuscripta, cuius pars in Ecclesijs legitur.

Itaque pictura hæc exprimens, etsi numeranda sit inter eas, quæ probabiles sunt simplici populo: apud doctos tamen aut parum, aut nihil probabilitatis habet: ac proinde ab istis non est extendenda. Principale tamen videlicet imago Christophori cum Christo in humeris, videtur mihi à doctis extendi posse, aliò tamen referendo significationem, vt dicatur Christum in humeris portare, ad significandum, quod sicut nomine, sic & re, fuerit verus Christophorus, siue Christiferus. Sicut enim Agnes, quia secundum nomen suum Agna, id est, casta, erat, cum agno apparuit: ideoque etiam cum agno pingitur: cum in modum Christophorus non solum in suo pectore Christum portauit: sed, vt Martyrologia habent, Niceta & Aquilina eius prædicatione ad Christum sunt conuersæ. Imò, si rectè citetur in Aurea legenda, Ambrosij in Præfatione, verba sunt, Christophoro tantæ virtutis cumulum & doctrinæ gratiam Domine contulisti, vt 48. milia hominũ de Gẽtilitatis errore ad Christiani dogmatis cultum coruscantibus miraculis reuocauerit. Quid igitur mirum est ab eo in picturis portari Christum, qui secundum nomen suum Christum multis modis portauit. De trãslatione porrò per mare, & alijs, quæ appinguntur, scribit VVicelius nullam syllabam legi. Et tamen iam pridem ea excusata sunt ab Hieronymo Vida, Cremonensi poëta. Is enim non inelegantem scripsit hymnum

9. Cal.  
Aug.  
Leg. 95.

In hagiologio.

hymnum Christophoro Martyri, hunc in modum.

*Christophore, infixum quod eum usque in corde gerebas,*

*Pictores Christum dant tibi ferre humeris:  
Quem gestans quoniam multa es perpeffiss  
amara,*

*Te pedibus faciunt ire per alta mari.*

*Id quia non poteras, nisi vasti corporis usu,*

*Dant mēbra immanis quanta gigantis erāt,  
Ut te non capiant, quamuis ingentia, templa,  
Cogeris & rigidas sub Ioue ferre hiemes.*

*Omnia quod victor superasti dura, virentem  
Dant manibus palmam, quā regis altus iter.  
Quod potis ars tibi dat, nequeat cum fingere  
vera.*

*Accipe cuncta bono tu bonus ista animo.*

Quod si assumas hæc longè petita esse, non inficior. Sed memineris aliter tractandam esse obscuram & raram picturam: aliter imaginem ubiq; notissimam. Et ut non facilè huiusmodi damnanda est, sic potius benignè eam interpretandam esse: quamuis non nisi longè petita expositione id fieri possit. Sed hæc hæctenus.

Absit autè ut hinc suspicemur Christophori picturam tantum esse hominis Christiani imaginem seu schema: nullum autem fuisse eo no-

mine martyrem. In quem errorem præcepit ruit Philippus Melanchthon, cuius in apologia Cōfessionis Augustanæ hæc sūt verba, Christophorū pinxit aliquis vir prudens, vt significaret per allegoriā, magnū oportere animi robur esse in his qui ferrēt Christū, hoc est, qui docerēt Euāgelium aut confiterentur, quia necesse sit subire maxima pericula. Deinde stolidi Monachi apud populū docuerūt inuocare Christophorū, quasi talis Poliphemus aliquādo exstitisset. Maiori cū modestia, etsi pari ferè errores scriptū reliquerunt Centuriatores, Christophorus eunuchus, aberemita quodam iussus est migrare ad fluuiū, ac per eum, quia ingenti esset statura, peregrinantes transportare, &c. Hæc narratio peruulgata est, sed quā historiam nos esse non affirmamus: cogitationem tamen pij alicuius esse hominis putamus de Ecclesia. Quæ omnia magnā haberēt probabilitatem, nisi aliunde erroris sui conuincerentur. Nā vt gesta ea omittamus, quæ passim in antiquis exstant Ecclesiarum Breuiarijs, & vt prætereamus Nicephori Callisti testimonium, qui eum sub Decio martyre factum prodit: nōne Frācia tēpore Remigij sui Apostoli, Habuit Ecclesiā sancti Christophori martyris? Habuit. Testis est enim eius rei locuples Hincmarus Episcopus Remēsis. Et in Germania laudatur à Rothgero, Bruno, Coloniensis Archiepiscopus, Ottonis Imperatoris frater, quòd Christophori pretiosas reliquias, ad suæ eccle-

Cent. 4.  
cap. 12.

Lib. 5. cap.  
27.

off. 11.



ecclesiæ sedem, vnico ambitu attraxerit. Quid quod inter eosdem Germanos, & nomē eius à multis sæculis in litanijis fuerit lectū? reperitur enim in Litania Francofurti reperta, quam in vsu Ecclesiarum tempore Ludouici Pij fuisse, *Vvicel. in exercitat. pietatis.* qui eam perleget ambigere non poterit. Habuit & Italia anno 743. basilicam beati Christophori ad quinquagesimum à Rauenna lapidem. De qua Sigonius, libro tertio de regno Italiæ, mentionem ingerit: & iam antea monasteriū sancti Christophori: cuius Gregorius primus meminit. In Græcia porrò fuisse oratoriū *Lib. 81. epist. 33.* & monasteriū Christophori martyris, cognoscitur ex historia Theodori, Siceorū archimanditræ à Georgio eius discipulo descripta. Quæ exstat in tomis, secundo historiarum, & tertio Conciliorū, apud Surium. His verò testimonijs quæ ex quatuor distinctis & celeberrimis orbis Christiani prouincijs, à nobis non longa obseruatione sunt annotata, nō dubito quin, maiori diligentia adhibita, plura superaddi poterunt. Itaque concludimus Christophori picturam non esse cogitationem pij alicuius hominis de Ecclesia, aut typum docentis vel confitentis Euangelium, vt ab aduersarijs est annotatum: sed esse veri martyris, qui fortiter & cōstanter Christum in tormentis confessus est, veram imaginem, cui tamen per allegoriam, quam Vidæ carminibus explicuimus, non pauca sunt admixta. In eadem explicanda non inelegans

est Laurétius Xerifanus, in libris quos restituit de ratione studij Theologici, quamquam per imprudentiam (quæ facile obrepit in hæreticorum scriptis purgandis, dum illi lenocinijs verborum sua molliter & plausibiliter dicunt) scriptum reliquerit, confictam Christophori picturam adumbrare Euangelij præconem. Neq; enim hæc verba Catholici sunt scriptoris, sed hæretici, in quibus latēs venenum à Theologo opus recognoscente non est animaduersum.

*Lib. 3. c. 7.* Verba apud eum hæc sunt, In declamationibus exponetur quid sibi velint picturæ, & cōfictæ quædam historiæ, veluti pictura Christophori, quæ adumbrat Euangelij præconem, qui dum Christum extollit & circumfert visendum, cognoscendumque omnibus, periclitatur in præcellis & fluctibus huius mundi, atque à malis hominibus tamquam monstris, ac beluis marinis, vndique infestatur: sed tamen indefessè respectans ad lucernam verbi Dei, quam sancti patres, Prophetæ & Apostoli, de Ecclesia prodeuntes accensam ostentant ac protrudunt, nixus præterea spe iucundissimorum fructuum in posterum, vel post hanc vitam recipiendorum, (quos baculus supernè virens & florens promittit) & contentus tenui sorte, victu nimirum, & vestitu (testantur id in perapanis & pisciculus, vili parabiles, item vestis curta, & minimè laciniosa) tandē ad littus & stationem contendit, vbi quiete & gloria æterna cum Christo,

Christo, quem gestauit, fruetur. Hæc apud Xeresanum leguntur, & ad explicandas allegoricas Christophori picturas multum conducunt. Sed quæ iam inculcata sunt, pertinent ad martyrem Christophorum: nec tolerandum arbitrör, quod ab hereticis trahantur ad adumbrandum Euangelij præconem, quasi tota historia martyris Christophori, velut fabula & figmentum, sit reiicienda.

Viderit etiam Ioannes Hunæus, cùm in eundem lapidem, sibi per suæ gentis spurios scriptores positum, incautus offenderit, qui allegoriam de sancto Christophoro, Christiano & catholico quidem spiritu conscripsit: durius tamen eam tractat, & nimis in aduersariorum partes propendere videtur, dum inter alia scribit,

*Hæc sub Christophori monstrauit imagine,  
quisquis*

*Figmenti exstiterit primus mortalibus auctor,  
Cumque nihil fidei contra pia fabula dicat,  
Sub quouis sanè tolerari iudice quibit.*

*De familia sanctæ Annæ depicta.*

# C A P V T   X X V I I I .

**S**Equenti die multis in locis celebris est diuæ Annæ, auæ Saluatoris nostri memoria. Cuius pictura cum tribus Marijs, & tribus maritis, & filiarum prolibus, desumpta est ex

historia quæ vulgo probabilis est. Tres enim Marias & totidem maritos defendunt Petrus Sutor Carthusianus in libro de triplici connubio Annæ, & Natalis Beda contra Fabrum. Sed qui hanc historiam inter recentiores collegunt, indicant se magis secutos esse probabilem quandam ipsorum iudicio è sacra scriptura & scriptoribus coniecturam, quàm solidam à maioribus acceptam traditionem. Docti verò, quædam ex eis, tanquam manifestè erronea, aut incerta, reiiciunt, vt quòd tertius maritus dictus sit Salome, & filia eius Maria Salome: & nepotes eius ac consobrini Domini, Iacobus & Ioannes: cùm ex Euangelio clarè constet Salome nomen esse matris Zebedæorum: & Iacobus Alphæi dictus sit frater Domini, id est, cognatus, ad distinctionem Iacobi Zebedæi. Rursus, Mariam matrem Iacobi, Simônis, & Iudæ, Apostolorum, malunt quidam dictam esse sororē matris Domini (sicut Ioseph dictus est pater Domini, & sicut fratrum vxores dici solent sorores) quia fuit vxor Cleophæ, quem fratrem fuisse Iosephi habet ex Hegesippo Eusebius libro 3. historiæ Ecclesiasticæ. Sententiam itaque de vnica Annæ filia, tanquam probabiliorem amplectuntur, Euthymius Zigabonus Græcus vetustus auctor, in decimum nonum Ioannis, Cornelius Ianssenius cap. 143. in Concordiam Euangelicam, Petrus Canisius lib. de Maria cap. 4. Melchior Canus lib. 11. in locis

Cap. 11.  
sed 10.  
Ruffini.

locis Theologicis cap. 5. Iudocus Clichthou-  
ueus, Iacobus Faber Stapulensis in libris de  
tribus Annis & vna, & alij nonnulli: Quibus  
ex damnatis auctoribus, qui à fidenaufrage-  
runt, accedit Henricus Cornelius Agrippa, in  
libro quem conscripsit, quamuis nimis licen-  
ter, de beatissimæ Annæ monogamia ac vni-  
co puerperio. Quare, non est apud Doctos  
certum & euidens omnino, an B. Anna duos  
maritos habuerit: minùs verò certum, an tres  
habuerit cōiuges, & ex eis tres filias. Cùm ergo  
non expediat vt docti in pictura certis apertè  
incerta misceant, sufficiat eis, si placet pingere  
beatam Annam cum filia & Salvatore, & si  
velint, cum Ioachim & Ioseph. Reliqua verò  
in imaginibus positis & in ponendis à plebe,  
ipsi tolerant, quamdiu legitima potestas ea  
non improbat.

*Martha cum aspergillo cur sculpatur.*

C A P V T    X X I X.

**E** Odem mense colunt Romani natalem  
Marthæ: quæ pingitur cum aspergillo, &  
aqua benedicta. Cuius causâ tradit Clichtho-  
ueus. Cùm, ait, in Aquensi adhuc territorio  
diuersaretur, erat super Rhodanum fluuium  
inter Arelatem & Auenionem draco immensæ  
molis, interdum sub aquis latitans, & aliquan-  
do super terram gradiens, qui & nauibus nau-  
fragium plerumque intulit, & viatoribus exi-  
tium.

*Homil. de  
Martha.*



tium. Rogata autem beata Martha, crucis signo illi ostenso, & aqua benedicta in illum respersa, mansuetum & innoxium reddidit. Quod cernens populus lanceis & lapidibus mox draconem peremit. Hoc autem miraculum repræsentatur per effigiationem imaginis sanctæ Marthæ fieri solitam.

## A V G V S T V S.

*Laurentij imago quàm conuenienter nummis imprimatur.*

## C A P V T X X X.

**S**Vnt autem, vt ad Augustum mensem trans-  
eamus, quædam picturæ ex historijs satis notæ. Qualis est Dominici patriarchæ Prædicatorum, cum catulo qui faculam ardentem gerit: Laurentij archidiaconi cum craticula. Sed quædam sunt quæ aliunde egeant obseruatione, ac illustratione. Exempli gratia, paucis notum est quod antiquitus Roma, Bononia, & Viterbum, Laurentij imaginem solent monetæ imprimere, vt habet Desiderius Langobardorum Rex in suo edicto quod Viterbinis tulit, & à Ioanne Annio Viterbenfi annotationibus est illustratum. Quale aliquid etiam Leander refert in Italia sua. Hoc autem maiores fecisse puto, vt tanti viri exemplo disceremus pecunias dispergere & dare pauperibus.

*Pictura*

*Pictura Claræ cum Eucharistia.*

## CAPVT XXXI.

**F**ortassis porrò offendet quosdam quod Clara pingatur cum Eucharistia in manu: caussa patet ex eius historia, quam iubente Alexandro quarto, qui eam sanctorum catalogo inscripsit, Anonymus author conscripsit. Capite enim 14. ait, Clara, cùm Saraceni, qui sanguinem sitiunt Christianum, & omne nephas impudentiùs audent, Afsisium irruissent, & intra claustrum virginum confluerent, iubet se infirmam duci ad hostes, præcedente eam capsâ argentea intra ebur inclusa, in qua sacrosanctum corpus deuotione seruabatur, & prece fusa liberationem impetrauit, & cœnobij, & ciuitatis. Item cap. 18. In graui infirmitate filabat delicatissimos pannos, de quibus vltra quinquaginta paria corporaliū faciens, & ea sericis, vel purpureis thecis includens, per plana & montana Afsisij varijs Ecclesijs destinauit.

Ex his satis apparet, quantam animi deuotionem Clara erga sacramentum Eucharistiæ exhibuerit. Sic etiam beatus Cherubinus Spolestinus ordinis Minorum, Afsisij sepultus, cum hostia & calice pingitur, quia erga venerabile Sacramentum fuit deuotissimus.

*Assumptio*

*Assumptio beatæ MARIAE, quomodo pingenda.*

## CAPVT XXXII.

**A**D medium mensis occurrit celebritas Assumptionis sanctissimæ Deiparæ Virginis. In quâ, quod ei dum moritur, item dum sepelitur, Apostoli omnes, præter Thomam, adesse pingantur, referendum videtur inter eas picturas quæ populari pietate vniuersaliter receptæ sunt: non absque testimonio multorum Græcorum, & aliquot Latinorum. Cui picturæ absit, vt refragari velim, cùm sciam vulgatam hanc historiam, Ioannis Damasceni verbis annuè legi in restituto Romanæ Ecclesiæ Breuiario. Opinatur autem Ioannes Eckius Mariam obdormientem, seu è vita migrantem, non esse pingendam habitu morientis. Loquens enim de collecta diei, Venerâda nobis Dômine huius diei festiuitas opem conferat sempiternam, in qua sancta Dei genitrix mortem subiit temporalem, nec tamen mortis nexibus deprimi potuit: sic scribit: Collectam aiunt fecisse Gregorium: & secundû hanc, sine dolore morua est. Non igitur pingi illa debet habitu & facie ægrotantis. Iudocus verò Clichthoueus in libro, de Assumptione Marię, paulò vlteriùs progreditur. Sic enim habet cap. 6. Tam fuit à dolore carnis extranea, quàm à corruptione fuerat aliena. Crediderim eâ non decubuisse lecto more ægrotantium, & qui morbo pressi claudunt

dunt hanc vitam (cum venia pictorum & sculptorum) cum neq; infirmitate vexata credi potius debeat, neq; debilitate prostrata, sed flexis reuerenter genibus, & sublati in cœlum manibus inter orandum acceptissimum Deo spiritum commendasse: quemadmodum Paulum primum eremitam obiisse tradit Hieronymus.

At postquam Maria assumpta est in cœlum, *Fred. de imag. c. 7.* Regina cœlorum facta, ei quoq; reginalem statuum erigendam esse putauit Ecclesia in modum de quo scribitur in Apocalypsi, vbi diuus Ioannes vidit reginam hanc amictam sole: & lunam sub pedibus eius: in capite gestantem coronam stellarum duodecim. Est enim coronata Maria nouem chororum Angelicorum priuilegio: simul & trium ordinum prærogatiua dotata, scilicet, Virginum, Martyrū & Cōfessorum. Hæc quoque est illa regina, de qua Dauid ait: *Psal. 44.* Astitit regina à dextris tuis, circumamicta varietate, scilicet donorū cœlestium. Locum hunc Apocalypsis de B. Maria explicant, Augustinus initio *Post sermones de Assumpt.* 4. tract. de symb. ad Cathecumenos, & Bernardus integro sermone. Et quāuis alij de Ecclesia interpretentur, rectè tamē citatis locis, & in ecclesiarū picturis per eminentiā Deiparæ applicatur, quæ etiam ipsa figurā in se sanctę Ecclesię demonstrauit. Nec incōgruè angeli pinguntur circa effigiē superbenedictæ Virginis, vbi ad cœlū assumitur, quasi admirabundè, dicētes: *Cant. 3.* Quæ est ista quæ ascēdit per desertū, sicut virgula fumi, ex aro-

ex aromatibus mirrhæ, & thuris, & vniuersi pulueris pigmentarij? Non enim purandum est Angelorum occurſus, & ministeria deſuiſſe, quando mater Domini ad cœlos aſſumta eſt, ſuper omnes choros Angelorum exaltanda. Imò crediderim, cum Anſelmo, omnes illius patrię ciues adſuiſſe in aduentu matris Domini ſui. Romæ verò vbi hæc pictura in diuerſis eccleſijs viſitur, obſeruauit, mihiq̃ue communicaui, Ioannes Grauius, adiungi Chriſtum, qui gloriſiſſimam Virginem matrem ſuam manibus deſert in cœlum: eam quoque picturam per Alemanniam frequētari. Ad quæ etiam à nonnullis adaptatur illud Abacum, Super excelsa mea deducet me victor, in pſalmis cānentem. Chriſtus enim victor eſt diaboli, mortis & inferni. Rurſus quod in libris Regum legitur, Surrexit Rex in occurſum matris, adorauitq̃ue eam: & ſedit ſuper thronum ſuum: poſitusq̃ue eſt thronus matri regis, quæ ſedit ad dexteram eius. Et apud Hieronymum legitur in tractatu de Aſſumptione beatæ Mariæ, Creditur quod Saluator omnium, ipſe, quantum datur intelligi, per ſe totus feſtinus occurrat, & cum gaudio eam ſecum in throno collocauit. Aliàs autem quomodo impleuiſſe creditur, quod in lege ipſe præcepit, Honora patrem tuum & matrem tuam? Addit Conradus Brunus, in libro de imaginibus: Eadem quoque mater Domini aſſumta in cœlum, rectè ita pingere-

*De excellē-  
tia Virginis  
cap. 8.*

*Cap. 3.*

*3. Reg. 2.*

*In append.  
operum.*



pingetur, ut à superbenedi&ta Trinitate tanquam Regina cœlorum, coronetur.

*Cur Mariæ sub pedibus serpens pingatur.*

## CAPUT XXXIII.

**H**Vc etiam pertinet Deiparæ Virginis, & Dominæ nostræ pictura, cum diabolo, aut dracone sub pedibus. Ipsa est enim quæ Euæ maledictionem abstulit, & maxima gloria diabolum vicit. De quo occurrit illud Esaïæ: In die *Esa. 27.* illa visitabit Dominus in gladio suo duro, & grandi, & forti, super Leuiathan, serpentem, vectem, & super Leuiathan serpentem tortuosum. Pingitur autem nigro colore, turpis, & tenebrosus, sicut decet amatorem turpitudinis, & principem tenebrarum figurari. Dum verò eum à Deipara virgine conteri video, in mentem reuoco quod in initio Pétateuchi habetur, Inimicitias ponā inter te & mulierem: & semē *Gen. 3.* tuum & semē illius: ipsa conteret caput tuum.

Scribit præterea Richardus à VVassebouch, *Lib. 2. antiquit. bel-* Archidiaconus Virdunensis, & ex eo Antonius *gic.* Demochares, Pulchronium episcopum Verdu- *De sacrif.* nensem sancti Lupi discipulum, interfuisse *Missa.* Concilio Calchedonensi sexcentorum & triginta episcoporum, in quo ordinatum est, in Ecclesijs cantari debere hoc eulogium, Gaude Maria virgo, cunctas hæreses sola interemisti, Addit, eum Ecclesiā sanctę Marię construxisse, in qua imaginem beatæ Mariæ apposuit, in qua  
T serpens

serpens sub pedibus eius pingitur, significans hæreticos & aduersarios eius condemnatos, in Concilio Calchedonēsi, cui interfuerat. Pulcrè Bernardus in homilia de duodecim stellis, Totius, ait, stultitię Princeps, qui verè mutatus ut luna sapientiam perdidit in decore suo sub Marię pedibus conculcatus & contritus, miseram paritur seruitutem. Nimirum, ipsa est quōdam à Deo promissa mulier, serpentis antiqui caput virtutis pede cōtritura: cuius planè calcaneo in multis versutijs insidiatus est, sed sine caussa. Sola enim contriuit vniuersam hereticā prauitatē. Alius non de substātia carnis suę Christum edidisse dogmatizabat: alius paruulū non peperisse sed reperisse, sibilabat: alius Dei matrē audire non sustinēs, magnum illud nomen theotocos impijssimè sugillabat: sed contriti sunt insidiatores, conculcati supplantatores, confutati derogatores, & beatam eam dicunt omnes generationes. Denique & continuò per Herodem draco insidiatus est parienti, ut nascentem excipiens filium deuoraret, quòd inimicitia essent inter semen mulieris & semen draconis.

Quomodo autem ipsa Deipara Virgo Maria, ex sanctorum, veterumque scriptorum sententia, non tantum serpentē, sed & semen eius, vniuersam hæreticam prauitatem, contriuerit, doctè & eleganter contra Sectariorum calumnias asserit Petrus Canisius, Societatis Iesu Theologus, in libro quinto, de Maria.

*Pictura sanctæ Helenæ.*

## CAPVT XXXIV.

**D**Ecima octaua die natalem habet Helena, multarum Ecclesiarum fundatrix. Quæ pingenda est mulier grandæua, alacris, fortis, magnanima, procera, crucem portans intra vlnas. Iniuriam illi faciunt qui pingunt eam cum corona regali, fuit enim Augusta. Porro quod Cōstantini magni mariti eius statua, altera manu globum cum infixâ cruce contineat, symbolum est orbem terrarum ei per crucem subiectum esse. Quod Nicephorus Callistus ad Andronicum Palæologum seniore scribit in initio Ecclesiasticæ historiæ.

*De imaginibus sancti Barptolomæi.*

## CAPVT XXXV.

**S**Vnt & quædam de sancto Apostolo Barptolomæo obseruanda. Hunc enim quidam velut nobile depingunt in cœna dominica, & alibi. Quod desumptum est ex verbis damonis apud Pseudoabdiâ: vbi & plura de Barptolomæo mētitur, quod angeli non permittant eum esurire, aut fatigari: quodq; purpura & gēmis vestiatur. Quis credat Apostolum, dum post acceptum S. sanctum Apostolica legatione fungebatur, noluisse purpureâ vestem ob nobilitatem suam deponere? & quod propterea (vt quidā maiori temeritate addunt) debuerit propria sua pelle excoriari? Christus dicit: Confiteor tibi pater *Luc. 10.*

1. Cor. I. Domine cœli & terræ, quod abscondisti hæc à sapientibus & prudentibus, & reuelasti ea paruulis, & Petrus Apostolorum primus nomine  
 Matth. 19. omnium: Ecce nos reliquimus omnia & secuti sumus te: quid ergo erit nobis? Atqui absurdū est omnino, quod Doctor humilitatis & contemptus, vestitu contrarium docere videretur. Quare valeat obscurum figmentum de vestitu purpureo Barptolomæi tempore Apostolatus eius. Valeant etiam libri decem de Apostolici certaminis historia, qui ex Germania nuper prodire, titulo Abdiæ, Oporini typis excusi: quos vt fide indignos Paullus papa quartus inter scripta à se damnata reiecit. Nimium verò crassè & lasciue depingitur alicubi Barptolomæus totus excoriatus velut monstrum quoddam, & vir syluestris, gerens in baculo cutem suam, quasi sic, vt quidam ineptissimè nugantur, Romam cucurrisset.

Sixtus  
 lib. 2. Bibliotheca  
 sanctæ.

Nec multum ab hac pictura distat, quod Michaël Angelus Romæ in secretiori sacello Pontificio, quod Xisti quarti dicitur, Barptolomeum in extremo iudicio pinxerit, cutem suam manu gestantem.

*De picturis sancti Augustini.*

#### CAPVT XXXVI.

Circa Augustinum etiam, præcipuum Ecclesię doctorem, calamus nonnihil est exferendus, quod picturas quasdam habeat contro-  
 uersas.



uersas. Primùm quærunt nonnulli, cur pingatur cor suum manu gestans. Dicam quod obseruaui. Cùm alios exhortatus sit ad cor Deo offerendum, non dubium est, quin optimus Ecclesiastes verbo & opere docere volens, cor suum Deo obtulerit. Audi, inquit, quid tibi dicat ex ore sapientiæ charitas, Da mihi fili cor tuum. Da mihi, inquit. Quid? Fili cor tuum. Male erat, quando à te erat: per nugas enim & amores lasciuos, perniciososque trahebaris. Da mihi, inquit, cor tuum. Sit mihi, & non perit tibi. Recentiores autem non solum cum corde pingunt, sed cum corde iaculis transfixo. Cui picturæ occasionem videtur dedisse quod idem ait lib. 9. Confessionum, Sagittaueras tu cor nostrum charitate tua, & gestabamus verba tua transfixa visceribus. Alicubi ad pedes eius inuenias puerum, qui è mari in paruū puteum conetur omnem aquam colligere. Quod desumptum videtur ex epistola decima septima, quæ in appendice ad secundum tomum Diui Augustini, inscribitur diui Augustini ad Cyrillum, Hierosolymitanum Episcopum, de admirandis Hieronymi præconijs. Habet enim ea Hieronymum in die & hora exitus sui apparuisse Augustino Hippone, in cellula sua auidè cogitanti, qualis inesset animabus beatorum, qui cum Christo gaudent, gloriæ & lætitiarum quantitas. Atque hac occasione Augustino dixisse: Augustine, Augustine, quid quæris? Putás-

*De diuersis  
serm. 2.*

*Prov. 23.*

*Cap. 2.*



ne breui immittere vasculo mare totū? Potius totum mare in arctissimo clauderetur vasculo, quàm gaudiorum & gloriæ, quibus beatorum animæ sine fine potiuntur, minorem intelligeres particulam, nisi vt ego, experientia docereris. Deinde subdit author: Pluribus itaque horis illa gloriosissima anima ibidem mecum manens, Trinitatis sanctissimę vnitatem, & vnitatis Trinitatem, Filij à Patre generationem, Spiritus sancti à Patre & Filio processionem, Angelicas hierarchias & ordines, & eorundem spirituum mysteria, beatarum etiam animarum gaudia, & alia vtilia, & graua humanis intellectibus, quàm subtiliter, quàm euidenter, quàm mirabiliter, & delectabiliter mihi patefecerit auido, si omnium hominum linguis loquerer, nō explicarem sermone. Hęc plausibilia quidem sunt, sed quorum primus author est barbarus impostor, qui de laudibus Hieronymi literas confinxit Augustini ad Cyrillum, & Cyrilli ad S. Augustinum: in quibus non solum multa manifestissimè de Hieronymo mentitur: sed etiam heresiarcham vocat Sabianum quendam, quia in Christo duas asserbat voluntates: & Hieronymum dicit epistolam super huius erroris destructione paulò ante suum obitum edidisse. Quo quid ineptius? Quidquæ à Catholico doctore magis alienum? Quis autem credat, quod humilis doctor Augustinus hæc dissimulasset? qui lib. 22. de ciuitate Dei,

Dei, docet miracula certa non esse cælanda: quique libros, quos de Trinitate conscripsit quindecim, ita concludit: Domine Deus vnus, Deus trinitas, quæcunque dixi in his libris de tuo, agnoscant & tui: si quæ de meo, & tu ignosce, & tui. Amen. Neque hac de re silet Possidius Calamę ciuitatis Episcopus, in eo libro, quo præceptoris sui Augustini vitam grauissimè conscripsit: quique ab eo didicit miracula certa cælanda non esse. Alij quidam recentiores, sicut falsitas facilè variat, paulò aliter narrant: puerum videlicet Iesum ei apparuisse, dum meditaretur libros de Trinitate: & quod puer è mari omnem aquam colligere conabatur in paruum puteum. Addit Iacobus Philippus Bergomensis, quod hæc dicantur contigisse ad Liburnum, portum Pisanorum.

Sed vtut hæc referantur, magis plausibilia sunt rudi populo, quàm veritati innixa. Vnde huiusmodi picturam, quæ non est celebris in Ecclesia, tolerandam quidem puto à clero, vbi posita est, nullo autem modo extendendam.

Est etiam agitata aliquando controuersia de nigra diui Augustini cuculla. Pro qua Ambrosius Choriolanus, Romanus, Generalis Augustinensium, in eorundem defensorio ad Sixtum 4. In prima, ait, Ecclesia Christianorum, scilicet S. Ioannis Laterani: in capella D. Papæ in suo palatio: in Ecclesia sancti Petri de Roma: in Ecclesia D. Mariæ Maioris de

Cap. 2. au-  
toritate  
11.

Cap. 3.

Roma: in Ecclesia sanctæ Sophiae Constantinopolis: in Episcopatu Lucano, Pisano, Florentino, Senensi, atque Papiensi, imagines sancti Augustini cum cuculla nigra, atque scapulare apertè videntur, &c. Addit eandem imaginem ante annos 400. erectam esse Mediolani super portam Cumanam, cum sanctus Galdinus civitatis muros instaurari fecit: & anno abhinc 393. Venetijs ad S. Marcum. Hec ille. Similiaq; fertur antea congestisse Paullus Bergomensis. Sed vterque aduersarium habuit Eusebium Conradum Mediolanensem, ex auctoritate Capituli sui Lateranensis, qui multa congestit, vt euincat Augustinum non fuisse ordinis eremitici, nec gestasse, vt eremitani Augustinenses, cucullam nigram. Picturis autem, quas ipsi posuerunt, opponit alias picturas, Romæ & Mediolani conspicuas. Similiter Iacobus VVimpelingus, ex aduerso vrget multis in locis, vt Romæ in sanctæ Mariæ maioris basilica dignissima, imagines sancti Augustini videri sub Canonici specie. His accedit quod Ioânes Mamburnus Bruxellensis, in libro quem sui ordinis venatorium inscripsit, multum premat Augustinenses eremitanos hæc defendentes. Quibus præter dictum Eusebium, sanctum quoque Antoninũ, & alios obijcit theologos, & Iurisconsultos: Imo & rationes ex Possidio & Augustino petitas. Sed his puto nunc non refragari doctos Augustinenses. Nemo tamẽ dicat, quod aliquando

*De integritate c. 32.*

*Anton. p. 2. de spiritu superbiæ.*

quando factum est, Ergo mendax, detestabilis, & execranda est dicta pictura. Aliud enim est mendacem esse picturam, aliud rudem. Nam si Augustinus pingatur cum habitu, non quem gessit, sed quo eum Augustinenses vestire cupiunt, quia patronum eum habent, hinc ruditas, & simplicitas admitti potest, quam ego tolerare malim, quam turbare; sed mendacium non agnosco. Verum alios qui putarunt sermones ad fratres in eremo, Augustini esse, asseres cucullam ei nigram dedisse in picturis, ut significarent eum sic vestitum fuisse. Putarunt hoc illi, ideoque picturę suę significationem erroneam habuerunt. Sed levis hinc fuit error, ut non debeat vocari detestabile & execrandum mendacium. Nostra autem sententia ex superioribus intelligitur; rudē esse eam picturā, & nobis minus placere: si tamē cōmodē tolli non possit, nos corrigere malle significationē, imo etiam eam dissimulare, quam infirmiores ledere. Et hęc sic à nobis dicta accipiantur, ut neque verbis ipsi contendere velimus, neque ulli causam contendendi prębere. Nam in chronicis ordinis sancti Augustini, quæ Onuphrius inchoavit, & Signinus episcopus perficit Iosephus Pamphilus, annotatum est anno 1484. Xistum quartum præcepisse sub pœna excommunicationis latæ sententiæ, ne fiat contentio, & disputatio inter Augustinianos & Canonicos Regulares, de habitu sancti Augustini, &



sub qua figura debeat depingi . Bullam addit  
 exstare in Camera Apostolica , libro sexcente-  
 simo, nonagesimo secundo, folio 307. Quod si  
 Xistus omnibus disputationem & contentio-  
 nem inhiuisset, nō incidisset VVimphelingus  
 in eam difficultatem , de qua ad Matthæum  
 l. 2. ep. 42. Herbonum scribit Ioannes Trithemius, Iaco-  
 bus VVimphelingus, ait, Argentine est, grauē à  
 fratribus eremitis diui Augustini sustinens per-  
 secutionem, propterea quòd in quodam opere  
 suo , de integritate prænnotato , scripsit ipsum  
 Augustinum non exstitisse monachum siue cu-  
 cullatum. Compatior homini pœnè vltra vires  
 molestiam ferenti , cuius nobile ingenium iam  
 senescētis ad iurgia compellitur Iuristarū. Nam  
 in propria persona illum citari ad Sedem Apo-  
 stolicam curarunt. Cuius Apologiam in cētum  
 versiculis editam, cum litteris meis ad te misi.

Cap. 31.  
 32.

## S E P T E M B E R.

*Egidij pictura examinatur.*

## C A P V T    X X X V I I.

**I**N Septembri, ipsis Kalendis occurrit Egidius  
 Atheniensis . Qui cur cum ceruā pingatur,  
 notum est ex historia, & tertia lectione Roma-  
 ni Breuiarij . Pingituretiam Carolo Martello  
 manus' impositionem , siue absolutionem tri-  
 buens : aut vt aliæ habent picturæ , Angelus  
 nunciat Carolo remissionem peccatorum, ad-  
 iecto etiam carmine,

*Egidij*



*Egidij merito Caroli peccata dimitto.*

Quod quidam hoc modo explicant, Angelo reuelante ad preces Egidij dimissum esse regi Francorum facinus magnum quod nulli ausus fuerit confiteri, si tamen deinceps ab illo desisteret. Sed hæc expositio impia est: sacrę scripturę & Ecclesiasticę traditioni contraria, quę sacramentalem exigunt absolutionē. Aburuntur & hæretici quidam hac pictura, qui ex ea asserunt falsò dici Carolū Martellum apud inferos pœnas sacrilegij depēdere, quia ex opibus templorum commilitonibus mercedem laborum dabat. Nos itaq; dicimus per dictam Diui Egidij picturā, non plus rudi populo ingeri, quàm quòd Martellus merito S. Egidij acceperit propositum firmum confitendi peccatum suum, à quo ante abhorrebat, parum memor dicti Sapientis: Est confusio adducens peccatum, & est *Eccles. 4.* confusio adducens gloriam & gratiam: aut quod Martello suffecerit absolutionem peccati sui petere, Deo, merito sancti Egidij remittente ei grauem pœnitentiam, quam alioqui persolvere debuisset.

*Imagines Diui Hadriani.*

## CAPVT XXXVIII.

**C**Um Natiuitate beatę Marię concurrat memoria Hadriani martyris. Qui cum incude pingitur, quia manus ei super incudem abscissa est: similiter & pedes incisi. Vxorq; sancta Natalia,

Natalia, quę eum fortissimē ad martyrium animabat, nō solum præsens esse volebat, tempore supplicij, sed & manum & pedes sancti mariti super incudem ponebat, & tenebat. Cur leo ei adiungatur nusquā legi, nec monasteriū sancti Hadriani in Gerardimonte habet rationem. Quare ad mysticam rationem confugio, quod scilicet leonino animo persecutionem superarit, donec alia ratio suppetat.

*Imagines sancti Michaëlis archangeli.*

C A P V T    X X X I X.

**M**ichaël archangelus cum libra pingitur, vt simplices, inquit Eckius, intelligent eum potestatem habere animas hominum suscipiēdi, eorumque merita ponderare, Quod quidem non ita intelligendum est, quasi ij consequatur vitam æternam, in quibus bona opera præponderant malis: illi verò diabolo relinquuntur, in quibus mala bonis præponderant. Quale quid habere videtur incerti scriptoris sermo, in appendice tom. 10. Augustini. Hæc enim absurdissimē dicerentur, cum nihil coinquinatum introire possit in regnum cœlorum: & qui offenderit in vno factus sit omnium reus. Sed significatur hac pictura quod debeamus deponisse omne pondus & circumstans nos peccatum, vt signifer sanctus Michaël repræsentet nos in lucem sanctam, quæ olim Abrahæ, & semini eius promissa est. Significatur quod in  
æquitate

*Hom. 13.*

*Serm. 59.*

æquitate erit iudicium de nobis. Sæpius enim in scriptura inculcatur, quod Deus iudicabit orbem in æquitate. Sed & statera huius mentio fit in Scriptura sacra, Danielis quinto, Appensus es in statera & inuentus es minus habens. Iob capite 31. Apprehendit me in statera iusta, & sciat Deus simplicitatem meam. Qua phrasi etiam Patres vtuntur. Dionysius Areopagita capite 4. Ecclesiasticæ Hierarchiæ, diuinis lancibus vitam suam subiicit. Beatus Augustinus, in sermo. de temp. barbarico, Interroget se vnaquæque anima, & videat si iniuste patitur, proferatur statera iustitiæ. Appingunt etiam nonnulli ad lancem, in qua est anima, diabolum eam deprimentem. Quo significatur, quod ipse sit calumniator, & accusator fratrum, & rigidus exactor omnium eorum quæ malè egimus. Celebrior est autè Michaëlis contra diabolum pugnantis pictura. Factum *Apoc. 12.* est enim prælium magnum in cælo: Michaël & angeli eius præliabantur cum dracone, & draco pugnat, & angeli eius: & non valuerunt, neque locus inuentus est eorum amplius in cælo: Et proiectus est draco ille magnus, serpens antiquus, qui vocatur diabolus & satanas, qui seducit vniuersum orbem: & proiectus est in terram, & angeli eius cū illo missi sunt. Et audiui vocem magnam in cælo dicentem, Nunc facta est salus, & virtus, & regnum Dei nostri, & potestas Christi eius, quia proiectus est accusator fratrum

Ind. 8.

Hist. or.  
Virg.  
Aurel.

fratrum nostrorum, qui accusabat illos ante conspectum Dei nostri die ac nocte. Iste est cœlestis militiæ princeps, qui olim pugnavit contra principem regni Persarum, pro populo Dei. Nunc autem Ecclesiæ Dei protector habetur. Vnde & archangelus dicitur, non quod sit de ordine archangelorum, sed quia omnium angelorum caput, & dux est. Cur autem procures Franciæ hanc imaginem gestent ad aureum collare, explicat Claudius Paradinus in symbolis heroicis. Memorabilis, ait, belli euētus Gallicanis heroibus decus conciliauit: & ei, quem sancti Michaëlis ordinem nuncupant, auctore Ludouico vndecimo Galliarum rege, dignitatem peperit, anno 1469. Ad aureum collare dependet aurea imago sancti Michaëlis pectus insigniens. Sumtum id, adeoque deinceps sanctum in singulos reges ab illustri, vt aiunt miraculo, seu viso diui Michaëlis, in prælio ad pontem Aurelianæ ciuitatis, urbem à dira oppugnatione Anglorum liberantis.

*De pictura Angelorum, & cur statuae eorum ad altaria ponantur.*

## CAPVT XL.

**C**Eterum festum Michaëlis non est vnus Michaëlis, sed simul omnium angelorum. Quare de Angelorum pictura aliquanto plura sunt consideranda. Pulcrè de eis Cōradus Brunus in libro de imaginibus, cap. 6. Iam igitur  
quales



quales olim ab hominibus visæ sunt imagines  
 cœlestium spirituum, tales & hæctenus sancta  
 mater Ecclesia ad eruditionem simplicium, nō  
 quidē temerē & nouo, aut ab hominibus nuper  
 ficto, sed vetustissimo & à simplici illa ac mul-  
 tiformi sapientia Dei, per Spiritum sanctum  
 tradito exemplo, depingere consuevit. Quod  
 infinita per ambitum totius orbis Christi ima-  
 ginum sanctorum angelorum exempla demō-  
 strant: quibus nimirū angeli in forma humana,  
 vt quæ inter omnes homini magis perceptibi-  
 lis est, iuuenes, aspectu fulgenti, vestitu candido  
 induti, discalceati, zonis circa pectus & lūbos  
 præcincti, lapidibus preciosis ornati, & duabus  
 alis pennati, & suffulti, nubibus circumdati,  
 instrumenta Dei, vel iræ, vt gladium: vel mi-  
 sericordiæ, vt crucem & alia passionis Domi-  
 nicæ insignia in manibus gestantes, hominum  
 conspectui exhibētur. Quorum omnium my-  
 sticam significationem tractat dictus Brunus  
 cap. 6. 7. 8. & 9. libri de imaginibus. Humana  
 species eis affingitur, vt intelligant fideles  
 quàm propensi sint in humanum genus, &  
 quàm parati ad ministeria Domini exsequēda.  
 Omnes enim administratorij spiritus sunt,  
 propter eos qui hereditatem capiunt salutis.  
 Alæ eandem promptitudinem ministerij signi-  
 fificant, quam non solum exhibent Deo suo &  
 nostro, sed & nobis quantumcumque miseris  
 homuncionibus, potissimum tamen Deum  
 timent-

*Catech.*  
*Paroch.*

*Hebr. 1.*



*Psal.* 30.  
*Psal.* 33.

*Tob.* 3. 7.  
 12.  
*Apoc.* 8.

*In* 1. cap.  
*Luce.*

timentibus. De his enim peculiariter dictum est, Angelis suis mandauit de te, vt custodiant te in omnibus tuis. Item: Immittet, siue, vt Hebraica habent, castra metabitur, Angelus Domini in circuitu timentium eum. Thuribula eorum significant quòd orationes nostras Domino offerant, & recitent: vt est apud Tobiam. Cui consonat illud Apocalypsis: Et alius Angelus venit, & stetit ante altare, habens thuribulum aureum, quod est ante thronum Dei. Et ascendit fumus incensorum de orationibus Sanctorum omnium, de manu Angeli coram Deo. In thuribulo autem, nostris orationibus, vt ex gratiores sint, adiungit proculdubio eorum charitas & suas. Sicut nos edocet primum caput Zachariæ. Obseruandum est etiam cur Ecclesia libenter in columnis altarium angelos statuatur, nempe vt significet tremendis illis mysterijs Angelicos spiritus coram & præsentes assistere. Non enim dubites ait Ambrosius, assistere angelum quando Christus assistit, Christus immolatur. Similia habent Gregorius magnus lib. 4. dial. cap. 58. Bernardus sermone de vitio ingratiitudinis, & Innocentius tertius libro secundo de sacro altaris mysterio cap. 24. Chrysostomi verò os aureum frequenter admodum hæc inculcauit. Cuius loca diligentissimè citauit Claudius Espencæus, libro 1. de adoratione Eucharistiæ, cap. 4. Citat enim homiliam 1. in Esaïam, vigesimam-primam in Acta, sermonem

monem de Eucharistia in encanijs, homiliam vigesimam-sextam ad Corinthios & trigessimam-sextam, sexagesimam-primam ad populum Antiochenum, tertiam & decimam-quartam ad Ephesios, quadragesimam-quinctam in Ioannem, decimam-quinctam ad Hebræos, tertiam contra Anomæos, & librum sextum de sacerdotio. Afsistunt autem vt ex Patrum verbis colligitur, nobiscum & pro nobis orantes. Itaque excutiamus à nobis omnem irreuerentiam & teporem, dum in imaginibus cōtemplamur, quanta reuerentia angelicæ potestates in altaribus conspectui diuinę Maiestatis assistant, & simul apud eandem pro nobis intercedant.

*Sanctorum Angelorum picturæ plenius explicantur.*

## CAPVT XLI.

**V**ERUM, vt plenius aliquanto de picturis Angelorum agam, adscribam quæ Petro Thyno præside de ijsdem Moguntia in Collegio societatis Iesu disputata, ac anno 1582. ibidē excusa sunt, in fine disputationis de apparitionibus spirituum. In bonorum Angelorum imaginibus, & exterior forma, & corporis habitus, & cum eis coniuncta, aduertenda sunt. Forma duplex est, quoniam aut integro perfectoque corpore depinguntur, aut solo, & quidem alato capite figurantur: vtrobiq; verò  
V speciem

speciem humanam referunt, fulgentiq; adspectu  
 & liberali atque adolescentis forma animos  
 intuentium ad se rapiunt. Habitus corporis  
 quandoque omnino nullus est, ut cum sine ve-  
 stibus nudi exhibentur, quandoq; ipsis dignus.  
 Et hic nunc militaris est, & ad pugnandum ac-  
 commodatus, nunc qui pacis sit argumentum,  
 ut cum vestitu candido induti, zonis circa pectus  
 & lumbos præcincti, lapidibus pretiosis orna-  
 ti, duabus alis pennati, & nubibus circumdati;  
 sed tamen discalceati conspiciuntur. Cōiuncta  
 cum his sunt gladius versatilis, crux, flagella,  
 cithara, aliaque cum Dominicæ Passionis, tum  
 musica instrumenta; virga item regia, bilibris,  
 thuribula, & his similia. Omnibus his occasio-  
 nem dedit partim scriptura, quæ ipsos hoc ferè  
 modo apparuisse demonstrat, partim totius an-  
 tiquitatis consensus: partim ratio quæ vel orna-  
 tum in his querit vel mentem instituit, & con-  
 firmat. Perfectæ ipsorum formæ auctoritatem  
 idemtidem dant sacra Litteræ, quæ quoties-  
 cunque spiritus illos oculis nostris obijciunt,  
 sub humana & quidem perfectæ, apparuisse  
 multis argumentis insinuât: Sed & perfectam  
 habuisse speciem videntur, quos in ipso tem-  
 pli sacrario asseruari voluit Deus: & quos ex  
 lignis oliuarum fabrefactos atque auro rectos  
 in medio interioris templi cōstituit Salomon.  
 Imperfecta forma ex sola videtur ratione  
 pendere. Docet non membra in Angelis esse  
 quaren-

Exod. 25.

3. Reg. 6.

quærenda, ne ispos corpora suspicaremur: sed duplici virtute excellere: vi scilicet intelligēdi, cuius argumentum caput est; & promptitudine quàm celerrimè diuina mandata exsequendi, quod quidam in alis obseruant. Sed & alarum *De cel. Hier. c.5.* leuitas Dionysio significat, quod terreni corporis sarcina liberi, toti absque admixtione vel pondere ad cœlestia ferantur, & in diuinarum rerum contemplatione iugiter occupentur. Fulgentem adspectum obseruatum esse in ipsis apparitionibus, trepidatio illorum quibus se exhibuere demonstrat. Sed & ratio eundem postulare videtur, siquidem in illorum societatem assumendi, fulgebunt sicut splendor firmamenti, & beatus Augustinus non aliò quàm *Ser. 14. de nat. Dom.* fulgenti adpectu Gabrielem ad Virginem salutadam ingressum esse apertè fatetur. Iuuenilis ætatis plurima argumenta præbet Scriptura, quæ iuuenes vocat. Sed & officiorum ratio, & vitæ conditio hanc postulare videbantur. Vitæ quidem cōditio, nè tempore putares senescere & ætate consumi: officiorum verò ratio, nè si infantis aut senis personam referrēt, ad munia sua exsequendum iudicarentur inepti. Nuditas in hominibus verecundiam parit: in Angelis virtutis argumentum est, sanctitatis, inquam, castitatis, immortalitatis atque innocentia. Quibus etiam primi illi parētes vestiti, nec ipsa nuditate confundebantur, cū non esset in corpore cui verecundia deberetur: nec quidquā



putabunt velandum, quia nihil sentiebant refrenandum. In habitu militari Angelum proponit historia Machabæorum. Apparuit, inquit, præcedens eos eques in veste cædida, armis aureis, hastam vibrans. Simili modo iam olim ante annos octingentos & eo amplius depictum fuisse possumus animaduertere, qui Assyriorum centum octuaginta quinque milia vna nocte trucidauit; quam ex cera facilem picturam, pietate plenam, se vidisse testatur & amasse beatus Chrysostomus. Vestitus candidus, & innocentia & gaudij signum est: quo circa & angeli hoc ipso vitæ suæ integritatem testantur: atque item gaudium, quod tum ipsi habuerunt, tum homines concipere oportebat, si quâdo in hoc habitu conspectu sunt. Neque tamen ita candidum eis habitum tribuimus, vt quemcumq; alium damnemus. Seuerum quemdam hæresiarchum arguit Ioannes Gabalôn episcopus, quod putauerit non decere angelos purpureas sed albas vestes. Ignorat, inquit, sanctis potestatibus non esse curæ quo vestitu vestiantur. Et candido quidem habitu non quocumq;, sed sacerdotali pinguntur, quia scilicet sacerdotum quasi munus subeunt, quando & pro nobis preces fundunt, & nostram causam apud Deum agunt, & hominum salutem varijs rationibus & modis promouent. Zona qua præcincti hominibus apparent, expeditos & aptos ad ministeria exsequenda declarat: sed & continentie

atque

2. Mach.  
cap. 2.

Greg. lib.  
28. moralium.  
c. 8.



atque castitatis est argumentum, quæ quia non corporis solum, verum etiam mentis inuenitur in angelis, fit ut circa pectus & circa lumbos præcincti cōspiciantur. Lapidū & pretiosarum gemmarum ornatus, partim ex ipsa antiquitate, sed tamen ex ratione præcipuè videtur esse profectus. Et hæc quidem gëmæ non parum faciebant ad ornatum, sed tamen variarū quoque virtutum splendore testabantur, non secus atq; duodecim illæ quatuor ordinibus distinctæ, sacerdotem summum sui officij commonefaciebant. Nempe ut pauca de pluribus assignemus, Sapphirus cærulei coloris, ipsorum castitatis argumentum est: Chrystallus, qui ut habet Basilii, cum aëre contendit, & ei similis in perspicuitate videtur, purissimæ substantiæ. Hyacinthus rubens, cœlestis conuersationis: Smaragdus viridissimus, virentis semper & nunquam deficientis naturæ. Alarum iam olim meminit Chrysostomus, monetq; Gabrielem volitantem à pictoribus delineari, nobisque repræsentari, non quod Deus illum pennatum condiderit; sed ob sublimes & excelsas naturæ vires: atque ut illum è supremo domicilio & cœlesti Collegio ad terram nostra causa deuenisse gratis animis reputemus. Nubibus plerumque circumdantur vel quia in cœlis eorum propria est sedes, vel quod Dei in nubibus aliquando personam sustinuerunt, vel quia sicut solis splendor ad humanum adspectum per interpo-

Exod. 28.

In Hexam.

Hom. 2.

terpositas nubes transfertur, ita lux diuinæ veritatis, quam illi reuerenter suscipiunt, in mortales pro cuiusque captu secunda derivatione transfunditur. Discalceati figurantur. Nam sic Patriarchis olim apparuisse credi potest. Sed & Dei ministros hoc modo mitti familiare est, quemadmodum docent exempla Esaię, Moſis, Apostolorum. Accedit, quod sanctos viros, quorum studium est in terris angelicam vitam viuere, calceis abstinuisse legamus. Deniq; hoc significatur, eos qui commune cum angelis officium habent, solutos esse debere à prauis affectibus, vt facilius spirituale iter aggrediantur. Instrumenta quoque sanctis spiritibus ars pictorum affinxit. Illa verò partim Dei vel iram, vel misericordiam vel iustitiam ad mentem nobis reuocant: partim Angelorum testantur auctoritatem, officium & vitę conditionem. Passionis insignia testes sunt diuinę misericordię; gladius versatilis, irę; iustitię, libra; cum qua sanctus Michaël pingitur. Ipsorum verò potestatem declarant vitę regia; officium, turba; conditionem, instrumenta musica. Omnibus his auctoritatem Sacre Litterę dare videntur. Videbimus signum filij hominis, in illo die, vtique Angelorum ministerio deferri. Postquam eiectus Paradiso fuit primus parens, constitutus est Cherub, qui gladio flammeo atque versatili aditum ad ipsum prohiberet. Appensus in statera Balthasar dicitur, & inuentus minus ha-

Ios 20.

Ex. 3.

Matth. 10.

nus habere. Virga vsus est angelus, qui Gedeoni auctor fuit belli contra Madian suscipiendi. Tuba canet qui à quatuor mūdi partibus mortales ad studiorum suorum fructus percipiēdos euocabit. Instrumenta musica insignem voluptatem qua perpetuò perfunduntur significant. Et thuribula illis tribuuntur, vt intelligamus nostras Deo precēs offerre. Et in columnis altarium constituuntur, vt significetur tremendis Missæ sacrificijs præsentes assistere, quem admodum egregiè declarāt, Ambrosius, Chrysostomus & Innocentius tertius.

*De picturis sancti Hieronymi.*

C A P V T X L I I .

**C**laudat septimum mensem Hieronymus presbyter. Cuius pœnitentis pictura sum- Hier. En-  
ta est ex epistola ipsius ad Eustochium, in qua stoch. de  
sic ait: O quoties ego ipse in eremo constitutus, custodia  
& in illa vasta solitudine, quæ exusta solis ardo- virg.  
ribus horridum monachis præbebat habitaculum, putabam me Romanis interesse delicijs. Sedebam solus, quia amaritudine repletus eram. Horrebam sacco membra deformia, & squalida: cutis situm Æthiopice carnis obduxerat. Quotidie lacrymæ, quotidie gemitus: & si quando repugnantem, somnus imminens oppressisset, nuda humo vix ossa hærentia collidebam. Ille igitur ego, qui ob gehennæ metum, tali me carcere ipse damnaueram, scorpionum tantum

focius & ferarum, sæpe choris intereram puellarum. Pallebant ora ieiunijs, & mens desiderijs æstuabat in frigido corpore: & ante hominem suum iam carne præmorta, sola libidinum incendia bulliebant. Itaque omni auxilio destitutus, ad Iesum iacebam pedes, rogabam lacrymis, crine tergebam, & repugnantem carnem hebdomadarum inedia subiugabam. Non depudescō infidelitatis meæ: quin potius plango me non esse, quod fuerim. Memini me clamare in diem crebrò iunxisse cum nocte, nec prius à pectoris cessasse verberibus, quàm rediret Domino increpante tranquillitas. Ipsam quoque cellulam meam quasi cogitationum mearum consciam pertimescebam, & mihi met iratus & rigidus, solus deserta penetrabam. Sic ubi concava vallium, aspera montium, rupium prærupta cernebam: ibi mea orationis locus: ibi illud miserrimæ carnis ergastulum, & , vt ipse mihi testis est Dominus, post multas lacrymas, post cælo inherentes oculos, nonnunquam videbar mihi interesse agminibus Angelorum. Si autem hoc sustinent illi qui exeso corpore solis cogitationibus oppugnantur, quid patitur puella quæ delicijs fruitur? Pictores autem de suo adijciunt lapidem, quo pectus tondit. Eidem inter studia versanti libenter appingunt candelam, quia ad lucernulam furtiuus noctium horis quædam dictauit, etiam in senectute sua. Vnde eidem Eustochio scribit. Accedit ad dictandi



standi difficultatem, quod caligantibus oculis  
senectute, & aliquid sustinentibus beati Isaac,  
ad nocturnum lumen nequaquam valeamus  
Hebræorum volumina relegere: qui etiam ad  
solis dieique fulgorem litterarum nobis parui-  
tate cœcantur. Appingunt etiam imaginem  
crucis, & caluariâ, siue mortui hominis caput,  
quia frequens fuit in meditatione crucis &  
mortis atque iudicii. Quod autem ad locum  
& situm eius attinet inter quatuor doctores,  
sicut parum refert, an in litanij, iuxta recen-  
tiorum quorundam † observationem, præpo-  
natur Ambrosio & Augustino: an verò iuxta  
vetustiore observationem postponatur: sic  
etiam parum interest, an inter doctores qua-  
tuor Ecclesiæ, secundo loco pingatur, an quarto.  
Cum posterius vetustati magis sit consonum,  
ut notum est, ex Hieronymo & Augustino.  
Prius verò magis convenit cum consuetudine  
nostri temporis, quo Cardinales presbyteri &  
diaconi ante Episcopos locum obtinent.

Hic iam quæras, cur ut Cardinalis & cum  
leone pingatur, cum Marianus Victorius nul-  
lam faciat eius rei mentionem, qui tamē vitam  
ex eius scriptis fideliter collectam, primus edi-  
dit? Respondeo, Si sint fictitia, aut fabulosa, aut  
minus certâ, quod nunc non discutio, ad quæ  
pictores dum ita pingunt respexerunt, corri-  
gatur significatio. Significet Cardinalitius  
vestitus beatum Hieronymum id officij habuisse

*Statuta  
Caribuf.*

*Hier. ad  
Enagrium  
& epist.  
14. apud  
August.*

*August. 2.  
contra Iul.  
cap. ult.*



apud Damasum Pontificem, quod nunchabēt  
 Illust. mi DD. Cardinales. Sic enim de seipso  
 scribit in epistola ad Ageruchiam. Ante annos  
 plurimos, cū in chartis Ecclesiasticis iuuarem  
 Damasum, Romanæ vrbis Episcopum: & O-  
 rientis atque Occidentis Synodicis Consulta-  
 tionibus responderem. Nec dubito quin huc  
 respexerit auctor Micrologi, quando Hiero-  
 nymum vocat presbyterum Cardinalē sanctæ  
 Romanæ Ecclesiæ, qui sub beato Damaso eccle-  
 siasticis institutis diligentissimè inuigilauit.  
 Et eodem referenda est docta disputatio de  
 Hieronymi Cardinalatu, quā Cornelius Scul-  
 tingus Theologus Colonienfis conscripsit.  
 Significet leo quòd secesserit in vastam Syriæ  
 solitudinem: vbi quadriennium in lectione di-  
 uinorum librorum, cœlestisque beatitudinis  
 contemplatione, consumpsit, assidua se absti-  
 nentia, vi lacrymarum & corporis afflictione  
 discrucias. Leonem enim beatus Hieronymus  
 Marco tribuit, qui Euangelium suum à solitu-  
 dine incipit. Cui etiam congruit, quod ordo  
 Romanus habet in scrutinio ad electos: Mar-  
 cus Euangelista leonis gerens figuram, à solitu-  
 dine incipit, dicens: Vox clamantis in deserto.  
 Sanè de Macario scribit Ruffinus, libro vnde-  
 cimo, quod leonæ speluncam habuerit apud  
 suam cellulam. Et ipse Hieronymus testis est,  
 mortuo Paulo Thebæo, Principe eremiticæ  
 vitæ, duos leones ex interioris eremi parte cur-  
 rentes,

Epist. II.

Cap. 21.

Pag. 37.

Cap. 4.

rentes, ei humi pedibus locum sepulcri scalpsisse.

## OCTOBRIS.

*De sancti Francisci stigmatibus.*

## CAPVT XLIII.

**F**RANCISCUS patriarcha & fundator ordinis Minorum notissima de causa pingitur cum stigmatibus. Eam enim & Bonaventura habet cap. 13. vitæ S. Francisci, & continua traditio ad nos transmisit, multiq̃ue oculati testes, inter quos & Romani Pontifices & continua traditio ad nos transmiserunt.

Apud eundem verò Bonaventuram in miraculo 3. post mortē, habetur duplex miraculum circa imaginem sancti Francisci. Cū enim matrona quædam doleret in depicta quam habebat imagine Francisci, sacra illa stigmatum signa deesse, die quadam apparuerunt signa illa mirifica in pictura, sicut in alijs ipsius sancti imaginibus pingi solent. Subintrauit postmodum cor mulieris dubitatio noxia, ne sic fuisset imago à principio consignata. At Dei virtus ne primum contemneret miraculum, addidit & secundum. Continuo namque disparentibus signis nudata priuilegio imago remansit, vt per sequens signum fieret probatio præcedentis.

Cæterum vt fulgorem noui & sanctissimi ordinis, inuidi quorundam oculi ferre non poterunt, sic etiam sacra stigmata Francisci, & calum-

calumniam, & grauissimā pertulēre iniuriam. Fuerūt enim in regnis Castellæ & Legionis religiosi & sæculares, qui in imaginibus stigmata hæc passim deleuerunt, iniungendo pictoribus nè deinceps ea depingerēt, Quorum insaniam Alexāder 4. compescuit litteris datis ad omnes vtriusque regni episcopos. Postea cum multorum etiam offendiculo nonnulli Paullum Apostolum Doctorem gentium, & Catharinam Senensem, sororem ordinis sancti Dominici, cum impressione stigmatum depinxerunt. Et de Paulo occasionem sumserunt, quia scribit se portare stigmata Domini Iesu in corpore suo. Sed is error facilē repressus est. Circa Catherinam autem multi pertinaces fuerunt, contra Apostolica scripta excusationem aliquam prætexentes. Vnde Sixtus 4. pluribus litteris & sub pœna excommunicationis, prohibuit, ne præterquam Francisci, vllius Sancti aut Sanctæ, beati aut beatę (his enim vocibus vtitur) imago cum stigmatibus habeatur, absque speciali consensu Sedis Apostolicæ. Vrget autem Sixtus, nec in processu, nec in canonizationis littera de stigmatibus Catherine legi, vbi maximē oportebat, priuilegij illius mentionem fieri.

*Cur Dionysius Areopagita caput manu gesserit.*

#### C A P V T X L I I I I.

**P**Aucis intercurrentibus diebus occurrit natalis Dionysij Areopagitæ, Parrisiorum primi

*Exstat in  
firmamen-  
to Ord. Mi-  
norum.*

*Galat. 6.*

*In firma-  
mento.*

primi Episcopi, qui pingitur caput suum manibus portans. Nam ad declaranda martyris, & Galliarum primi sacerdotis, merita gloriosa, beatissimi Dionysij se cadauer erexit, sanctaq; manu caput, à corpore dolabra licitoris truncatum, Angelico ductu gressum regente, & luce cœlesti circumfulgente, pendulis cœpit brachij vectitare. Et facta est comes multitudo cœlestis exercitus exanimi eius corpori, caput proprium ab ipso monte, vbi fuerat decollatus, per duo ferè milia deportanti, vsque ad locum, in quo nunc Dei dispositione, & sua electione, requiescit humatum. Hactenus Hilduinus abbas S. Dionysij: qui martyrium eius annis ab hinc plus minus octingentis, ad Ludouicum Imperatorem grauitè conscripsit, & ex vetustissimis authoribus fideliter collegit: potissimum tamen ex conscriptione Visbij: qui fuit oculatus martyrij testis. Et hæc gestatio capitis tam celebriter nota fuit in Ecclesia, vt Græci authores eius quoque meminerint: veluti Simeon Metaphrastes, & alius vetustus scriptor, à Perionio cum operibus Dionysij translatus. Quare non debuit Ioannes Oecolampadius hanc gestationem velut anilem fabulam deridere. Verba eius ascribam, quia ex eius, aut potius ex Chrysostomi verbis, non imperitè desumi potest secundaria ratio huius picturæ S. Dionysij. Citat imprimis verba Chrysostomi à se translata. Etenim sicut milites

*Homilia in  
Iulientinū  
& Maximū.*



lites vulnera, quæ in prælijs sibi inflicta regi monstrantes, fidentes loquuntur, ita & illi in manibus abssecta capita gestâtes, & in medium adferentes, quæq; voluerint apud regem cœlorum impetrare possunt. Deinde in hæc verba Chrysostomi sic commentatur: Hæc pro simpliciorum captu crassius dicta sunt. Sicut & de matre Christi dicimus, quod vbera monstrat Filio: & de Christo, quod vulnera Patri ostēdet. Neq; enim tam crassa spectacula sunt in cœlo. Hanc causam suspicor, quare apud Lutetiam D. Dionysius, & apud Maguntiacum Albanus martyr depicti, videantur capita gestare in manibus. Neque enim facile mihi persuaserit quispian anilem fabulam, quod decollati tantum itineris confecerint. Sancti capita gestantes ferme in hunc modum tacitè loqui mihi vidētur, Videte capita nostra. Charitas vestra nos coēgit vt hæc defecari voluērimus. Ecce capita nostra in manibus nostris sunt: neque capillus capitis perit: & similia. Hactenus Oecolampadius, tradens secundarias aliquot rationes cur S. Dionysius pingatur gestans caput suum: errans tamen, vt dixi, grauissimè, quod primariam rationem velut anilem fabulā rejiciat. Quo etiam spectat marginalis notatio ad abbatem Vrspergensē: Nota animas in manibus habere. Hinc picturæ diuorum aliquot, quibus nec vita chara fuit amore Christi.

*Iud.* 12.  
*1. reg.* 19.  
*28.*  
*Iob.* 13.  
*Psal.* 118.



*De pictura Quintini & VVolfgangi.*

## CAPVT XLV.

**O**ctobrem claudunt natales Quintini martyris, & VVolfgangi episcopi. Prior in quibusdam nostratibus Ecclesijs, & in pluribus Franciæ depingitur diaconus. Quod obiter noto, quia dum pictores ex imaginibus, vt Basil. *Homil. 19.* loquitur, imagines depingunt, tradunt aliquando posteritati, quod historiæ scriptor omisit. De episcopo verò VVolfango exstant hi versus in libro de monasterijs Germaniæ:  
*VVolfgangum quoties diuum veneranda vetustas*

*Pinxit, ita hunc pinxit gestaret vt ipse securim  
 Dextra, sed laua templum cum turre decorum.  
 Hac pictura equidem voluit nihil ipsa vetustas  
 Significare aliud, quàm quod pastoris honesti  
 Pontificisq̃ue pij, summum est super omnia  
 munus.*

*Is semper templum debet gestare, sibiq̃ue  
 Commissum populum doctrina pascere sana,  
 Nec curas alias animo gestare priores;  
 Deinde securi etiam sordes resecare pudendas:  
 Quidquid & arboribus teneris plantisq̃ue nocere*

*In vita posset, studio delebit eodem.*

NO-

*De numero & pictura Coronatorum martyrum.*

## CAPVT XLVI.

**C**oronatorum porrò quatuor festum incidit in Octauas omnium Sanctorum : simul etiam quinque martyrum, Claudij Nicostrati, Symphoriani, Castorij, atque Simplicij. Sed circa hos sanctos duplex est sculptorum & cæmentariorum quorundam error. Vnus quod suos patronos vocent quatuor coronatos, cum sint quinque prædicti, à quatuor coronatis diuersi, vt ex Gestis & Breuiarijs cõstat. Quare si molestius plebeis foret quinque martyrum nomina exprimere, vocent patronos suos aut coronatos aut quinque coronatos: non autem falsò quatuor coronatos. Alter error ex dictis dependet. Pingunt enim quatuor coronatos cum instrumentis sculptorum & cæmentariorum, cum ea forent quinque prædictis martyribus applicanda. Itaque qui in errore versantur, eundem vt nimis manifestum agnoscant & corrigant.

*Pictura Martini vestem scindentis.*

## CAPVT XLVII.

**A** Coronatis ad Martinum, sanctissimum episcopum, transeamus, cuius chlamydem diuidentis pictura, non solum Ambianis, vbi eam diuisit, celebris est, sed per totum orbem Christiana-

Christianum . Factum autem illud describit sanctus Seuerus Sulpicius . Quodam tempore *Initio vi-*  
 cum iam nihil præter arma & simplicem mili- *te.*  
 tiæ vestem haberet , media hyeme , quæ solito  
 asperior inhorruerat , adeò vt plerosque vis al-  
 goris extingueret , obuium habuit in porta  
 Ambianensis ciuitatis pauperem nudum . Qui  
 cum prætereuntes vt sui misererentur , oraret,  
 omnesque miserum præterirent , intellexit vir  
 Deo plenus sibi illum, alijs misericordiam non  
 præstâtibus, reseruari. Quid ramen ageret? Nihil  
 præter chlamydem, qua indutus erat, habebat.  
 Iam enim reliqua in opus simile consumserat .  
 Accepto itaque ferro quo accinctus erat, mediâ  
 diuidit, partemque eius pauperi tribuit: reliqua  
 rursus induitur. Interea de circumstantibus ri-  
 dere nonnulli, quia deformis esset, & truncatus  
 habitu videretur. Multi ramen quibus erat mēs  
 sanior, altiùs gemere, qui simile nihil fecissent,  
 cum vtiq; plus habentes vestire pauperem sine  
 sua nuditate potuissent . Nocte igitur insecuta  
 cum se sopori dedisset, vidit Christū chlamydis  
 suæ, qua pauperem texerat, parte vestitum. In-  
 tueri diligentissimè Dominum, vestēque quam  
 dederat iubetur agnoscere . Mox ad Angelorū  
 circumstantium multitudinem audiuit Iesum  
 clara voce dicentem: Martinus adhuc catechu-  
 menus hac me veste contexit. Verè memor Do-  
 minus dictorum suorum, qui ante prædixerat:  
 Quamdiu fecistis hæc vni ex minimis istis, mihi *Matth. 25.*  
 X fecistis,

fecistis, se in paupere professus est vestitū fuisse:  
& ad hoc confirmandum tam boni operis testi-  
monium, in eodem se habitu, quem pauper ac-  
ceperat, dignatus est ostendere.

Lib. 10.  
carminum  
variorum.

Succinctius idem narrat sanctus Fortunatus,  
*Ambianis tremulum cernens Martinus egenum*

*Dimidiæ chlamydis mox ope membra tegit.*  
*Sed coram Angelicis turmis se hęc nocte silēte*  
*Pauperis in specie Christus habere refert.*

*Pictura Elisabeth cum tribus coronis.*

## CAPVT XLVIII.

**D**ie decima nona natalem habet Elisabeth  
Regis Hūgarorum filia, xenodochiorum  
& pauperum amantissima. Hęc pingitur cum  
tribus coronis, vt significetur vitam sanctissi-  
mē transigisse in statu virginali, maritali & vi-  
duali. Quomodo hanc picturam explicat Iodo-  
cus Clichthouçus integro sermone, quem vni-  
cum edidit de natali huius sanctissimæ viduæ.  
In quo pro themate assumit illud Ecclesiastici,  
Corona aurea super caput eius.

Cap. 45.

*In picturam præsentationis beatæ Mariæ.*

## CAPVT XLIX.

**I**N præsentationis autem beatæ Mariæ ima-  
gine, certum est quod principaliter per eam  
significatur: videlicet, beatissimam Virginem  
vouisse virginitatem: Sicut ex eius verbis,  
Quomodo fiet istud, quoniam virum non co-  
gnosco;

Luce 2.



gnosco; multi annotauerunt: vt Augustinus in libro de sancta virginitate, cap. 4. Gregorius Nissenus in homilia de Christi natiuitate: Beda in Lucā: Bernardus homilia 4. super Missus est: & in sermone super, Signum magnum apparuit in cœlo: & Hugo de sancto Victore, cap. 1. de perpetua virginitate Mariæ. Conantur etiam nonnulli exprimere ex libello de ortu beatæ Mariæ, qui est apud Hieronymum, quod triennis absque ductu ascenderit per quindecim gradus templi. Verum quæ dicuntur de quindecim gradibus templi, planè incerta esse annotauit Reuerendissimus D. Iansenius in Psalmum 119. Neque omnino certum est an triennis fuerit præsentata: quamuis hoc paulò plus probabilitatis habeat ex Græcis aliquot scriptoribus, apud Metaphrastem. Quibus adde Nicephorum lib. 1. cap. 7.

*De beatæ Catharinæ imagine.*

C A P V T L.

**D**E sanctissima porrò Dei martyre Catharina, notum est quod pingatur patrem pedibus suis conterens, quia de eo per martyrium triumphauit. Sed vulgo persuasum est eum esse Maxentium Romanorum Imperatorem: cum docti viri asserant Maxentium Imp. nunquam Alexandriæ tyrannidem exercuisse. Ideo Romanum Breuiarium patrem quidem Maxentium vocat, sed nulla tituli dignitate addita.



Quare ego potius laudarem patrem nō depingī  
vt Imperatorem, quā ex vulgi opinione Ro-  
mani Imperij Augustum.

*De cruce sancti Andreae.*

## CAPVT LI.

**M**ense Nouēbri postremus est sanctus An-  
dreas, vocatione inter Apostolos primus:  
cuius crux religiosissimē asseruatur ad sanctum  
Victorem. Ex qua constat nonnihil in eius pi-  
ctura aberrare domum Burgundicam, quod  
tamen cum bona eius venia dictū sit. Robertus  
enim Cānalis, episcopus Arboricensis, in libris  
de re Gallica ob hanc discrepantiam aliquoties  
notat Burgūdiæ principes insigne suum crucis,  
falsò appellare diui Andreae, vbi intersectio fit  
ad angulos partim obliquos, partim acutos:  
cū crux Andreae ad sanctum Victorem Mas-  
siliae eādem cum cruce Christi figuram habeat.  
Lignū enim ligno affixū est ad angulos rectos.

## DECEMBER.

*De malleo sancti Eligij; & calice sanctæ Bar-  
baræ.*

## CAPVT LII.

**M**ense Decembri qui Alemannis dicitur  
mensis Christi; ipsis Kalendis occurrit E-  
ligius episcopus, qui cum malleo pingitur, quia  
fuit aurifaber ante Episcopatum, & inter cetera  
bonorum insignia multa Sanctorum auro ar-  
gentoque & gemmis fabricauit sepulcra: quæ

recen-

recenset S. Audoënus lib. 1. vitæ eius. Pridie Cap. 32.  
autem nonas apud multos celebris est Barbara.  
Quæ pingitur aliquando cum calice & corpore  
Domini in manu. Constat enim eam multis  
succurrisse, ne absque viatico, sine sacramento  
Corporis Dominici discederent. Vfitatius cum  
turri pingitur & tribus fenestris, notissima de  
caussa. Nec ineptè nonnulli, vt vtrumque ex-  
primant, ad ostium turris calicem cum corpore  
Domini pingunt. Quid autem hic sit vitadum,  
potissimum ijs qui sceleratè viuunt, dictum est  
lib. 2. ex decretis synodi Cameracensis. Cap. 36.

*De picturis sancti Nicolai.*

CAPVT LIII.

**I**Ntra triduum sequitur festum Nicolai. Qui  
pingitur cum tribus pueris, sed tam obscure,  
vt vix sciam, quonam referenda sit ea pictura.  
Tres iuuenes milites naufragium passos à sen-  
tentia iudicis liberauit, qui eos ob furtum in-  
iustè ad necem damnauerat: tūc enim temporis  
Leges furtum non puniebant nece. Tres filias  
prostituendas sua clancularia munificentia in  
pudicitia conseruauit. Tres militiæ principes,  
apud Constantinum falsò accusatos eripuit à  
pernicioso iugulatu. Fertur etiam à plebeis,  
mulierem quamdam vesperi tres pueros occi-  
disse, & in vase pro salitis carnibus reposuisse,  
eosque demum à Nicolao resuscitados esse. En  
quatuor ternaria. Sed ad quod eorum pictores

respexerint, nondum exprimere valeo. In prosa de sancto Nicolao legitur, Vas in mari mersum patri redditur, cum filio. Et huc eos respexisse non dubito, ad significandum quod sanctus Nicolaus sit patronus nautarum & naufragantium, qui eius adhuc viuentis & absentis auxilium inuocauerunt. Sed cur tres pinguntur in vase, cum vnus tantum filij mentio fiat? Longè itaque præfero alteram Nicolai picturam quæ Romæ est, & per Italiam alibi. Habet in vna manu pedum, in altera librum, & super eum tres massas auri, quibus filiarum trium pudicitiam cōseruauit. Quam etiam picturam videre licet in nūmis quibusdā expressam. Eandemq; nonnulli obseruarunt vsitatam esse in insula Corfu, quæ Nicolaum summa cum veneratione colit. Agnoscit eandem Germania. Ioannes enim Keiseri bergensis, sermones suos de vita monastica, quos ad sorores sancti Nicolai in vndis Argentinæ habuit, anno 1496. hunc in modum exorsus est. Sanctus Nicolaus (cuius hodie dies festus agitur, per totam Christianitatem, præcipuè autem in hoc, & in alijs locis, vbi patronus est) depingi solet cū tribus pomis aureis, & hoc ob notissimam eleemosynam, quam fecit in pauperem patrem triū filiarum, quas prostituere deliberauerat, quatenus inde sibi victum acquirerent. Fuit & tertia Nicolai pictura absque mitra, apud Italos. Sic enim scribit in sanctorū catalogo Petrus Equilinus:

Fertur

Fertur beatum Nicolaum iam senem Concilio Niceno interfuisse: & se quemdam Arianum fidei zelo maxillam percussisse: ob idq; à Concilio mitra & pallio priuatū extitisse. Propter quod vt plurimū sine mitra pingitur. Sed dum aliquando Missam beatæ Virginis, cuius erat deuotus in Pontificalibus celebraret, & priuationem mitræ ac pallij defleret, quasi zelo nimio fidei ablata, ecce cunctis videntibus duo angeli eidem astiterunt, quorum vnus mitram, alius pallium, sibi diuinitus restituerūt. Verū nihil tale habet historia à Ioanne diacono scripta; nec Petrus Equilinus affirmat, sed ferri dicit. Quare non immeritò posterioribus Italis ea pictura displicuit.

*Cur Ambrosius cum flagello pingatur.*

## CAPVT LIIII.

**P**roximè apud Romanos sequitur festum Ambrosij. Quem beatus Vincentius predicator notat in Lombardia cum flagello pingi, propter ingenuam loquendi libertatem, quæ nec Theodosio Imperatori pepercit. Quæ narratio nota est ex historijs ecclesiasticis, Theodoriti & aliorum. Addi potest secunda ratio, quia quod Doctorem fidei decuit, Arianam perfidiam expulit ex Italia. Est & tertia ratio, eaque, vt apparet, primaria, quod Mediolanenses ipso inuocato ad Parabiagū victoriam sint adepti, anno Domini 1338. Ex quo tempore



religiosa ciuitas, haud immemor accepti beneficij, Diuum Ambrosiũ cum flagello depictum in æternam eius rei memoriam habere voluit. Vt habet Lectio tertia Ambrosianæ Ecclesiæ, in festo S. Ambrosij pro victoria, quod est 21. die Februarij mēsis. Apiarium, siue aluearium, nonnulli ad pedes appingunt, propter miraculum examinis apum. Quod Paulinus refert initio vitæ eius.

*De picturâ Conceptionis beatæ Mariæ.*

C A P V T I V.

*Serm. 4. de  
laud. sanct.*

**O** Ctauo die sequitur celebritas Conceptionis beatæ Mariæ. Quam ex osculo conceptam esse fabulosum est & obscurum quorundam figmenum. Vnde memini me legisse apud Robertum de Licio, episcopum Aquinatensem acrem reprehensionem imaginis, in qua Anna & Ioachim sub aurea porta se mutuò osculantur, cum subscripta rubrica, Taliter concepta est beatæ Maria. Videntur mihi huius erroris occasionem desumisse ex apocrypho libro, qui inscribitur Proteuangelium D. Iacobi, in quo sic habet impressum in Germania exemplar. Et stabat Anna in porta, viditq; Ioachim venientem cum gregibus suis, & accurrēs appensa est à collo eius, dicens: Nunc cognosco quod Dominus Deus benedixit mihi vehementer, quia quæ eram sterilis, in vtero habebo, vbi ipsi videntur mihi, pro (habebo) legisse (habeo.) Hoc

aut



aut simile quid eos respexisse putarim. Vnde S. Epiphanius, Tametsi enim historia Mariæ, & traditiones habēt, quod dictum est patri ipsius Ioachim in deserto, Vxor tua concepit: tamen non quòd sine coniugio hoc factum, neq; sine semine viri, sed futurum Angelus missus præuaticinatus est, vt ne qua hæsitatio fieret, propter id quod iam ex Deo ordinatum est, & à Deo promissum.

*Her. 79.  
contra Col-  
lyridianos.*

Porro sicut Canticorum liber rectè applicatur beatæ Virgini, sic etiam suavis adinuentionis est ea Virginis imago, in qua ei appinguntur, sol, stella, luna, porta cœli, lilium inter spinas, speculum sine macula, hortus conclusus, fons signatus, ciuitas Dei, & similia, ascriptis etiam verbis: Tota pulchra es amica mea, & macula nō est in te: electa vt sol: pulchra vt luna: stella maris: porta cœli: sicut lilium inter spinas, &c.

*De situ sancti Thomæ inter duodecim Aposto-  
los.*

## CAPVT LVI.

**N**atalitia festa quinto die antecedit Thomas Apostolus Iesu Christi. Quē pictores quidam in ordine Apostolorum inter vltimos ponunt: cū Marc. 3. ponatur octauo loco: Matth. 10. Luc. 6. septimo: In Actis verò sexto. Et similiter in Canone Missæ, vbi legitur Petri, Pauli, Andreæ, Iacobi, Ioannis, Thomæ. Non facerem autem huius situs mentionem, nisi putarem pictores ex prauo quodam iudicio mi-

*Iean. 20.* norem existimationem habere de sancto Thoma, quia de resurrectione Christi dubitauit. Vnde etiam nonnulli satis contemtibiliter & irreuerenter dicere solent, Tu es de progenie sancti Thomæ, quando aliquem notare volunt tarditatis in credendo: cum in omni honore habendi sint Apostoli, tanquam patres, columnæ, & fundamenta orbis terrarum: & dum præcipuos Apostolos cecidisse legimus, cogitandum sit id propter nostram instructionem Dominum permisisse. Vnde Gregorius ait, Plus nobis Thomæ infidelitas ad fidem, quàm fides credentium discipulorum, profuit. Est & aliud quod sanctus Antoninus sic reprehendit in parte 3. tit. 8. Nec etiam laudandi sunt pictores cum apocrypha pingunt, vt obstetrices in partu Virginis: & Thoma Apostolo cingulum suum à virgine Maria in Assumptione sua propter dubitationem dimissum: & huiusmodi.

*Homil. 26.  
Euang.*

*Cap. 4.  
§. 11.*

*De pictura Natiuitatis Christi.*

C A P V T L V I I.

**S** Equitur solennitas Natiuitatis Domini nostri Iesu Christi. Circa quam multa notanda essent, nisi præcipua quæque iam antea explicassemus. De puerperio enim Mariæ exstat libro secundo caput. Senium Ioseph attigimus libro eodem capite 30. prolixius de eodem libro tertio cap. 12. Nudiratem lasciuam  
circa

circa infantem Iesum vitandum esse, explicuimus subsequenti cap. 31. libri secundi. Quæ quòd dicta sint non repetemus, sed eis pauca subiiciemus. Et in primis notat Petrus Richardus in libro de passione Petri Apostoli, pictores quosdam contra historicam veritatem obstetricem diuæ Virginis amissis manibus pingere, cùm non habuerit obstetricem.

De boue autem & asino circa præsepe Domini, Erasmus ad hymnum Prudentij in Natalem Domini, A priscis vsque sæculis, inquit, manauit ad nos pictura, quæ Iesu præsepi addit bouem & asinum. Quod tamen in sacris literis non est apertè proditum: sed occasio sumpta videtur ex Isaia prophetia, quæ dicit: *Cognouit bos possessorem, & asinus præsepe Domini.* Hæc Erasmus. Allegari etiam solet ex Abacuc, iuxta Septuaginta duos interpretes, *In medio duorum animalium cognosceris.* Sed hæc nonnulli tantùm mysticè intelligunt.

*Esa. 1.*

*Cap. 3.*

*In 2. Lucæ.*

*Homil. 2.*

*in Lucam.*

Quare ad apertam scripturam refero, quod Bonauentura scribit, de boue & asino circa præsepe Domini, non haberi auctoritatem, nisi antiquitatem picturæ, quæ vocatur scriptura laicorum. Habuit denique natiuitas Domini nostri aureum præsepium Constantinopoli. de quo Chrysostomus, O si mihi liceret videre illud præsepe in quo Dominus iacuit. Nunc nos Christiani, quasi pro honore tulimus luteum, & posuimus argenteum: sed mihi pretiosius illud

est

est quod ablatum est. Non condemno eos qui honoris causa fecerunt. Neq; enim illos cōdēno qui in tēplo fecerunt vasa aurea, sed admiror Dominum. Qui creator est mundi, non inter aurum & argentum, sed in luto nascitur.

*De pictura Ioannis Euangelistæ.*

C A P V T    L V I I I .

**P**Enultimo loco dicendum est de Ioanne Euangelista. Quem etiam Romani imberbem pingunt: apud quos tamen eorum more, cum barbiscernuntur, Augustinus, Hieronymus, Ambrosius, Frāciscus, & alij sancti. Huius igitur picturæ dandæ sunt rationes. Neq; enim vnam, sed plures collegit Petrus Sutor, Carthusianus Parisiensis. In libro de triplici connubio diuæ Annæ, cap. 5. Dicimus, inquit, aduersarium inaniter pictores vellicare quod Ioannem iuuenem, imberbem, & inelegantem, depingere soleant. Siquidem pictores ipsi in hac parte potius laudandi sunt, quippe qui depingant prudenter, aptè, & accommodatè; Ioannem iuuenē & imberbem, partim propter ætatem, quia adolescens erat tempore cœnæ: partim propter perpetuam virginitatē: partim denique ad proponendū iuuenibus exemplum, vt instar Ioannis florem iuuentutis Christo consecrare, & diuinis obsequijs seipsum dedere studeant. Calicē in manu habet, partim propter  
Verbum



Verbū Christi, Calicem meū bibetis, Matthæi cap. 20. partim etiam, quia, vt sanctus Isidorus scribit in libro de partibus noui testamenti, bibens letiferū haustū, non solū euasit periculum, sed eodem prostratos poculo in vitē reparauit statū. Quo etiam pertinet, quod in Soliloquijs apud Augustinum legitur: Pro t̃ha dulcedine gustanda, veneni poculum intrepidus Ioannes potauit. Quodq; Albertus Castellanus in sacerdotali Romano habeat, benedictionem vini contra venenum, in festo sancti Ioannis Euangelistæ ṽsitatam. Quod autem non debeat puer pingi apud matrem suam, à Christo petentem quod nesciebat, ad natalē sancti Iacobi fratris eius notauimus. Quidam etiam pingunt eum sponsum in nuptijs habitis in Cana oppido Galilææ. Quod quam parum nobis probetur quartolibro dicemus.

Cap. 74.

Cap. 22.

Lib. 3. cap. 26.

Cap. 20.

*De pictura Sabini episcopi Spoletini.*

C A P V T L I X.

**D**Ie trigesima vltimi mensis natalis est Spoleti, sancti Sabini episcopi. De quo memorabile est quod referam ex Paulo Diacono Lāgobardorū historico. Ariulphus, dux Spoleti gentilis, in bello Camerino contra Romanos, vidit quendam strenuè pignantē, & clypeo suo aduersæ partis ictus à se auertentem. Peraçto prælio rogauit suos, quis præ alijs fortius bellasset. Responderunt se illic nullū fortius bellantē, quàm

Lib. 4. c. 5.



quàm ipsum ducē, vidisse. Ille ait, Certè multò per omnia me meliorem ibi alium vidi. Cumq; dux aduenisset prope basilicam Sabini, interrogabat, cuius illa tam ampla domus esset. Respōsumq; est ei à viris fidelibus, Sabinum ibi martyrem quiescere : quem Christiani, quoties in bello contra hostes irent, præsidium haberent : ac eum propterea in auxilium vocarent. Ariulphus adhuc gentilis respōdit ; Et potest fieri, vt homo mortuus aliquod viuentibus auxilium præstet ? Qui cū hoc dixisset, equo defiliens basilicam conspecturus intrauit, alijsq; orātibus, ipse picturas mirari cœpit, cūq; figuram martyris Sabini depictam vidisset, mox cum iuramento affirmauit, talem omnino eum virum, à quo in bello protegebatur, formam, habitumq; habuisse. Ad huiusmodi triumphum respexit Mediolanensis Ecclesia, quando ob victoriam Parabiagi obtentam merito Ambrosij patroni sui, eum in perpetuam rei memoriam cum flagello deinceps depinxit. Eodem pertinet quod Mechlinienses Lambertum Leodiensem Episcopum & martyrem, suum vero Apostolum, peculiariter depingant, cum militari habitu sub episcopali, & gladio in manu, quia eius merito Danos à se fugatos agnoscunt.

FINIS.

DE

D E  
S A C R A R V M  
I M A G I N V M H I S T O R I A .

L I B E R Q V A R T V S .

*De vultu Christi.*

C A P V T I .



Ostquam absoluimus duodecim anni menses, restat vt postremo libro quadā notemus ad festa mobilia, & communia sanctorū. Qua in re auspicabimur ab ipso Salvatore nostro.

In formāda igitur facie Christi, pictor operam dabit vt ipsam speciosam faciat. Nam visu gratiosissimus fuisse traditur Christus, vt Ioannes Chrysostomus testatur, homilia 28. in Matthæum, & , sicut Hieronymus scribit, fulgor ipse & maiestas diuinitatis occulte etiam in humana facie relucebat, meminit eiusdem splendoris Damascenus, lib. 4. de fide, cap. 17. Longè autem est pulcerrima ipsius forma nunc in cœlis, vt in quem Angeli etiam prospicere desiderant. Ac tali etiam post resurrectionem fuit in terris. Nam si iusti fulgebunt sicut sol, in regno patris sui : quanto maior claritas Christi fuit, eum resurrexit ? Sed quæ ab oculis discipulorū abscon-

*Hier. in 9.  
Matth.*

*1. Pet. 1.*

*Matth. 13.*

abscondita fuisse, potius, quàm defuisse credenda est. de quo legatur apud Cyprianum sermo de resurrectione Domini. Vide etiam Chrysostomum, homilia 86. in Ioannem ad illud: Manifestauit se iterum discipulis.

Esa. 55.

At in passione sua non habuit speciem neque decorem. Vnde Deipara ad Christum patientem apud Gregorium:

*O lepidissimum aspectum, ô desideratam  
Venustatem ineffabilem, quæ excellit totum  
genus hominum:*

*Imago non picta, non picti item exemplaris,  
Vt nunc tetro es aspectu! nequeo ferre, dum contem-  
plor te.*

Idem præterea num indicet Romæ Venerabilis Vultus Domini, scire velim ab ijs qui eum attentius aut propinquiùs aspexerunt. De quo Catharinus ait: Et nos Romæ vultum sanctum, quem Veronicam vocant, in templo beati Petri adoramus, & veneramur.

Cath. de  
imagin.

*De vultu Christi sancto qui Romæ asseruatur.*

## C A P V T 11.

**S**Ed quia de vultu Christi pictura dissero, mentioq; incidit imaginis quæ Romæ percelebris est, cuiusque exemplar passim habetur, paullo amplius de ea dicere conemur. Si igitur quæras vnde imaginem hanc Roma habeat, putarim ex noua Roma, siue Constantinopoli allatam

allatam esse. Fuit enim imago Christi in mantili impressa, primum Edessa, deinde Constantinopoli, valde celebris. Nam festum huius imaginis sic annotatur in Græcorum menis, Mense Augusto, die decima sexta, deportatio ab vrbe Edessa non manufactæ imaginis Domini nostri Iesu Christi. Neque quemquam turbet quod Græci ferè dicant imaginem hanc Abagaro Toparchæ missam esse à Christo; Romani verò afferant eam linteo Veronica impressam esse, cùm crucē suam baiularet. Fatetur namque Constantinus Imp. cognomento Porphyrogenitus, in tēpore & circumstantiis huius non manufactæ imaginis aliquam esse sententiarum diuersitatem, sed in eo quod præcipuum est omnes consentire. In eo, ait, quod præcipuū est in hac re omnes consentiunt, & confitentur ex facie dominica admirabiliter in linteo fuisse formam expressam: in nonnulla autem rei circumstantia, seu in tempore differunt. Quod quidem nihil lædit veritatem, seu prius factum sit seu posterius. Ista itaque varietas Græcorum à Latinis nō lædit præcipuam veritatē imaginis. Nunquam enim dubitatum est quin sit vultus Christi, ab ipso Christo linteo impressus. Quē etiam contestatis claruisse miraculis, qui volet, animaduertet ex ijs, quæ de hac diuina imagine scripta leguntur, tam in septima synodo, & ecclesiastica historia Euagrii, quàm apud Metaphrastem in oratione Constantini Porphyrogeniti.

*Ad diem  
16. Augusti.*



Inc. 12.  
Apolog.  
Teriul.

geniti . Pulchrè sanè Archidiaconus Pamelius, Effigies Christi, quam Veronica in sudario dedisse traditio est, etiam num exstat, tanta in veneratione, vt de illa dubitare posthac, non modò miracula non permittant, sed nec adspectus ipse. Cuius interim fit mētio olim apud Albericum in suo dictionario ante annos subhinc fere trecētos, anno Domini 1350. & exstat in Bibliotheca Vaticana eius imaginis Romam sub Tiberio aduectæ historia grauitè conscripta & antiquissimis characteribus, quā totam se perlegisse mihi retulit carissimus Theologus Thomas Stapletonus Anglus.

*Annotatio ad historiam Christi in horto existentis.*

## CAPVT III.

**C**Irca passionem autem Domini Saluatoris, dum non pauca notanda occurrunt, exordiar ab historia eius orantis in horto. Quidam enim hæresiarcha grauitè traducit pictores nostros, velut profanos, eo quod adducti illis verbis, Transeat à me calix iste, calicem depingant eius formæ, quo in sacrificio Missæ utimur. Vult enim ~~per hunc~~ eo loci non calicem, sed poculum transferri, & ex Hebræorum idiotismo, significare, iram Dei, & supplicium pro peccatis nostris, ac proinde ad execrandum Antichristi sacrificium, vt impurus ille loquitur, non pertinere. Cui paucis verbis respondeo,

Beza in  
26. Matth.



deò, nullum tam rudem esse inter pictores, qui putet Christum locutum esse de calice sacro, quo in sacrificio missæ utimur. Sed quia Christus Dominus, figurata locutione, petijt calicem, siue passionis suæ poculum à se transire, idem pictores, figuram in pictura seruantes, exprimunt. Maluerunt autem illam formam calicis vel poculi assumere, quæ postea ad solos vsus sacrificij transijt, eo quòd Christus non vulgare poculum biberit, sed sacrosanctum. Sacrosancta enim fuit eius passio, in qua se ipsum pro nobis Deo patri hostiam obtulit. Vnde & interpretes videtur prætulisse nomen calicis, quòd hæc vox augustius & sacratius quid significet, ex usurpatione Christianorum, quàmquam ex Grammatica significatione synonyma sit cum poculo. A maioribus autem accepimus, vt ex picturis constat antiquioribus, Angelum calicem in manu sua gestasse. Quo significatur quod petenti, vt calix transiret, angelus apparuerit confortans eum. Sunt autem qui imperitissimè depingunt Iacobum, in horto cum Christo existentem, ipsi Christo simillimum. Cuius erroris fontem tractauimus lib. 3. cap. 16.

*In picturam Crucifixionis Christi.*

C A P V T I V.

**D**Escendamus autem ad Saluatoris nostri crucifixionem. Circa quam primum no-

retur omnino incertum esse an sit cruci affixus ante, an post erectionem, ideoque non referre utro modo istud exprimatur, cum in huiusce-modi, locum habeat illud Poëta,

*Pictoribus, atque poëtis,*

*Quidlibet audendi semper fuit æqua potestas.*

Vulgatior tamen est sententia Francisci Fabricij Ruremundani, medici Aquisgranensis, qui Gregorium Theologū in Christo patiente hoc modo transtulit:

*Feri ilico ( Ut canes Venatici, )*

*Apparitores insilire, sternere,*

*Longique summo stipitis fastigio*

*Corpus supinum, vestibus nudum omnibus,*

*Imponere, ac clavis pedes trabalibus*

*Affigere : hinc per alterum orthogonicos*

*Connexum ei lignum trahentes brachia,*

*Utrimque palmam utramque clauo ferreo*

*Firmare, sublimemque in aethera tollere.*

Notanter autem dico hanc sententiam esse Francisci Fabrici : qui paulò liberior fuit in transferendo. Nam ipse Gregorius, eiusq; tragœdiæ alij interpretes, Claudius videlicet Roilletus, Gabriel Tarraconensis, & Sebastianus Tigurinus, manifestè habent Christum cruci affixum esse post erectionem. Neq; etiam Græcè habetur pedes clavis, aut clavis trabalibus, affixos esse: sed tantum,

πένδας δὲ κατέλασαν ἐν πενήτῳ ξύλῳ.

Postmodum autem meminit ipse Nazianzenus Iosephi deponentis Christum ex ligno τρισήλῳ, hoc est ex ligno cum tribus clavis.

Crucifixus est autē (ac proinde pingi debet) dorso versus Hierusalem & Orientem, facie respiciens ad Occidentem, dextera ad Aquilonem, sinistra ad Meridiem, vt docet Sedulius & Beda in Lucam scribens, & Damascenus lib. 4. cap. 13. Quali positione etiam ascēdit, oculos suos ad occidentē vertens, & super Romanam Ecclesiam in occidente positam: ad quam Petrum & Paulum, præcipuos Apostolos erat missurus, & vbi pactum cum Petro initum erat custoditurus. Quod Ioannes Hesselius & Petrus Montanus, Dominicæ passionis interpretes, inculcant.

*Sedul. lib.  
4. Beda  
cap. 93.  
tom. 3.*

Nudum etiam crucifixum esse Christum, quales nascimur, iidem & multi alij in Passionem Domini scribentes, diligenter annotarūt. Hinc non solum in Græcis ecclesijs Christum in cruce pendere cum vestibus; sed etiam apud nostrates in multis antiquis imaginibus, simpliciores quidam multum Evangelio contrarium mirantur. Nam à doctis in Hannonia viris intellexi multos isthic esse qui rideant Louanienses, apud quos in primaria Ecclesia, & in ipso pastoralis officij altari, veneranda imago crucifixi Christi, quæ in publicis processionibus, arduas ob causas indictis, ex auito &

religioso more, à duobus sacerdotibus circumfertur, vestita cernitur: mirarique vehementer istud non corrigi in tam celebri studiorum, siue (vt est Iudicum 1.) literarum ciuitate: sed ij non legerunt quod Gregorius Turonensis scribit, in libro de gloria Martyrum: esse apud Narbonensem urbem in ecclesia seniore, quæ Genesij Martyris reliquijs plaudit, picturam, quæ Dominum nostrum quasi præcinctum linteo indicat crucifixum. Quæ pictura, dum assiduè cerneretur à populis, apparuit cuidam Basilio presbytero per visum persona terribilis dicens: Omnes vos obrecti estis varijs indumentis, & me iugiter nudum aspicitis. Vade quantocius, & cooperi me vestimento: & tege linteo picturam illam, in qua crucifixus appareo. Sicut ergo vestis Christo resurgenti, aut ad iudicium venienti, appingitur: & sicut linteamina habent, qui ibidem ex sepulcris suis resurgentes pinguntur, sic etiam Saluator noster in cruce pendens, propter nostram in præsentī vita miseriam, qui in Adam innocentiam perdidimus, non pingitur omnino nudus, sicut cruci ab ijs quos Psalmista canes vocat, est affixus; sed pingitur aut vestitus, aut cinctus linteo. Postremum est nunc frequētius, partim quia huiuscemodi imago magis videtur excitare deuotionem mentis, quàm altera Christi in cruce vestiti: partim verò quia nonnulli putant Christum in cruce linteo tectum fuisse. Quod tamen magis opinantur, quàm sciunt: & diuer-

Cap. 22.

Psalm. 21.



diuersimodè etiam narrât. Birgitta enim lib. 4. *cap. 70.* reuelationum, Mox, ait, iussus vestes ponit, paruumque linteum verendis prætexit. Dialogus verò quidam qui inscribitur Marię, & Anselmi, de Passione Domini, & solenniter intermisceri solet prædicationi dominicę Passionis: vt annotat Dionysius à Richel, Carthusianus, sic habet, loquente Maria, Panniculum capitis mei circumligavi lumbis eius. Franciscus postremò Polygranus, (vt reliquas opiniones omittā) Nudus crucifixus est Christus: quanquam pium opinor credere obsequio alicuius velata pudenda: tum quod natura etiam horreat hoc facinus, tum quòd Christus ipse in cuius erat voluntate quod pateretur, coram castissima matre, alijsq; sanctis mulieribus, non credendus est inuelatus voluisse apparere: tum demum quod erat in cruce summus pontifex & hostia.

*De  
Passione  
Domini  
artic. 14.*

*Exod. 28.  
8.*

### *De forma crucis Christi.*

#### C A P V T V.

**V**arię sunt autem crucis species. Est enim quę litera Tau effigiatur: est, quę stipite caput attollit, Christi quasi titulum complexa: est, quę decussata crucem exprimit, quam vulgo Burgundicam, siue D. Andree, appellant. Est præterea quę Ierosolymitana: est, quę Hispanica, dicitur. Verum inter tam varias nisi vna verè est Christi crux, atque vna tantum est Christi Domini insigne atque tropæum. de qua in

*D. Lin.  
datus Pa-  
noplia  
l. 4. c. 27.*



*D. Thom.  
de erudit.  
principum.  
lib. 1. c. 53.*

*In Ezech.  
cap. 9.*

*Lib. 2.  
cap. 42.*

*Ephes. 3.*

*Epist. 112.  
cap. 13.*

præsens quæritur. Sunt qui eam putent veram Dominicæ crucis figuram quæ palo recto transuersum non infigit, sed superfigit, stipitem, quod Græcum Tau ad viuum, sicut & Samaritanum, antiquumq; Hebraicum T, exprimit: quod liquere arbitrantur ex Hieronymi verbis. In antiquis Hebræorum literis, quibus vsque hodie vtuntur Samaritani, extrema Tau litera crucis habet similitudinem, quæ in Christianorum frontibus pingitur, & frequenti manus inscriptione signatur. Alij verò arbitrantur in litera Tau non plenam esse similitudinem crucis Christi, sed eam quadrangularem fuisse. Pro qua sententia diximus nonnulla Capite 17. lib. præcedentis. Quibus nunc addo eandem esse sententiam Irenæi & Augustini. Irenæus enim, Ipse habitus crucis, inquit, fines & summitates habet quinque: duos in longitudinem, & duos in latitudine, & vnum in medio, vbi requiescit qui clauis affigitur. Beatus verò Augustinus non solum meminit quatuor finium crucis Christi, id quod ab ipso transuerso ligno sursum versus eminet latitudinem vocando, sed etiam mysterium istarum quatuor partium explicat. Citatis enim Apostoli verbis: Vt possitis comprehendere cum omnibus Sanctis, quæ sit latitudo, & longitudo, & sublimitas, & profundum: subdit ad Paulinam scribens: Ego hæc verba Apostoli Pauli sic intelligere soleo. In latitudine, bona opera

opera charitatis: In longitudine, perseverantiam in bonis usque in finem: In altitudine, spem celestium premiorum: in profundo, inscrutabilia iudicia Dei, unde ista gratia Dei in homines venit. Et hunc intellectum coaptare etiam sacramento crucis. Similia habet epistola centesima-decima-nona, capite decimo-quarto: in Psalmum centesimum-nonum, concione prima; de Sanctis, sermone decimo-nono; libro secundo de Trinitate capite 42.

*De numero clauorum Christi.*

C A P V T VI.

**P**ORRò quod ad clauos attinet, passim habentur multe veteres imagines Christi crucifixi quatuor clavis: quales etiam Louanij, & passim alibi non paucas exstare frequenter obseruavi. Sed & Iacobus Pamelius, ad Gregorij Magni Sacramentorum librum, annotauit, ad *In Liturgi-*  
ea canonis Missę verba, Te igitur clemētissime *cis tom. 2.*  
Pater, sicut plerique codices habent hanc litteram T, loco crucis Dominicę: ita etiam quosdam habere hoc ipso signo T, effigiem Saluatoris, quatuor clavis affixam. Meminerunt & alij nonnulli quatuor clauorum.

Habet enim sermo de passione Domini apud Cyprianum, clavis sacros pedes Christi terebratos fuisse. Gregorius quoque Turonensis, de gloria Martyrum cap. 6. Vnum ex quatuor clavis deponi iubet in pelago: & Innocentius

tertius, sermone de vno Martyre. Quatuor clauui sunt quatuor principales virtutes. Gabriel Biel, sermone de exaltatione Crucis: Quatuor clauui, quatuor sunt cardinales virtutes, quibus debemus nos cum Christo cruci affigere. Birgitta lib. 4. reuelationum, cap. 70. Et ecce malleus, & quatuor clauui. & in extrauagantibus reuelatione 51. Pedes deorsum tracti, & duobus clauis perfossi non habebant aliud sustentaculum nisi clauos. Secuti sunt autem isti non historiam, sed coniecturam, quæ eis videbatur magis probabilis, quamq; etiam tunc picturæ, vt credo, exprimebant. Cùm enim duo pedes non possint commodè ligno affigi vno clauo, probabiliùs eis visum est Saluatorem nostrum quatuor clauis crucifixum esse. Quibus etiam accedit, quod S. Bonauentura scribat Franciscũ in manibus & pedibus habuisse signa clauorũ, capitibus rotundis & nigris in interiori parte manuum, & superiori pedum, apparentibus: & acuminibus existentibus ex aduerso. Huc pertinent etiã reuerendissimi Dñ. V Vilhelmi Lindani verba. Is enim citato Panopliæ cap. sic habet: Christum Dominum vna nostri causa crucifixum, non tribus fuisse clauis fixum, vti hodie vulgo habent imagines, sed quatuor, verius crediderim, non ex vetustissimis tantum Louanij, Parisijs, & per Germaniam imaginibus, sed tabellis etiam antiquissimis in Græcia pridem fabrefactis, quod inscriptiones Dominici tituli,

cap. 13.

cap. 97.

tituli, & *θεοτόκος*, & *Ιωαν. θεολόγος*, aliaq; arguebant:  
 vti nostrū Musæū istiusmodi nonnullis emble- *Vide Fano-*  
 matibus instructum demonstrat. Huc quoq; *vinum.* fa-  
 ciat & ille in Psalmos Cōmētarius, qui D. Hie-  
 ronymi nomine circumfertur. Hæc Lindanus.  
 Audio etiā Romæ & Ierosolymis, in primaria  
 Caluarię Ecclesia, cruces esse cū quatuor clavis.  
 Eas quoq; videre licet in Græcorū horologijs.  
 Non sunt igitur veteres illæ imagines reprehē-  
 dendæ. Sed nec reprehendo, quod Christus  
 nūc constāter tribus clavis cruci affigatur: cū  
 enim, vt Gabriel Biel in Passionē annotauit, in-  
 certum sit, vtrum duobus clavis an vno, pedes  
 Christi sint affixi, parum refert vtro modo pin-  
 gatur. Vnde etiā vetustissimæ picturæ vtrumq;  
 modū exprimunt. Nec dubito quin sentētia de  
 tribus clavis suā etiam habeat probabilitatem:  
 quodq; non temerè in posterioribus omnibus  
 picturis quartus relinquatur. In quā sentētiā  
 paulò ante Gregorij Theologi testimoniū at-  
 tulimus. De clavis hoc addo, quod olim in ho-  
 nore fuerint, sicut satis superq; expressit D. Am- *Sub finem.*  
 brosius, orationē, de obitu Theodosij habens,  
 Iudæos Christi æmulos induxit loquentes:  
 Ecce & clauus in honore est: & quē ad mortem  
 impressimus, remediū salutis est, atq; inuisibili  
 quadā potestate dæmones torquet. Clauū cru-  
 cis eius diademati suo præferunt Imperatores.  
 Quare mirari nō oportet si simpliciū pietas erga  
 Domini clauos peculiari deuotione afficiatur.

Porro



Lib. 2. cap.  
24.

Cap. 6.

Porro sustentaculi illius, quod in vetustissimis imaginibus Christi pedibus supponitur, meminisse videtur martyr Irenæus, dum meminit quinque finium crucis Christi, duorum in longitudine: duorum in latitudine: & vnius in medio, vbi requiescit qui clavis affigitur. Clariùs verò eiusdem meminit Gregorius Turonensis, in libro de gloria martyrum: Clavi Dominici, inquit, duo affixi erant in palmis, & duo in plantis. Sed quæritur, cur plantæ affixæ sint, quæ in cruce sancta dependere visæ sunt potius, quàm stare? Sed in stipite erecto foramen factum manifestum est. Pes quoque paruulæ tabulæ in hoc foramine insertus est: super hanc verò tabulam tanquam stantis hominis sacræ affixæ sunt plantæ.

*De corona Christi in cruce pendentis.*

CAPVT VII.

Apoc. 2.

† De quo  
Aug. in  
Ioh. trac.  
117.

**C**Oronam porro spineam in capite habet imago Christi in cruce pendentis, vt significetur in ea pèdere spinis paulò ante coronatus verus Rex Iudæorum, id est, noster: Alij enim dicunt se Iudæos esse, & nō sunt, sed sunt synagoga Sathanæ, inquit Ioannes. Quod etiam quantum ad regnum attinet, titulus significabat: in quo propterea Ecclesia gloriatur ponēs eum cum cruce in templis: nam intelligit mysterium, cur petentibus Iudæis titulum mutari, respōsum sit: Quod scripsi, scripsi †. Significare etiam



etiam ptest spinea corona, in capite Christi ad crucem affixi, quod eam in patibulo pendens habuerit. Hoc enim licet omnino certum non sit, tamen multum probabile est, cum id habeant Christus patiens Gregorij cognomento Theologi, & oratio Gregorio Magno ascripta. O Domine Iesu Christe adoro te in cruce pendentem, & coronam spineam in capite gestantem. Tertullianus quoque videtur eò respexisse, dum in libro contra Iudæos scribit, Inhærens cornibus crucis. Corona spinea in capite eius circumdata.

Orat. i. de  
Passione  
Domini.

At verò de alia corona loquitur S. Paulinus in Epigrammatibus, quæ picturis ascripsit basilicæ Nolanæ, vbi ait:

Epist. 12.

*Cerne coronatam Domini, super atria Christi,  
Stare crucem,*

Sequentibus autem verbis seipsum explicat; addit enim:

*duro spondentem celsa labori  
Præmia: tolle crucem, qui vis auferre coronam.*

Fuisse autem huiuscemodi coronam ex floribus contextam, indicat aliud ibidem Epigramma:

*Ardua florifera crux cingitur orbe coronæ,  
Et Domini fuso tincta cruore rubet.*

*Quæque super signum resident cœleste columbæ,  
Simplicibus produnt regna patère Dei.*

Vbi

Vbi præter hanc coronam florigeram, nota etiam Paulini ætate depictam fuisse crucem Christi rubentem fuso cruore Domini. Veteres autem quædam imagines non habent in capite Christi coronam: aliquæ habent regalem coronam. Qualem perantiquam & grandem Niuel- læ vidi ad sanctam Gertrudem resectam & renouatam anno 1428. Hac autem pictura paulò clariùs exprimere voluerunt quod Saluator noster non sit tantum metaphorica aut philosophica locutione Rex, sed verus Rex, & Rex regum, Dominus Dominantium, cuius regni non erit finis.

*Apoc. 19.  
Luc. 1.*

Vrgent autem nonnulli, errare pictores dum coronam spineam pingunt cranium penetrasse & cerebrum Christi, eo quòd Scriptura habeat, Os non comminuetis ex eo. Sed fortassis Prophetia hæc eo non est extendenda, Nam à Tertulliano qui Apostolorum temporibus vicinus fuit, scriptum est, spinis coronæ tempora Domini & fœdata esse, & lancinata.

*Joan. 19.  
Decoron.  
mil. sub  
finem.*

*De lapsu Deiparæ Virginis sub cruce. Item de  
pictura Ecclesiæ & synagogæ sub eadem  
cruce.* CAPVT VIII.

**D**E Simone Cyrenæo portante crucem post Iesum diximus lib. 2. cap. Vbi & alia quædam huc pertinentia retulimus. Quare transeamus ad Saluatoris nostri benedictam matrem. Eam quidam sub cruce pingunt deliquitum patientem,

rintem, aut in terram corruentem, iuxta illud  
 Reuelationū sanctæ Birgittæ: Tunc ego exina- *L. 4. c. 70.*  
 nita corruui in terram. Sed pleriq; alij improbāt  
 hanc picturā, cū Ioannes dicat: Stabat iuxta *Ioan. 19.*  
 crucem Iesu mater eius. Stabat, inquit pater  
 Guardianus Petrus Mōtanus, corpore, quæ sta-  
 bat corde per fidē (quæ nō vacillauit in ea, sicut  
 in Apostolis) & per virilē constantiam firmato:  
 stabat, nihil impotentis animi prę se ferens, nec  
 in terrā labēs, nec capillos lacerans, neq; pectus  
 tundens: stabat, etiam pro salute humani gene-  
 ris, ait Ambrosius, mori parata. Et Iudocus *In Lucæ 23.*  
 Clichthoueus in homilia de statione Virginis  
 iuxta crucem: Verū stabas optima mater iuxta  
 crucem filij tui, non solū corpore, sed & men-  
 tis constantia: neq; vllum immodestię signum  
 vultu prodebas: dolor planē tuus animo conte-  
 ctus, exteriū non innotuit gestibus, aut motu,  
 nisi pallētis vultus tristitia, & vberimis lacry-  
 mis. Lege contra istud deliquiū si placet tracta-  
 tum Thomæ Caietani, de spasmo beatæ Mariæ  
 Virginis, qui est inter opuscula eius postremus,  
 tomo 2. His accedunt Matthæi Galeni verba, *Catech. 17.*  
 Quis ferat, inquit, pictorum, vel quorūdā malè  
 feriatorum hominū penè dixerim impietate,  
 qui vulsisse comas, caput defœdasse, pectus cō-  
 rudisse, collapsam, spasmū passam, & tantum nō  
 exanimatam, alienisq; fultā brachijs, vt quam-  
 libet è vulgo matrem proponunt? Quanto gra-  
 uius est Ambrosij talibus verbis prolatū testi-  
 monium,

*Ex 32. in  
 fine.*

† pro spe-  
ctabat, fre-  
quēs Aug.

Serm. 6.  
parte 3. R.

Psal. 141.

Opusc 53.  
cap. 31.

monium, Maria, nec minor quàm Christi matrem decebat, fugientibus Apostolis, ante crucem stabat, & pijs spectabat oculis filij sui vulnera, quia † exspectabat non pignoris mortem sed mundi salutem. Lege eundem Ambrosium de institutione virginis, cap. 7. Pulchrè denique S. Anselmus: Inter tot pressuras filij sui, cōstāter ipsa sola stabat, in fide firma, & pulchrè stabat, vt decet pudicitiam virginalem; non selaniabat in tanta amaritudine, non maledicebat, non murmurabat, nec vindictam hostium à Deo petebat, sed stabat disciplinata, verecūda, Virgo patientissima, lacrymis plena, doloribus immersa. Quod autem de situ Mariæ sub Cruce in Mariali annotauit Bernardinus Bussi, id magis inter opiniones referendum est, quàm solido nitatur fundamento. Refert parte tertia beatam Mariam iuxta crucem depingi debere ad sinistram Christi, stabat enim ad aquilonem orans pro peccatoribus, non autem ad dexteram, vt putat: citando Alexandrum de Hales in Psalmos, & illud Psalmi: Considerabam ad dexteram, & videbam, & non erat qui cognosceret me.

Est & aliud, à multis non animaduersum, diligenter tamen à beato Thoma notatum in opusculo de sacramento altaris. Scribit enim in locis quibusdam à dexteris crucifixi depingi puellam, hilari vultu, pulchra facie & coronatam, quæ Ecclesiam designat, & sanguinem Domini



Domini reuerenter in calice suscipit. Quia fidelis anima, cor mundum vulneribus Christi applicās, sanguinem eius spiritualiter, cum omni deuotione, sumit. Vnde lumē & cordis gaudiū, & æternæ gloriæ coronam, acquirit. A sinistris autem pingitur synagoga oculis panno ligatis, tristi facie, inclinans caput: & corona decidēte quæ ipsum sanguinem fundit, & fūsum contemnit. In quo figuratur, quod hæc & omnis mortaliter peccans, tria bona perdit, lumen gratiæ, gaudium cōscientiæ, & coronā gloriæ. Hinc dicitur Threnorum quinto: Væ nobis quia peccauimus; idēo obtenebrati sunt oculi nostri: mœstum factum est cor nostrum: cecidit corona capitis nostri. Et quia in mentionem picturarum Ecclesiæ incidimus, placet ea adijcere, quæ huc spectantia à Georgio V Vicelio *In exercit. piet.* sunt obseruata. Vidit is V Vormatiæ ad templi primarij fores typum raræ antiquitatis, reginam veluti triumphantem, & iumento quadricipiti lætam insidentem, ad terrorem partis aduersariæ viuaciter effigiatam. Hanc autem reginam Ecclesiam esse catholicam dubitari nō potest, quia quatuor illa capita, & correspondentes pedes, exprimebant notissimo per orbem typo, & iam olim ab Ezechiele descripto, quatuor Euangelistas. Addit deinde V Vicelius, sanctam abbatissam Hildegardim, ad quam epistolarum immēsa vis scripta est, & ad quam audiendam ac vidēdam S. Bernardus ex Gallijs



iter fecit, dictasse in Apocalypsim ingens volumen adiunctis miris imaginibus, inter quas Ecclesia, forma regina picturata, liberali perstat vultu, cum inscriptione, Me oportet concipere, & parere. Vidit & Fulde in vetustissimo aulaeo inter prophetas & Apostolos eam consistentem, tamquam reginam in vestitu deaurato, gemmeoque pectorali insigniter exornatam, habentem in scheda scriptum, Ego dilecta meo, & dilectus meus mihi. Meminit denique se VVirceburgi multis antea annis, vidisse sculpturam tam Ecclesiæ quàm synagogæ, ligneam, in Ecclesia Teutonistarum. De qua alibi mentionem fecerit.

*Latronem bonum à dextris Christi ponendum.*

## CAPUT IX.

**P**Rorsus verò ad opiniones refero, quod Hadrianus Iunius Hornensis, velit bonum latronem à sinistris Christi pependisse. Sic enim scribit ad Dominum præsidem Viglium, in Anastaurosi, siue passione Seruatoris.

*Dexter latro conuitijs,  
Dirisque Christum lancinat.  
Pacem sinister expetit,  
Atque inuenit facillimè.*

*Palmis decussatis Iacob  
Heredij sic ius dedit  
E liberis lauo.*

Genes. 48.

Habent

Habēt quidem, Hieronymus in 31. Ieremiæ, *Damasc.*  
 & Damascenus lib. 4. de orthodoxa fide, cap. 12. *Hier. 10. 5.*  
 quod Iacob benedicendo filijs Ioseph, manibus  
 cancellatis, signum crucis expresseſſerit: sed dum  
 vterque dicit eum filijs benedixisse, apertè in-  
 dicant filios istos non fuisse typum latronum,  
 cū alter tantum latronū à Christo benedictio-  
 nem acceperit. Quorū verò typus vterq; fuerit,  
 apertè indicāt Hieronymi verba in 31. Ieremiæ,  
 Ephraim, ait, in typo esse potissimum populi  
 de gētibus congregati, Scriptura testatur: Fuit  
 enim posterior filius Ioseph & surripuit primo-  
 genita Manasse, qui natura primiriū erat: sed  
 in mysterio Crucis decussatis manibus, qui sta-  
 bat ad sinistrā Iacob, dextrę manuseius suscepit  
 benedictionem. Et qui steterat ad dextram, si-  
 nistra benedictus, in secundum redactus est  
 gradum: & quomodo Iacob Esau, sic Ephraim  
 Manasse rapuit primogenita.

Quod si de latronum situ & vetustate ali-  
 quid sit obseruandum, non solum Nicodemī  
 apocryphum Euangelium habet, bonum la-  
 tronem, qui ibi Dismas dicitur, tametsi legatur  
 alibi,

*Dismas damnatur, Gestas ad astra leuatur,*  
 à dextris pependisse: sed grauissimi authores,  
 Augustinus & Leo, annotarunt Christum cum  
 latronibus pendētem figurā expressisse iudicij  
 extremi, in quo Christus iudex bonos cōstituet  
 à dextris: malos à sinistris. Augustinus in 7. cap.

*Tract. 31.**1070. 9.**Serm. 4. de  
passione  
Domini.*

Toan. Ipsa crux si attendas tribunal fuit : in medio enim, iudice constituto, vnus latro qui credidit liberatur : alter, qui insultauit, damnatus est. Iam significabat quod facturus est de viuis & mortuis, alios positurus ad dextram, alios ad sinistram. Nihil ergo medium erit. Similis ille latro futuris ad sinistram, similis alter futuris ad dextrâ. Leo quoq; ter sanctus : Iesus Christus, ait, filius Dei cruci, quam etiam ipse gestarat, affixus est, duobus latronibus vno ad dextram ipsius, alio ad sinistram similiter crucifixis : vt etiam in ipsa patibuli specie monstraretur illa quæ in iudicio ipsius omnium hominum est facienda discretio, cùm & saluandorum figuram fides credentis latronis exprimeret, & damnandorum formam blasphemantis impietas prænotaret.

Sed & alij veterum, latrone bonum à dextris pependisse agnoscunt: inter quos mihi in-præsentiarum occurrunt, Cœlestinus Pontifex epist. 2. Hieronymus in Matthæum; Rabanus lib. 2. de institutione clericorum, cap. 30. & sanctus Hilarius, qui vltimo canone in Matthæum, in dextro latrone omnes fideles intelligit; in sinistro verò, omnes infideles. Denique Radulphus etiam Ardentius, qui sermone de inuentione Crucis, dum tractat, Mihi absit gloriari nisi in cruce Domini, Est, ait, crux sinistri latronis qui pro peccatis suis inuitus patitur, nec emendatur: in qua non est vnde gloriatur. Est & crux dextri

dextrilatronis &c. Nec dissimiliter Augustinus, in sermone de passione Domini, per dextrum latronem intelligit figurari eos qui ob iustitiam patiuntur: & per sinistrum pseudomartyres, qui absque charitate patiuntur. Itaque hi, & qui plures observari poterunt, constanter præsupponunt bonum latronem à dextris pendisse.

*De clavis latronum.*

C A P V T X.

**D**ICTOS autem latrones, clavis fuisse crucibus affixos, non tantum asserunt, Augustinus tractatu 37. in Ioanē, Chrysostomus homilia de cruce & latrone, Gregorius 18. Moraliū libro, cap. 23. Alcimus Auitus in fine libri tertij, alijq; nonnulli. Sed & idem notum est ex Rufino & ceteris, qui de inuentione sanctę crucis scribūt. Qui etiam asserūt patibula hæc eiusdē omnino formę fuisse cum patibulo Saluatoris nostri. Cum quibus Italiae picturas convenire intelligo. Pictores nostrates fere eos funibus in diuersę formę patibulis ligant. Quod maioribus placuisse videtur, vt latronū picturę & statua, cum Christo crucifixo non facile confundatur.

Ruf l 10.  
c. 7. Ambr.  
de obitu  
Iheosof.  
Paullinus  
ep. 11.

*Cur nonnulli sub cruce pingāt Adę caluariam.*

C A P V T XI.

**H**ABET verò probabilitatem, quod nonnulli pingant sub cruce Christi caluariā siue cranium, quod Adę esse notauit Albertus Magnus



ad 23. caput Lucæ. Adam enim sub cruce sepultum esse, receptissima fuit apud veteres sententia. Quam Paula & Eustochium, in epistola ad Marcellam, narrant tanquam habitantium ore celebratam. Eamdem habet sermo de resurrectione Christi apud Cyprianum, & qui ibidem à domino Pamelio citati, Epiphanius, Origenes, Athanasius, Ambrosius, Chrysostomus, Theophylactus, Euthymius, & Augustinus. His adde Basilium in cap. 5. Isaia, & apud Metaphrastem, vitam Theodosij.

*Epist. 16.*

*II. Ianuarij.*

Hieronymus quidem in 27. Matthæi rejicit hanc sententiam, quia Iosue 14. habetur Adam maximum situm esse in Hebron, sed in 5. ad Ephesios ad illud, Surge qui dormis: hæc utrum vera sint, nec ne, lectoris arbitrio derelinquit: fortè quia aduertit locum ex Iosue allatum non convincere. De quo Melchior Canus locorum Theologicorum, lib. 11.

*Cap. 5. ad 3.*

Porro non est necessarium per caluariam depictâ, Adami cranium intelligere, sed suffecerit per eâ intellexisse quod Euangelistæ exprimunt, Christum crucifixum esse in loco qui Hebraicè dicitur Golgotha, quod est interpretatû, caluariæ locus. Quamquâ quibusdâ in locis nō caluaria, sed ipse Adam, sub cruce per quam saluatus est pingitur procumbens. Qua etiam ratione inter patres quos Christus è limbo deducit, primo loco non malè exprimitur. Ipse enim saluatus est, quod multi veteres contra suorum temporum hæreses

*Ioan. 19.*

*Mat. 15.*



hærefes annotarunt . Sapiencia illum qui pri- Sap. 10.  
 mus formatus est à Deo , pater orbis terrarum,  
 cùm solus esset creatus , custodiuit , & eduxit  
 eum à delicto stio : & dedit illi virtutem conti-  
 nendi omnia. Et Christus descendens ad infer-  
 num, in sanguine testamenti sui eduxit eum de  
 lacu. Conspicitur etiam ad quasdam crucifixi  
 Christi imagines , in inferiori parte , depictus  
 agnus , vt is meditationem iniiciat, Christum  
 esse agnum Dei , qui in cruce tulit peccata  
 mundi. Quod in veteribus crucis imaginibus,  
 quæ à Carolo magno in quibusdam cathedrali-  
 bus Francorum Ecclesijs erectæ sunt , ani-  
 maduertisse se scribit Contiùs in notis ad Gra-  
 tianum.

*De consec.  
d. 3.*

*In Christum de cruce depositum observationes:  
 & erronea pictura Ferentinatum, qui Chri-  
 stum mortuum esse negabant.*

## CAPVT XII.

**C**hristum autem de cruce depositum aliqui  
 pingūt absq; omni plaga & liuore: sed hoc  
 non est solidū . Desumptū est verò ex libello qui  
 inscribitur apud Dionysiu dialogus Mariæ &  
 Anselmi : inter opera autem Anselmi inscribi-  
 tur Anselmus de passione Domini . In eo dia-  
 logo dicit Maria: Post depositionem filij mei à  
 cruce, & ante sepulturam, glorificatus est filius  
 meus, ita quòd nulla plaga , aut liuor , in cor-  
 pore eius apparuerit, præter quinque vulnerum

Articulo  
14.

cicatrices. Hunc libellum Dominus Dionysius Carthusianus examinat, tractans de passione Domini: sed modestiæ causa non fert eius censuram.

Serm. 2. super  
per Euang.  
Stabat  
iuxta crucem.

Leander in  
Italia, libro  
de Tuscia.

Popularis autem pietas delectatur depositione Christi in sinum matris: de quo non pauca habet poësis Gregorij Theologi. Et huc pertinet illud Bernardi, ex persona gloriosæ matris: Amplectar brachijs, & depositum de cruce osculabor filium, Deum & Dominum meum. De eodem tractatum scripsit Hemericus de Campo, Doctor Theologus Louaniensis, quem inscripsit, De imagine Christi de cruce depositi, & in sinu matris funerali linteo inuoluti: sed ex eo nihil allego, quia titulum tantum vidi in catalogo opusculorum eius. Viguit autem aliquando error inter Ferentinates, ut in Christo negarent animam creatam, sed vices eius assererent diuinitatem suppleuisse, nec in cruce mortuum, sed viuum permanisse assererent. Quare dum eum in cruce pingebant, apertis oculis effigiabant, ut & hodie Viterbi in quibusdam imaginibus Ferentia eo allatis, videre est. Contra quos, Viterbenses fidei zelo moti, cum sæpius de errore moniti obedire nollent, graui obsidione contumaces cinxerunt, cinctos expugnauerunt, & occidione ferè deleuerunt. Et dignitates Ecclesiasticas Pontificis permittu ad se transtulerunt.

Anno-

*Annotatio in picturis resurrectionis Christi.*

## CAPVT XIII.

**V**T autem ad Christi resurrectionem transferamus, circa eā in primis obseruandū est, quod Iudocus Clichthoueus notauit, sermone primo in diē Paschæ: Clauso exijt sepulcro, sicut & ianuis clausis intrauit ad discipulos: neque credendū est pictoribus qui pingunt Dominū amoto lapide exire de sepulcro: sicut & custodes pingunt dormiētes, quos verisimilius est tunc fuisse vigiles, alias non potuissent esse testes factæ resurrectionis, sicut fuerunt apud Phariseos. Hæc autem ex historia Euangelica clariora sunt, quàm vt probatione egeat. Quare admonitionem fecisse satis sit. Ipsum autem sepulcrū, ex quo Dominus deuicta morte resurrexit, quomodo sit pingendum, edocet libellus Adamāni, de locis sanctis scriptus: qui est apud Bedā, lib. 5. historiæ gētis suæ cap. 17. Ceterum Deipara Maria non numeratur ab vllō Euāgelistarum inter mulieres quæ ibant ad Christum vngendū: quare nec in pictura eis est adijciēda. Sicut annotatū est in libro de passione Domini apud Bernardū, In quo legitur: Maria, quæ sola Cap. 2. benedicta est in mulieribus, sola per illud triste sabbatū stetit in fide, & saluata fuit Ecclesia in ipsa sola: propter quod aprissimè tota Ecclesia in laudem & gloriā eiusdem Virginis diem sabbati per totius anni circulum celebrare consuevit.

suenit. Verè & singulariter benedictus palmes, qui à sua vite nullo potuit timore præcidi. Abscissi sunt viri, qui dicunt: Nos autem sperabamus, quòd ipse redempturus esset Israël. Abscisse sunt mulieres: quæ quamuis piè præueniunt mortuo humanitatis seruitium exhibere, tamè illum resurrecturum nequaquam credebant. Et fortasse propterea (quod tamen non asserendo dico, ne videar nouas assertiones introducere) illa mater quæ plus habuit pietatis, cum alijs ad vngendum non venit corpus Christi sepultum; quia frustra putabat eum vngi, quem resurrecturum sciebat.

Pleriq; autem recentiorū arbitrantur Christum Dominū primò apparuisse matri suæ, ideoque inter apparitiones hâc primo loco ponūt, cum tamen clarè innuere videatur Scriptura, quòd in cōsolationem omnium pœnitentiū se primò ostenderit Magdalena, dicente Marco

*Marc. 16.* Euangelista: Surgens autē mane prima sabbati, apparuit primò Mariæ Magdalene, de qua iece-  
rat septē dæmonia. Rupertus tamen Tuitiensis abbas, respondens huic scripturæ, alteram opinionē probabiliter tuetur, in libro septimo de diuinis officijs: Et auctor thesauri noui multo plures adfert rationes, in sermone diei Paschatis. Quā etiā pater Ignatius Loiola in exercitijs sui ordinis amplectitur. Sed ex vetustis scriptoribus allegatur in hâc sententiā; ex latinis, Ambrosius, Sedulius, Anselmus; ex Græcis, Gregorius

*Canisius de Maria l. 4. cap. 26. l. 5. c. 1.*



rius Nyssen, & Simeon Metaphrastes. Quare nulla ratione popularis pietas hic reprehendenda, aut turbanda est, sed potius cum modestia, quæ Christianos decet, defendenda.

*De pictura ascensionis Christi.*

CAPVT XIII.

**Q**uadragesimo die sequitur Ascensio Christi Saluatoris. Quam commemorat ait Guillelmus Mimatensis episcopus, imago Saluatoris in scalarum ascensu depicta: sed quia metaphora ea utcumq; rudis est, cum commodè significatiùs & elegantius Christi ascensio depingi possit eo modo, quo nunc passim pingitur, non mirum, si ea imago extra usum sit. Pulchrè autem Christo in cœlum ascendenti appinguntur Angeli, de quibus David, Currus Dei decem milibus multiplex, milia letantium, Dominus in eis, in Sinai, in sancto: Ascendisti in altum, cepisti captiuitatem. In quem locum cum D. Hesselius prælegeret tertiam distinctionem lib. 2. sententiarum, ita eius verba excepi. Hic Propheta de Christi ascensione in cœlum agit. Et est sensus: Non fuit Christus in cœlum ascendens inglorius, aut sine honore, sed cum magno honore, gloria & triumpho, ascendit: Habuit currus multos, multumque magnificos, innumerabiles scilicet Angelorum exercitus. Dominus in eis in Sinai, in sancto. Vult dicere, Quod sicut olim Deus multis stipatus Angelorum milibus descendit

*l. 1. ratio.  
cap. 3.*

*Psal. 67.*

*Deut. 33.*



descendit in montem Sinai, populo suo legem daturus, ita etiam ascendit Christus in cœlum. Appellat autē David Angelos sæpe currus, quia Deus illis vtitur ad bellandum, & triumphandum, sicut reges in bellis, & triumphis magnificis curribus vtebantur: quomodo etiam de Elizeo legitur: Ecce mons plenus equorum & curruum igneorū, in circuitu Elizei. Qui utiq;

4. Reg. 6. Angeli erant. Diligenter autem diuus Augustinus in hunc Psalmum 67. notauit, Myriadem constare ex decem milibus, & illam vocem hīc poni. Currus Dei decem milibus multiplex: Myriades latantium, &c. Omnes erant in summa læticia.

Ascendens porrò Christus benedixit Apostolis manibus suis eleuatis: Quod fecit, aut ritu Aaronico extēsis super ipsos palmis, vti Iudaici sacerdotes hodie temerē benedicunt: aut ritu Christiano, quo Episcopi benedicūt. Posterius, tanquam probabilius exprimunt pictores.

Christum autem Dominū sacra sua vestigia in loco ascensionis impressa reliquisse, non solum habet sanctus Paulinus Nolæ Episcopus, sed idem refert Beda presbyter lib. 5. historię suæ, ex oculato loci teste, Adamanno presbytero. Colligitur autem ex dictis pedum vestigijs, Saluatorem ad cœlum ascēdille tergo versus Ierusalem, facie versus Occidentē. Ad idem Damascenus citat verba Angelorū: Hic Iesus, qui assumptus est à vobis in cœlum, sic veniet, quem-

Luca 24.

Lindanus

Apolog.

10. 3. c. 46.

Leuit 9 d.

3. Reg. 8. f.

Epist. 11.

Cap. 18.

Lib. 4.

cap. 13.

Mat. 1.

quemadmodum vidistis eum euntē in cœlum. Nam, vt ipse Dominus dixit, Quemadmodum *Matt. 24.* fulguregreditur ab Oriente, & paret vsque ad Occidentem, sic erit aduentus filij hominis. Et hæc pro pictura Ascensionis Christi, qui ascendit super cœlum cœli ad Orientem. *Psal. 67.*

*Annotatio in Pentecostes, seu Spiritus-sancti festum.*

## CAPVT XV.

**I**N Pentecostes historia appingunt pictores columbam: non vt significetur Spiritus sanctus super Apostolos descendisse in tali specie: sed quia aliàs in eiusmodi specie apparuit: & *Matt. 3.* quia per columbam pulchrè designantur operationes Spiritus sancti. Columba enim animal est, quod præ omnibus volatilibus cœli, homines amat, & contubernale est, ac mansuetum: innocensque & fœcundum, & domesticum: quod versatur, quiescit, & habitat, in domibus nostris. Hæc Chrysostomus. Pos-  
*Chrysost. hom. 2. de Pentecoste. Act. 2. T. B. in 2. Act.*  
sentque ex sacra Scriptura & Patribus multò plures colligi rationes, ob quas Spiritus sanctus columbæ conuenienter assimiletur. Verba autem Euangelistæ, Et cùm complerentur dies Pentecostes, erant omnes pariter in eodē loco: hæresiarcha quidā libenter, ratiunculis aliquot adhibitis, traheret ad solos Apostolos: sed cùm ex ijs non plus cōcludat quàm se opinari mane cùm Apostoli soli essent gesta esse, quæ Lucas  
comme-

commemorat initio 2. capitis in Actis: nos opinionem illam & adinventionē, quam maiores nostri & sancti Patres ignorauerūt, libēter ipsi relinquantus, & paululū intueamur, anne antecedentia & consequētia concordem maiorum nostrorū sententiam nobis commendent. Apostoli, quibus Saluator cōuescēs pręceperat ne ab Hierosolymis discederēt, sed exspectarent Spiritum sanctum non post multos dies: cū introiissent (Hierosolymam,) in cœnaculū ascenderunt, vbi manebant perseuerātes vnanimiter in oratione cū mulieribus, & Maria matre Iesu, & fratribus eius. In diebus illis exsurgēs Petrus in medio fratrū, fere centū viginti, dixit oportere impleri Scripturā, quam prädixit Spiritus sanctus per os David de Iuda, Episcopatū eius accipiat alter. Et statuerunt duos, Ioseph, & Matthiam. Et orantes dederūt sortes eis, & cecidit fors super Matthiam. Et cū compleretur dies Pentecostes (hoc est, cū iā adesset dies quinquagesimus à resurrectione & Paschate Christi) erant in eodem loco pariter (siue, vt significātiūs est Græcè, vnanimiter) omnes. Non additur Apostoli: sed, Omnes; videlicet vnanimēs in oratione, vnanimēs in exspectatione Spiritus sancti, quoadusq; induerentur virtute eius ex alto: vnanimēs propter hāc exspectationē in gaudio magno, quāuis nubes Dominum eleuatum suscepisset ab oculis discipulorū: vnanimēs postremò in suauissimo colloquio de tē-

pore

Act. 1.

Luce 24.

Psalm. 108.

pore promissi paracleti. Verisimile est autē, dū  
 unanimiter orabant & meditabātur, eis sic Do-  
 minū aperuisse sensum, vt intelligerēt iam iam  
 mittendū esse Spiritum-sanctum, die videlicet  
 quinquagesimo à Paschate & Resurrectione  
 Domini, cō quòd Pentecoste Iudæorum typus  
 fuerit huius lætissimæ, quam exspectabāt mis-  
 sionis. Sequitur, Et factus est repentē de cælo  
 sonus tanquam aduenientis spiritus vehemen-  
 tis, & repleuit totā domum vbi erant sedentes.  
 Nota, repletam esse totam domum vbi erāt se-  
 dentes. Et apparuerunt illis dispersitæ linguæ  
 tanquam ignis, seditq; super singulos eorū, &  
 repleti sunt omnes Spiritu sancto. Non igitur  
 coarctemus hāc historiam ad solos Apostolos. *Chrysost.*  
 Nam & Petrus subiungit, Non, sicut vos æsti- *hom. 4. in*  
 matis, hi ebrij sunt, cū sit hora diei tertia, sed *Acta.*  
 hoc est quod dictum est per Prophetam Ioël, *Ioël. 2. g.*  
 Super seruos meos, & super ancillas meas in  
 diebus illis effundam de Spiritu meo. Subiūgit  
 prædictus hæresiarcha ridiculē facere eos, qui  
 cū hanc historiam pingunt, solent Mariam  
 matrem Domini in medio Apostolorum col-  
 locare, nimirū vt Apostolici eam collegij prin-  
 cipē faciant: quod sanctissimæ illi Virgini nus-  
 quam in mentē venit. Cui respōdeo, quòd hæ-  
 retici libēter obscurēt gloriā sanctissimæ Virgi-  
 nis, non tā proprio quā serpētis illius instinctu,  
 qui vt vidit se proiectum in terram, persecutus  
 est mulierem, quæ masculum à quo deuictus est *Apo. 12.*  
 peperit,



- peperit, vt illius dicti veritas probaretur: Inimicitias ponam inter te & mulierem. At verò Catholici libenter cum Damasceno dicunt, eam verè honoratam supra omnem creaturam: cum Chrysostomo prædicant eam honoratiorem Cherubim, & incomparabiliter gloriosiore Seraphim: cum Germano Episcopo eam quauis visibili & inuisibili creatura superiorem reputant: cum Ecclesia denique, exaltatam canunt super choros Angelorum. Hoc enim, habet Bernardus, mihi de illa cantat Ecclesia, & me eadem docuit decantare. Hac de causa pictores tam alibi, quàm in historia Pentecostes, libenter Mariam honoratori loco depingunt: tum etiam quia non dubitant quin Apostoli maxima in reuerentia beatissimam Deiparam habuerint.
- Genes. 3.* Quid enim nobilius Dei matre, quid splendidius ea quam splendor elegit? Hinc Lucas euangelista cum dixisset, Apostoli omnes erant perseverantes vnanimiter in oratione cum mulieribus: honoris gratia adiecit, & Maria matre Iesu: perinde loquens, ac si Maria non esset mulier, sed plus quàm mulier. Omnes enim Apostoli eam velut matrem reverebantur, memores ultimæ voluntatis Domini sui, qui vni eorum dixerat, Ecce mater tua. Qui etiam ob id eam accepit in sua: hoc est, in Apostolicum collegium; in quo nemo aliquid suum esse dicebat. In eo autem collegio humilem Virginem nihil sibi principatus aut regiminis
- Damasc. lib. 3 c. 12.*
- Chrys. in Liturgia. Act. 4. Syn. 7.*
- Epist. 174.*
- Amb. 1. 2. de virg.*
- Act. 1.*
- Ioan. 19. Aug. 172. 119. in 10.*



giminis vendicasse, colligit ex Scripturis sanctus præsul Epiphanius, scribens contra Collyridianos Mariæ offerentes. *Hæresis 79.*

*De pictura Trinitatis sacrosanctæ.*

C A P V T   X V I.

**O** Crauo die post Pentecostem, festiuitas est sacrosanctæ & gloriosæ Trinitatis. De cuius picturis duo capita scripsimus lib. 2. Quibus hîc pauca adiiciemus. Occurrit enim, quod eo in loco nō notauimus, famosa & iniuria illa pictura, qua Cosroës Rex Diuinæ Maiestati illusit. Quam ex Caroli Sigonij secundo libro de regno Italię adferemus. Cosroïs regis ductu, *An. 615.* inquit, Persæ, cum ingenti armatorum numero Iudeam ingressi, Ierosolymis captis, nonaginta millia Christianorum occiderunt: atque inde abeuntes Zachariam Patriarcham captiuum adduxerunt, & ligna Dominicæ crucis abspertarunt. Adiiciunt etiam, qui rituales libros composuerunt, Cosroëm vt sanctissimę Trinitati in contumeliam Christianorum illuderet, domum cælo similem in Perside construxisse atque à dextra parte, crucem: à læua, gallum: in medio semetipsum statuisse, ac se patrem esse, qui medius inter filium & Spiritum sanctum federet, dixisse. Hæc Sigonius. Sed tanta blasphemia impunita non remansit. Legimus enim annuè, die decima-quarta Septembris, crucem quatuordecim annis postquā venerat in potestatem Persarum, receptam esse, & Ie-

sess. 25.

rosolymā solenni celebritate relatam, Cosdroa per filium necato. Præterea cōsuluit me litteris, ex Antuerpia scriptis, doctus quidem Pastor, de imagine Trinitatis Ecclesiæ suæ data, num erigenda esset, eo quòd in sinu Patris exprimeret nudum & mortuū corpus Christi, transuersim positū, & brachijs Patris hinc inde sustētatum. Cui in primis respondendum fuit, decisionem ab Ordinario petendā esse, cū Synodi Tridētinæ decretū sit, Nemini licere vlllo in loco, vel Ecclesia, etiam quomodolibet exemta vllam insolitā ponere, vel ponendam curare imaginē, nisi ab Episcopo approbata fuerit. Deinde adieci, me eam imaginem non probare, tum quia in Ecclesia Dei inusitata est, tum quia Christus nusquam in specie mortui corporis apparuisse legitur, etsi sciam diuinitatem eius à corpore mortuo separatam non fuisse.

*In festum corporis Christi, picturarum observatio.* C A P V T X V I I.

**I**N cœnæ porrò Dominicæ pictura quidam negligunt pingere panes azymos. Quod autē in communionē Apostolorum plerumque pingātur tredecim fragmēta, siue partes panis azymi, vna videlicet in manu Domini, & duodecim in paropside: hoc fit ad significādum quod in vltima cœna Dominus Saluator corporis sui sacramentū distribuerit, & sibi † ipsi, & omnibus Apostolis, etiam Iudæ, de quo multa dici possent: sed huic loco sufficiat, quod hac in re sequan-

† Chrysost.  
homil. 83.  
in Matth.  
c.

sequantur probabilem sententiam, quam inter alios tuetur sanctus Thomas in 3. parte Sūmæ, quæstione octuagesima-prima. Pingunt etiam pictores sæpe vnum Apostolorū velut nobilem, Barptolomæum videlicet, quod alibi refutauimus. Sicuti & lasciuiā pictorum, qui Petrū malunt tāquam potorem exprimere, quàm deuotum, & religiosum cœnæ Dominicę conuiuiam. Quia verò sacrosancta Eucharistia non tantum est corpus Domini: sed etiam eiusdem figura, exemplar antitypum, ac proinde etiam imago; hoc præterea annoto, tam antiquum esse vsum rotundi panis, qui in corpus Domini consecratur, vt eius etiā meminerit sanctus Epiphanius in Ancoratu. Et videmus, inquit, quod non æquale est, neque simile, non imagini in carne; non inuisibili Deitati, non lineamentis mēbro- rum. Hoc est enim rotundæ formæ. Quamuis autem in azymis panibus consecrandis, quos imperiti hostias, alij Missæ-panes vocant, plerumque Christi crucifixi pīctura exprimat, hoc tamen non vbique seruatur. Sed aliquando exprimitur solum Maria cum prole, aut assumptio Mariæ, aut resurrectio, vel ascensio Christi, aut missio Spiritus-sancti. Quam varietatem etiam apud maiores nostros fuisse, ex historia venerabilis Eucharistiæ, quæ Amstelredami in loco sacro, sacratissimam habet memoriam, agnosci potest: cuius compendium natalibus Belgij inserui ad diem deciman-sextā Martij. Pendet præterea supra altare Eucharistia, in

*Hier. q. 2.  
ad Hedib.  
Turr. in 1.  
3. cap. 14.  
Lib. 3.  
Lib. 2.*

*Hessel. de  
euch. ver.  
cap. 54.*

antiquis quibusdam ecclesijs , vetustissimo more, quem etiam Basilium obseruasse , in vita eius annotat S. Amphilochius . Appendebat enim Eucharistiam in columba ex auro puro.

To. 1. hist.  
Scrij.

Denique mirari non oportet cur Angelos fere statuamus circa tremendum Eucharistiæ Sacramentum. Huius enim typus præcessit in Cherubim , qui vultibus intuebantur perpetuò propiciatorium , ad significandum Angelos semper intueri Christum propiciatorem nostrum, tanquam Deum suum, semperque desiderare vt propiciationem nostri perficiat . Quæ de re consule Commentarium Dñ. Hesselij ad illud Petri : In quem desiderant Angeli prospicere. Erant autem illis imagines Cherubim, ex vtraque parte oraculi , quæ scientiam Dei velatam sacerdotibus & ministris eius templi designabant. Addit autem Catharinus, quod opinionibus annuero, per duos illos Cherubim, Christum & matrem designatos esse . Creditur enim, addit, traditione acceptum, illos Cherubim fuisse humanæ formæ: sed alterum marem, alterum verò foemellam: sponsum ac sponsam, puerum ac puellam.

1. Pet. 1.

*De ludis qui speciem quamdam imaginum habent, in quibusdam anni solennitatibus.*

#### C A P V T   X V I I I .

**I**Am & ludi speciem quamdam imaginum habent, & sæpe pios fidelium affectus, magis quàm oratio ipsa, commouent. Et ad hunc sanè modum



modum adhibitis imaginibus quarundam euangelicarum historiarum spectacula certis anni temporibus exhiberi solent . Quale est quod in die Dominica Palmarū pueri inducta imagine Saluatoris asino insidētis laudem Domino cantant, ramos arborum proijciunt, & vestimenta sua in viam prosternunt . Quod item in sabbato Paschæ post medium noctis presbyter imaginem crucifixi ex sepulcro recipiens, templū circuit, & portas eiusdem clansas pulsat, dicēs, Attollite portas principes vestras, *Psal. 23.* & eleuamini portæ æternales, & introibit rex gloriæ: ac interrogāte eo qui in portis excubat: Quis est iste rex gloriæ? Presbyter rursus respondet, Dominus fortis & potens in prælio: Dominus virtutū ipse est rex gloriæ. Similiter quod in die resurrectionis Dominicæ manē post matutinas preces, angeli in candidis vestibus, in sepulcro sedentes, aduenientes mulieres ac plorantes interrogant, dicētes, Quē quæritis mulieres in hoc tumulto, plorantes? Non est hīc quē quæritis, sed euntes citò, nūciate discipulis eius: Venite & videte locum vbi positus erat Dominus. Et quod eodem die imago Domini, vexillum victoriæ gestantis, in publica processione circumfertur, & in altari populo spectāda locatur. Item, quod in die ascensionis Domini populo spectante in medio templi imago Domini sursum ducitur, & in cœlū assumi ostenditur. Interim circa imaginem ipsam Domini, imagunculis alatis angelorum, candelas arden-



*Joan.* 20. tes in manibus gestantibus, sursum & deorsum  
volitantibus, ac sacerdote aliquo cantâte, Ascē-  
do ad Patrem meum, & patrem vestrū: & clero  
succinente, Deum meum, & Deum vestrum:  
subsequente hymno, Festum nunc celebre: &  
responsorio, Ite in orbem, &c. Et quod in die  
Pentecostes imago columbæ in medio templi  
supernè dimittitur, & mox cū ea ignis decedit  
cum sonitu aliquo, qualis bombardarum esse  
solet, sacerdote canente, Accipite Spirtū sanctū  
&c. Quorum remiseritis peccata &c. & clero  
succinente, Apparuerunt Apostolis dispartitæ  
linguæ, &c. Quibus nimirum, alijsque id genus  
spectaculis, ijsce præsertim quæ passionem Do-  
mini repræsentant, nihil aliud agitur, quàm vt  
historiæ sacræ ijs qui ob ignorantiam literarum  
eas legere non possunt, exhibitis etiam specta-  
culis demonstrantur. Et hæc hæctenus de ludis  
ex Conrado Bruno, Cancellario Landeshutensi  
apud Bauaros, in libro de imaginibus, cap. 17.

*To.* 3. c. 55. Habes huiusmodi spectaculorum defensio-  
nem in apologetico ad Germanos V Vilhelmi  
Lindani Reuerendiss. Ruræmondensis Eccl.  
Episcopi, vbi inter cætera ait: Quid enim sunt  
aliud spectacula ista, quàm viuæ laicorū historiæ?  
quibus multò efficacius humanus mouetur af-  
fectus, quàm si idem priuatim legeret, aut ab  
alio lectum publicè audiat. An enim ad seriam  
Christiano homini pœnitentiam persuadendam  
& agendam, cupideque suscipiendam, aliquid  
valeat efficacius, quàm quod maiores nostri ali-  
quot

quot locis initio Quadragesimæ viam Adæ pœnitentis voluere peccatoribus Adq̃ peccatoris æmulis imaginem exhibere? Fuit enim hoc moris publici non paucis in locis: Cuius clara vestigia etiamnum nostra ætate perdurare in Ecclesia Halberstadiensi, quæ est in Saxonibus, testatur beatus Rhenanus in admonitione de Tertulliani dogmatis.

*Sub finem  
Tertull.*

*Annotatio in picturas fugæ Christi in Ægyptum*

## CAPVT XIX.

**V**T etiam circa Euāgelicas historias aliquid annotemus. Quod in fuga Christi ad Ægyptum appingatur casus idoli, desumptum est ex illo Isaie: Ecce Dominus ascendet super nubem leuem, & ingredietur Ægyptum, & commouebuntur simulacra Ægypti à facie eius. Hunc enim locum ad idolorum lapsum referunt Cyrillus Alexandrinus in Isaiam, Anselmus in 2. Matthæi, Sozomenus lib. 2. hist. cap. 20. Quem etiam sequitur Nicephorus Callistus.

*In nuptijs Canæ, nec Ioannem pingendum sponsum: nec Magdalenam sponsam.*

## CAPVT XX.

**I**N nuptijs Canæ sunt qui Mariam Magdalenam sponsam pingunt, & Ioannem Apostolum sponsum. Prius, cuius mentio est apud beatum Antoninum omnino reijcio, velut obsecrum figmentum. Posterius verò de Ioanne à multis asseritur scholasticis, & recentioribus auctoribus. Sed infirma esse eorum argumen-

*Tit. I. C. 21.  
summe:*

ta paucis subiiciam . Allegant vel Hieronymi nomine, vel Augustini, id quod in incerti, licet vetusti, scriptoris præfatione legitur, Hic est Ioannes Euangelista, quem de nuptiis, volentem nubere, vocavit Deus . Deinde addunt, Bedam habere, ad verba, Tu me sequere : Tradunt historiæ quod eum de nuptijs volentem nubere vocauerit . Hæc duo habent argumenta. Verùm neutro loco asseritur, Ioannem de nuptijs in Cana vocatum esse, aut de nuptijs cùm esset sponsus ; sed nubere volentem vocatum esse de nuptijs . Igitur istud non contigit in Cana, quia ibi Christus, nuptijs & interfuit & benedixit. Itaque hinc Synodus Ephesina, alijque Patres, nuptias defendunt, contra multorum hæreticorum colluuiem, qui nuptias damnarunt . Dico igitur nullum discipulorum Christi sponsum fuisse, in Cana, sed ipsos cum Christo ad illas nuptias vocatos esse.

*De bon. cōiug. c. 21*  
*Hæres. 58.* Cum Augustino dico, Ioannem nullas exper-  
 tum esse nuptias: & cum Epiphanio, Ioannem  
 fuisse virginem, nec nuptias contraxisse . Ne-  
 que asserere ausim Ioannem vnquam nubere  
 volentem vocatum esse de nuptijs . Beda tan-  
 tùm habet, Tradunt historiæ ; non ex propria  
 sententia loquitur, sed refert quod legerat, vel  
 in iam dicta Græci præfatione, vel in apo-  
 cryphis Apostolorum historijs, quas titulo  
 Abdiæ excusas habemus. Vbi confingitur Ioan-  
 nester à nuptijs reuocatus . Quasi non fuerit  
 singularis virgo, sed lubricus aliquando pro-  
 cus

cus, cui Christus virginem matrem mortu-  
 turus commendauit. Maioris momenti vi-  
 detur, quod docti nonnulli vrgeant Hiero-  
 nimum eiusdem esse sententiæ, libro primo  
 contra Iouinianum. Quibus respondeo, me  
 id negare. Verba eius agnosco: Petrus Apo-  
 stolus est, & Ioannes Apostolus, maritus &  
 virgo. Sed sensus est: Maritus, Petrus; & vir-  
 go, Ioannes. Comparat enim eo loci Petrum  
 qui vxorem habuerat, & Ioannem, quem fides  
 Christi virginem inuenit, & qui virgo permā-  
 sit. Et enumerat multa priuilegia, quæ Ioannes  
 præ Petro habuit, quia virgo permanfit.

In his nuptijs pictores pro sua deuotione  
 pingunt Christum & Deiparam, loco honora-  
 tiori. Nec malè etiam pinguntur sedentes ad  
 mēsam, sicut & in historia Magdalenæ vngētis  
 Christum: Quod enim tunc paulò aliter fiebat,  
 hoc hîc more nunc vulgato exprimitur. Tunc  
 erat vsus tricliniorum, in quibus mulieribus  
 exceptis, quę sedere solent, cubantes epulaban-  
 tur, & cœnabāt. Vnde nuptijs in Cana Galilææ  
 præerat architriclinus. Qui autem antiquitatis  
 amās vetustum vsus tricliniorum scire cupit,  
 legat Annotationes Gulielmi Philandri Castil-  
 lionij in Vitruuij de Architectura sextum  
 librum cap. 5. & Petrum Ciacconum in libello  
 de hac rescripto.

*De diabolo Christum tentante. CAP. XXI.*

**V**Erùm ex nuptijs ad Quadragesimam trās-  
 eamus, cuius Dominica prima, proponit



Ecclesia diabolum , Christum Dominum tentantem . Is autem quòd se libenter transfiguret in angelum lucis , accessit ad Dominum verisimiliter sub specie boni viri . Hac de causa cum Henricus Agrippa eum alicubi depictum vidisset cum cuculla , velut monachum , aut eremitam in eo libro quem vanè conscripsit de vanitate scientiarum , gaudius est plurimum reperisse se in pictura , quod in sacris litteris inuenire non potuerat , diabolum scilicet fuisse primum cuculle autorem . Hanc autem talem argumentatiunculam , cuius infirmitatem etiam pueri agnoscunt , contra catholicos iactare eum non puduit , quia spiritum habuit illius angeli , qui subiaceret pedibus S. Michaëlis : què Scriptura sacra vocat patrem mendacij , & calumniatorè , & fratrum accusatorè : quiq; tam temerariè mendax est , vt etià ipsum Dominum maiestatis tentans si filius Dei esset , ausus fuerit peruertere Scripturam , de omni iusto dictam . Dixit enim : Si filius Dei es , mitte te deorsum . Scriptum est enim , Quia Angelis suis mandabit de te , & in manibus tollent te , ne forte offendas ad lapidem pedum tuum . Omisit verò verba intermedia , quæ aduertebat proposito suo omnino contraria . Nam post illa verba ,

\* Madauit de te : sequitur , vt custodiant te in omnibus vijs tuijs . Deinde tacuit versum sequentem , qui contra eum dictus est . Super aspidem & basiliscum ambulabis , & conculcabis leonem & draconem . O diabolè : in tui & tuorum confusionem cantat Ecclesia quotidie hunc Psal-

Cap. 25.

Ioan. 8.

Apoc. 12.

Lege Lir-  
nensem

cap. 37. 38

\* Man-  
dabit.



Psalum nonagesimum in quo Deus ad se confugienti promittit Angelorum custodiam.

Quare habitantes in adiutorio Altissimi, & in protectione Dei cœli, qui nos liberat à laqueo venantiũ, & à verbo aspero, nō mouemur ijs quæ peruertendo sensum sacrarum Scripturarum, aut etiam picturarum, opponunt mēbra tua, membris Christi; perfidi, fidelibus; sacrilegi, religiosis; hæretici postremò, Catholicis: neque miramur si tui ministri, operarij subdoli, transfigurent se velut ministros iustitiæ. Sed, scimuseos sæpe tam obtusos esse, vt cū se putant transfiguratos esse in ministros iustitiæ, tunc insipientia eorum omnibus manifesta fiat. Quod si Agrippa, sepositis mendacijs, quæ contra sectas monasticas, vt ipse loquitur, collegit, monasticam vitam experiri voluisset, atque in ea se religiosè exercere, non potuisset aliud de monachis dicere, quàm quod à sancto Ephrēm dictum, tota laudat Ecclesia: Paradisus, ait Ephrēm, fructibus lætitiæ ac varijs floribus plenus, multitudo est monachorum, in id ipsum adornata in dilectione Dei. Quasi fons bonus, & aquis exundantibus multitudinem arborum irrigans, multitudo est monachorum, in id ipsum Psalmorū cantus lacrymis irrigantium. Sicut ciuitas murata & munitionibus circumsepta, multitudo est monachorum, in id ipsum alterutrum conspirantes in dilectione Dei. Diadema contextum lapidibus preciosis & splendidis margaritis, multitudo est monacho-

2. Tim. 3.  
Cap. 62.

De com-  
punctione  
cordis ca 2.

chorū, in id ipsum in omne opus bonū ornata. Nauis repleta regalibus opibus, multitudo est monachorum, in id ipsum plena Domini charitate. Oliua speciosa ac fertilis, multitudo est monachorum, in id ipsum confirmata in dilectione Dei. Imago regalis habens admirabilem historiam ex omnibus electis coloribus, & florū varietate depicta, multitudo est monachorum in id ipsum diuersis virtutibus adornata. Castra sanctorum Angelorū multitudo est monachorum, habitās in id ipsum, mentem suam semper habentes ad Deum. Hęc & alia Ephrēm

Sap. 13.

Cassianus  
de institutis monachorum,  
cap. 4.  
Esai. 19. d.

Lib. 2.

eremita Syrus. Vani autem sunt omnes homines, (& vanè de vanitate scribunt) in quibus non subest scientia Dei. Cucullæ vsus fuit apud Ægyptios illos monachos, de quibus Esaias Propheta prædixerat: Cognoscetur Dominus ab Ægypto, & cognoscēt Ægyptij Dominum in die illa, & colent eum in hostijs, & muneribus: & vota vouebunt Domino, & soluent.

*De imagine mysteriorum passionis Domini.*

C A P V T   X X I I.

**T**Empore autem Quadragesimaliū dierum, quando altaria teguntur, in multis Ecclesijs ante summum altare, & quædam alia, obuia est imago de mysterijs Passionis Domini. Quæ vnde originem suam acceperit, describit Ioannes

nes

nes Franciscus Picus, Mirandulæ Dominus, & Concordiæ Comes in Heroico carmine de mysterijs Dominicæ crucis nuper in Germaniam delapsis, quod scripsit ad Maximilianum Augustum, Romanorum Regem. Vbi inter alia legitur,

*In Stan-  
roſtico.*

*Sanguinolenta crucis, clari memorāda triumphī  
Effigies latè spectatur: spongia, flagra,  
Visuntur: tunica inconsutilis intima, clauī  
Cernuntur multo madefacti sanguine: telum,  
Quod sacram sœuo discreuerat impete costam,  
Pingitur: excubitor crista spectabilis ales,  
Tergeminiq; micant tali, quos inclyta Christi  
Iecerat innocui sortitus tegmina miles.*

*Non ignota cano, Cæsar monstrauit, & ipsi  
Vidimus: innumeros promisit Germania testes,  
Quā Rhenus tenui Rhetis ex Alpibus orsu  
Funditur & maior suppositis influit aruis.*

Quia autem hac imagine Deus homines ad pœnitentiā prouocare voluit, ideo mox valdè conuenienter in diebus pœnitentiæ est in Ecclesiæ picturis populo proposita.

*In historiam Lazari & diuitis epulonis, depictam, obseruatio.*

#### C A P V T   X X I I I .

**C**Um principe dæmoniorum partem suam in æternum retinet infelix ille diues epulo, qui prodigus fuit, tamenſi vulgo; vocetur,  
die

*die rijkke vreck*, diues auarus. Circa quam narrationem queri potest an Lazarus in leprosarijs rectè pingatur cum scuto, & corona Sanctorum: quàm solum appingendàm esse diximus ijs quos Ecclesia Sanctos habet: siue an rectè imagini eius adijciatur, Sacte Lazare, ora pro nobis. Seposita omni cōtradictione, aut refutatione (quæ longior foret) verborum Theophylacti; qui de hac narratione ausus fuit scribere, Parabola est hæc, & non, vt quidam opinati sunt, historia: respōdeo esse quidem parabolam. Vnde multæ Ecclesiæ, inter quas etiam Romana, præmittunt huic Euāgelio: In illo tempore dixit Iesus discipulis suis parabolam hanc: sed addo simul esse veram historiam, secūdum Augustinum, Ambrosium, Chrysostomum, Gregorium, & alios. Ab his columnis difficilè auellor, inquit Bernardus, loquens tantum de Ambrosio & Augustino. His accedant Ambr. Catharini contra Caietanum verba. Ipse Lazarus tanquam Domini voce canonizatus, vbique terrarum vt sanctus Dei celebratur, & colitur, & eius nomine pauperes Sancti Lazari dicuntur, qui vlceribus fœdati sunt. Sed hac de re plura lege apud Feuardētium in annotationibus ad quartum librum Irenæi. Addam etiam aliqua de inferni imagine, quod communis interpres eum in inferno sepultum esse scribat. Iob infernū, vt habet Brunus, describit, vt sit terra tenēbrofa, & operata mortis caligine: terra miseriæ & tenebrarum, vbi ymbra mortis, & nullus ordo, sed  
sempi-

In Luc. 16.

Feria 6.  
post Re-  
minisc.

21. decem.  
Dei, cap.

10. &

epist. 99.

Greg. 40.

mil. 40.

Alios, in

16. Lu.

Ber. epist.

77.

cap. 4.

cap. 13.

Iob. 10.



sempiternus horror inhabitat. Propterea Ezechiel lacum appellat. Portauerunt, inquit, confusionem suam cum his qui descenderunt in lacum. Alius propheta os immensum tribuit inferno: Propterea, inquit, dilatauit infernus animam suam, & aperuit os suum absque vllō termino. Et ad hanc formā Ecclesia depingere solet infernum, nempe immanissimæ beluæ os in immensum dilatatum, & in eo vbiq; erumpentem caliginosum ignem, & flammās ita obscuras excutientem, vt tenebras & vmbra magis, quàm lucem in his intueri liceat.

Ezech. 33.

Esa. 5.

*De pictura extremi iudicij.*

CAPVT XXIV.

**V**T autem inferni inexplicabiles pœnas, de quo iam egimus, euitemus, clangat in auribus nostris tuba extremi tremēdi iudicij, vbi vnusquisque recipiet secundum opera sua. In hoc iudicio arcus cui Dominus insidet, desumptus est ex Ezechielis verbis, Et super similitudinē throni similiter quasi aspectus hominis desuper. Et vidi quasi speciē electri velut aspectū ignis intrinsecus per circuitū eius à lumbis eius & desuper: & à lūbis eius vsq; deorsū vidi quasi speciē ignis splendentis in circuitu, velut aspectū arcus, cū fuerit in nube in die pluuiæ. Hic erat aspectus splendoris per gyrum: hæc visio similitudinis Domini. In quem locum pulcrè Gregorius: Arcum omnipotēs Deus inter se & homines in signo posuit, vt vltra mundum diluio

Ezech. 1. 8.



*Hom. 8.*  
*Ezech.*  
*Genes. 9.*

Iuuio non deleteret, dicēs: Arcum meum ponam in nubibus, & erit signum fœderis inter me & inter terram. Cumq; obduxero nubibus cœlū, apparebit arcus meus in nubibus, & recordabor fœderis mei vobiscum. Vnde & in arcu eodem color aquæ & ignis simul ostenditur: quia & ex parte est cæruleus, & ex parte rubicūdus, vt vtriusque iudicij testis sit, vnius videlicet faciendi, & alterius facti.

Appingunt verò nonnulli genua flectentes Mariam & Baptistam. Quod à multis reprehenditur, inter quos Clichthoueus. Sic enim scribit in septimum fidei articulum. Neque tunc beata virgo Maria genua flectet ante Iudicem, ostendens illi vbera ad rogandum pro peccatoribus: neque beatus Ioannes Baptista tunc etiā procumbet ad genua, vt intercedat pro hominibus, quemadmodum pictores depingūt formā iudicij. Sed & beata virgo, & beatus Ioannes tunc assidebunt supremo iudici, vt etiam iudicent mundum tamquā assessores. Tunc enim amplius misericordiæ non erit locus, sicut nunc, sed solummodo iustitiæ. Possent tamen quædam in huius picturæ excusationē adferri, non incommode rationes, nempe quod Maria & Baptista, & reliqui sancti tunc gratias acturi sint Christo pro aduentu regni eius, & pro alijs innumeris acceptis beneficijs.

Item, quod tunc Sancti rogabunt pro quibusdam, vt det illis Dominus inuenire misericordiam in illa die & hora extrema; non autem

quasi

quasi damnati saluandi essent, quod Origenes voluit. Rursus, pictura hæc significare potest, quod neq; Maria, neq; Ioannes, orans pro dānatis exaudiretur, ac postremò, homines etiā tā perfectos tremere iustitiā Iudicis. Sanè cum pictura de qua agitur & cum secunda quā dedi ratione, non malè conuenit quod Prudētius scribit claudens hymnum decimum *περὶ σεφαιῶν*.

*Vellem sinister inter hædorum greges  
Vt sum futurus, eminus dignoscerer,  
Atque hoc precante diceret rex optimus,  
Romanus orat: transfer hunc hædum mihi.  
Sit dexter agnus: induatur vellere.*

Et si verò hæc in dictæ picturæ defensionem à nobis prolata sint, longè tamen præfero alias picturas in quibus Maria & Baptista non cernuntur genibus prouolutis. Quod autem ad resurgentes attinet, examinent picturarum ecclesiasticarum studiosi, an ne expediret nullos in infantili & puerili, aut senili ætate depingi, sed in iuuenili & perfecta. Modestus est hæc in parte, ex suo more diuus Augustinus, Resurgent, ait, omnes tam magni corpore, quàm vel erāt, vel futuri erant in iuuenili ætate. Quamuis nihil oberit etiā, si erit infantilis vel senilis corporis forma: vbi nec mentis nec ipsius corporis vlla remanebit infirmitas. Vnde etiā si quis in vlllo corporis modo, in quo defunctus est, resurrecturum vnumquemque contendit, non est cum illo laboriosa contradictione pugnādum.

*Lib. 22.  
Ciuit. Dei  
cap. 16.*

*In picturam Mosis & decalogi, notatio.*

## CAPVT XXV.

**D**Vorum autē ratio habebitur in illo extremo iudicio, misericordiæ & præceptorum. Tanti enim faciet iudex Christus opera misericordiæ, quod quæ facta erunt pauperibus miseris, & afflictis, etiam minimo fratri, sibi facta esse, coram toto mundo attestabitur. Ad cuius expressiorem significationem quidam eos quibus opera misericordiæ exhibentur in specie Christi depingunt. Exigetur etiā exacta ratio præceptorum Decalogi, quæ Moses in duabus tabulis à Deo accepit. Vnde de Mose & eius tabulis quædam addemus. Aloysius Lipomanus, doctissimus episcopus in Catena ad trigessimū-quartum caput Exodi, Non habetur, inquit, in contextu Hebraico, faciem Mosis fuisse cornutam, sed radiantem, &c. Ex hoc ergo potest emendari prava vulgi consuetudo, qui duobus cornibus pingunt Mosē. Non enim cornua è fronte egrediebantur: sed & frons, & nasus, & os, & mentum, radiabant. Rident itaq; nos & execrantur Iudæi, quoties Mosē in nostris templis cornuta facie depictum aspiciūt, quasi nos eum diabolū quēdam, ut ipsi stultē interpretantur, esse putemus. De eodem sanctus Thomas ad illud Apostoli: Quod si ministratio mortis litteris deformata in lapidibus, fuit in gloria, ita ut non possent intendere filij Israël in faciem Mosi propter gloriam vultus eius. Sic habent

*Idem ante  
Aloysium  
notavit  
Aug Steu-  
chus, epi-  
scopus Chi-  
samensis, ad  
eundem  
locum.*

*2. Cor. 3,*

habent verba eius: Apostolus argumentatur ex hoc quod habetur Exodi 34. Vbi littera nostra habet quod Moses habebat faciem cornutam, ita quod non possent, &c. Alia littera habet faciem splendidam, quod melius dicitur. Non enim intelligendum est eum habuisse cornua ad litteram, sicut quidam eum pingunt: sed dicitur cornuta propter radios, qui videbantur esse quasi cornua.

Quod ad tabulas eius attinet, rectissimè pictores, sententiam sequentes quæ in Ecclesia † celebris est, in priori tabula ponunt tria præcepta Deum concernentia: in altera reliqua septem. De quo Augustinus quæstione 71. super Exodum, & concione 1. in Psalmum 32. Scio sectarios qui contradictionibus gaudent, dum initio Geusiani Antuerpiam ingressi tumultuabantur, non solum contra Catholicos, sed & contra se mutuo de harum tabularum pictura, acriter verbis contendisse. Verum euanuerunt ibidem eorum cogitationes. Quare, nec referendo, nec refutando, eorum pugnantes contradictiones attingam.

† Catech.  
Paroch.

*De communi Sanctorum pictura.*

C A P V T   X X V I.

**R** Estant communes sanctorum picturæ. Et primùm pinguntur cum corona in capite, quia perceperunt immarcescibilem coronam gloriæ, & vitæ: quam repromisit Deus diligentibus se. Lumē additur, & radij quidam ignei ē

1. Pet. 5.  
Iacob. 1.  
Apoc. 20



*Matth. 5.  
Lib. 1. ra-  
tionalis  
cap. 3.  
Sap. 5.*

*Psal. 5.*

capitibus eorum in modum circuli vndequaq;  
emicātes, iuxta illud, Vos estis lux mūdi. Pulcrè  
in rationali suo Durātus, Omnes Sancti pingū-  
tur coronati. Iusti enim accipiēt regnū decoris,  
& diadema speciei, de manu Domini. Corona  
autē huiusmodi depingitur, in forma scuti ro-  
tundi, quia sancti Dei protectione diuina fruū-  
tur. Vnde cantant gratulabundi, Domine vt  
scuto bonę volūtatis coronasti nos. In dictum  
autem psalmi locum sic commentatur sanctus  
Thomas Aquinas, Innuit Psalmista, quod vo-  
luntas Dei bona est sicut scutum contra omnia  
mala. Secūdi Regum cap. 23. Dominus scutum  
& robur meum. Vele est hic vt scutum prote-  
gens: in patria verò vt scutum coronans. Con-  
suetudo namque fuit Romanis antiquis vti  
scutis rotundis, & in illis habebant spem victo-  
riæ, vel quando triumphabant, illomet scuto  
vtebantur vt corona. Et inde sancti pinguntur  
cum scuto rotundo in capite, quia de hostibus  
adepti triumphum, scutum rotundum ad instar  
Romanorum gerunt in capite pro corona.

Verumtamē Christi corona per crucis figu-  
ram à coronis Sāctorum distinguitur. In Italia  
tamen & potissimum Romæ, (quod etiam in  
imaginibus inde allatis obseruauī) Deo Patri  
appingitur scutum triangulare, quod significat  
fidem sanctæ Trinitatis, vt interpretatur ad  
psalmum quintum Anonymus psalterij in-  
terpres. Animaduertendum est etiam quod  
huiusmodi corona nemini debeat appingi, nisi  
ijs quos



ijs quos Ecclesia canonizauit, siue coronauit; hoc est, ijs, quos Ecclesia habet pro sanctis. Pinguntur palmæ in manibus propter illud *Apoc. 7.* *Psal. 92.* Apocalypsis, & palmæ in manibus eorū. & illud Psalmistæ: Iustus ut palma florebit. Significant autem palmæ victoriam. Hinc est, ait Durātus, qui floruit an. 1286. quod qui de Ierosolymis veniunt, palmas in manibus ferunt, in signum quod illi regi militarunt qui Ierosolymis cum palmis honorificè receptus est: & postmodum ibidem cum diabolo pugnans victor exstitit: & cœli palatium cum Angelis triumphans intrauit. Commodè etiam per palmam & alia quædam intelliguntur. Erasmus enim exponens *Tem. 5.* Psalmum, Beatus vir, Palmeta, inquit, Martyribus tribuuntur, quòd hæc arbor perpetuò vireat, & omnium sola imposito onere sursum nitatur, & fructum ferat longè suauissimum. Sanctus Augustinus attendit quoque palmæ celsitudinem & rectitudinem: quodque radicem asperam habet in terra, sed comam pulchram sub cœlo. *In 29.* *Iob: 10. 4.* *& in Psal. 61. tom. 8.*

*De communi Apostolorum pictura.*

CAPVT XXVII.

**P**atriarchæ & prophete pinguntur, ut notat Guilhelmus Durantus, cum rotulis in manibus, nempe quia ante aduentum Christi fides figuratiuè ostendebatur, & quoad multa ad se implicita erat. Apostolorum verò chorum in *Lib. 1. c. 3.*

3. Reg 7.  
2. Par. 4. a.

Cap. 19.

templis frequentem esse non est mirum : nam istud præfiguratum fuit. Vnde author catenę in Genesim, Salomon in mari æneo posuit duodecim boues. Si tunc licuit duodecim boues sculpere, cum magis esset de idololatria timendum, cur non licebit 12. Apostolos pingere, quorum illi duodecim boues figuram gerebāt? & Beda de templo Salomonis, Si licuit duodecim boues facere, qui mare superpositum ferētes quatuor mundi plagas terni respicerēt: quid prohibet Apostolos depingere, viua, vt ita dixerim, præ oculis omnium pictura?

Pinguntur autem Apostoli simplici habitu palliati. Pallium enim quale fuerit satis patet, vt post Rhenanum Pamelius annotauit, tum ex picturis sculpturisque superioris vestis Apostolorum Christi, quæ etiam-num exstant, tum ex libro Tertulliani de pallio, qui cum Christianus factus reprehenderetur, quod toga reiecta pallio vestiretur, pallij simplicitatem & facilitatem commendauit, quod vnico circumiectu corpus operiat, nec artifice sit opus qui rugas formet, & inde deducat in tibias, addens quod togæ plus læserunt Remp. quam loricae, & è contrario pallio nihil aliud curæ sit, quàm ne curet. Postremò, pro defensione simplicitatis Christianorū, docet non modò Philosophiam, sed etiam artes alias pallio vestiri. Pinguntur quoque Apostoli à nonnullis nudipedes: quod docti etiam quidam videntur probare. Sanctus enim Bonauentura habet epistolam de eo quod Christus

Christus & Apostoli & discipuli eius incesserint discalceati. Sic Greg. Nazianzenus oratione 1. de pace, inter exercitia monachorū ponit pedes nudos, Apostolicisq; similes. Et Cōradus Brunus cap. 6. Legimus viros sanctos ab usu calceorū abstinuisse, quod de Iacobo Apostolo tradit Epiphanius, & proculdubio idem etiam ceteri Apostoli seruauerunt, Christi præceptum sequentes. Quod est apud Matthæum, Nolite possidere aurum, neq; argentum, neq; pecuniā in zonis vestris; non peram in via, neque duas tunicas, neque calceamenta: Verū Marcus veluti præcauere volens, ne quod Matthæus scripsit, malè intelligeretur, scripsit sandalia Apostolis concessa. Sed calceatos, ait, sandalijs: Rectè igitur dicitur cum Augustino, ea calceamenta Matth. & Lucæ 10. prohibita fuisse, quæ totum pedem tegerent: sandalia verò concessa, quæ plantam quidem pedis defenderent ab occurrentibus viæ incommodis, verū superiorem pedis partem sinerēt nudā. Huiusmodi enim calceamenti genus vocari sandalia & soleas, indicat Augustinus. Quia ergo Christus & Apostoli, vt est verisimile, pro more illius regionis maximè à pauperibus recepto utebantur sandalijs: noluit Dominus suos iam profecturos mutare sandalia, &, quemadmodum itinerantes ibi facere solebant, calceamenta assumere, quæ totum defenderent pedem. De Christo dicit Baptista: Fortior me est, cuius nō sum dignus portare calceamenta: Cuius non

To. 1. opusculorum  
Fol. 300.

Her. 78.

Matth. 10.

D. Iāsenius  
Concordiæ,  
cap. 55.

Marc. 6.

Matth. 3.

Marc. 1.

18. 12.

sum dignus procumbens soluere corrigiam calceamētorū eius. Petro dicit Angelus, Calcea te caligas tuas: vbi Græcè est sandalia. Ad Ephes. 6. dicit Apostolus, State calceati pedes in præparationem euangelij pacis. Quare non est verisimile Apostolos omnino nudis pedibus incessisse; sed nudis pedibus incessisse: hoc est, vsos esse sandaliis, & non calceis. Nam & Tertullianus in libro de pallio, significat calceos totum tegere pedem, ac suo tempore Christianos ferè sine calceis incessisse nudis pedibus, asserens parum virile esse calceos gestare.

*Iacobus, frater Domini, & Ierosolymorum Episcopus, nō est pingendus extra numerum duodecim Apostolorum. CAP. XXVIII.*

**P** Ræterea, si quis veller Iacobum, fratrem Domini, & Ierosolymorum Episcopum, qui fuit à Iudæis de tēplo præcipitatus, eicere de numero duodecim Apostolorum, distinguendo ab eo Iacobum Alphæiis quidem magna videretur niti, non solū probabilitate, sed etiam certitudine: potissimū si omnia in vnum colligeret, quæ pro hac opinione habent doctorum quorundam libri, qui nostra ætate conscripti sunt. Quare si quis, his motus, in picturis veller Iacobum fratrem Domini constituere quidem Apostolū, sed extra numerum duodecim, is meritò cōpesceretur autoritate Episcopi, iuxta decretum Concilij Tridentini. Est enim hæc sententia non solū contraria receptissi-

Bonius in  
Cle. Con  
stit lib 2.  
cap 59.  
Victorius  
in Hier.  
epist. 62.  
tom. 2.  
Adam in

ceptissimæ ubiq; sententiæ, & omnium ecclesiarum officijs, sed etiam Eusebio, & Hieronymo. Ac, vt paucis dicam, arbitror omnino hanc sententiam ex nullo sanctorum Patrum & Doctorum Ecclesiæ posse sustineri.

1. ad Gal.  
c.  
Eus. lib. 2.  
c. 1. Hier.  
contra  
Heluid. &  
ad Gal.

Obijciūt S. Clementē lib. 1. recognitionum, & in cōstitutionibus Apostolicis lib. 2. cap. 59. lib. 6. c. 14. & alibi. Quibus respondeo quòd al-  
legent Clementem corruptum, etiam iisdem locis. Nam ibidem in recognitionibus, manifesto errore dicitur: Post quem Barnabas, qui & Matthias. Libro 6. verò cōstitutionū cap. 14. annumeratur Apostolis in vnū conuenientibus Iacobus Zebedæi, qui multò ante decollatus erat. Si alleges synopsim S. Dorothei, quæ Iacobum fratrem Domini ponit post Apostolos inter discipulos: Respondeo, libellum hunc vertisse & emisisse VVolfgangum Musculum, qui, vt Catholicis notum est, in vertendo fuit parum syncerus. Dico etiam eum apocryphum esse, ac proinde martyri Dorotheo non essetribuendum. Inter Apostolos enim recenset tantum vnum Iacobum, filium videlicet Zebedæi: tres ponit inter eos Simones, Petrum, Apostolorum coryphæum: Zelotem Brettaniæ crucifixum, & alium Simonem Iudam sub Traiano ætatis 120. cruci alligatū, in Ostracina ciuitate Ægypti. Quid autem his insulsius? cū Matth. 10. capite: Marc. 3. Luc. 6. & Act. 1. ac in Canone Missæ, tam clarè recenseantur in duodenario Apostolorum numero, duo Iacobi: &



*Her. 30.  
quæ est  
Ebionita-  
rum.*

non tres, sed duo tantùm Simonēs. Secutus est autem in hac re apocryphum Euangelium Hebraicum, secundum Matthæum, quo Ebionitæ vñ sunt: & sic habet apud Epiphanium: Ingressusque est Iesus in domum Simonis, appellati Petri, & aperto ore suo, præteriens stagnum Tiberiadis, dixit: Elegi Ioannem & Iacobum, filios Zebedæi, & Simonem, & Andream, & Philippum, & Barptolomæum, & Iudam, & Thadæum, & Thomam, & Simonē Zelotem, & Iudam Iscariotem: & te Matthæū sedentem in telonio vocavi, & secutus es me. Vos igitur volo esse duodecim Apostolos in testimonium Israël. Valeat igitur obscurus ille author, qui tā apertè indicat se duodenarium Apostolorum numerum ignorasse. Vt autē non mireris Clementem hac in parte corruptum esse, memineris ex eodē Epiphaniij loco, in circuituionibus Petri à Clemente scriptis, Ebionem omni nequitia refertum multa corrupisse, & pauca vera reliquisse. Cōtra huiusmodi ergo opinatores, quorum etiam Hieronymus meminit in 17. Esaia, retineamus, quod Beda scribit in 1. cap. Act. Putāt quidā duos fuisse Apostolos, Iacobi vocabulo nuncupatos, Iacobum videlicet Zebedæi, & Iacobū Alphæi: tertium verò Iacobum fratrem Domini, non Apostolum fuisse, sed Episcopum Hierosolymorum. Quod nequaquam verū est, sed iuxta Euāgeliorum fidem, eundē Iacobum filium Alphæi Apostolū Hierosolymis præfuisse sciendum est, qui frater Domini dictus est. Sed

*hac*

*Tom. 5.*

hæ tractando, video me nimium euagari: & tamen necdum omnem difficultatem de Iacobis absoluisse.

Vnicum adhuc addo Victorium Reatinum, qui cū huius fuerit opinionis, in epist. 62. Hieronymi scribens, in indice tamē sex tomorum, priorem sententiam retractauit. Erat, inquit, quorūdam opinio, inter quos Nicephorus Calixtus est, tres fuisse Iacobos. Primum Zebedæi filium: secundum Alphæi: ambos ex duodecim Apostolos: Tertiū deinde cognomēto Iustum, fratrem Domini dictum, extra numerū duodecim, & ita decimum tertium Apostolū. Quam opinionem hic Hieronymus refert. Alia tamē, ac verior Ecclesię sententia est, quę duos tārū Iacobos agnoscit, maiorem Zebedæi filium, cui Iulij 25. diem festum agit: minorem, fratrem Domini, cuius natalem vnā cum Philippi natali celebrat, die primo mēsis Maij. De tertio autē nusquā meminit. Quam sententiā Hieronymus in libro contra Heluidiū multis defendit, asserens duos tantū fuisse Iacobos, non tres.

*De communi Episcoporum pictura.*

C A P V T   X X I X.

**T**Rāseamus ab Apostolis ad Episcopos. Qui solent pingi & sculpi sedentes, per quod iudiciariam eorum potestatē intelligo. Pinguntur etiam manu eleuata, vt apparet ad benedicendum, aut ad prædicandum. Atque omnino arbitror, si non vtrumque, saltem alterutrum,  
per

per hanc manus eleuationem significari. Mitra Episcopalis quid significet, indicant verba quæ in consecratione dicuntur: Imponimus Domine capiti huius antistitis & agonistæ tui, galeam munitionis & salutis, quatenus decorata facie, & armato capite, cornibus vtriusque testamēti terribilis appareat aduersarijs veritatis, & te ei largiēte gratiam, impugnator eorum robustus existat. Quare mitra in capite sancti Episcopi significat quod in hoc laudabiliter se viuēs exercuerit. Baculus, siue pedum, significat eius officium, & onus pastorale. Sic enim dicitur Episcopo, Accipe baculum pastoralis officij, & sis in corrigendis vitijs piē sēuiēs: iudicium sine ira tenens, in fouendis virtutibus auditorum animos demulcens: in tranquillitate seueritatis censuram non deferens. Abbati verò dicitur, Accipe baculum pastoralis officij, quem præferas cateruæ tibi commissæ, vt sis in corrigendis vitijs piē sēuiens: & cū iratus fueris, misericordiæ memoreris. Hinc in octaua Synodo cū Photius baculo innixus ingrederetur, Marinus Vicarius Romanus iussit eum auferri, dicēs: Baculus signum est dignitatis pastoralis, quod hic habere nullatenus debet, quia lupus est & non pastor. Habet itaque Episcopale pedum superiūs vncum ad trahēdum, & inferiūs aculeum ad vrgendum: quoniam in vtroque strenuum se debet exhibere.

Inde versiculi facti,

*In ba-*

*In baculi forma, præsul datur hæc tibi norma;  
 Attrahe per primū, medio rege, pūge per imum.  
 Attrahe peccantes, age iustos, punge vagantes.  
 Attrahe, sustenta, stimula; vaga, morbida, læta.*

Dictis addo, quod baculo Episcopali non sit addendum sudarium siue orarium : sed Abbatiali. Per hoc enim distinguitur ab Episcopali. Item, quod baculus Archiepiscopi non habet superiùs vncum, sed crucē : Patriarchæ autem, habet superiùs duplicem crucem : Supremo Patriarchæ siue Romano Pontifici, quidā dant pedum cum triplici cruce, ad redarguendum eorum cœcam, & diuturnam ambitionem, qui se cōtra Romanam Ecclesiam, omniū matrem, erexerunt, volendo patriarcham Constantinopolis, quæ tunc noua quoque Roma dicebatur, vniuersalis patriarchæ titulo insigniri, & eiusdem omnino potestatis esse cum veteris Romæ Pontifice. Annuli significationem habent quoque consecrationis verba, dum dicitur: Accipe anulum, fidei scilicet signaculum, quatenus sponsam Dei, sanctam videlicet Ecclesiam, intemerata fide ornatus illibatè custodias. Sicut ergo reges ijs quibus in vita dederunt aureum vellus, iterū post mortem, si rectè se gesserint, idem dant in testimonium bonæ vitæ: ita Ecclesiæ Episcopos quos in numero Sanctorum habet, iisdem ornat ornamentis pontificalibus, quibus in hac vita ornati fuerunt, ad significandum quod laudabiliter se gesserint in omnibus,

ijs, quæ

Cap. 24. ijs, quæ per ea ornamenta significantur, & quorum in vita per ea admonebantur. Quod igitur Possidius scribit Diuum Augustinum nunquam annulum gestasse, interpretor, extra diuinũ officium eum nunquã fuisse annulatum.

*De communi Doctorum, & Confessorum.*

C A P V T   X X X.

Doctores & Confessores habent etiam sua insignia, quæ illis à sanctis patribus ex diuinis scripturis tribuuntur. Quorum multa Gregorius in Ezechielem commemorat. Ego omnium maximè splendorem & lucem illis conuenire arbitror, ac propterea non ineptè stellæ vel radij luminis eorum imaginibus appinguntur: Iuxta illud Prophætæ, Qui docti fuerint, fulgebunt quasi splendor firmamenti: & qui ad iustitiam erudiunt multos, quasi stellæ in perpetuas aternitates.

*De corona Virginum.*   C A P.   X X X I.

Cap. 16. Virginum imaginibus coronam ex floribus confertam imponimus, quia & virginitatis est florem carpere, & ex eo fauum & mel componere, de quo dicitur, Fauus distillans labia tua sponsa: mel & lac sub lingua tua. Cyprianus etiam virginitatem ipsam florem appellat, in tractatu ad Demetrianum.

*Conclusio operis.*   C A P.   X X X I I.

Polestremò, vt me cū alijs breui admonitione exhorter, vtamur imaginibus ad eruditionem, & compunctionem. Non ita exclamat quidam



quidā Catechistes: Obsecro quis est qui dū in- *Galen.*  
trat templū, ac cernit effigiē diui Petri, cogitat *catb. 60.*  
clauē ingerere sacramentalium clauium recor-  
dationem? Nec minus eleganter Iosephus, in  
libro de Machabæis: Si possit in picturam ali-  
quam manus humana describere, & victorum  
omnium pœnarum genus in posterum ceris, vt  
gestum constitit, explicare, sine lacrymis nemo  
transiret: omnis multitudo conflueret, suffra-  
garentur plurimi: & multa videretur donasse,  
qui in gloriā summi Dei, talia stratagemata de-  
pinxisset. Et si quis sculpendi artifex, hanc figu-  
ram aspectu miserabilem, sepulcro intriuerit,  
aut ædibus illocauerit, ab omni terra peste esset  
alienus, æternaque felicitate indubiè frueretur.  
Quæ tamen postrema verba commodè sunt  
accipienda. Nam meminisse nos oportet, quod  
ex sancto Amphilochio citat Epiphanius in  
septima synodo, Curæ nobis sit virtutes bono-  
rum virorum eligere, & operum illorum me-  
minisse, & poliriā illorum imitari. Ipsis enim  
templa fabricari, aut imaginem illorum in ta-  
bulis circumferri, contemnendo interim illorū  
virtutes, haud quaquam laudabile est. Nemo  
enim laudauerit virum quem videt virtutes  
sanctorum auersantem & quotidie illorum  
imaginem circumferentem, aut templa illis  
ædificantem, aut vasa comparantem illis: sui  
ipsius autem templum diuinis virtutibus non  
ornantem. Multas cruces in ædícula figurare,  
& præcepta Dei contemnere, imitationisque  
pas-

Serm. de  
virgini-  
tate.

passionis illius obliuisci, extrema dementia est. Sine operibus enim fides mortua est. Sic & sanctus Ephrem, Vis esse templum Dei castum, sanctum, & immaculatum? fac habeas illius imaginem in corde tuo iugiter. Dei verò illam imaginem intelligo, quæ per bona opera, videlicet, ieiunia, continentiam, rectè facta, vigilias, orationesque purè ac iugiter pingitur. Pictus es ergo, Ambrosio teste, ô homo, & pictus à Domino Deo tuo. Bonum habes artificem atque pictorem. Noli bonam delere picturam, non fuco, sed veritate fulgentem: non cera expressam, sed gratia.

l. 6. Hex.

Huc accedit & illud Chrysostomi, Opulenti qui cupiditate pecuniarum insaniunt, assidue vestes suas, ne tineis corrodantur excutunt: tu verò quum obliuio, omnibus tineis peior ac maior pestis, animam tuam deuoret, nō accedes ad libros, non excuties tineas, non ordinabis animam tuam, non aspicias cōtinuè imaginem virtutis, nec membra eius, & caput consyderabis? Habet enim certè caput & membra, omni muliere formosa multò venustiora, ac pulciora. Quod igitur caput virtutis est? Humilitas certè, & reliqua apud Ioānem Chrysostomum hom. 48. in 13. Matthæi. Qui etiam hom. 13. in priorem ad Corinthios epistolā, explicat Paulum perfectam Christi imaginem eum imitando in se depinxisse. Quod & nobis concedat Deus, qui est benedictus in sæcula. Amen


FINIS.











10  
1766  
P. 20



Molanus, II, ch. 67 (p. 102<sup>v</sup>)

why in Aachen (and other - Flemish - towns)  
fewer statues of Saints than pictures on  
altars ... "idque non aliam ~~ob~~ causam,  
quam quod plus artificii dicatur esse  
in illis picturis, quam in statuis." (!)

David Freedberg

Johannes Molanus on Provocative  
Paintings [Book II, Ch. 42]

Warburg Journal ~~XXXIV~~ <sup>XXXIV</sup> 1971, 229-245

*the Cambridge group*  
etch in Chicago, mentioned

individual sections of

*the feast of Corpus Christi* ✓

to the bozzetti

ual size (it is  
arrangement)

entrary to the

hicago sketch

final tapestries;

eventual rever-

ed, from the

t hands to the

The same idea

63

Fig. No.:

omov no.572)

S HEIR

DOTLAND

composed of two (or three?)

cal parallel vertical

e of the eated guards-

gown of the woman at

at the right (Scotland)

ing above them is dressed

scutcheon and



Six. Rome, 1977

no. 130, engraving

Three Marys  
at tomb

(text)



# Ioannes Molanus (Louvain) De Historia SS.

[p. 105: "Non enim habeo oculos artis peritos ut discernere possim quae pictura cui sit preferenda"]

- 1) Against Iconoclasm
- 2) Against abuse or negligence in pictures.  
Refers to 25th session of Council of Trent
- First chapters: Early Christian painting (from sources)
- Veneration because of anti-Qu. 5 (21)
- (16): Pictures: books of laymen and analphabets.

Pope Hadrian on pictures in "Charlemagne", p. 203.

- (15) St Luke's picture of Virgin (St Theodorus lector)
- (Indoxia sent it to Jerusalem)

(36) "Et alibi (1 Tim. 2) Saluator noster omnes homines vult salvos fieri et ad agnitionem veritatis venire. Unus enim deus, unus mediator Dei et hominum, homo Christus, Jesus, qui dedit redemptionem semetipsum pro omnibus. Hinc pertinet Dei parva virginis et Domini noster pictura, quae exprimitur diabolum habens sub pedibus."

36 v Annunciation: one should - if texts are too general - choose the "probable". It is "probable" that Virgin was kneeling in moment.  
Flight into Egypt: what is probable? (that Virgin rides on ass) (Joseph, as a poor man, goes on foot.)  
Paul had horse from which he fell! (though not mentioned.)

(40) Little child in rays in Annunciation is "Dangereus error, even heretical".  
or Trinity with 3 heads!

(43) Numerous pictures must be removed! (Sacerilegious!)

(44) About the aetiological reason!! (Sacerilegious!)  
artists have no proper judgment! Theologians have to watch out!! (see also p. 49: "Docentur pictores et sculptores...")

(45) In Nativity, Virgin must not lie (nor have midwives) but she must kneel & adore child. She is herself "pueritrix"

(46) and "obstetrix"

(47) More "errors" (in Crucifixion, Resurrection etc.)

49. St Joseph (was also virgin!) but not terribly old

Tree in Paradise: Fig-tree? Apple? (more probable, because "pulchrum et delectabile")

Virgin showing breasts to Christ (St. Bernard).

170-52: Against repetition of Christopher-images

[p. 60]

"contra blasphemias laeticorum picturas"



